

光緒九年重修

文水縣志

本衙藏板

重修文水邑乘引

米世發 關中

余始至文而四睇美哉山河有巖邑之快也及式子夏之廬幾幸西河教化猶有存者已入而視政簿書漫漶莫得要領亟索舊志攷之而更缺遺甚也爾時司農大夫王公奉命督餉延川適侍御鄭公讀禮家居余朝夕造請以發吾覆然後洞矚一邑利弊若以上池之水飲長桑君藥盡而見病者五臟癥結也三載以來得無負功令爰及考成余實大幸而私念啟廸之力及於一時記載之功詔於奕世復造請侍御公重修縣志而余捐俸餘鐫之侍御公許諾迺啟二酉之藏出九疑之辨總裁英聞博物之士而論

文水縣志

原序

定之余受而卒業而竊歎侍御公之大有造於文也夫記載之道與經濟之猷其益家國一也然非饒經濟之猷者必不能任記載之事侍御公起家鉅鹿再移唐山旋奉命代狩七閩鳴琴攬轡所至厝注批郤導窾遊刃有餘而以其維縣寓恢帝紘者諦按茲土宜其爲桑梓垂久遠者至詳核而切要也此何論斟酌今昔籌畫裨補足增山河之勝而褒譏取義提醒人心卽子夏文學將庶幾彬彬興焉余聆侍御公之教而受賜無窮也傳侍御公之志而邑若令亦愈世受其賜也梓成分附數語以引其端

重修文水縣志叙

王在臺 邑人

乙丑秋余奉旨歸攝會米侯世發號桂源重新縣志稿脫  
而屬余叙余寡昧安能鋪張故實竟迫於長者命弗獲辭  
彊勉唯唯索閱其所爲編輯者卷凡十目從其類大約多  
士翻檢一稟侯指授而刪繁收佚斷章取義則鄭柱史意  
葵公獨匠也意翁扞天聰之朗識加以嚴核不爽故其辭  
瞻不傷體文不掩質如廣谷大川異形民生俗尙異趨田  
賦丁徭異數忠孝廉節異稟上下數百年文獻宛然在目  
展哉一邑之春秋矣夫文員晉陽百里望而知爲巖邑遡  
所該載舊有志自樊侯諱從簡修飭以後歲久漸遺雖規  
模大畧不盡泯而滄桑遞更星物非故豈無勢重欲返窮

文水縣志

原序

二

極思變乎負擔適千里者尙必稽程故轍事不師古而嘗  
試其聰明猶之望溟適越耳此侯悵悵乎思一斗南也於  
是有輯志之役解者曰志記也其義從士從心不失其心  
乃爲志志蓋難言之矣吾文礪山帶河鍾靈特異而景行  
先哲卜子夏之遺蹟在焉當年雅重敦倫則惟是事父母  
竭力也事君致身也賢賢信友也夫此敦倫一心從不學  
不慮來卽不失其赤子之心心自不失則氣靜心共無失  
則情平氣靜情平山環水繞文脉原自旁皇藉表章而益  
烈夫且恍然於侯之嘉惠無已也方今時事孔艱議餉議  
兵時塵聖明宵旰而悉索敝賦吾文竭蹶以奉功令侯謂

足國要在足民足民莫若因民日費幾許心力引文峪水以進城隈郊坳之內斥鹵變爲膏腴君子聽輿人之誦則封洫之著勞可思昔晉文公雄長諸姬富厚甲中原猶不忘田賦乘馬管大夫作內政寄軍令齊國遂以沃壤成霸業夫孰謂侯之導水利植田疇非富民之要術而軍國之攸需耶余戶員也前此之酌濟無方繼此之生殖寡策故樂觀水政見文之流澤長而更以本心不失者仰止西河之文學聞風蒸起凡民可爲豪傑比屋成可封之俗士人多君子之行文之發源不旣深乎侯茲瓜政及矣不知其政視其志富強禮樂千古之勛猷爛焉而始信王道之易

文水縣志

原序

三

易也豈獨光昭史冊已哉若曰猶是志而已幅員布列如故文物迴環如故卽賦役煩興民風凋敝稍稍不如古初而培植化導侯之德意藹鄭柱史之程量森如所稱周禮方氏之英謀司馬長卿之椽筆不多讓何侯余之喋喋爲重修文水縣志跋

鄭宗周

文水古大陵之地易以今名蓋自隋開皇始說者曰河自管涔龍門而下至於峪口其水灤波多文因以命之亶其然乎癸亥秋蒲城桂源米侯世發初令交城不朞月大治旋奉命借補文邑以水旱之頻仍歲比不登愀然曰天下利害莫大於水與其氾濫以魚吾民孰若因而導之以爲

利乎於是隨山鑿石濬澮溉田被美利者業浸濡於山高  
水清之澤矣越明年乙丑夏侯且徵討故實毅然以興起  
斯文爲己任謂邑志久湮如涉滄溟而亡指迷之車何以  
資理爰延廣文趙君應徵庠彥孟生恕李生之芬馬生時  
行逖蒐博採參以往帙其加意編輯則介請學博少川孔  
君煥修之仍屬余亦載筆促其後余以讀禮方闕病不敏  
辟辭者再四不獲命會司農大夫余業師肇區王君督餉  
延州予告還里竊幸得奉郅政因與諸庠友榘扉殫精刪  
煩補闕屬草具一一請之余師而總以折衷於侯之鑑裁  
蓋五閱月而脫藁首輿地以訖於雜紀爲卷凡十爲目凡

文水縣志

原序

四

十者六舉山川之險易風俗之醜澗政治之得失人物之  
盛衰戶口則壤之數禮教武備之修廢不犁然臚列文獻  
庶其足徵哉余碌碌黽闇殊媿無能爲役梓且成侯復屬  
余以一言綴末簡誼何敢辭嘗讀周禮外史掌邦國之志  
古者列國各有史史亡然後志棄作志固史之遺也文爲  
晉陽壯邑其君子悅於詩書其小人力於稼穡蓋有先民  
之遺風焉顧向也樸而今也巧向也固而今也侈民隱士  
風日新月異憂世者不無江河之慮賈生謂移風易俗類  
非俗吏所能而臨政思治不若尙友論世則文之所以爲  
文者可徵也夫日月出而天光煥時雨降而化澤溥自洙

泗濟源以來得文學之精者莫子夏若試稽其序詩定禮  
講德西河肅然慕德而化者非吾文也與哉迄今仰止商  
巖百世之下恍然若親炙之猶未也嘗馮弔千古邈文明  
之所自始則有陶唐氏之故封在緬維如天在宥饑曰我  
饑寒曰我寒有罪曰我陷耕鑿嬉遊曾不足以慰其猶病  
之念天下稱至仁焉廼帝典不曰欽明文思則曰澤水儼  
余陶唐氏之心法固脉脉至今在也夫志者言乎心之所  
之也侯若曰人造於道而魚造於水植田疇誨子弟無甯  
靳與茲土再覲於變之盛文學文思庶幾且暮遇之而後  
可以上不負天子下不負寸心耳推此志也傳之則爲信

文水縣志

原序

五

忠垂之則爲成憲彰往詔來方策具在侯之明德遠矣其  
所以大有造於文者豈有旣哉余學膚而識渺卑之無甚  
高論在文言文敬以聞之余師者聊以識侯之意云爾

重修文水縣志序

傅星

國家有天下幾三十載 今天子卽位之十有一年聲  
教四訖薄海內外罔不臣服乃 允輔臣請 詔京  
省各修通志俟成彙爲 大清一統志垂萬世焉知文  
水縣事臣傅星伏惟縣有縣志府有府志猶省有通志也  
無縣志則府志何以成無府志則通志何以成雖志有大  
小而其所以志一統一也文志建於故明嘉靖癸丑修於

天啓乙丑迄今將五十年世易代更陵谷變遷制度更改版  
章人物邈殊及今不修文獻漸不可徵守土者之罪也爰  
進邑之縉紳士民而告之僉以爲然乃捐資開局擇其賢  
士大夫而授之以事復告之曰邑何以有志志何以不可  
不修也哉蓋古之君子有身不下堂陞而治天下之道燦  
然畢舉者無他有所遵也生民之初濶闢而已有聖人者  
出始爲之撫五辰以定其時相九土以興其利察剛柔燥  
濕以因其風俗立之侯王君公大夫師長道之樹藝懋遷  
以養生而送死澤之以禮樂文章齊之以兵刑舉錯前之  
聖人無所因則勞而創之後之聖人有所因則逸而遵之

文水縣志

原序

六

故 象始於唐而虞因之以齊七政禹貢始於夏而周因之  
以宣職方百揆四岳九官十二牧各有所命始於二帝而  
成王周公因之以有周官立政夫在聖人尙不能不有所  
遵以爲治而况於後之人歟故邑之有志非志邑也志邑  
之所以治也志治之所以遵也志不修則五辰不明而後  
之人何所遵以上順乎天九土不明而後之人何所遵以  
下順乎地風俗不明而後之人何所遵以中順乎民官師  
制度政教不明而後之人何所遵以法乎古而宜於今志  
之不可不修如是重也然則使志修而按志者仍茫乎其  
所以遵而治也不幾修志而志適以亡也哉甯實母華甯

經濟毋浮誇庶其免已受事者皆唯唯於是蒐採故蹟綴拾軼聞凡兩月而書成復手加刪訂冠以圖而參以論爲綱者十條目各以類附敬授之梓敢曰治文之道具於是遵之卽治哉庶幾易爲力已行且獻之郡上之省貢採王會以備三聖朝大一統志之成也或亦有小補焉

### 文水縣志序

鄭崑璧

周禮大宗伯之屬外史上士四人中士四人掌四方之志其時雖未常郡縣天下然邦畿及列國各有都邑州里靡不有志故蕭鄴侯獨先收天下圖籍俾沛公具知天下阨塞戶口繁寡強弱民所疾苦今志書之式亦必先圖後書

### 文水縣志

原序

七

凡山川疆域形勢戶口租稅人物風俗及一切規制沿革莫不具載秦漢以來未之有改也今歲夏

皇上允閣

臣請 詔天下直省脩通志下至山僻小邑素無紀載者莫不奉 詔及憲檄編葺甚盛典也我邑密邇晉陽襟帶

河汾扼雍梁之咽喉踞燕趙之上游依山阻水屹然爲天下望邑志書之成邇自嘉靖癸丑創於樊公右川又九十餘年至天啓乙丑邑侯米桂源增修之迨於今四十八載矣樊米兩賢令相去雖遠然其時承席久安長治之後我晉土物殷阜風教涵樸志書卽極爲增損無大同異若乙丑至今雖厯年不及五十而全晉罹闔逆之禍尤烈我邑



顛連昏墊幾虛邑矣幸 本朝定鼎以來皆脫湯火而安  
耕鑿沐浴 兩朝之膏澤將三十年欣欣有再蘇之樂然  
譬之疾病者巨創之後雖形氣漸復而神理羸瘠百廢未  
具舉覽斯志也俯仰今昔之間不大有感慨乎昔米侯之  
修志也我伯祖巡撫公及先達王爾基公實左右之其紀  
載我曾大父虞部公之懿行尤詳今我邑復舉此典而予  
以守官京師未及簪筆從邑父母傳公暨我師曹先生之  
後一叅權發凡舉例之要略是則予之所爲怵然不敢安  
也抑予聞邑志之葺疆域山川形勢今古無大更易也卽  
戶口租稅風俗及一切規制沿革之事其於一邑亦非大

文水縣志

原序

八

關係也乃最大者間氣之扶輿螭蜿名教之漸摩淪浹結  
聚於一二偉人傑士之身爲一邑聲光之所自儀型之所  
歸若忠貞秉節之文臣漢則有丞相衛綰唐則有李忠懿  
公愷父子及武丞相元衡建業封疆之武臣則有楊盧兩  
節度孝友篤行隋則有韓子誕使今日者復得磊磊落落  
不愧古人者若而人挺生邑中發聞天下則吾邑且東比  
鄒魯南抗伊洛矣使見之聞之者相與忻然曰文水之人  
物果不愧爲仲尼弟子卜子夏教授之所與文中子隱居  
著書之處也則吾邑志豈不度越他邑尋常萬萬哉是予  
所厚望於邑之人而卽以仰副乎 君相修志之意也夫

文水縣志序

胡應麟

邑之有志猶國之有史所以紀盛衰示風勵不獨以侈山川封域之勝人物風土之美已也吾邑爲古大陵而轄於晉陽左帶汾文右襟龍虎風物繁華英豪間出蓋屹然稱壯邑焉數百年來建置沿革無大變易惟當闢孽蹂躪漸見凋疲非復聲名文物之舊自國朝定鼎以還驅除禍亂百度維新一二賢父母撫字愛養漸復元氣而人文蔚起亦復卓犖可觀先勤毅公俯仰今昔輒慨然曰此吾邑盛衰之際風勵之資不可以無志欲取樊米二侯舊志增修之以成昭代一書屬以填綬楚豫計劃郝劉二寇兵

文水縣志

原序

九

事殷繁未果垂二十年於茲恭奉詔下直省編輯通志傅侯蒐採舊文增益近事不踰時而削刷成甚盛舉也余思吾邑之志曩有樊米二侯輯著於前今有傅侯續修於後其所以重國計厚民生定制敦道化者綱舉目張蓋不啻三致意焉亦何俟余不佞爲旁贊而余亦有不能已於言者邑之盛衰因於時輓衰爲盛存乎人昔卜子夏教授西河文中子隱居著書皆以匹夫振興一方而後人被其德服其教者至今不衰况良有司儼然居民社之上鄉先生巋然爲桑梓之望者乎粵稽唐有戴侯鑿泉引渠民以饒富元有楊侯潔己字民爲諸縣最以及明之樊米

二侯卓然治行彪炳後先載在史冊載稽漢有衛綰忠廉長者功高將相唐有武甄高才博學忠切著聞以及李忠懿公文子楊盧兩節度風節足以砥頽俗方略足以建非常此皆所謂儼然居民社之上巋然爲桑梓之望者也後之讀是志者其亦將感發奮興母使諸君子專美於前則是書之所以風勵千古者正未可量而豈獨以侈山川封域之勝人物風土之美已哉是爲序

重修文水縣志序

曹珏

王世貞曰子長不絕也千古而有子長亦不能成史記何也西京以還封建宮殿官司郡邑詔令辭命奏書賦頌其文水縣志

原序

十

人其事皆不稱書矣余謂獨史記哉邑志亦然使入其鄉而培塿是望潢汙是循邑無百雉之規野鮮千牒之麗穀擊肩摩乏其庶腹笥經庫寡其儔甚且南陔無叶常華失賡以斯言志亦甚矣鄙陋劣矣今試披輿圖而若帶若礪有如文之表裏山河者乎臨雉堞而爲壙爲壑有如文之金湯鳩聳者乎按版籍而旣庶旣繁有如文之煙火萬井者乎稽正供而實畝實籍有如文之成賦三壤者乎科甲世所難也而六李登第萃於一門則陶唐之都聿稱才藪矣書囊不數邁也而三桓七穆應對如流則大陵之墟挺生人傑矣德色諄語賈生嘗發嘆焉乃臨刑代父廬墓三

年文之孝思不深人仰止耶斗粟尺布史氏嘗刺譏焉乃  
七葉共爨烏鵲通巢文之友于不動人愾慕耶况彼君子  
今噓肯適我杖杜嘗咏之矣爰瞻商麓卜子夏之憇榻在  
焉不又分尼山之一席耶則文之志亦煌煌乎大觀也哉  
傅侯以遼左世家來尹是邦下車之始卽披邑乘慨然曰  
昔哀公問政孔子告以文武之政布在方策今邑之志卽  
政之府也方策具在則覽山川城郭之險而未雨綢繆何  
以奠國家如磐石也撫土地人民之厚則爲保障不爲繭  
絲爲亨鮮不爲束濕而生聚教訓何以保群黎如赤子也  
抑思皇敦睦之榮則仰雲漢於西岐采藻芹於東魯而橫

### 文水縣志

原序

士

經講莩何以使人多邊谷之才家饒會閔之行也侯之加  
意於文已八稔於茲矣是以祇奉 功令而欣然有重  
修之舉焉是役也正其綱目補其缺漏寓瘁惡於彰善之  
中垂後鑒於前型之內總裁而授多士以意旨者則三韓  
傅公星也承侯之命而操觚從事者則文之都人士也至  
體裁有失宜予奪未盡當或倖太官之譽或叢賣餅之譏  
更有俟於後之君子焉

文水縣志

原修銜名

裁定

知文水縣事文林郎三韓傳 星 拱辰氏

參閱

縣丞 福甯 莊雲曠 近峯氏

司局

典史 大興 陳明廷 含章氏

參訂

署儒學教諭舉人 楊時昇 聞喜人

文水縣志

原修銜名

編纂

戶部郎中 鄭立功 邑人

候選知縣甲辰進士 郭鼎鉉 邑人

明天啟丁卯科舉人 曹珏 邑人

明崇禎己卯科舉人 今天城衛教授致仕 王憲中 邑人

候選知縣甲午科舉人 閻文燦 邑人

丁酉科舉人 武繼周 邑人

丁酉科舉人 王楨 邑人

癸卯科舉人 高聯 邑人

丙午科舉人 王錫命 邑人

己酉科舉人嚴調鼎  
己酉科舉人郭繼垣

校正

原任河南開封府原武縣知縣貢生甯弘舒

候選通判貢監胡裕才

候選訓導歲貢閻文炳

甲午科舉人馬調貞

採輯

邑庠廩生王毓文

劉秉異

文水縣志

原修銜名

二

曹元盼

王岫

田爾好

文水縣志

續修銜名

鑒定

欽加同知銜并用直隸州知州河曲縣知縣署永寧縣丞 恩科舉人 范啟堃 厚之順天人

欽加五品銜兼州用真侯隨補平遙縣知縣前知永寧縣學正科舉人 楊恩溥 庶民直隸大名府人

欽加同知銜特用直隸州知文水縣事辛酉科拔貢 吳曾榮 沛生直隸霸州人

欽加同知銜 賞戴藍翎特用直隸州調署文水縣事辛酉科拔貢 王 煒 夢亭陝西扶風人

總纂

候選知縣主講武陵書院丁卯科舉人 陰步霞 蔚軒交城人

協修

文水縣志 續修銜名

儒學教諭甲子科舉人 陳桂柯 月樵靈石人

儒學訓導廩貢 李養靜 肅齋猗氏人

督刊

欽加六品銜典史 米廣泰 心安直隸河澗人

欽加五品銜城守司 楊 昌 子信臨汾人

經理

例 貢 生 劉師亮 仰山人

欽 加 守 備 銜 武顯文 華國邑人

議 叙 五 品 銜 成必選 子青邑人

附 貢 生 成 濬 哲臣邑人

議叙府經 例 貢 成臨眾子莊邑人

例 探訪

陝西即用知縣丙子科進士 武達材子棟邑人

大挑福建同安縣知縣丁卯科舉人 劉敦華子春邑人

大挑湖北知縣辛酉科舉人 李毅迪齋邑人

乙亥科舉人 王德修寶三邑人

議叙四品銜營千總 劉敦榮厚菴邑人

廩 貢 生 温鶴年晉仙邑人

儒 學 廩 膳 生 李繼訓彝庭邑人

文水縣志

續修銜名

二

儒 學 增 廣 生 郭慶升錫三邑人

儒 學 增 廣 生 陰茂林修竹邑人

廩 貢 生 閻爾梅邑人

儒 學 附 生 郭儒邑人

例 貢 生 甯體修邑人

儒 學 附 生 胡岱齡魯瞻邑人

署高平縣教諭丁卯科舉人 霍天相吉邑人

校對

廩 貢 生 武澍王筱農邑人

府 學 附 生 陰世元掄伯交城人



儒學 附生 李繼綬 邑組軒人

儒學 附生 田丕殖 邑學齋人

儒學 附生 成桂森 邑蔭庭人

儒學 廩膳生 范廷勳 邑鼎銘人

儒學 廩膳生 馮錫嘏 邑子純人

恩

貢 賈維明 邑鏡堂人

儒學 廩膳生 郭士秀 邑俊臣人

儒學 廩膳生 趙英 邑冠卿人

儒學 附生 燕占文 邑炳堂人

生 李隆楷 邑敬亭人

文水縣志

續修銜名

三

膳錄

候選訓導 廩貢 劉瑞藻 邑人

儒學 增廣生 喬汝衡 邑鑑平人

附貢生 柳芬 邑人

儒學 廩膳生 武達昌 邑人

儒學 附生 田丕養 邑正齋人

儒學 廩膳生 張和春 邑景堂人

儒學 廩膳生 李文燦 邑質彬人

繪圖

八十三歲叟耆賓 文本忠 邑斐亭人

文水縣志目錄

卷首

序文 原序 銜名 目錄

卷一

凡例 圖考

天文志

分野 占驗 祥異

卷二

地利志

建置沿革 疆域 山川 津梁

文水縣志

目錄

渠堰渠案附 古蹟 勝景 廟宇

邱墓義墳附 物產

卷三

民俗志

戶口 民居城內街巷 坊都 風俗

節序 市集 廟會 方言

卷四

分建志

城池 官署 學宮書籍附 書院義學附

城守 舊公署 官制生儒吏役附

卷五

財賦志

地丁 起運 留支 屯田 課程

生息 米豆 倉儲 貢篚

學田書院地 畝附 郵政 車馬

卷六

典禮志

公式 秩祀 賓興 鄉儀 坊表

卷七

武備志

文水縣志

目錄

二

教場 堡寨 墩堠 器械 鋪舍

卷八

選舉志

科名制科貢 監附 職官 武弁 誥勅

補遺武弁

卷九

人物志

孝友 忠烈 義行 仕績 文學

隱逸 寓賢 方外

卷十

列女志

后妃

賢媛

烈女

節婦

孝婦

卷十一

官政志

歷宦

宦蹟

卷十二

藝文志

卷末

志餘

文水縣志

目錄

三

文水縣志卷之一

凡例

一舊志共編十卷多有涉於籠統者今將選舉列女各分爲一門共十二門眉目較清

一舊志每門之首皆有傳公總叙一則但今昔時事不同多有更易增減之詞並刪去傳星日三字以一體例非掠美也至論有可採切中時弊者仍附載各門之後

一人物山川古蹟見通志及他書確有可據而舊志未載者今悉增入其有通志與縣志異者必詳加考核

文水縣志

卷之一

凡例

附以辨論以俟折衷

一舊志列傳悉錄漢書唐宋史原文附載人物之後每多重出錯簡今悉刪去重複仍列之人物傳未敢輕爲增減惟新入者必詢訪確實始與立傳

一汾文二河在文害浮於利舊志較畧今特詳之以俟爲政者之籌畫焉

一渠堰爲興利第一要政最易滋訟雖有斷案炳存而民間無所查究仍構訟不已茲附載成案於各渠之後以息爭端

一舊志自康熙十一年三韓傳公重修後至今越百餘

年無過問者。歷宦科名代遠年湮。卷冊殘缺無從查攷。遺漏殊多。至縣丞於何年裁缺。訓導於何年復設。丁賦於何年歸地。皆關於建置之大者。亦復無可稽核。尤爲憾事。是所望於後之君子。彌縫其闕。爲幸。

一 樊公從簡舊志恭錄

誥勅於選舉之後。傳公以

爲不類。移冠藝文之首。亦覺有瀆。

綸音。今仍移

之選舉。祇錄封秩。不錄

勅語

一 人物以蓋棺論定爲例。現在諸人雖有懿行。一概不入。惟節孝年逾六旬者。無論已旌未旌。雖存亦書。以

勵貞操

文水縣志

卷之一

凡例

二

一 職官第書實職。一切議叙虛銜。概不採入。

一 邑乘第紀一邑之事故。民俗較詳。如祭器樂章。載諸會典者。茲不具錄。

一 選舉題名。本係表體。不當載以事實。茲刻凡仕宦之由科第者。卽註科第題名下。不復列入職官。非敢以表爲傳。從省也。

一 新增志餘一門。凡現在諸公嘉言懿行。有足錄者。悉列入志餘。以備後之纂修者採擇焉。


一 舊志文浮於事。茲刻以事詳文簡爲主。故藝文較畧。

圖叙

古人讀書左圖右史非徒供目也蓋讀古書習古事尤當明古人所處之地與勢按圖而稽而後成敗得失瞭如指掌此蕭何隨漢高入關必首收圖籍也樊米舊志皆無圖傳志補圖五一參星二山水三城池四縣治五學宮迄今百餘年河道屢易布政按察之行臺今亦僅存基址承平日久尙慨滄桑蒞斯土也可不免思保障哉爰卽舊圖細爲考正復益書院易山川爲輿圖云

文水縣志  
圖考

# 參宿北圖



東北至徐濤縣界六十里


卷之一

東至祁縣界五十里

東南至平遙縣界五十里

北至交城

南至汾陽



西

東

軍井

五井

伐

參

天廚

天泉

屏






### 縣境圖


西至永甯州界八十里

一文木縣志


卷之一

### 縣城圖








縣治圖



學宮圖




書院圖




文水縣志

卷之一 圖考

八



河神廟



文水縣志

卷之一

圖考

九

天文志

周禮保章氏以星土辨九州所封之域皆有分星以觀妖祥文之分星屬參甘氏謂爲忠良孝謹之子尤足感發乎人心星野定則占驗明占驗明而爲祥爲異可得而察其所由致矣志天文

分野

舊志曰文之疆域當應天文參井之分按帝王世紀自畢十二度至東井十五度實沈之次於辰在申爲晉魏分野晉語曰實沈之墟晉人是居左傳鄭子產云參爲晉星春秋康侯傳大夏實沈之墟參之分野謂之太原

文水縣志

卷之一

天文

十

亦曰晉陽在河汾之東北晉書太原入東井二十九度唐書觜觿參伐實沈也初畢十度中參七度終井十二度其分野得太原寰宇通志太原參井由是觀之太原卽大夏之地古稱晉陽文水屬西南境其在參井之次歟

舊論曰一統志云太原參井分野攷之晉語諸書似無可疑迺春秋元命苞云昴畢散爲冀州分爲趙國史記趙地昴畢之分野西有太原晉天文志自胃七度至畢十一度爲大梁於辰在酉趙之分野何相謬也春秋紀災異不言事應天違人邇豈度數或有難盡憑者歟書

曰惠迪吉從逆凶惟影響故君子惟修德以合天

傅星曰天有分野猶地有分土歷觀太原前注分宿或參井或指參文太屬邑也將安從哉善乎趙天羽之言曰太原統轄縣邑二十有五豈能整齊如一必有參差出入於別宿之間者至於一邑則必有所專統成王封叔虞於唐主祀參今太原縣晉祠其故封地也子產博物君子也亦云參爲晉星夫當春秋時雁代諸邑尙未屬晉則專指太原以南以西而言可知也又攷寰宇通志一統志俱云汾州參星分野文水東北至晉祠百有十里西南至汾州九十里其爲參星何疑太原西北與文水縣志

卷之一

分野

土

延安界延屬井鬼然則所謂參差出入於井宿間者當在河曲岢嵐保德之區耶

參宿占候

步天歌曰總有七星觜相侵兩肩雙足三爲心伐有三星足裏深玉井四星右足陰屏星兩扇井南襟軍井四星屏上吟左足下四天厠臨厠下一物天屎沉

參七星赤一曰參伐一曰天市一曰天鉞主斬刈又爲天獄主殺伐又主權衡所以平理也又主邊城九譯故不欲其動也參爲白虎之體其中橫列三將也東北曰左肩主左將西北曰右肩主右將東南曰左足主後將西南曰右

足主偏將故古參以應七將七星皆主邊兵七星皆明則天下兵精暗小則將弱芒角大張赤輝旁射則三軍駭動動搖則邊有急參差不常則人臣不忠而勤大將執權就聚則大將誅微則天下兵不精不具中央三小星曰伐天之都尉也伐星明與參等大臣謀亂兵起參左足入玉井中兵大起秦地大水有喪山石爲怪足若突出玉井虎狼暴害人金火來守則兵起災生日月蝕則田荒米貴土星犯災甚水守兵疫甘氏曰參爲忠良孝謹之子明大則臣忠子孝移動殺忠臣守常則吉玉井四星赤主水泉以給厨用微小如常陰陽和五穀成明大動搖則大水井遠參文水縣志

卷之一

占候

七

虎爲害

軍井四星黑軍營之井也以給軍爨一曰天井星動搖則有大水月入軍井兵起五星入大水屏二星赤所以障閉天厠主疾病星不具則天下人疫火守民疾疫客星入人多死

天厠四星赤主天下疾病色黃而明則吉不見人多病亡不明天下人疫五星守之天下大饑人相食

天屎一星赤主糞穢色黃則吉青黑白皆爲憂明則萬物有命星微則萬物不昌不見則人多疾病常以春分日候之其星黃潤而明人無病青黑國饑人病



祥異

志以志治亦以志戒春秋之作凡日食星隕大風不雨有蜚有螟無年大水一一必書蓋將使觀者知變不虛生而天人之際甚可畏也况乎出宰百里上應列宿在朝廷爲親民之官在古昔若列侯之國一身之得失四境之休戚係焉人事著而天象應覩斯志也可勿省歟

唐

長安元年猷水竭武氏井溢

天寶五年冬蠶成繭

宋

文水縣志

卷之一

祥異

十三

元符間大水古城淪圯無遺遂議遷城於章多里卽今

縣治

明

成化十八年饑

宏治四年峪河水放溢害稼及民廬舍

正德七年黑青時見旬餘始息

九年冬桃李華

十四年穀一莖四穗

嘉靖七年戊子五月雨雹傷麥禾復種秋成

十一年壬辰縣東遭火

十二年癸巳冬十月夜星隕如雨

十三年甲午大饑野有餓殍

十四年乙未麥秀二歧至有三四歧者穀秀九歧者三五歧者甚多大稔斗米二十錢

十五年丙申夏蝗不爲災

十六年丁酉春正月三日地震

二十年辛丑六月淫雨文汾水溢汨民田稼詔免田租  
二十三年甲辰大水沒稼

二十四年乙巳大旱四月至七月不雨

二十六年丁未八月雨雹大如雞卵深二尺傷秋稼

文水縣志

卷之一

祥異

古

二十七年戊申歲大熟

二十八年己酉旱六月八月雨冷霜傷稼

二十九年庚戌四月八日大風霾晝昏如夜六月大水

汾河西徙

三十一年壬子大水傷稼

三十二年癸丑夏六月淫雨文峪汾河俱徙害稼壞官  
民廬舍大半冬十一月長至日風霾

三十四年乙卯地震有聲房屋傾毀至有傷及人口者  
三十九年庚申大饑餓殍盈野人相食棄子女

隆慶元年丁卯九月北兵破石州望日兵至本縣境攻

陷上賢堡殺戮甚慘會田副將統兵至城乃獲全  
六年壬辰秋蝥

萬曆六年戊寅大旱歲饑

八年庚辰九年辛巳大疫咽喉腫潰至有一家斃絕無  
遺者

十四年丙戌一歲不雨大饑民食草根白土死者甚眾  
十五年丁亥春三月不雨五月二十七日大雨種晚田  
大熟

十八年庚寅八月二十五日午時陡起訛傳曰北兵大  
至人皆驚走至申時乃定後聞隣邑皆然

文水縣志

卷之一

祥異

七

二十四年丙申八月朔霜殺禾

二十九年辛丑大旱歲饑奸民羣聚搶奪以有法得不  
亂

四十四年丙辰蝗蟲遍野傷禾

四十五年丁巳正月朔縣東三遭火

天啟四年甲子八月二日霜殺禾

五年乙丑六月不雨歲饑

崇禎四年大旱歲饑

七年無雲而雷聲如鼓鳴於東南方

十年大旱歲饑

十一年大旱歲饑妖民肆起爲盜

十三年大旱歲饑

十五年大旱歲饑

十七年大有年

國朝

順治二年大有年

三年丙戌飛蝗蔽日禾稼多傷

四年丁亥四月蝻蟲復生民掘坎捕之立盡

五年戊子山寇大作十二月除日突入南武鎮焚殺甚

慘

文水縣志

卷之一

祥異

六

六年己丑地震山賊破城 端重親王兵至乃克復之

十一年瘟疫大行南武等都至有滅門無遺者儒醫武

承業晉鳳翔廣用良藥起之全活甚眾

十二年乙未大旱歲饑

十三年大有年

十四年丁酉六月淫雨汾峪二河水溢傷禾

十五年戊戌七月大水傷禾

十六年己亥歲稔

康熙元年壬寅歲稔

四年乙巳正月十六日彗星見五月太白經天七月朔

日城西南有風如火禾木皆枯大旱歲饑有  
旨貸本年稅糧

五年丙午大有年

六年丁未六月大水傷禾冬無雪

七年戊申二月二十三日夜白氣見於庚方指東南形  
如匹練

八年己酉大旱歲饑

九年庚戌正月至六月方雨晚田頗熟

十年辛亥夏旱七月方雨歲復稱稔

十一年壬子二月大風雪嚴寒途人多凍死者春夏大

文水縣志

卷之一

祥異

七

雨秋旱田薄收

乾隆四十七年壬寅大雨文水溢

六十年乙卯大雨文水溢決堤傷稼

嘉慶元年丙辰日月合璧

十八年癸酉秋彗星見

二十五年庚辰五月朔雨雹大如雞卵深二尺餘傷禾  
後禾一莖二三穗晚田大熟

道光元年辛巳四月朔日月合璧五星聯珠聚於婁璧  
至四年歲大有

六年丙戌二月二十五日大風晝晦

十一年辛卯冬大雪樹木多凍死

十五年乙未夏五月汾水西徙與文水合決堤傷稼

十六年丙申蝗不爲災

十八年戊戌五月二十九日申時大風毀牆拔木

二十年庚子正月二十五日午後大風霾晝晦越翼日

丑時方晴二月朔辰正日食晝晦星斗皆見巳正始

復

二十一年辛丑文水溢決堤傷稼

二十五年乙巳太白星晝見

二十八年戊申二月二十五日大風霾

文水縣志

卷之一

祥異

六

咸豐三年癸丑七月彗星起庚方長髮賊陷平陽府

八年戊午四月十三日午後大風霾晝晦七月彗星冲

北斗長竟天

九年己未正月六日午後雨黃土

十一年辛酉五月大雨數日麥穗生芽八月朔日月合

璧五星聯珠聚於張八日雨雹四寸傷稼三十餘里

同治元年壬戌七月十五日夜西南星隕如雨二十四

日彗星見紫微垣芒長丈許月餘始散八月二十三

日隕霜殺稼

二年癸酉四月朔日紅無光

三年甲子十一月五日大雪數尺途人多凍死者

四年乙丑四月二十一日隕霜殺麥

五年丙寅四月三十日雨雹五月三日日紅無光

六年丁卯五月十一日日紅無光七月望日天無雲雷

鳴如鼓

七年戊辰麥秋一莖滋十二三莖大熟六月大雨九月

二十七日大星墜於東方隨有白氣如練逾時始散

自八月至八年五月不雨

八年己巳七月望日未時晝晦如夜天雨黑土

九年庚午田薄收十月陰雨連旬木介多折

文水縣志

卷之一

祥異

九

十年辛未五月大雨傷麥七月大雨文水溢決堤傷稼

冬大瘟疫咽喉腫潰斃人甚多

十一年壬申夏旱禾盡槁

十二年癸酉四月騰食麥閏六月大水傷稼未傷者復

被雹災

十三年甲戌夏旱田薄收五月十九日彗星見

光緒元年乙亥二月二十五日地震三月朔日食

二年丙子夏無麥秋薄收

三年丁丑大饑冬人相食知縣楊恩溥稟請開倉賑濟

爵撫曾伯<sub>國</sub>奏請

詔免秋季稅糧

四年戊寅旱大疫三月二十八日大風霾四月十二日  
日紅無光各省被災自三年四月至四年夏盡不雨  
大地無禾斗米錢三千五百文人相食途無敢獨行  
者巖捕之稍戢棄子女道殣相望四郊掘坑掩屍旋  
掘旋盈被疫者全家多歿七月杪大雨有禾之處又  
被蚘蚘食之誠千古未有之奇荒也 爵撫曾伯 國荃  
奏請發帑截漕發各郡按月散粟賑濟知縣楊恩溥  
署知縣范啟堃又於本地勸捐助賑全活甚眾  
詔免本年稅糧

文水縣志

卷之一

祥異

三

五年己卯多狼災揭賞令民捕捉殆盡麥秋薄收八月  
汾水西溢與文水合流決堤傷稼禾傷者復被鼠災  
六年庚辰麥秋收穫不一秋稼半稔八月陰雨連旬文  
水溢九月十五日雷鳴十九日戌時地震二十八日  
雷又鳴十月九日戌時火毬見於南方半明半暗燄  
騰數丈逾時始散越半月省垣臬署有回祿之災  
七年五月二十五日彗星見庚方指東南逆行入紫微  
逾月始滅二十日申時東南鄉雷電以風拔木偃禾  
六月二十九日彗星復見於庚方數日滅



文水縣志卷二

地利志

地之利有三名山大川有險有夷利戰守平原廣陌土厚氣溫利居聚近水肥衍不旱不澇利耕種文西北倚山乃交永各境羣峰之委玉屏橫列形勢最雄壯東有汾沙文峪三河然直而不遠且左右無據依城池之外其險不足恃矣獨其境平地多於山谷風候和煖衆水經注誠使引流開洫得其道固太屬一樂土也觀地利其母虛此利哉志地利

建置沿革

文水縣志

卷之二 地利

文水古冀并之域春秋爲晉國祁氏之田魯昭公二十

八年晉滅祁爲平陵大夫邑戰國周安王二十六年

魏趙韓共廢晉靖公爲家人而分其地屬趙名大陵

秦始皇十九年滅趙併六國郡縣天下爲大陵縣屬

太原郡漢因之新莽篡漢改大甯縣東漢復爲大陵

仍屬太原郡晉屬太原國後魏省大陵置受陽縣屬

太原郡隋開皇十年始更爲文水縣如魏屬唐武德

三年隸汾州六年屬并州七年又隸汾州貞觀元年

復舊天授元年改縣曰武興神龍元年復故名洎宋

縣名仍舊元符間避水患遷城於章多里之南卽今

縣治也金元仍舊屬太原路明因之屬太原府編戶七十九都我

朝定鼎亦因之康熙七年併戶七十都

疆域

文水縣治在府西南一百六十里東至祁縣界五十里南至汾州界三十里西至永甯州界八十里北至交城縣界三十里東南至平遙縣界五十里西南至汾陽縣界三十里西北至交城縣界二十里東北至清源鄉界五十里廣一百三十里袤六十里幅員三百八十里東北至

文水縣志

卷之二

地利

二

京師一千三百里下山西峙汾水東流古稱壯邑

山川

龍王山在縣西五里上有龍王廟右有石泉曰白木泉甘冷異常亢旱禱之輒應廟之東邑令劉乃桂建廳三楹題額曰白泉煙雨有聯句云望雲不引羣黎領喜雨惟銘長吏亭四月八日邑人讌遊之地

白虎山在縣西南二十里

柏茆山在縣北十三里山巔有三皇后土并十代名醫子孫聖母等廟正月十六日士女競往祈禱以禳除不祥萬厯間邑令文養浩增建孫真人廟仲春二日

商賈四集貿遷有無游人競集其山芟鬱龍從古柏  
森列

陶山在縣西二十里綿亘蜿蜒百巖競秀或云唐帝曾  
憇息於此因以名山

雙峰山去陶山不遠卽陶山之分脈也自麓至巔卓立  
萬仞雲霞飛繞花木陰濃俗稱大陵山卽此

卜山在縣西南二十五里石壁峭立子夏設教西河遊  
憇於此故名卜山又名子夏山建廟山陽春秋官祭  
山麓有木而不恒流又名隱泉山舊名商山避先賢  
諱易之

文水縣志

卷之三

地利

三

按通志名隱泉山謂卽水經注之謁泉山水經注曰  
俗云賜雨愆期是謁是禱故山得名其山石崖絕險  
壁立天剝崖半有一石室去地可五十餘丈爰有層  
松飾巖列柏綺望惟西側一處得厯級陞頂上平地  
一十許頃沙門釋僧光表建二刹泉發於兩寺之間  
瀝石泐注山下津梁隱沒而不恒流故得隱泉之名  
嘗遊卜山躬陟其巔四望無丸丸者不過畝餘石田  
無平地十餘頃可建兩寺也卽求所謂石室隱泉諸  
蹟與古亦無一符合攷張守節史記正義引括地志  
竭泉山一名隱泉山在汾州堰城縣之北

堰城當爲  
隰城之訛

晉改茲氏縣爲隰城唐上元  
元年改西河縣卽今汾陽

上有石室頂上平地十

頃許李吉甫元和郡縣志謁泉山在西河縣北四十

里上有石室頂上平地可十餘頃是謁泉謁泉隱泉

一山而三名而山之在汾陽諸書無異辭通志疑誤

獅子山在縣西南十五里以狀類故名

見通志

熊耳山在縣西北三十里以狀類故名一名崇山松柏

蒙翳山谷

光統頭山在縣西南三十里嶺峰高峻日出時其光先

照故名或云光武統兵於此故一峰有前鋒臺之名

上有白雲頂寺真武廟文昌祠季春三日遠近進香

文水縣志

卷之二

地利

四

者四集號曰西頂幽深盤曲松柏叢翠亦勝境也

石峽山在縣西二十五里山谷幽邃初入甚狹漸進稍

濶進漸狹夾坡古柏不可勝數邐迤而入石壁如削

有洞焉曰石峽洞舊藏陶淵明白蓮社文金剛科儀

等書今不盡存崖之兩壁杏桃葱蔚一望無際踰嶺

西南十餘里有黃龍洞人迹罕到禱雨輒應

隱唐洞在隱泉山隈去地百餘丈躡石棧而上最險峻

其洞深四丈許高三丈餘洞內一窟方廣丈餘俗傳

通陝西路未有深入者又曰子夏室

文峪河卽文水也在縣北二十里一出永甯州孝文山

一出交城縣西山半崖龍口一出本縣土安都泊泊河三水合流由本縣北峪口村出山故名水經文水

出大陵縣西山文谷東到其縣屈南到平陶縣即今平陶

都東北東入於汾酈道元注文水逕大陵縣故城西

而南流有泌水注之又南逕平陶縣之故城東西逕

其城內南流出郭又南右會隱泉水又南逕茲氏縣

今汾陽故城東為文湖又東逕中陽縣今孝義故城東又

東南流與勝水合又東南入於汾今從北峪口向東

經流開柵鎮南至宋家莊西轉南逕樊家莊武午村

宜兒村之西營兒村桑村之東又南逕堡子村之西

文水縣志

卷之二 地利

師平村韓村之東又南逕東西宜亭村中間至北張

家莊東上河頭村西折向西南逕南張家莊蘇家堡

之東鄭家莊之西入汾陽縣東北境又南歷孝義縣

北境又南入於汾

按通志文峪河外別有文水其注云源出永甯州方

山界流入交城歷榆城至縣南入於汾攷水經文水

出大陵縣西山文谷龍堂記云西谷之水其水多文

因以為名焉蓋文谷乃交永各境諸山之委上歷榆

城百餘里叢峰交錯眾水奔注其流湍激至文谷匯

流成河地勢漸平水亦稍文故名峪谷義同土人讀

谷爲峪故又以文峪名河是文水之名卽得之文谷非別有一水也且榆城以下羣山旁東凡經流之水舍文谷口別無道以達縣境通志分而二之疑誤

汾河在縣東五十里通志源出靜樂縣北管岑山天池一出林溪山龍眼泉至支鍋石村合流至甯化所五里禹之孫昌甯公所定名定河今管岑山在甯武縣西六十里南流出靜樂西婁煩交城北故交陽曲西河口迤東曲折三百餘里至省城北蘭村出山迤西轉南經太原東徐溝西至孔村南入縣東北境西南逕冀家堡韓武村之西又東南逕西社鎮之東苗家

文水縣志

卷之二

地利

六

堡之西又西南逕高車村之東又東南逕貫家堡邢家堡雲周村之西保賢村之東又西南逕胡家堡王家堡之西水寨村之東又西南逕北齊村南齊村徐家莊之東又南接平遙西孝義東迤西由介休靈石之北霍州汾西之東趙城洪洞臨汾之西襄陵太平之東曲沃西北絳州稷山河津之南而西入於河按汾水舊從本縣北安都屈西歷河南都入汾陽境明萬曆三十九年東徙從本縣韓武西都入境向東南歷齊南都入平遙境水之西岸由本縣永樂村入汾陽境

國朝順治十一年秋西徙二十里中  
莊西南入平遙仁莊境今有堦  
年汾文交溢入本縣鄭家莊流  
年又東徙文水西徙每逢雨潦  
年前

撫蔣公守汾州會同汾文兩邑  
至汾邑鄧漕頭公築一帶長隄  
縣祝德全補築碑記載藝文後  
水從本縣南安村溢與文水合  
成澤國二十一年再溢二十二

文水縣志

卷之二 地利

麻堡村徙而東四野漫流淹沼  
縣劉祖煥補築長隄以遏之半  
村南決口流入張家莊蘇家保  
沒甚衆久之隄決至汾陽董家  
河平衍無漕最難施治近年汾  
遷徙靡常又有磁窰瓦窰白石  
皆流入縣境籍文洩水每遇成  
策當事者所宜急籌也

白石河在縣東三十里源出清源  
源鄉不老池二水合流至本縣

今流至交城鄭村屈西由本縣東西北安村大小辛村之北西入磁窰河

磁窰河在縣東十八里源出交城磁窰溝一出交城瓦窰溝經流本縣石侯鎮南二水合流南逕杭城村西城村之東東城村之西又南逕東莊村西莊村之東又南逕明陽村中間又南屈西逕上河頭村中間西入文峪河舊從上河頭村東向西南流入汾界現有舊河漕形蹟

沙河在縣東南四十里源出祁縣南豐流至本縣雲周村入於汾今涸

文水縣志

卷之二 地利

八

迴馬河在縣東五十里源出榆次縣流入本縣東北高車村南入於汾今無

澗河出本縣西山有四一自縣西北溝口村東南流至營兒村入文峪河一自縣西北杏樓坡東流至桑村入文峪河一自縣西北章多溝流遠北城濠東南至韓村入文峪河一自縣西南南峪口東至橋頭村入文峪河

泌水在縣北八里龍泉村北由東南注文峪河其水平地湧出灌溉稻田十數頃寰宇記謂之神福泉旱禱有應今涸



猷水在縣北二十里武陵村西平地湧出灌溉稻田今涸

甘泉在縣西南二十里詳勝景古刹甘泉註

武滂泊在縣南二十里唐天授二年改名朱雀泊今涸伯魚泊在縣東南三十里今涸

馬跑泉在隱唐洞東畔汾陽志原公水亦呼馬跑泉

清泉在縣南五里樂村源出汾陽縣謁泉山南廟碑云文水迤南五里鄉名樂村乃隱泉之所經水至是而澄清可濯故渠名清泉

映奎湖在城內東南角城牆下上有奎星閣故名通街

文水縣志

卷之二

地利

九

渠二廣各一丈圍城之水悉注於此

津梁

通濟隍橋在拱辰門外光緒九年知縣楊恩溥石構

樂成橋在環岫門外

朝陽橋在朝陽門外知縣樊從簡石構

運城橋在迎薰門外康熙十一年知縣傅星石構

以上四橋俱磚石

商峽橋在馬西都里人鄜州同知劉芳建有碑記

廣濟橋在縣北文谷上 南仁橋在南仁都

大象橋在大象都

徐村橋在縣北文峪河

潤濟橋在崇武都

通濟橋在南武都

永濟橋在南仁都

普濟橋在韓武西都

上依舊志隨河遷徙

文峪河橋

一在縣南二十五里鄭家莊

一在縣南二十二里蘇家莊

一在縣東南十五里南張家莊

一在縣東南八里宜亭村

一在縣東三里堡子村

一在縣東北三里桑村

文水縣志

卷之二

地利

十

一在縣東北八里營兒村

一在縣北二十里開柵鎮

一在縣東南十五里上河頭村

一在縣北二十里峪口村

汾河橋

一在縣東南四十五里徐家莊

一在縣東南四十里南齊村

一在縣東南四十五里水寨村

一在縣東南四十里王家堡

一在縣東四十二里南胡家堡

一在縣東四十五里貫家堡

一在縣東五十里高車村

一在縣東北五十里苗家堡

一在縣東北六十里西社鎮

以上汾文諸橋俱係土木歲一修撤

傅星曰王制歲十一月徒杠成十二月輿梁成周十一月今九月十二月今十月也南方水有常流橋少修撤北方水無常流其漲也滔天而涸也或可徒涉故各處津梁大抵撤於春而修於冬周都關中爲河北地晉亦河北也故王制所設今猶遵之文津梁有

文水縣志

卷之二 地利

土

爲石者因地也不煩修且撤也爲土木者亦因地也不得不修且撤也毋先時毋後時庶民不病涉哉

文峪河渠堰 渠案附

永賴渠天啟五年知縣米世發採衆議度地形於縣西北二十里開永賴渠一道起文谷口南崖下鑿石穿澗並西山引文峪水入城中紆折幾三十里隨廢

崇通渠在崇武都

洪橋渠在徐仁南仁二都

清龍渠在文武都

清水渠在昇泉北榆宜韓三都

廣濟渠在大城南東舊城西城村 一在東賢西平舊城南城南武五都 以上今俱廢

甘泉渠在縣北二十餘里開柵鎮西文峪河北岸下有  
二子渠灌開柵鎮並交邑廣興鎮地畝

常稔渠在縣北二十里北徐村西文峪河南岸灌南北  
徐村宋樊二莊中社村五村地畝

乾隆十三年甘泉常稔二渠爭控 上憲斷定水程  
甘泉渠每大建月分十七日小建月分十六日期內  
交邑廣興鎮灌二日二夜常稔渠每月分十三日所  
灌之地每畝均按九升七合納課

冬堰自宜兒村以下沿河村莊冬季築堰開渠灌地不  
定幾堰亦無堰名

文水縣志

卷之二

地利

三

乾隆四十四年汾陽縣民人王際飛等與縣東小城  
南等村成光宗等爭控 上憲斷定上自文邑宜兒  
村下至汾邑乾河村自小雪日起至清明日止計一  
百三十五日汾文兩邑各分六十七天半所灌之地  
每畝均按平地糧六升三合五勺納課

道光九年五月十七日內閣奉

上諭徐忻奏勘明文水縣文峪河情形一摺文峪河由山  
西文水縣西北發源河流遷徙靡常兩岸居民皆思  
預防水患修築隄堰往往滋生事端現據該撫查勘  
情形勢難就地開挖並恐既開之後旋復淤塞現在

新走之河由武陵營兒西城東莊等村入磁窰河下  
達汾河極爲通順自應順水之性無過來源暢水之  
流勿阻去路着照該撫所議責令該縣相度地勢或  
切灘逼流或督率疏濬酌量辦理其各村所築護村  
隄堰藉以防禦仍聽其便惟各須距河三二十丈不  
得攔河堵築致阻去向仍令該營道隨時稽查以杜  
紛爭而資捍衛欽此

### 汾河渠堰

永濟渠在南賢東南賢西二都 廣濟渠在東城都

永會渠在青安都 原開渠在原東都

### 文水縣志 卷之二 地利

三

烏麻渠在原西都 以上今俱廢

廣濟渠在縣東北六十里韓武堡西灌韓武堡韓武村  
西社鎮楊落堡閻家堡王家堡東郭家堡南白家莊  
麻家堡西韓村韓弓村南莊鎮溫雲村營兒村南安  
村橫溝等村地畝

廣會渠在縣東五十里貫家堡西灌貫家堡保賢村保  
賢莊雲周西東堡杏賢汾曲大象北賢等村地畝

利輟堰在縣東五十里雲周村西灌雲周村原東村胡  
家堡固邑村邢家堡併祁邑西韓建安等村地畝

天德根堰在縣東南五十里水塞村東灌水塞村王家

堡趙村伯魚村索家堡朱家堡下曲鎮下曲莊梁家堡田家堡永樂村石家莊等村地畝

公義堰在縣東南四十五里南齊村東灌南齊村杜村南北辛店忠義村並平邑仁莊等村地畝

以上沿河各村莊冬季築堰開渠灌地不定幾堰向由各堰經理人稟明 上憲飭委員會同各縣查明徐文平共有幾堰按堰多寡自小雪後三日起至清明後三日止照舊章均分水程

乾隆二十一年 上憲議於河身兩岸修築夾版隄堰因旋築旋衝遂惟於種麥之處各自築堰保護麥

文水縣志

卷之二

地利

四

田歲十月起工二月竣工六月麥既收聽其衝漫二十六年知縣顧學海議稱縣境汾河自清源縣交界之榆林村起至田家堡永樂村平遙縣交界止縣亘六十餘里爲甯武靜樂陽曲壽陽榆次太原太谷徐溝清源交城祁縣永甯州衆水匯歸之處汾河而外尚有文峪瓦窰磁窰蒿泊五馬等河亦俱流入文邑籍汾洩水夏秋汾水泛漲其勢洶涌遷徙無定自古及今從無堤堰而田家堡以上河漕深闊水患尚少下游永樂村以下平遙汾陽一帶河漕甚淺其害爲甚沿河沙土不堅督民所築之隄又非官工可比本

浮鬆單薄不足以防異漲又稱汾河遷徙靡常

國初數十年來已不知幾經更易耆老目擊者猶能歷歷言之凡遇異漲奪流改道之時奔騰浩瀚頃刻另自成漕實非單薄隄堰所能防禦而汾河水隨沙壅附近悉繫帶沙之士其性鬆浮萬難挑濬且亦不堪築隄目下所有隄堰高寬不過數尺各處民力不齊原皆有名無實是無隄固難禁其泛溢有隄亦不能保其歸漕無隄而在上游四處散漫之害輕有隄而聚於下游一處衝決之害重似不若廢棄隄堰聽水漫散順流卽有淹沒爲害亦輕二十七年平遙縣知縣

文水縣志

卷之二 地利

五

李在田亦請廢夾版隄堰

傅星曰民非五穀不生五穀非水不生晉之疆多山故瘠文稍平坦稱大邑然地高而少雨其需水利也則同井田之制自一溝一洫以至爲澮爲川大抵經緯如畫故旱不乾而水不澇文東有文峪沙汾三河而由文峪以迄西境五六十里無帶水焉此永賴一渠米公世發所以爲文邑計至深且遠也愚民旣不可與慮始復不可與樂成坐棄無窮之利而莫知復予思繼米公之志而終不能強衆欲之大同其有愧也夫其有待也夫

古蹟

平陶城在縣西南二十五里堯爲唐侯時都於此漢爲縣屬太原郡後魏改名平遙縣後以西寇內侵徙居京陵今平陶都是

大陵城在縣東北二十五里卽今武陵村大陵屯是史記趙肅侯遊大陵大戊午諫曰耕事方急一日不作百日不食肅侯下車謝其後武靈王亦遊之夢處女鼓瑟而歌卽此地漢爲縣晉時南單于居之後魏廢今爲屯田

文水古城在縣東十里今舊縣都卽其地也後魏建文

文水縣志

卷之二 地利

六

水城隋唐因之宋元符間圯於水因徙治章多里

大干城在縣南十里舊經云漢劉元海所築令其兄延年居之時人謂兄爲阿干因名

見通志

柵城在縣北二十里經云魏武帝築以備寇當文峪口卽今開柵城是

雲周城在縣東四十里後魏築寄治并州今廢名雲周村

石峽藏書在縣西龍頭山中詳石峽山註

泌水名碑在縣北五里龍泉村碑係虞世南撰書潤可數尺屢奉文取之愈拙愈下竟不可出字亦多剝落



泌水久涸碑亦迷失不可彷彿踪跡矣

古寺唐碑見藝文一在甘泉寺一在土堂崇勝寺

石門名迹在縣西南石門山有虞永興磨崖六書石門  
宕雪四字字徑數尺

蘭若寺鐘在縣南下祠都蘭若寺舊傳有大鐘明洪武  
時飛至金陵云

攀龍臺唐則天后父荊州都督武士彟墳也則天時追  
封周高祖名墳爲攀龍臺勅李嶠撰記其文六千餘  
字甚佳見文苑英華

聖母廟槐在開柵鎮聖母廟乃軒轅后西陵氏土人以

文水縣志

卷之二

地利

七

養蠶故祀之莫知其始內枯槐一株徑四圍世傳千  
有餘歲正德間枯至嘉靖再生初腹空如磬內盛石  
子再生後內外堅實若初植然

徐村龍槐在縣北十里南徐村官道西相傳千餘年物  
根出地上橫偃道旁蟠踞如龍

周家山牡丹在縣西北周家山一名燈山龍王廟內紫  
牡丹一株高與檐齊花時最盛

熊耳山牡丹在縣西熊耳山洪勝寺內有牡丹一株根  
出石窟高丈餘鮮豔異常舊傳開放時官民觀者無  
數寺僧嫌其擾灌以沸湯遂枯一日忽見紅衣婦人

入寺覓之無迹牡丹復生婦人蓋花神也邑人田疇讀書於此開放尤盛人以爲祥今無矣

郝嶺長栢在徐南都前莊山嶺有栢樹一株相傳千餘年高七丈許徑三十圍枝幹蟠結蔭蔽二畝餘遇風則聲響如濤雖盛暑坐卧其下寒氣襲人每值重午日或有外客密來祭奠樹旁有龍王狐突廟三楹邑庠生郭珽郭鉉胡元勳募山民修葺且更新其像龍王舊像內有木板一片上書大樹照平陽府洪洞縣李元亨家萬曆二年記珽鉉不解其故仍藏像內

勝景

文水縣志

卷之二 地利

六

卜山疊翠在縣西南山峰壁立明媚若翠屏兩餘尤濯濯可觀

石門浪雪在子夏廟西數里兩壁如削若雙闕然澗水下注浪如噴雪崖半有虞世南書

懸崖瀑布在縣西南隱唐洞石壁拔立千餘仞夏秋之際飛泉瀉落若匹練然

平陵晚照在縣東平舊都元符間遷城於章多里城已廢每至雨霽遙望城堞隱隱如覩

谷口秋風在縣北二十里文峪口兩峰相距里餘秋風落葉此處獨遲晚田不霜

隱泉春水卜山之陽有子夏廟焉山麓有泉而不恒流  
至春時獨盛云

古剎甘泉在縣西南甘泉寺右祠內有池方廣丈餘澄  
澈不涸其味甚甘故名上塑神龍映水如生寺旁有  
書院東崖半為禪院極幽靜下有洞以通出入洞約  
五十餘步中隔深溝廣丈餘僧設弔橋通之夜撤橋  
盜賊無能踰

壽甯怪柏在縣北柏茆坡山隈文皆左紐亦奇觀也  
廟宇

關帝廟 一在北街光緒元年邑人成臨舉柳公德等經  
理重修一在南街一在北街路西小巷其在鄉

文水縣志 卷之二 地利

村尤多

后土廟 一在縣朝陽門內一在龍泉村一在大成南

真武廟 一在縣北關一在下曲村各都多有不能詳載

青龍廟 在章多村邑人王士升劉漢昌劉漢相郭世郭維鼎等督建

三官廟 一在縣東街草場東縣丞馮旭日建一在賢馬都

麻衣仙姑廟 在縣東北桑村詳藝文錫雨記

二郎廟 在南仁都宋征行于戶閭萬困於邊外遇二郎神騎白馬頃刻帶萬於本都後祠感神德屢修廟施地舉人孫榮先進

三皇廟 在土堂邑人李機張士胡全才碑記甚詳

河神廟 在書院後院

城隍廟 在縣北街

東嶽廟 在縣南街東巷

西嶽廟 在縣西街一

趙簡子廟 在縣南街

真武閣 在縣西街

二聖廟 在縣南關

唐堯廟 在平陶都

湯王廟 在曲村下

漢文帝廟 在賢馬都

魏孝文廟 在縣北崖底村

子夏廟 在小城南一在神堂村一在平陶村一在樂村

水母廟 在徐南都

五龍王廟 一在東城都一在南賢都

黑龍王廟 在梁家堡

文谷神祠 在文峪都

三義廟 明洪武年建 在鄭家莊

九天宮廟 在鄭家莊

三靈侯廟 在冀周村

河東公祠 即先賢子夏一在孝義鎮一在

忠惠利應侯 一在韓城一在桑村

文水縣志 卷之二 地利

義武都

龍王廟 在前莊山一在義武都

五聖廟 在平陶都

龍王堂 在土堂西

馬王廟 在縣東街草場東

后土廟 一在南安都一在昇泉都

九江聖母廟 在鄭家莊

玉皇廟 在石東都

狐神廟 在石東都

藥王廟 在徐南都

寺觀

古城寺 一在縣東舊城村明宣德十年建一在南城都

崇勝寺 在縣西土堂村有塔一座高十丈止統六年建

梵安寺 在縣南上賢村有塔一座高十餘丈崇甯二年建

長樂寺 在縣東原西都元至正四年建一在東白都

觀音寺

一在縣東雲周村元至正年建一在東舊城村

興化寺

在東莊村明宏治三年建內有鐵佛並巨鐘聲聞數里

麻衣寺

一在城內明教坊街一在縣南趙家莊洪武十八年建

觀音閣

在南街東舊名紅廟國朝康熙九年岳鳳趙風清等改建

文昌閣

在小西街寶家十字明崇禎年間邑人王在臺糾眾創建國朝康熙三年邑人王毓文重修

白衣閣

在文魁巷東路北邑人閣應祥募眾創修

觀音堂

一在賈家十字一在潘家十字一在揚家巷一在馮家巷

明教寺

在縣城內明教坊唐貞觀年建

正念寺

在城貴信坊明宣德年建

安禪寺

在城忠孝坊明宣德年建

廣報寺

在縣東南冀周村明景泰年建

華嚴寺

在縣東南宜韓都明景泰年建

淨土寺

在縣西北北榆都明永樂年建

文水縣志

卷之二 地利

蘭若寺

在縣南十里明宣德二年建

崇武寺

在縣北武午村明永樂年建

陀佛寺

在縣南下祠都明天順年建

鐵佛寺

在縣南橋頭村明正統十二年建

洪淨寺

在縣東南南仁都明洪武年建

曲聖寺

在縣南義武都正統八年建

寶界寺

在縣東南下曲都金大定年建

眾聖寺

在縣西南青泉都明正統八年建

多寶寺

在縣東二十里至元十三年建

淨心寺

在縣西南馬西都明正統年建

保安寺

在縣東南青安都明宣德年建

普雄寺

在縣東三十里明永樂年修

瑞祥寺

在縣東永忠都明宣德年修

雲頂寺

在光統頭山隈

淨居寺

在縣南平陶都金大定年建

緣慶寺

在縣東武安都至元六年建

能仁寺

在縣南武度都明天順年建

妙音寺

在縣東南仁智都景泰五年建

釋迦寺

在縣東豐吳都正統十二年建

延慶寺

在縣東北南安都一在武安都

興道寺

在縣東南齊南都明宣德年建

無礙寺

在縣東北獨家都明正統年修

北安寺

在縣東北北安都至正年建

東巖寺

在縣西北土安都至正元年建

壽甯寺

在縣北北徐村唐天授元年建

護國寺

在縣南十里明正統年修

洪福寺

在縣東三十里明洪熙元年建一在城南十五里馬村唐元和年建極宏殿藏經十餘櫃康熙

巴丑寺僧越塵設為十方招提僧眾百餘今廢

瑞祥寺

在縣南岳村延昌三年建

賀天寺

在縣東高車都元至正十二年建

少林寺

在縣東南十里五里明陽村

龍泉寺

在縣東北昇泉都唐開元年建

甘泉寺

在縣西南山隈明正統年建

吉祥寺

在南徐村

滿覺寺

在開東都

梵天寺

在東賢都

慧明寺

在東賢都

慈雲寺

在文武都一在保賢都

明仙寺

在齊南都

文水縣志

卷之二 地利

三教寺

一在雲周村一在獨家都

思賢寺

在思賢都

常清寺

在趙村

明會寺

在伯魚村

吳天寺

在高車村

正廣寺

在待賢都

玉泉寺

在土安都

石棧寺

在土安都

慶喜寺

在石東都

無礙寺

在韓弓都

慈勝寺

在昇泉都

悟真寺

在韓弓都

崇壽寺

在豐戶都

保壽寺

在韓武東都

廣濟寺

在東城都

金池寺

在崇武都

古刹寺

在崇武都

元真觀

在縣東北隅唐開元年建

紫雲觀

在縣南十里金昌明七年建

凝然觀

在縣南武滂村元元祐二年建

白衣庵

在北街路西小巷

三聖庵

在北關路西

華嚴庵

在南關路西邑人成瑞募衆建

牛王廟

在貴信坊街東北隅

上墓

義塚附

隋

韓孝子墓

名子誕邑人在縣南十九里

唐

荊州都督墓

武后父諱士彥未詳所在

宋

邢先生墓

名鑑邑人在縣西百步許有碑

牛郎中墓

名拱辰邑人在縣西北八里有碑字多剝落

文水縣志

卷之二

地利

三

元

李進士墓

日秀日信日遜日讓日禎日光祖一門六進士俱邑人在縣東北五里昇泉都

梁丞相墓

名錦陽李端東人

梁僉事墓

名簡

梁尚書墓

名蘭

梁布政墓

名璣

梁知縣墓

名璇上四墓皆錦陽之子

梁御史墓

名政遠錦陽孫俱在李端鎮東

王尚書墓

名雲在雲周村西

明

馮知縣墓

諱憲邑人在縣西龍王山麓

郭副憲墓

諱廷冕邑人在縣西北五里峯子茆

田京兆墓

諱疇邑人在縣北八里西山麓

嚴知州墓

諱三省邑人在縣西一里許

鄭虞衡墓

諱之僑邑人在縣西北二十五里文峪口南浦山

郭叅戎墓

諱晚在縣西北五里西山麓

李知縣墓

諱喬邑人在縣北二里

王大叅墓

諱在臺邑人在縣北十里西山麓

國朝

胡總督墓

諱全才邑人在縣北七里西山麓

文水縣志

卷之二

地利

三

成都督墓

諱元震邑人在城西南南峪原

成按察使墓

諱汝舟邑人在城西南南峪原

義塚

在縣北門外三里邑人成履恒捐地六畝餘創立

物產

傅星曰物產亦何常之有哉禹貢雍州之土爲上上

今五穀多出東南揚州不言宜桑今絲綿盡出浙西

山林洿池樹畜之利固無地不可以生且裕也文土

地肥衍氣候不甚寒因性順宜凡可以養生送死者

有則勸之少則利導之無則興之物產亦何常之有

周禮冀其利松柏其畜宜牛羊其穀宜黍稷并其利布



帛宜蠶績其畜宜五擾其穀宜五種

穀屬

稻軟硬二種 黍軟硬二種 稷大小二種 粱細粒而色白 麥來

二種有宿 蕎麥 芝麻 麻子 豆黑菜黃晚扁豇小茶酒九種

荳稗 華麻 包穀俗呼玉桃黍

蔬屬

葱 韭 蒜 芥 芹 茄 瓠 波菱 莧 苜青

二種 萵苣 葫蘆 芫荽 蒼蘆 藤蒿 蘿蔔胡白

種 蔓菁 荏苳 菜豆 甜苣 蘑菇

瓜屬

文水縣志 卷之二 地利 五

絲瓜 西瓜 冬瓜 甜瓜 南瓜 北瓜 王瓜夏秋

二種 菜瓜 地王瓜 海南瓜

果屬

桃夏秋二種 李黃赤二種 杏 梨 棗 香柰 核桃 林

檮 無花果 櫻桃 葡萄紅白二種 軟棗

木屬

椿香臭二種 榆 桑 柳 松 柏 槐黑白二種 楸楊青

二種 椒 栝 杆 樺

花屬

牡丹 芍藥 石竹 萱草 珍珠 山丹 捲丹

夜合 玫瑰紅白二種 鷄冠 日照 蜀葵 月季 迎春 玉簪 牽牛 菊 水紅

草屬

艾 蓼 蒿 葦 莠 茶 茅 荻 蘆 莎 菅 浮萍 苜蓿 藿 香艾 木稗 馬蘭 天茄 茜草

藥屬

甘草 地黃 茴香 芫花 半夏 牽牛 商陸 大黃 皂角 黃芩 天麻 茵陳 地榆 藜蘆 山藥 遠志 菖蒲 麻黃 荆芥 紅花 薄荷

文水縣志

卷之二 地利

三

土芎 防風 貝母 鸞粟 益母草 車前子 兔絲子 枸杞子 何首烏 槐角子 桑白皮 紫地丁 夏枯草 旱蓮草 金銀花 地骨皮 酸棗仁 馬兜鈴

禽屬

鴈 鷹 鴈 鶩 鴨 鷄 鴿 鵲 鴉 烏 鳩 鶴 燕 雉 雀 梟 鷓 鴒 半痴俗名半翅檢徐天池 蝙蝠 布谷 石鷄 水鴨 啄木 鶻

鶻 落浦 黃鸝 杜宇 沙鷄 黃鸝 訓狐

獸屬

虎豹牛馬騾驢豕犬羊貓狐  
狸兔狼獾鹿獐麇田鼠山猪  
鱗屬

鯉魚赤魚鮎魚鱉鯽魚

蝨屬

蠶蜂蠅蟻蛇蚊蝎蟬蛾螢蝶  
伊威蝸牛蜘蛛蝦蟆蜻蜒螻蛄螟蛉  
蟋蟀游蜒螯蝥蝎虎蜥蜴蝻斯螳螂  
蚓

貨屬

文水縣志卷之三

民俗志

國異民異俗不可不攷也然聖人一道同風且使九州之內無殊俗焉况文邑夙稱三代之舊疆沐先賢之遺澤者平時有盛衰則民有厚薄教有純駁則俗有貞淫唐風未遠勿謂今之不古若也志民俗

戶口

明

洪武二十四年戶八千九百六十有二口七萬一千五百一十

文水縣志

卷之三

民俗

永樂十年戶九千七十有六口七萬二千二百有九  
成化八年戶一萬二百七十有七口八萬五千二百三十有七

嘉靖三十二年戶一萬五百有六口八萬五千一百二十有七

萬曆九年戶一萬三千二百八十有七口九萬三千六百五十

天啟四年戶一萬三千五百有二口十萬一千二十有八  
民戶七千四百  
軍戶二千六百五十  
匠四百七戶  
醫一十六戶  
僧一十六戶  
道四戶

樂九戶

國朝

順治八年蠲免傷亡人一百四丁

十一年編審共三萬六千一百八十三丁

十四年編審共三萬四千三百一十七丁蠲免逃亡故

人五十三丁

康熙元年編審共三萬四千六百九十五丁

六年編審共三萬四千二百四十五丁

十一年編審共三萬四千七百二十五丁外順治十二

年清出土著新編人二百八十七丁十四年清出紳

文水縣志

卷之三

民俗

二

矜優免供了九百七十九丁

光緒二年實在土著戶五萬二千二百五十四口一十

八萬八千三百一十二

四年實在土著戶四萬八千五十六口一十八萬五千

九百五十三

六年實在土著戶三萬三千五百四十五口一十三萬

六千一百二十五

文邑庶矣哉雖年延册糜編審無稽第查近年土著

視前明奚啻倍徙惟光緒三年大稔後幾去三分之

一戶口之逃亡既衆土地之荒蕪必多牧斯民者宜

何如休養而生息之也

民居

縣城內街巷中央大觀樓一座中分爲四街街各分四巷  
東北隅貴信街巷四

鄭家巷

草場巷

關王廟巷

城隍廟巷

東南隅忠孝街巷四

馬家巷

高家巷

成家巷

李家巷

西南隅武修街巷四

向家巷

文魁巷

布政司巷

潘家巷

西北隅善治明教街巷四

文水縣志

卷之三

民俗

三

賈家巷

蔚家巷

田家巷

郭家巷

樊從簡曰先王建國必制爲闔闔里閭以奠民居詩  
云迺慰迺止迺左迺右是也文城中外惟民所止爲  
街者十爲巷者十五而四隅隙地猶多田焉民亦不  
甚衆矣吁所以還定而安集之者非司牧者之責哉  
坊都

本縣自宋元符以來地貫七鄉曰隱泉曰維賢曰東

臯曰里仁曰神交

其二  
失放

後易爲七十九坊都明季及

國初歷年歸併爲七十在城曰坊爲領在鄉曰都爲屬而  
村有大小戶有盛衰人有遷徙往往有一村屬二三

都者極難稽核茲特詳爲志之猶恐有未盡之處而按簿以稽亦可得其大畧矣

武修坊 本城

仁義都 在縣東南八里爲村三南西冀周村橋頭

南仁都 在縣東南十五里爲村二南北張家莊

平陶都 在縣南二十里平陶一村馬村半村

武度都 在縣南二十里爲村四蘇家堡南北武度村孝子渠

馬東都 在縣西南十五里後中足村馬西東半村馬東村中莊村峪峪村

仁智都 在縣東南三十里田家堡半村武家莊冀谷村北辛店

白安都 在縣東北五十里爲村四南北白家莊西韓村蔚家堡

文水縣志

卷之三

民俗

四

北安都 在縣東北五十里橫溝冀家堡各半村東石侯東西北安村

永忠都 在縣東南三十里石家莊田家堡各半村永樂村

下祠都 在縣西南十里東西北下祠三村

李端西都 在縣東南二十五里下曲村下曲莊各半

貴信坊 東城東舊城溝口三村

平舊都 在縣東十二里里洪村麻家寨暨堡子楊家寨各半村

昇泉都 在縣東北五里韓家背龍泉村桑村半村

韓弓都 在縣東四十里爲村二韓弓村麻家堡

豐戶都 在縣東五十里爲村二里村苗家堡

韓武東都 在縣東五十三里韓武村韓武堡

河南都 在縣南二十五里鄭家莊南武澇半村

原東都 在縣東五十里原東村

獨家都 在縣東北五十三里北胡家堡榆林村孟家莊

東城都 在縣東二十五里東西城二村

崇武都 在縣東北十里為村三宜兒康家武午村

義武都 在縣南十五里北武澇暨南武澇橋頭各半村

南關廂

宜東都 在縣東南八里為村三東西宜亭村武家寨

岳泉都 在縣西南五里為村五岳村樂村南峪口武家坡蒺藜園

內林西都 在縣東南五十里南辛店村大小徐家莊

文水縣志

卷之二

民俗

五

開西都 在縣北二十里石家堡恩賢村中足村陷家溝宋家莊樂村小南峪北峪口營兒村宜兒

村西龍泉村方圓村並牛家溝各半村

北榆都 在縣東北三里南徐村孟家溝前周家山桑村營兒各半村

開東都 在縣北二十里開柳鎮

東賢都 在縣東北十五里為村四方圓村武陵文倚村呂家山

文武都 在縣東北二十里永樂石家蘇家各半村

齊南都 在縣東南四十里為村三南齊北齊杜村

李端東都 在縣東南二十五里梁家堡暨下曲莊下曲村各半村

忠孝坊 北關本城樊家莊

石永都 在縣東南二十五里石家蘇家永樂各半村



青安都 在縣東南二十里 爲村二青高武村

雲周都 在縣東三十五里雲周雲 周西南胡家堡城子村

思賢都 在縣東四十里思賢 村賈家堡邢家堡

原西都 在縣東四十里原西村

西伯都 在縣東三十五里伯魚趙村

高車都 在縣東四十里高車村

大象都 在縣東二十里大象村

南武都 在縣東十五里堡子楊家寨 各半村東舊城小城南西莊

南賢東都 在縣東二十五里索家 堡東堡南賢朱家堡

南賢西都 在縣東二十五里 南賢村北賢村

文水縣志

卷之三 坊都

明武坊 上本城下 東莊村

冀南都 在縣東南三里爲村 三東北冀周土堂村

温云都 在縣東四十里爲 村二温云南莊

保賢都 在縣東四十里保賢村

待賢都 在縣東四十里爲村 三固邑王家堡水寨

徐北都 在縣北十五里北徐村宋家莊曹家山 後周家山成家山牛家溝中舍半村

韓武西都 在縣東北五十里王家 莊西社閻家堡郝家堡

南安都 在縣東北五十里 南北安村小南安

土安都 在縣西五十里爲村十一大村賀家塔下社 中莊張家莊會兒會李家莊鄭家莊温家莊

碾兒灣石門子此都舊屬交城縣明天啟年間因 本縣所屬都分俱在平下春秋丁祭無鹿申詳撫

按割大陵屯與  
交城縣易焉

石東都 在縣東北三十里寨  
子村東西石侯村

石西都 在縣東北三十里謝  
家寨賈家山吳村

善治坊 武良土  
堂二村

徐南都 在縣北十里西舊城  
西宜亭韓村半村

孝義都 在縣南十三  
里孝義鎮

賢馬都 在縣南二十里上  
賢村馬村半村

馬西都 在縣西南二十五里馬西河西  
神堂牛家園陷家溝康家堡

武豐都 在縣東四十里杏賢  
汾曲汾義吳村四村

明陽都 在縣東南十  
五里明陽村

文水縣志 卷之三 坊都

安仁都 在縣東南二十里  
村二上河頭武村

東白都 在縣東北四十五里東西郭  
家堡陽樂堡王川堡馬家堡

武安都 在縣東北三十里  
為村二杭城武良

南城都 在縣東北二十里  
大城南西城村

文峪都 在縣西北二十里為村  
三崖底北西峪口

以上共七十坊都

舊論曰國家撫有輿圖凡民之列於郡縣者必計其  
林總而分隸之於是乎有坊有都有戶焉然而生齒  
蕃庶不一版籍多寡不同必使大小相維遠邇相制  
則紀綱不紊而治化可齊矣

風俗

傅星曰勤儉美德也唐之俗勤矣美矣儉則吾不知也夫所貴乎儉者非計財也以存樸也以遠侈也文邑風俗往往有利錙銖而忘其身與親者在往有無故一人死羣起交攻因以爲利而竟忘其交與戚者則是其所爲儉大抵起於重視其財之故而生歟儉其心無肆志焉儉其身無肆行焉是之謂實儉吾以觀德焉

詩傳曰唐俗勤儉質樸憂深思遠有堯之遺風焉  
通志曰民素剛勁俗尙儉樸勤力稼穡頗尙文學

文水縣志

卷之三

風俗

八

龍堂記曰風物繁華英豪間出

舊志曰勁而輕生儉而趨利澆樸相半勤則其天性也  
今志斷曰男重耕讀女勤紡織俗尙節儉商多遠出  
舊論曰上行下效謂之風衆心安定謂之俗文邑素稱淳儉蓋有唐之遺民焉江河日下漸不古若誘賂健訟習爲固然或崇信異端之教煽惑愚蒙又其甚者小人乘軒無異衛鶴固不止娼優后飾賈生太息而已示儉示禮使百姓回心而嚮道是在長民者乎  
節序

正月元旦夙起祀神祀先畢子孫拜賀尊長親朋遞相

拜賀立春日取春牛土寫門用紅綠色搽耕牛角十  
五日名上元節祭天地設鰲山懸花燈放烟火於寬  
閑處理九曲土女競遊賞焉聚飲絃歌徹於三日二十  
五日名添倉日每於儲粟處燃燈取燒土謂添倉  
二月二日食黃蒸先一日晚以灶灰圍宅避諸蟲入社  
日祀土穀之神春分日釀酒拌醋移花接木  
三月三日昧旦以柳枝鞭房內四壁避蛇蝎諸毒蟲貼  
觀音楊柳符清明節拜埽墳墓添土亡未三週者舉  
於前三日謂上新墳豎鞦韆放紙鸞

四月八日登西山龍王廟祀獻飲賞堡子村歲以爲例

文水縣志

卷之三

風俗

九

五月五日名端陽節祀先祖戴艾懸艾虎飲菖蒲雄黃  
酒採百草射柳爲樂小兒繫五色壽絲親識作角黍  
相贈

六月六日晒衣儲水備造麴醬二十四日田地掛錢紙  
謂祭蚩蚘

七月七日女人乞巧田地掛紙十五日名中元節展墓  
如清明設瓜果祀先祖

八月社日祭如春社十五日名中秋節陳設瓜果香餅  
翫月

九月九日名重陽節釀菊酒蒸花糕以爲餽贈或約契

友載醴醪登高賦詩興懷

十月一日拜祭祖塋用色紙剪衣焚之謂送寒衣

十一月冬至日祀祖先塾祀先師相拜賀

十二月初一日炒食凍黃豆白黏黍名曰炒花八日食

臙八粥二十四日掃舍祭灶除夕易門神桃符修歲

事陳祀儀娶嫁不擇吉而行

市集 城四鄉十三

城內東西北街南關廂逢奇日按月輪開孝義鎮開柵

鎮石侯鎮石永鎮徐家鎮西社鎮南武鎮大象鎮皆逢

雙日開原東村下曲鎮獨家鎮南莊村東城村皆逢

文水縣志

卷之三

市集

十

奇日開

舊論曰周禮有司市以陳肆辨物有胥師賈師以平

其貨賄皆所以爲民也晚近詐僞萌生爭利於市豪

強把持弊竇非一詎直苦於征權無藝而已哉噫通

商惠民各得其所惟居上者嚴加之意耳

廟會

城關鄉共八十三

正月二十日下曲鎮二十五日鄭家莊里村二十七日

南齊村二十九日明陽村

二月初二日石侯鎮初五日南武鎮初九日武潞村武

良村初十日楊落堡十五日孝義鎮十六日南莊鎮

十七日上賢村十八日石永鎮十九日北關西社鎮  
二十二日徐家莊二十三日杭城村二十四日麻家  
堡二十五日橋頭村東城鎮二十七日南賢村二十  
九日寶賢村

三月初一日南關初三日下曲鎮平陶村初八日本城  
簡子廟高車村十一日伯魚村十二日北胡家堡十  
五日西社鎮石永鎮十八日大城南村二十五日北  
賢村二十八日孝義鎮每逢清明節馬村

四月初一日橋頭村初三日東關初四日里村石永鎮  
初八日下曲鎮南安村十三日鄭家莊十五日舊城

文水縣志

卷之三

市集

十一

村十八日宜亭村二十二日平陶村

五月初一日北齊村馬村初五日明陽村十三日縣衙  
前下曲鎮十八日徐家鎮孝義鎮二十七日日本城北街  
六月初六日下曲鎮十三日本城西街十五日孝義鎮  
二十三日日本城大關帝廟二十五日石永鎮二十七  
日本城二廊廟

七月十五日下曲鎮十八日孝義鎮十九日北胡家堡  
二十二日徐家鎮二十五日大象鎮馬村三十日石  
永鎮

八月十五日本城西街

九月十三日下曲鎮十五日東關二十八日石侯鎮二十九日大象鎮

十月初三日南莊鎮初六日東城鎮初八日下曲鎮初九日南安村初十日武村十一日石永鎮十三日孝義鎮十五日南關十八日方圓村

十一月二十三日北關

十二月初三日東街

文邑本非繁富之區又與交祁平汾接壤殷實之戶悉交易於鄰邑境內無多商賈平居一箕帚之微無從購置惟恃有廟會則四方齊集百貨雜陳民間日用之需耕穫之具皆取給焉既便商亦便民且以規

文水縣志

卷之三

方言

十一

富庶卜盛衰何可少歟

方言

祖曰爺爺祖母曰娘娘又曰奶奶父曰爹又曰翁母曰媽伯叔父曰幾老又伯父曰大爺叔父曰伯伯卑上聲伯母曰大娘弟曰兄弟夫兄曰大伯子妻兄曰大兄哥堂兄弟曰叔伯表兄弟曰姑舅外祖父曰外爺外祖母曰外婆舅母曰姪子姻親曰親去聲家女婿曰姐夫繼妻曰姚婆子小兒曰娃子男曰小子女曰娃居上聲子子不才曰囊飽貨又曰沒出息我曰耿與人莫逆曰提不起

來相盟曰結拜責人曰數說又曰讓批頰曰打耳刮相  
隔數家曰望望鄰頭曰得腦臂曰肱膊屋曰蝸音戈舍

誤平聲

屏門曰閃門洞曰窟壠坑曰圪洞墳地曰餘地一

田收夏種秋曰回查扁豆曰板豆燒餅曰火燒白酒曰

燒酒水半涼曰烏塗子硯台曰硯瓦肉曰柔去聲此處

曰著里彼處曰兀里不曉的曰曉不的不解曰解音害

不下少曰增些與曰歸誤上聲相隨曰厮跟相似曰厮像

睡曰睡覺音教肩挑貿易曰貨誤入聲郎誤去聲兒華美曰

可喜臥曰躺娶曰媪雷曰忽壘冰雹曰冷蛋子大雨曰

擔索雨小雨曰濛鬆雨可憐曰栖皇更甚曰越例又曰

文水縣志 卷之三 方言

三

越法大曰駝去聲小曰猴蹲曰圪鳩那里曰合多我曰

你取曰寫上三語西南父曰哥母曰姐上二語東南

管子云五方之民其聲之清濁高下各象其川原泉壤

故其音不能無偏陸稼書云今之仕者皆東西南北之

人語言未通何論人情焉旨哉斯言每見聽訟者官詰

於上民不解民訴於下官不解不得不藉傳於胥役之

口胥役傳官之話於民官仍不解傳民之話於官民仍

不解此中之弊尙忍言哉爰於訊鞠之餘反覆究詰擇

方言之有關人情物理者錄之積久成頁茲載諸志非

紀俗也聊以資聽訟之一助云爾



文水縣志卷四

分建志

分縣建官所以治也治之不可無其地則城池官署學宮書院備焉治之不可無其官則令尉師弁備焉然則將何以治之察天時審地利順民情養且教之如是而已志分建

縣城宋元符間縣令薛昌始建築土城周圍九里一十八步高僅三丈二尺厚亦如之門壕馬路粗備明景泰初守道魏琳重修高增四尺天順二年知縣范瑄建門樓四角樓四嘉靖二十年巡道郭春震檄祁縣

文水縣志

卷之四

分建

一

丞李爵復修之倍高四尺建堞臺一十有六二十一年知縣王一民修東西二門城外周迴列垣爲蔽二十三年知縣張源澄增修堞臺四十有八二十九年知縣樊從簡幫築西面高加三尺濶一丈二尺萬厯五年知縣郭宗賢暨縣丞韓登始砌磚石圍廣如舊高厚增之計城高四丈五尺基濶四丈頂濶二丈五尺重門四東扁曰瞻太表曰朝陽南曰迎薰表曰帶汾西曰靖陸表曰環岫北曰望恒表曰拱辰四門四隅爲重簷高樓八堞樓六十有四濠深三丈濶四丈城外垣牆爲蔽高七尺兀然雄固矣天啟四年知縣

米世發重修城門樓堞又修復舊斷四隅城路各一道以便登陴城內牆下拓馬道濶丈餘周圍各爲垣七尺以捍之

國朝順治十二年知縣劉乃桂補修北面雉堞十餘丈各門樓懸扁東曰汾水環流南曰南風薰阜西曰商峯疊翠北曰北拱紫垣歷年大雨圯壞十八年知縣王家柱補修東南角樓一座南面雉堞十餘丈凡大小樓俱爲整飭康熙十一年南門外浮橋水衝知縣傅星修之較舊加固乾隆間知縣顧學海折毀堞樓六十四磚砌間塞堞眼自此科名頓衰十數科無售者

文水縣志

卷之四 分建

二

後邑紳整修雉堞照舊將堞眼拆開當科即舉二人然總不若前之鼎盛志之以俟興復光緒元年春西南角傾塌十餘丈知縣吳超補修又增修角樓若干座凡破缺處皆修葺整齊依然壯觀城上有碑記城內巽方舊有湖通街東西渠南北渠各一多年淤塞光緒九年知縣楊恩溥挑濬渠廣各一丈名湖爲映奎

傅星曰軍志云母當天竈母處龍首龍首者山高之委天竈者深谷之口蓋言勢之峻者難抗聚者莫禦也交城永甯嵐靜諸境萬山盤錯夙稱盜賊藪文其

隣也出郭西北數里叢峯俯逼幾於處龍首當天竈  
矣城高池深猶或虞之况於傾頽湮沒冀以無事爲  
福乎予守茲土七載修築挑濬之志未嘗一日忘顧  
工費大取輸於民既不能竭吾橐亦不足以新數雉  
綢繆未雨尙有賴於邑之賢士大夫斟酌而議行之  
耳

南關土城周圍三里七分高三丈基闊三丈頂闊一丈  
四門題額東曰迎暉西曰拱翠南曰太和北曰連城  
保障中央建大樓一座曰觀音閣城濠深一丈廣如  
之嘉靖二十年署縣檢校鄭航建

### 文水縣志

#### 卷之四

分建

三

縣署在城西街中爲堂扁曰承天司牧

堂五楹左一楹  
存黃冊右一楹

存鋪

贊政廳在堂左會計廳在堂右東西分列六曹

甬路中爲戒石坊前爲儀門

三楹中儀門  
左右分角門

東角門左

爲鐘樓火藥庫又東爲土地馬神祠爲鄧侯廟

舊爲  
寅賓

館角門下爲東西廊房

坊書於此  
看受錢糧

左有倉右有獄正

南爲譙樓大門扁曰文水縣大門左旌善亭右申明  
亭堂之後左爲帑藏庫右爲鑾駕庫北曰後樂堂堂

後爲知縣宅樓榭庭廈塾圃俱備焉宅東爲寅賓館

舊爲縣丞  
典史宅

東西各有吏廨在六曹之後以上建修年

月詳不可攷大畧肇劫宋元符間縣令薛昌明洪武

四年知縣楊仲安張羽成化年高安宏治年劉偉嘉靖年李潮樊從簡萬厯年馬斯和崇禎年白澤至

國朝康熙九年知縣傅星重加修飭以宅西空地爲馬廐菜圃乾隆四十七年知縣舒毓楓新構葺安軒五楹廂房四楹道光十年知縣周之彥重修葺安軒同治六年知縣邵正寅重修大門譙樓並馬廐圍牆

典史宅在縣西北隅舊爲主簿宅明天啟年間去主簿改爲典史宅內外堂廡俱備道光十年典史須英補修至同治年間塌毀不堪典史程炳章陸續修葺內外堂廡二十餘間又於外院西增修關帝呂祖廟

文水縣志

卷之四

分建

四

各二楹西北隅增修正房三間數年宦貲悉罄於此學宮在縣治東宋元符間建中爲先師殿五楹東西分列兩廡各十七楹前爲戟門三楹外有泮池闊三丈餘旁爲名宦鄉賢祠各三楹南爲櫺星門殿後有明倫堂五楹堂後有敬一亭堂側有神厨翼以進德修業饌室今俱廢二齋各五楹聯以號舍各四楹今廢中爲儀門東西爲角門啟聖祠在學門左文昌祠在啟聖祠左明倫堂東爲教諭宅迤南爲訓導宅二又有宰牲所三楹今廢厯稽建修年月大畧自元符間縣令薛昌肇創金天德三年縣令呂孝揚元至正十四年許繼誠明

洪武二年縣丞賈惟銘四年知縣楊仲安張羽正統  
十一年董茂相繼修飾宏治元年知縣劉偉六年邢  
懋並重葺之有碑記嘉靖四年督學使者王公麟檄  
於明倫堂後建號舍二十楹今廢七年知縣薛編肇建  
敬一亭三十一年知縣樊從簡建養賢倉三楹今廢萬  
厯初年知縣郭宗賢姜一鳴王昂文養浩俱加重修  
四十年知縣馬斯和改建櫺星門爲坊表三楹題曰  
萬代瞻仰萬厯年間知縣賈守正創開西馬道有碑  
記崇禎元年知縣武清周重修敬一亭知縣胡宣創  
建奎星樓順治十二年知縣王承裘重修明倫堂敬

文水縣志

卷之四

八建

五

一亭東西齋房十八年知縣王家柱於文廟前創建  
聚奎坊二座康熙初年知縣范時著重修聚奎坊四  
十四年知縣盛世廉重修文昌祠啓聖祠五十八年  
知縣蔡夢奇重修文廟殿廡亭堂戟門齋房暨名宦  
鄉賢各祠以及聚奎樓坊之屬乾隆十八年知縣趙  
由忠重修文昌祠四十九年訓導卞爾攻重修訓導  
宅六十年知縣祝德全重修聚奎樓新建節孝祠六  
十年教諭柏朝陽重修文昌祠配房嘉慶二十一年  
知縣王發榮重修文昌祠道光四年知縣文壽華重  
修聚奎樓道光十九年知縣周之彥重修櫺星門殿

廡門房與明倫堂東西齋房二十五年知縣李挺芳  
重修文廟並奎樓建文昌先代祠於啓聖祠之西咸  
豐十年教諭祁世齡重修文昌祠並教諭宅文昌閣  
上有祁雋藻撰書對聯天下大文章源從孝友古來  
名將相氣應星辰光緒二年訓導李養靜重修訓導  
宅三年教諭王友棻重修教諭宅七年教諭陳桂柯  
修葺文昌閣並廡房門樓以暨教諭宅大門南新建  
照壁一座八年文廟前後皆傾圮太甚知縣楊恩溥  
勸捐重修邑紳劉師亮等董其事奎樓院門改建挑  
角門樓旁新建焚字紙樓一座禮門義路盤龍壁及  
聖域賢關門皆改建大成殿月臺新構欄杆石明倫  
堂左右新修兩角門三代祠改爲土地祠忠義祠改  
爲三代祠節孝祠改爲忠義祠移建節孝祠於文昌  
閣後西齋房後重修宰牲所三楹整舊增新無殊創  
建俎豆之盛甲乎一郡

書籍附

文水縣志

卷之四

八建

六

四書大全 一部 五經大全 各一部

性理大全 一部 通鑑記事 一部

五倫書 一部 山西通志 一部

孝順事實 一部 爲善陰騭 二冊

禮書

一部

樂書

一部

孟子集文

一部

觀善書

一部

尙書註

四冊

朱氏詩傳

一冊

真西山讀書記一部

禮記註

二冊

文章正宗

二部

宋臣錄

五冊

周禮

二冊

大禮纂要

二冊

大禮集議

二冊

舊志云以上諸書散佚無存

傅志曰學校之設從來者久漢唐以來歷代興復故

國之將相大臣悉由此出學官所係豈不重哉復設

文水縣志

卷之四

分建

七

有制書使士之貧不能購書者皆有所借資以養其德而達其才乃兵荒以後書籍散亡興復之舉雖力有未逮私心竊向慕焉

舊志諸書僅存其目傅君之論志在興復初無書也我

朝稽古右文

武英殿校刊諸籍遠逾前代惜傅君不及見之其時天下

學豈皆有

賜書考今邑學所存多係前明南監本亦多散失本其初朝廷造就人才之心至爲深遠而人人視爲官物不甚愛

惜或任人借閱不知索還或不慎收藏致被竊取學官每值交代循例而已此其由來已久亦各邑之同弊也今教諭陳君桂柯獨於到官時細加披檢務存其實茲詳志之後之來者庶其抱闕守殘傳之永久猶是傅公與復之志也

史記二套

存半套

前漢書二套

存

後漢書二套

存

三國志一套

存半套

晉書四套

存

北史三套

存

南史二套

存

魏書二套

存

陳書一套

存半套

北齊書一套

無

文水縣志

卷之四

分建

八

南齊書一套

存

梁書一套

存半套

周書一套

存

隋書二套

存

唐書四套

存

宋史十套

存九套

宋書二套

存

遼史一套

存

金史二套

存

元史五套

存四套

五代史一套

存半套

明史一部

存一百零四本

周禮一套

儀禮一套

禮記二套

孝經爾雅一套

毛詩二套

周易尚書一套

春秋左傳二套

春秋公羊穀梁一套



論孟一套

以上僅存三套

春秋傳說一部 見後

詩經傳說一部 見後

易經一部 無

書經傳說一部 見後

朱子大全一部 無

日講四書解義一部 無

康熙字典一部 無

周易折中一部 見後

上諭一部 無

朱子全書一部 存十二本

學政全書一部 無

駁呂留良四書講義一部 無

欽定四書文一部 存三本

大清律一部 存十八本

周易折中二部 共存十本

詩經傳說又二部 連前共存六十八本

書經傳說又二部 共存七十一本

春秋傳說又二部 連前共存七十本

文水縣志

卷之四分建

九

性理精義一部 存五本

明史綱目一部 無

禮記義疏八十四本 存

儀禮義疏五十本 存

周官義疏四十八本 存

周易述義一部 存四本

詩義折中一部 存八本

春秋直解一部 存八本

御製文集一部 存五本

詩二集一部 共存二十九本

御製詩初集一部

性理纂要 存四本

禮部則例一部 存六十本

國子監則例 存五本

監本四書一部

詩經一部

書經一部

易經一部

禮記一部

三傳春秋一部

以上書六部光緒八年由省城濬文書局新頒

書院在縣治東舊有基址創建未詳道光二十二年知縣劉祖煥重修內院正庭五楹爲山長下榻之所東西房各三間中有講堂三楹外院東西房各三間門庭三楹院後有河伯廟一所正殿三楹東西房各六間爲生童肄業地咸豐十一年知縣黃宜之籌畫經費重修屋宇於正庭後創建厨院一所大門一間餘錢五千三百串發當商生息見財賦以爲束脩膏火之費議立課規延師訓誨文教賴以振興誠盛舉也光緒四年知縣楊恩溥重立規條捐廉獎賞課者益

文水縣志

卷之四

分建

十

衆士林頌德歷年公入地畝附財賦志學田後

義學一在城內西嶽廟東一在城內東南隅武修坊一在北徐村以上今俱廢現存義學

一在南關明建於騰霄坊崇禎三年改關門外官亭後今南關市樓東有向存地八墩共五十八畝二分三釐每年租錢二十五千餘爲延師之資係南關紳衿自行經理

一在城內西街書院外每年束脩錢四十千學師由官延請

舊志樊從簡曰學校備矣更設社學何哉蓋古者比

年入學考校一年視離經辨志三年視敬業樂羣五年視博學親師七年視論學取友謂之小成故人無不知學今誠於各里慎擇恂謹之人立爲社師其教卽以小學爲入門而繼以經書則風化漸與人文日盛矣

城守司宅在儒學南內外二院堂廡俱備同治年間城守司董丕烈重修

公署

附

察院在城東街中爲堂扁曰振揚風紀曰冰鑑無私東西爲序前爲儀門扁曰多史行臺又前爲大門扁曰

文水縣志

卷之四

分建

七

察院後堂扁曰瑞雪堂東西爲吏舍厨次大門前設列鼓棚右豎安攘坊左豎激揚坊南有官廳三楹

布政司在城南街西中爲堂扁曰執法左右爲廂房前爲儀門扁曰康阜又前爲大門扁曰布政司後爲退堂東西爲吏舍厨次

按察司在城隍廟街中爲堂扁曰執法儀門扁曰貞肅前爲大門扁曰按察司其制與布政司畧同

以上舊志今無

陰陽學在縣門左今毀

醫學在縣門右今毀

僧會司寄東嶽廟

道會司寄城內北街關帝廟

旌善亭在縣門左

申明亭在縣門右

官制 生儒吏役附

傅星曰令主治丞主糧尉主盜教諭訓導主生儒似各有專職然令而賢則庶事皆治糧無逋而盜賊息生儒向風令而不賢丞尉師雖賢無如何覽官制惕然省已

國朝

文水縣志

卷之四

分建

十一

知縣一員

典史一員

城守司一員

舊有縣丞一員

本朝  
裁革

主簿一員

明天啓五  
年裁革

教諭一員

訓導一員

舊二員明天啓五年裁革一員  
康熙三年裁革一員後復設一員

國朝

生儒廩膳二十名

增廣二十名

附學二十名

明

陰陽訓術一人司歷 醫學訓科一人司醫

僧會一人司釋教 道會司一人司道教

司吏九人縣六曹勘合科鋪長司儒學各一人

典史十五人六曹各二人承發勘合科架閣庫各一人

門子察院布政司各二人按察司官廳各一人本縣堂二人佐貳募廳各一人儒學六人

老人木鐸三人每月朔望以教民榜文宣諭於衆預備倉二人主積穀粟守獄一人慎防不虞守城

四門各一人詰察匪類市集一人平市價治爭訟鄉都各一人催辦公務

里長每坊都各一人歲役一人歲卡一周著役日見年空役日遞年

甲首每甲十戶餘日畸零歲役一甲勾攝公事催辦錢糧

書算手如里長之數主書算 各色匠作以備公役

文水縣志 卷之四 分建

獸醫無定數司療六畜 民壯一百四十九人并快手見武備

快手馬步各十五人 義兵嘉靖三十年奉欽選四十二人

鋪司兵三十一人司傳公文 禁子六人司獄

庫子二人司藏 祇候縣堂二十人佐貳各六人募廳四人俱司僕

斗級本縣倉儒學倉各二人 在城總小甲鄉保長副總小甲

國朝

布政司原編步快手五名經歷司皂隸四名都事廳皂

隸二名軍需庫子二名

按察司經歷司皂隸二名照磨所檢校廳皂隸各四名

糧驛道督學道快手各二名

本府馬步快手各三名皂隸一名經歷司照磨所清吏廳皂隸各四名管糧廳皂隸五名

西路管糧廳轎夫四名傘扇夫三名

本縣轎槓夫二十名甲皂隸一十六名

縣丞下皂隸四名書手門子馬夫一名

以上今俱無

現設吏役

本縣吏戶禮兵刑工六房書各二名典吏各一名

勘合科吏一名承發科吏一名庫吏一名

鋪長司吏一名民壯二十六名舊五倉吏一名

文水縣志

卷之四

分建

西

均瑤皂隸十六名內有件作二名半

馬快手八名

門子二名

燈夫二名

傘扇夫皂隸三名

小轎夫四名

司鋪兵廿名

咸豐四年裁十六名其餘四名改為遞文差役

倉斗級四名

禁卒八名

監禁更夫五名

典史下書手門子馬夫各一名皂隸四名

儒學書手一名

門斗十二名

舊志三名

文水縣志卷五

財賦志

則壤成賦始於大禹自時厥後代有常經今所循者大抵楊炎兩稅法也我

朝自康熙五十年起永不加增丁賦雍正乾隆間以丁歸地黔首無光丁之累如舊論諸爲民害之說久已革除生斯世者抑何幸也至如徵解存留各款今昔異制名色多有不同仍錄於前而以現行者續於後亦餽羊存禮之意俾後人有所考焉凡爲目者九曰地丁曰起運附以屯田曰留支曰課程附以生息曰米豆曰倉儲曰貢

文水縣志

卷之五

財賦

筐曰學田曰郵政以救荒爲不經見之事故獨詳而兵差亦不恒有也故以車馬終焉志財賦

地丁

舊志田賦門內載明洪武二十四年官民田六千九百二十一頃一畝七分賦五萬三千一百九十五石四斗零永樂十年田增四頃一十三畝五分賦增五百一石九升九合零成化八年又增田六十三畝減賦八百九十三石九斗零嘉靖三十二年田如故賦減四千一百五十四石二斗八升零加徵站糧四千七百八十六石五斗零折銀三千七百九十三兩零又

王府祿糧銀四百二十五兩零萬歷九年奉例清丈  
知縣姜一鳴以十等定田曰官出水地平地基地沙  
地鹹地平坡退灘地山坡河流地總額八千一十六  
頃三十九畝五分十三年知縣王昂派糧以六等定  
賦總額糧四萬九千三十五石七斗二升七合零又  
萬歷年加增豐贍庫夏秋糧六斗二升三合三勺一  
抄六撮每斗徵銀七分四釐馬草八分七釐二毫六  
絲四忽二微四纖每分折銀八釐至我

朝順治十四年巡撫白題奉

旨蠲免河漂水占地一百八十五頃八十九畝九分八釐

文水縣志

卷之五

財賦

二

二毫康熙十一年編審過易知由單開數一民田官  
地一頃七十二畝三分每畝徵折色銀一錢二分七釐  
四毫五絲七忽九微五纖九沙五塵六渺本色糧六  
合八勺七抄四撮六圭三粒六粟一平基地六千八  
百三十六頃五十八畝五分一釐二毫三絲每畝徵  
折色銀六分七釐二毫三絲三忽二微八纖三沙五  
塵二渺本色糧三合四勺四抄九撮一圭九粒二粟  
一平坡地三百一十四頃六十五畝四分五釐四毫  
每畝徵折色銀五分三釐六絲四忽一微七沙四塵  
六埃本色糧二合五勺五抄三撮五圭六粒六粟一



沙鹹地五百一十四頃九十二畝七分四釐七毫九  
絲四忽每畝徵折色銀五分一絲八微一纖八沙二  
塵四渺本色糧二合七勺六圭三粒六粟一山坡河  
流地一百六十二頃六十畝五分三毫七絲六忽每  
畝徵折色銀三分六釐五毫三絲六忽五微五纖三  
沙八塵八渺本色糧一合五勺八抄八撮七圭五粒  
七粟一屯田上地一十四頃二十五畝三分八釐每  
畝徵折色銀六分一釐六毫中地十頃一十五畝八  
分二釐每畝徵折色銀五分四釐四毫下地六頃七  
十八畝六分八釐三毫每畝徵折色銀四分二釐一

文水縣志

卷之五

財賦

三

毫六絲一天名晉府上地五十畝四分每畝徵折色  
租銀一錢二分中地二十畝三分每畝徵折色租銀  
五分九釐九毫一忽三微一纖一順治十五年至十  
八年開墾荒平基地三十六頃一十畝五分四釐每  
畝徵折色銀六分四釐三毫七忽五微三纖九沙一  
渺八漠一康熙元年至八年開墾上平地十頃六十  
七畝七分三釐五毫二絲每畝徵折色銀六分五釐  
六毫八絲九忽二微二纖三沙一塵二渺一埃康熙  
九年開墾上平地三頃一十三畝三分每畝徵折色  
銀六分六釐四毫六絲三忽三微四纖六塵一渺二

埃二漠以上民屯更名共地七千九百五十二頃三十一畝七分六釐七毫二絲共徵折色銀五萬一千五百九十一兩九錢六分一釐七毫一絲二忽八微九纖四沙一塵七渺二埃六漠又前項地畝除屯田王田暨順治康熙年新墾外共各色民田七千八百三十頃四十九畝五分一釐八毫每畝徵地差銀一釐二毫八絲五忽五微四纖八塵六埃六漠共地差并清出地差二項銀一千六兩六錢四分二釐一毫八忽九微七纖七沙五塵

舊志丁賦門內載明季均徭銀力二差並里甲綱銀鹽

文水縣志

卷之五

財賦

四

鈔匠價等共額銀九千四百一兩七錢一釐七絲縣以人丁田產之貧富定力差之重輕列爲三門九則上上門徵銀九錢上中門徵銀八錢上下門徵銀七錢中上門徵銀六錢中中門徵銀五錢中下門徵銀四錢下上門徵銀三錢下中門徵銀二錢下下門徵銀一錢又以門則之糧石定徭銀之多寡亦列爲三等按徭簿有則人門下糧曰有門糧每石徵銀二分以有丁差故從輕按外處人寄居本縣坊都甲外名下糧曰寄莊糧每石徵銀一錢五分以無門則故從重按門則外餘丁名下糧曰無門糧惟此於審編後視

丁差升擦之盈縮爲增減以口額差之數自遭闖逆暨姜逆變後文籍蕩然無可稽考按冊所存實自我朝順治十一年始是年審定實丁三萬六千一百八十三十四年審定實丁三萬四千三百一十七康熙元年審定實丁三萬四千二百二十五六年審定實丁三萬四千二百四十五年編審丁徭刊發十二年易知由單數開一上上則五丁每丁徵銀一兩二錢七分二釐一毫七絲二忽九微四纖九沙二塵四渺九埃上中則二十二丁每丁徵銀一兩一錢二分四釐七毫二絲上下則五十三丁每丁徵銀九錢八分

文水縣志

卷之五

財賦

五

四釐一毫三絲中上則二百四十七丁每丁徵銀八錢四分三釐五毫四絲中中則六百八十四丁每丁徵銀七錢二釐九毫五絲中下則二千八十八丁每丁徵銀五錢六分二釐三毫六絲四忽七微八纖九沙二塵七渺上下則三千九百四十一丁每丁徵銀四錢二分一釐七毫七絲下中則七千四十七丁每丁徵銀二錢八分一釐一毫八絲下下則二萬六千三百三十八丁每丁徵銀一錢四分五毫九絲以上三門九則共人三萬四千七百二十五丁共徵銀八千四百九十一兩八錢二分九毫四忽七微四纖六沙二

塵四渺五埃內有康熙十一年審編增出徭銀一兩九錢二分外有順治十二年清出土著新編八二百八十七丁俱按下下則每丁徵銀一錢二分六釐三毫四絲六忽五微七纖二沙四塵三渺三埃五漠又順治十四年清出紳衿優免供丁九百七十九丁內下中則六百四十九丁每丁編銀二錢八分一釐四毫二忽三纖三沙三塵六渺二埃下下則三百三十丁每丁編銀一錢四分七毫七絲六忽一沙六渺又有實在人丁銀五十六兩五錢五分九釐五毫四絲五忽三沙七塵七渺四埃此舊志丁賦之大略也惟

土著新編與紳衿優免兩項既係順治年間清出何以不歸入康熙十一年編審由單之內且何以又有實在人丁銀五十六兩餘之款此事之不可解者米志曰力役之法莫善於周禮其次莫如唐租庸調是也至宋而有差役僱役之法訖今用之不易丁賦之由來久矣我

國家設爲編審三年一考其虛實新者入之老者削之富貢其財貧輸其力方法非不善也顧今之策肥衣統曾不出半銖以供軍國之需而家無立錐者剜肉醫瘡反不免賠累之苦噫是豈朝廷立法之初意哉善乎

樊公之言曰其審編也稽虛實於簿籍寄耳目於里胥而吏始因緣爲奸矣蓋洞悉均徭之情者乎

傅志曰文邑自兵火災荒後人逃甲倒賦役不均大甲丁多糧廣承應里役則衆擎易舉小甲丁寡糧微亦應役一年則苦樂不均康熙七年內庠生趙之鼎等具由控訴公議闔邑糧丁按七十坊都每都撥糧七百餘石攤丁五百餘人裏多益寡丁糧畫一則向隅之窮黎或可少甦於萬一平陶武度河南有汾陽寄莊糧二百一十餘石舊係該都代催每恃隔縣拖累文民於康熙八年詳允一應寄莊糧草自核自算當堂交納不許累及本都夫均丁賦而苦樂咸宜祛前累而善後圖計莫過此若少加更張非徒無益反開事端惟在司牧者體恤民隱丁糧無使那移寄莊毋使推諉庶可垂之永久而息爭端耳

按丁賦地糧向係分徵而編審之難公苦樂之不一誠有如舊志所云者是以我

朝屢降

恩旨飭令歸入地畝以均徭役德至深也文邑丁歸於地不知奉行於何時年代久遠無籍可稽而考之傅君星之言是康熙七年間本邑紳民已公議攤入地糧

之內且諄諄以更張爲戒謂非深達治理者歟

康熙年間總核地丁共徵折色銀六萬九千九百九十五兩八錢四分二釐七毫三絲二忽五微六纖五沙四塵九渺八埃

共徵本色糧二千六百四石五斗一本折起運

戶部項下共折色銀三萬四千九百六十兩八錢二分三釐九毫一絲三忽二沙一塵八渺四埃內

宣府鎮銀二千一百五兩三釐

大同鎮銀一萬一千九百二十兩九錢三分三釐六毫

文水縣志

卷之五

財賦

八

王糧銀一萬二千九百三十四兩三錢二分一毫五絲八忽七微九纖

加增豐贍庫銀五錢三分一釐六絲五忽二微三纖二沙

農桑銀一百六十八兩七錢四分二釐五毫

地畝九釐銀七千二十五兩四錢七分七釐六毫四絲五忽

王田銀七兩二錢六分四釐

屯糧銀一百七十一兩六錢六分二釐一毫二絲五忽八微八纖八沙

在城溫雲桑子  
三屯不在此內

顏料改折銀四十一兩四錢三分七釐八毫七絲五忽  
順治十五年至十八年開墾地糧銀二百三十二兩  
一錢八分四釐九毫三絲一忽八微

土著新編銀三十六兩二錢六分一釐四毫六絲六  
忽二微八纖八沙四塵一渺

實在人丁銀五十六兩五錢五分九釐五毫四絲五  
忽三沙七塵七渺四埃

紳衿優免供丁銀二百二十九兩八分六釐地差銀  
三十一兩三錢六分

禮部項下共折色銀一百一十六兩五錢五分五釐九

文水縣志

卷之五 財賦

九

毫七絲三忽六微內羊價銀三十六兩腳價銀二錢  
一分九釐六毫

藥味銀五兩八錢七分八釐四毫七絲九忽六微腳  
價銀一錢八分一釐六毫三絲四忽

北羊銀七兩六錢九分五釐六毫腳價銀六分七釐  
一毫

歷日紙價銀六兩二錢七分一釐每年加閏月銀一  
錢八分三釐三毫腳價銀五分九釐二毫六絲

香料銀六十兩

兵部項下共折色銀一百八十八兩二錢二分六釐七

毫四絲內

柴薪銀七十五兩腳價銀三兩九分九釐七毫五絲  
直堂皂隸銀一百五兩腳價銀五兩一錢三分六釐  
九毫九絲

工部項下共折色銀二千五百二十三兩五錢七分八釐二毫九絲三忽八纖內

柴夫銀二千七十五兩三錢二分五釐腳價銀八兩四錢一分八釐五毫八絲五忽

木柴銀一百六兩四錢四分八釐四毫七絲五忽腳價銀一兩一錢四分八釐五毫八絲五忽三微三纖

文水縣志

卷之五

財賦

十

新舊胖襖銀一百三十二兩一錢七分六釐六毫六絲七忽二微

營繕司料銀一百九十八兩一錢八分六釐一毫四忽腳價銀一兩八錢七分四釐八毫七絲六忽五微五纖

又解

部舊額存留項款並節年裁扣各經費共銀三千四百五十五兩二錢一分五釐八毫八絲六忽八微七纖三沙三塵一渺四埃內

舊編裁剩銀一千八百八十兩四錢七分三釐一毫



八絲六忽八微七纖三沙三塵一渺四埃

會議裁扣銀三百三十六兩三錢二分

裁官經費銀五百九十五兩三錢五分六釐一毫

裁減各衙門書吏工食銀二百五兩二錢

裁減夫馬銀三百四十九兩八錢六分六釐六毫

裁驛巡兩道各役工食銀二十四兩

裁廩糧銀六十四兩

一額外共銀一百八十兩九錢八分六釐內存留五十

七兩四錢另款開支外解

部銀一百二十三兩五錢八分六釐內

文水縣志

卷之五

財賦

十一

商稅銀三十三兩五錢八分六釐

匠價銀九十兩

統共解部正賦等項銀四萬一千三百四十七兩七錢

九分四毫二絲五忽六微七纖五沙四塵九渺八埃

腳價銀二十兩二錢六釐三毫八絲八微八纖

又置買造解綢絹并本色顏料鋪墊共銀八十九兩五

錢六分九釐七毫二絲三微一纖腳價銀三錢一分

八釐五毫九絲九忽五微三纖

一存留項下

本省額編兵餉銀一萬二千七百五十七兩二錢六

分一釐四毫七絲六忽一微七纖

官役俸食薪紅經費雜支銀三千一百六十六兩四錢二分六釐三毫三絲

驛站銀三千七百三十七兩八錢五分五釐八毫

酒課銀五十七兩四錢

本色糧二千六百四石五斗

一課程

鹽課銀四百八十八兩

紙價銀三兩六錢七分八釐

豬羊牲畜於當稅無定額按季徵解

文水縣志

卷之五 財賦

七

存留溢額商稅銀二十兩

匠價盤費銀九錢七分一釐一毫

以上舊志

光緒七年總核歲額地丁雜款各數

地丁

一民屯更名各色共地八千三十八頃三畝二釐八毫

六絲按水平沙城每畝各徵糧九升七合六升三合

四升五合不等共徵

一折徵糧四萬六千四百八十二石三斗三升九合九勺

一折徵並新增絲絹及屯丁歸入屯糧共銀五萬二千

一百七十五兩三錢二分五釐

一戶口三門九則共三萬四千七百七十丁徵均徭並  
辦買本色顏料銀八千四百九十九兩三錢三分七  
釐地差銀九百七十五兩二錢八分二釐

順治十二年新編人二百八十七丁均徭銀三十六  
兩二錢六分二釐

順治十四年清出人九百七十九丁均徭銀二百二十  
九兩八分六釐地差銀三十一兩三錢六分

康熙十二年清出人一丁徵銀二錢六分六釐

乾隆十年太原左衛歸併本縣丁徭銀三十兩六錢

文水縣志

卷之五

財賦

三

九分三釐又加收陽曲等縣屯丁徭銀六兩六分八  
釐二項共銀三十六兩七錢六分一釐

共丁徭地差銀九千八百零八兩三錢五分四釐歸  
入地糧攤徵

按本邑丁銀據舊志於康熙七年已公議歸入糧內  
雖奉文明歸不知所始約在雍正乾隆間無可疑者  
今報銷冊猶存其名相沿不改實非分徵也志仍之  
共徵地丁正銀六萬一千九百八十三兩六錢七分九

釐外

一徵一三耗羨銀八千五十七兩八錢七分八釐

一額外匠價銀九十兩腳價銀九錢七分一釐歸地稅徵收不加耗  
以上共徵銀七萬一百三十二兩五錢二分八釐商稅酒課入課

程內不在此數

起運解

司項下

一地丁匠價等銀五萬六千六百九十一兩五錢二分九釐

一屯糧銀二百八兩四錢二分三釐

一更名田銀七兩二錢六分四釐

一置買造解絹綢并本色顏料鋪墊銀七十六兩七分

文水縣志

卷之五

財賦

十四

四釐腳價銀三錢一分八釐

一另支顏料價值銀六錢二分二釐

以上共銀五萬六千九百八十四兩二錢三分

一額邊站銀三千七百三十七兩八錢五分六釐內

接遞皂隸十六名工食銀九十六兩

損轎夫工食銀一百一十兩四錢

僱解鎖鑰夫工食銀四十八兩

交城縣損轎夫等工食銀二百一十兩四錢五分

裁解銀五百二十七兩八錢一分五釐

裁解同戈驛站銀四百七兩五錢四釐

各邊站銀二千三百三十七兩六錢五分一釐

上項銀兩

相承如此册報至舊制有無更改無從知之

一農桑銀一十九兩八錢五分三釐

一戶部料價并腳價銀三十三兩二錢五釐

一木櫃銀五兩二錢七分八釐

一黃絲額價銀一十八兩五分六釐

二舉人坊牌銀三十五兩

一時憲書紙價銀二十兩四錢

一新中舉人花紅酒席銀二兩五錢

一新中進士旗匾賀儀銀三兩三錢三分三釐

文水縣志

卷之五

財賦

五

一餞送舉人會試盤費銀二十兩

一本府餞送舉人卷價酒席銀五錢三分三釐

一武舉會試盤費銀一十三兩五錢

一裁汰鋪司兵節省銀七十五兩六錢

一鄉飲銀一十五兩

自邊站銀至此共銀四千兩一錢一分四釐

一扣解缺荒銀二十四兩一錢九分八釐

俸薪下扣解

一俸工各項扣解三成銀三百一十三兩八錢七分八釐

一俸工各項扣解六分減平銀五十八兩七分六釐

一火耗項下除扣支額設廉費外實解銀七千四十七

兩八錢七分八釐

一酌減繁費津貼滿兵銀五十兩

一酌減繁費二成銀二十兩

一酌減繁費三成銀二十四兩

一扣解養廉一成銀八十兩

一扣解廉費六分減平銀五十兩一錢六分

自扣解缺荒至此共銀七千六百六十八兩二錢九分留支

廉俸項下

知縣養廉銀八百兩實支銀六百七十六兩八錢

文木縣志

卷之五

財賦

六

繁費銀一百五十兩實支銀五十二兩六錢四分

俸薪銀四十五兩實支銀十三兩六錢八分七釐四毫

典史養廉銀六十兩實支銀五十六兩四錢

俸薪銀三十一兩五錢二分實支銀二十兩七錢四分

教諭俸薪銀四十兩實支銀二十六兩三錢二分

訓導俸薪銀四十兩實支銀二十六兩三錢二分

壇廟祭祀項下 扣三成不減平

文廟丁祭銀七十八兩一錢八分實支銀五十四兩

七錢二分六釐

文昌廟祭祀銀二十五兩七錢八分實支銀十二兩四分六釐

關帝廟三祭銀二十兩八錢三分實支銀十四兩五錢八分一釐

邑厲壇三祭銀一十二兩實支銀八兩四錢

雩祭銀三兩實支銀二兩一錢

四季朔望行香銀五兩六錢實支銀三兩九錢二分  
本縣雜支項下 以下俱扣三成并減平六分

本府歲貢花紅銀六兩實支銀三兩九錢三分八釐  
膳錄書手銀三兩三錢三分三釐實支銀二兩一錢  
九分三釐一毫一絲四忽

起送赴考生員及考中正貢銀六兩實支銀三兩九

文水縣志

卷之五

財賦

七

錢三分八釐

迎春神牛銀五錢實支銀三錢五分

不減平

孤貧冬衣花布銀三兩七錢七分六釐實支銀二兩  
四錢八分四釐六毫八忽

本縣各役工食項下

門子銀一十二兩實支銀七兩八錢九分六釐

快手銀四十八兩實支銀三十一兩五錢八分四釐

皂隸銀八十一兩實支銀五十三兩二錢九分八釐

仵作銀一十五兩實支銀九兩八錢七分

傘扇夫銀一十八兩實支銀十一兩八錢四分四釐

禁卒銀四十八兩實支銀三十一兩五錢八分四釐  
轎夫銀二十四兩實支銀十五兩七錢九分二釐  
倉斗級銀二十四兩實支銀十五兩七錢九分二釐  
庫子銀二十四兩實支銀十五兩七錢九分二釐  
遞文差役銀五十兩四錢實支銀三十三兩一錢六分三釐二毫  
民壯銀一百八十七兩二錢實支銀一百二十三兩一錢七分七釐六毫

捕役銀四十八兩實支銀三十一兩五錢八分四釐  
監禁更夫銀三十兩實支銀十九兩七錢四分

文水縣志

卷之五

財賦

六

典史各役工食項下

門子銀六兩實支銀三兩九錢四分八釐

馬夫銀六兩實支銀三兩九錢四分八釐

皂隸銀二十四兩實支銀十五兩七錢九分二釐

儒學歲支項下

廩禮銀六十四兩實支銀四十二兩一錢一分二釐

齋夫工食銀一十八兩實支銀十一兩八錢四分四釐

膳夫銀十三兩三錢三分四釐實支銀八兩七錢七分三釐七毫七絲二忽

分三釐七毫七絲二忽

門斗銀十八兩實支銀十一兩八錢四分四釐



以上共解支正耗各色銀七萬零一百三十二兩五錢二分八釐

屯田附

在城屯地一十頃七分糧六十八石六斗一升三合三勺六抄零折銀五十四兩八錢九分七釐

溫雲屯地一十二頃八畝二分糧八十三石三斗二升三合九勺四抄折銀六十六兩六錢六分四釐

桑子屯地九頃一十畝九分八釐三毫糧六十二石六斗四升三勺五抄零折銀五十兩一錢一釐

右三屯共地三十一頃一十九畝八分八釐三毫內

文水縣志

卷之五

財賦

五

分上地一十四頃二十五畝三分八釐每畝徵糧七升七合共糧一百九石七斗五升四合三勺中地一十頃一十五畝八分二釐每畝徵糧六升八合共糧六十九石七升五合八勺下地六頃七十八畝六分八釐三毫每畝徵糧五升二合七勺共糧三十五石七斗四升七合六勺共徵糧二百一十四石五斗七升七合七勺每石折徵銀八錢共徵折色銀一百七十一兩六錢六分二釐又攤徵丁銀三十六兩七錢六分一釐兩項共徵銀二百八兩四錢二分三釐外徵耗銀二十七兩九分五釐

又更名晉府上地五十畝四分每畝徵折色租銀一錢二分共銀六兩四分八釐中地二十畝三分每畝徵折色租銀五分九釐九毫一忽三微共銀一兩二錢一分六釐二共銀七兩二錢六分四釐外徵耗銀九錢四分五釐

屯田更名兩項共徵正耗銀二百四十三兩七錢二分七釐卽係首列屯丁歸入屯糧之款統歸前開折徵地丁六萬一千九百八十三兩零項內報解實由各屯頭自行催徵每年腊月內赴縣請領文批前赴本府掛號投

文水縣志

卷之五

財賦

三

藩庫交納舊志開載重複茲備附於起運各款之後  
以便稽考

課程

土鹽額引二千二百五十道

一鹽稅銀九百二兩三錢六分五釐

餘平銀二十二兩五錢五分九釐

飯食公用銀二十五兩八錢七分五釐

一商稅銀一十五兩三錢四分四釐

閏月加銀二兩九分九釐

一酒課牲畜雜稅等正額盈餘銀九百九十六兩七分

八釐閏月加銀四兩八錢五分

以上額外解

司銀一千九百五十四兩三錢二分除牲畜田房稅

外悉歸房解

生息 書院生息附

乾隆二十六年布政司發臺山生息本銀二千兩 每月一分

二十五年冀甯道發商營運併普育二堂生息本銀二

千五十兩 每月一分二釐

四十六年布政司發銅斤生息本銀四千兩 每月一分

五十七年布政司發臺山弁兵生息本銀一千兩 每月一分

文水縣志

卷之五

財賦

三

嘉慶十八年布政司發社義息穀生息本銀一千六百

兩 每月一分

二十四年布政司發津貼滿營加增官學薪水等項生

息本銀七百兩 每月一分

道光元年布政司發社義息穀變價生息本銀三千兩

每月一分

四年十一月布政司發制錢生息本錢一千串文 每月一分

九年三月布政司發操演速戰陣抬礮火藥生息本銀

一千兩 每月一分

二十六年閏五月布政司發籌議加賞刀矛蹤跳精兵

需用生息本錢八百串文按年一分

同治四年四月布政司發酌籌晉陽書院膏火成本生息本銀二百兩按年一分

光緒六年二月布政司發領運粥廠項下多製棉衣褲生息本銀二百八十兩按年一分

六年六月布政司發免攤佐雜人員分攤紙張絲絹幫費生息本銀四百兩

又發抵補免攤年例常捐各款生息本銀一千兩二俱每月一分

七年正月布政司發故員歸葬費生息本銀一千二百

文水縣志

卷之五

財賦

三

兩每月一分

以上係本縣各當商分領生息所有息銀息錢於每年

冬季該商到縣請領文批自赴

藩庫交納

書院生息

咸豐十一年知縣黃宜之籌書院經費存制錢五千三

百串文發當商生息按年九分向由本地紳衿經管

米豆

舊額本色糧二千六百四石五斗內徵

米二千二百六十三石七斗

豆三百四十石八斗

康熙十六年清出隱漏米一升一合豆一升四合

雍正六年清出隱漏米一石五斗三升六合一勺豆二石五斗八升二合二勺

現共徵本色糧二千六百八石六斗四升三合三勺內除改徵黑石米一千八十六石二斗二升九合六勺外增清出米一石五斗四升七合一勺

實徵米一千一百七十九石一升七合五勺

原額豆三百四十石八斗外由米一千八十六石二斗二升九合六勺每米一石折豆一石五斗共折徵豆一

文水縣志

卷之五

賦

三

千六百二十九石三斗四升四合四勺又清出豆二石五斗九升六合二勺三項共

實徵豆一千九百七十二石七斗四升六勺

現實徵本色米豆共三千一百四十七石六斗一升四合八勺內解

汾州府汾陽倉兵米五百二十八石馬豆二百五十九石二斗

道光二年滿營裁減馬匹改徵折價豆一百八石六斗九升六合九勺外解

大盈倉米六百五十一石一升七合豆一千六百四石

八斗四升四合俱係各都民自行交納

倉儲

米志曰自古聖王在上雖有九年之水三年之旱而民無凍餒之患者夫非以倉廩實而積儲殷哉常平社倉民之命脈係焉出納斂散之間夫胥不無因緣爲奸加耗有禁折銀有禁鼠弊可立情也但司庾一缺小民至避若陷阱而不肯就何哉憶往歲大饑鄰邑有借文粟數百斛以活其民者而文民嗷嗷反不得沾升斗之潤奪此與彼是誠何心迄今不能不爲之三歎

文水縣志

卷之五

財賦

五

傅志曰晉山區也少不雨卽荒救荒之政莫善於常平預備然文之民不下十萬小荒饑者什之三大荒且什之五萬石之儲殊未足也積儲之法春放秋收不若貴糶而賤糶蘇子由有言錢財入手雖貧民不免輕用及其收納雖富民不免踰期貴而糶賤而糶既使穀常無大貴大賤又操縱恒在官雖然司出入者非其人倉有儲民不可得而食也故曰有治人無

治法

明

預備倉

在縣治大門內  
存穀無定數

銀易社倉

在城東街原存穀一千七百六十二石四斗二升三合零

安禪寺社倉

在城南街原存穀一千四百四十一石五斗八升八合零

孝義鎮社倉

原存穀一千四百七石五升八合零

開柵鎮社倉

原存穀四百石二斗七升一合零

下曲鎮社倉

原存穀六百二十六石八斗三升八合

儒學養廉倉

萬曆年間御史趙文炳發銀三十兩劉春放秋收加二出息歲

儉則以餘息給諸生

儒學常平倉

萬曆年學憲王三才將府州縣空月糧銀分撥各縣設儒學常平倉賤糴貴糶

與養廉意同

國朝

文水縣志

卷之五

財賦

五

常平倉舊額存倉捐輸穀九百九十九石零現額穀一

萬六千石

社倉額穀一千六十四石二斗

義倉額穀一千二百八十三石五升一合三勺

范啟堃曰文邑自丁丑戊寅之荒常平社義諸倉盡

發以賑饑者今所存蓋無幾矣前者

節撫憲曾沅帥檄各州縣領價購買以裕民食意至

仁法至善也而其事有甚難者年歲甫登蓋藏未裕

驟買萬石之粟價增而貧民先受其累其難一韓侯

嶺以北地少而人眾粟價每不能平買自他處又須

運腳之費其難二憲檄令視市價之低昂每倉石不得過一兩三錢而地方官之旬報糧價也必以實幸而價平可購矣一聞買穀之令市價必增而有司則不能請益也勢必責之以賠補州縣固非有點金之術者可奈何若預計買價之必增先高其值以聞於上又顯蹈侵吞之失夫以民命所係之事上官方切切然視爲已憂有司何人乃敢喪心昧良爲浮冒侵吞之計此其罪可勝誅乎直有自貸千餘兩之鉅金以待賠補萬餘石倉穀不足之價而已其難三民之與官交易也尤視爲畏途必也剋期定時風雪不改躬

自監收以免守候之苦署內一役一隸不許故效奔走於旁以免需索小費之弊斗斛之外顆粒仍歸賣穀之人以免拋灑之害倉書斗級捐給飯食敢向索一錢者懲不宥如是而民庶不至掉頭不顧乎官要不能躬爲販粟之賈人也胥吏家丁又斷不可任惟擇紳耆之公正者委之仍購於民間耳顧今之民亦少異矣自屢邀

曠典之後偶爾晴雨之失時輒思爲報災蠲緩之計曾不思踐土食毛之義一發其尊君親上之忱是倖恩卽怨望之由而實驚凌之漸也誰復念是爲吾民計



者於是擡價居奇者有之攪糲糝和沙礫者有之倘一扇簸則怨聲滿路羣且裹足而不前任其所爲則虛擲金錢終致一人之虧累此其難者四也然則竟無法以買補而聽其久虛儻遇水旱將奈之何曰是別有策而文法拘牽言之何補噫

貢筐

葡萄乾

正貢三大箱九十觔

隨貢三大箱九十觔

每大箱內各三小箱一箱各十觔俱用黃綾裝裱

文水縣志

卷之五

財賦

七

舊解京正隨貢外又有解省副貢相沿已久誠有如范論所云者光緒八年十月奉

撫憲張

之洞直隸南皮縣人

札飭應辦方物葡萄乾除正貢三

箱向章隨貢解京各件照章辦理外所有解交本部院衙門以下向有副貢名目一概裁革不准解呈並須明白立案不得仍有影射致滋派累

范啟堃曰任土作貢臣子所以效忠亦卽

聖人玉食萬方之意也文邑葡萄乾之貢不知始於何時每年入貢正額之外其數則自數十觔至數觔其人則上自

大府以逮陽曲典吏並各上官服役執事之徒下及  
守柵之役皆須致餽都一千三百餘劬名曰副貢其  
購之也須一千七八百劬督家人大小衆手經營一  
一揀擇摘去其蒂并棄其枝者梗者爲沙爲石者枯  
癯細小者約數百劬始能足額其爲味也酸澀不適  
於口而其購買之費則出於令之捐資丁丑戊寅之旱  
葡萄太半枯萎其值驟昂莖適承乏是邑時方計口  
授食數米以炊而筐篚不敢後也計一切之費已  
三百餘金矣次歲復然凡兩親此役而新樹者未成  
也聞至今費仍不資焉嗚呼一衣一食皆

文水縣志

卷之五

財賦

三

君賜也古之人有致身以事上者區區小臣今日言此詎  
無愛戴之忱而敢以是爲累特貢之

朝廷者備物而已烏知有十倍於是者哉

學田

書院地畝附

明

齊封南舍地一頃一十二畝

邑民姚相施

舊縣都地一頃二十畝

學宮後地一十二畝

賢馬都地五十二畝

梁家堡地三十二畝

邑民曹天平施

舊志惟賢馬都梁家堡地八十四畝尙存餘悉爲豪強侵沒無可稽考矣今同

國朝

賢馬都城地三段五十二畝每畝徵租穀一斗一升八合二勺六抄共租穀六石一斗五升

梁家堡地一段三十二畝每畝徵租穀二斗八升一合一勺五抄共租穀九石

以上學田地八十四畝每年額徵租穀一十五石一斗五升應徵正糧租戶自納

書院地畝

文水縣志

卷之

財賦

五

方圓村地一十二畝四分此地被文峪河水浸沒多年存名以待涸出

玉泉味峪地一頃二十畝

南賢西地九畝五分

以上現存地畝每年得租錢若干除納糧暨公費外書院外義學束脩取給於此向由禮房經管

郵政

志以紀實非侈觀也舊志優老祈禱各注甚屬無謂茲悉刪去惟三四兩年之荒爲二百年來所未有上憲籌策大費苦心則詳載之亦所謂備預不虞者乎

優老

惠民藥局

祈禱 以上存其名

養濟院

知縣張源澄重  
修在預備倉西

漏澤園

在縣西一里葬  
民之無所歸者

救荒 一聞旱誠心祈禱二已旱備由申請三告鄰

不為過糴四檢災不可後時五乞常平賑糴六發義

倉周濟七勸巨室發廩八誘富民內販九聽客商糴

糴十任米價低昂十一息訟十二省刑十三緩徵十

四施藥十五除盜 以上俱舊志

文水縣志

卷之五

財賦

三

一勸富民修理房屋借工賑貧

一勸各村社首等動用善會積資分賑饑貧或修道路

橋梁廟宇以工代賑勝於演戲祈神

一勸捐輸以敦任恤或銀錢或米糧視其數之多寡分

別請予獎勵及賞給旌善匾額以示鼓勵

一廣稱貸之法以通有無

一省禮節以早完嫁娶

一不減糧價以廣招徠

一不糴近處之糧以平糧價

一多設賑廠以恤老疾及婦女幼小之人

一慎擇辦賑之人主管放賑之事

一多設醫藥以救疾病

一納贖穀凡有罪犯可原者准公正紳耆就近和釋令理屈之人酌量納穀以資賑款

一弛禁令周禮荒政五曰弛禁凡山澤川原種植之物及一切百貨可獲厚利者而法有宜禁者慎此凶荒權宜弛禁以濟民艱

一重強糴之刑以遏亂萌律載閉糴自百石以上者藉穀於官如有不依時價強糴自一升以上者卽行梟首良以安富乃救荒之道偶有強糴必至搶奪偶

文水縣志

卷之五

財賦

三

有搶奪必多殺戮殺一人乃可以生衆人此著令之本意也倘有不軌之徒恃衆逞強搶奪富戶者准卽正法如富戶閉糴擡價居奇者亦准藉穀於官添助放賑

一嚴巡緝之法以安善良除盜賊爲十二荒政之一凡平日本係良民一時迫於飢寒偶蹈小竊情有可原者量從未減其餘積窩慣賊稔惡不悛者卽行照例嚴辦不得姑息以防萑苻嘯聚之患

一禁擾累以安閭閻時值荒旱凡各官勸捐查災及相驗等事因公下鄉不得傳令地方事主供給支應

一治衙囂以去民害

一懲奸暴以衛良民

一查流痞凡外來游民僧道不准容留灾民酌給口糧  
資送出境令其回籍以靖地方

一杜捏報貧戶之弊

一議辦賑紳耆之賞罰

一定救荒官吏之功過

一捐施濟飢辟穀丹藥以救飢民

一擇地穿井以廣水利

一嚴禁燒鍋以重民食

文水縣志

卷之五

財賦

三

一急減差徭以恤民力

一矜恤士類以廣

皇仁

辟穀丹方附

晉時劉景先奏曰臣遇太白山隱民傳濟飢辟穀丹

方臣家大小七十餘口服之更不食別物云云其方

黑大豆 五斗淘淨蒸三遍去皮 大麻子 三斗水浸一宿蒸三遍去殼取仁每蒸一遍後用布

袋盛懸井中去水五寸許過夜即開口易剝

各搗為末和團如拳大再入甑內蒸之從戌時起至子時止火寅時出甑午時曬乾如逢陰雨火烘令燥

一共爲末停三日以消火烘日晒之氣先一日不喫  
夜餐次日清晨緩緩乾服之如覺乾燥難服可稍稍  
潤以冷水以飽爲度服後禁食一切物第一頓可七  
日不饑第二頓四十九日不饑第三頓三百日不飢  
第四頓後雖不再服亦永不饑如渴則煎大麻子湯  
細細飲之若要重開飲食用艾葵花子三合研末煎  
湯冷服便下藥色如金任喫諸物無害矣

按方內之大麻子卽火麻仁本名大麻仁本草入之  
穀部乃神農服食上品色褐大於黍粒晉省最多呼  
爲麻子往往同麥仁炒食味香而多脂其性甘平緩

脾潤燥黑豆補腎鎮心活血解毒合之一補一潤故  
能辟穀療饑若今所謂大麻子乃藥中之草麻子形  
如狗虱白質絳黑斑只堪榨油並敷治瘡毒等用辛  
熱有毒頗同巴豆不可輕服三年荒旱之際曾有照  
方合服者因誤用草麻仁腹瀉而死人遂不信祇以  
今古南北物名不同遂致活人良方竟成鴆毒不可  
不辨正之

又按此方曾有都中好善之人照方配合以身嘗試  
據云初服一頓未能七日不饑二三日覺餓不妨再  
服但宜少不宜多至第二頓後可十餘日不饑則誠

有之惟服此不可食一切物食之則不驗四五日內亦稍困倦以後精神振發如常至三頓雖未試過想古人不爲欺誑之談也云云據此則倘遇荒年服此先耐數十日以待米糧之接濟當屬可信

車馬

舊志載協濟同戈驛馬十五匹馬夫八名本縣走遞馬騾十九匹頭馬夫十名二百年來久已更制今報銷解

司冊內有裁解同戈驛站銀四百餘兩殆卽協濟之款而本縣走遞早改爲遞文差役矣設遇兵差經過平

文水縣志

卷之五

財賦

三

定壽陽數在千名以上彼處車馬不敷供應則稟請派調五百里內之州縣以協濟之如文水交城汾陽太谷各邑皆應協之處也本縣一奉

憲檄卽差派七十坊都公備足數點驗編號簽派丁役押送至彼聽用急如星火自道光二十一年起至同治十一年凡調協十五次每次或車百餘輛數十輛馬數十匹不等車必三套馬須壯健自西去者由平定州平潭驛送至直隸井陘縣止自東來者由平潭驛送至壽陽縣止用訖撤回今將可考者著於篇

道光二十一年八月二次調協車二百五十輛馬八十



匹

十月調協車四十輛馬二十四

二十二年九月調協車一百六十輛馬五十匹

咸豐三年三月三次調協車一百六十五輛馬八十匹

十年七月調協車一百二十五輛馬四十匹至十月始

撤回

同治元年五月調協車六十輛馬二十四

九月調協車三十輛查此次因兵行迅速協車未及前往已由平定州僱備支應由署令丁樹勳飭都措銀一百五十兩解交平定州牧董彙芳以償車價

文水縣志

卷之五

財賦

三

十二月調協車十九輛

三年二月調協車六十輛馬二十四

六年七月調協車六十輛查此次協車本先調四十輛

續調二十輛邑令邵正寅派往平定車二十輛外援

前署縣丁令折價故事解銀一百兩交城亦然旋據

平定州牧慶亮撥回並一面稟聞

上憲謂不患無金患在無車文交兩縣有心玩悞祈

飭迅協濟師等語隨蒙

憲檄嚴飭趕將餘車四十輛派往而頭起官兵已過復經孟縣稟該縣芹泉驛借設平定測石村去平定

壽陽各五十里向係尖站每遇大差並不換給車馬  
此次平定來車送至測石即行卸載軍行過速不敢  
有悞師期是以不惜重價僱備莊驢送兵起行始得  
無悞計所費一千餘金實屬不堪賠累然平定之所  
以不送壽陽者由於文交兩縣協車不到不敷輪送  
所致請令兩縣分賠驢價等情蒙

前撫憲趙公長齡批飭文水分賠六成交城分賠四  
成

七年正月調協車五十輛

十月調協車七十輛查此次係接送宋軍門慶張軍門

文水縣志

卷之五

財賦

美

曜兩軍之差平定州牧慶未及探明遽用五百里公  
文催調比及前往而宋軍門請假緩行遂至徒勞往  
返經生員張豫章上訴邑令邵正寅亦以慶牧冒昧  
稟聞

前撫院鄭公敦謹批嗣後免協一次

八年七月調協車三十輛馬十五匹此次經邵令稟請  
免協

十一年五月調協車三十輛查此次亦因到遲平定又  
送至測石署孟縣馮壽金稟請賠償僱驢價值  
局憲飭令遵行前令吳超以某日奉文某日派車某

日到平定並未貽悞具稟卒由平定州應給本縣協濟車價內扣撥一百餘金以抵孟縣交代云

范啓堃曰國家承平四民樂業幸矣一旦軍興征調紛紜風馳雲集所至之處苦於供億需用車馬一切猝難備預縱使積金如山亦無所用而一時號鬪之士如羊如狼稍有岨嶇禍且立至毀器具肆呵罵役牧令若奴隸然當之者弗敢較惟屏息拱手以求速行始得焚香謝天安枕而卧求如古人所謂枕席過師者久矣化不可爲矣故正站州縣必求助於鄰邑原出不得已之苦心各鄰又不能不借資民力而吾民遂負不堪之重累矣我

文水縣志

卷之五

財賦

三

國家深仁厚澤久洽人心民亦踴躍趨公毫無怨語如咸豐三年三月內三日之間奉文三次調車一百六十餘輛馬八十四匹咄嗟而辦繼此數次調派初無貽悞十年七月之役調車一百二十五輛直至十月始撤回安業民間費錢至四萬餘千可謂上好仁而下好義者血氣尊親之屬良可嘉美也已然文邑去平定當數日程早赴則有守候之苦兵至始行又有不及之患雖同治元年九月前令丁君有折銀之舉乃一時之私議至六年七月遂有彼此忿爭具稟之事迨

同治十三年

前撫憲鮑中丞源深始飭局明定章程每車一輛折銀五兩馬一匹折銀二兩由應協之州縣解交受協之處自行僱備繼今已往民力大紓定價亦不爲少矣然此後過兵州縣設遇陰雨之時耕穫之際恐不免有受要挾之累者豈天下事竟乏兩全之術乎曰有之劉宴寬估造舟之費固難爲迂拘不達者道也同治十三年十月奉文新定調協車馬章程車一輛折價銀五兩馬一匹折價銀一兩

章程後開

文水縣志

卷之五

財賦

兵

查調協車馬有極遠者如襄陵翼城浮山之協霍州如文水交城之協平定往返幾及千里一有官兵過境信息調協車馬即須起程及至到站而兵差到境尚早不能不在彼守候迨差已過竣而受協州縣往往恐後起兵差又至不肯遽行放回甚至有羈候一二月之久者其攤派車馬費用動以萬計民間最爲受累卽如咸豐十年七月間陝甘官兵赴陝霍州調派襄浮翼三縣車馬到站直至十一月始行放回經本局檄飭平陽府霍州會議此後仍照舊章調協每車折給價銀五兩每馬折給價銀二兩由霍州自僱

支差以歸實用其餘未經飭議自應一律變通以示體恤應請嗣後調協由本府州調本屬州縣協濟本屬道路較近毋庸另議更章外其由本局調派別屬車馬道路過遠者應遵照同治六年平霍會議章程凡遇大起兵差過境例應調協由受協州縣稟明本局仍照向章分數調派每車折價銀五兩每馬折價銀二兩於支到十日內將款解交受協州縣如調協州縣不將銀兩如期解到准受協州縣稟請撤任云右係籌防局會議章程蒙

前撫憲鮑批飭通行自奉到新章後尚無調協之役

惟期自茲以往四海乂安與我邑民共樂耕耘永享昇平之福而已

21/60/69  
39  
部三三

# 文水縣志

## 卷六典禮志

公式 秩祀 賓興 鄉儀 坊表

## 卷七武備志

教場 堡寨 墩墩 器械 鋪舍

## 卷八選舉志

科名制科貢 職官 武弁 誥勅  
補遺 武弁

文水縣志卷六

典禮志

禮與樂並重而樂實始於禮其著爲典者莫先於別尊卑事神祇昭儀則樹坊表也文邑崇尙儉樸舍禮尤無以治因其質而文之毋使因陋就簡庶禮至而樂生俗之不化焉者蓋寡矣志典禮

公式

萬壽聖節

皇太后萬壽聖節

正旦冬至令節知縣率僚屬設儀仗具朝服先一日正

文水縣志

卷之六

典禮

念寺習儀畢鼓樂迎

龍亭設於縣堂至日五鼓行禮如制

凡迎

詔赦使者齋至知縣率僚屬具

龍亭儀仗鼓樂出郭迎接到縣開讀行禮如制

立春先一日縣官率僚屬至東郊迎至縣有公宴明晨

鞭春具朝服行禮如制

官員上任有公宴行禮如制

護日凡遇日食設香案於露臺上向日設金鼓於儀門內樂人於露臺下俱向日立至期知縣率僚屬穿素

服行禮陰陽生報復圓易公服行禮乃已遇月食禮亦如之

鄉飲以正月望十月朔日舉行先期行學舉堪賓介者送縣大賓居坊郭者縣官或躬造請其餘具書令諸生敦請惟賓介謁廟方報賓至行禮如制

秩祀

先師之祭隋開皇間始命州縣學皆以春秋仲月釋奠孔子唐高祖始詔立廟太宗始命守令主祭後遂因之孔子稱號始於漢平帝時封褒成宣尼公唐高宗贈太師元宗封文宣王宋太祖詔廟門立戟十六真

文水縣志

卷之六

典禮

二

宗加元聖文宣王尋以犯太祖諱改爲至聖徽宗加冕十二旒服九章廟門用戟二十四元成宗又加大成至聖文宣王羣弟子之祭則自漢安帝時始祀七十二弟子於闕里唐太宗始以孔子爲先聖顏子爲先師配之貞觀二十一年始以左邱明卜子夏公羊高穀梁赤伏勝高堂生戴聖毛萇孔安國劉向鄭衆杜子春馬融盧植鄭康成服虔何休王肅玉弼杜預范甯賈逵二十二人配享高宗總章間始贈顏回爲太子少師曾參爲太子少保並配饗至元宗開元間用李璣言始以十哲各爲坐像曾參次之餘弟子悉



從祀於廡開元二十七年又贈顏子爲兗國公閔子  
騫等九人爲侯曾參等爲伯宋真宗又以閔子騫而  
下皆爲公會參而下皆爲侯左邛明而下皆爲伯神  
宗元豐間始以孟子同顏子配食荀况楊雄韓愈並  
從祀徽宗大觀間始以孔伋從祀宋南渡後文水屬  
金並仍舊而宋境州縣理宗淳祐間加周敦頤朱熹  
公爵並從祀景定間又加張栻呂祖謙伯爵從祀度  
宗咸淳間始以顏回曾參孔伋孟軻並配孔子而升  
顓孫師於十哲以邵雍司馬光從祀元皇慶間以許  
衡從祀至順間加封顏子爲兗國復聖公會參爲鄒

國宗聖公孔伋爲沂國述聖公孟軻爲鄒國亞聖公  
明洪武初詔孔子封爵仍舊十五年詔天下儒學皆  
祀孔子二十九年罷揚雄從祀進董仲舒永樂八年  
正文廟聖賢繪塑衣冠令合古制正統間以胡安國  
蔡沈真德秀吳澄從祀宏治九年以楊時從祀祭祀  
之樂初用六佾其祭器則洪武三年更定禮物正位  
饋一羊一豕一籩豆各十登一鉶二簋籩各二帛一  
酒尊三爵三成化中樂加八佾增籩豆各十二嘉靖  
九年詔屏塑像始爲木主題曰至聖先師孔子神位  
改大成殿曰先師廟殿門曰廟門四配曰復聖顏子

宗聖曾子述聖子思子亞聖孟子十二哲以下前賢暨及門弟子東廡四十位公孫僑林放原憲南宮适商瞿漆雕開司馬耕梁鱣冉孺伯虔冉季漆雕徒父漆雕哆公西赤任不齊公良儒公肩定鄒單宰父黑榮旂左人郢鄭國原亢廉潔叔仲會公西輿如邾吳陳亢琴張步叔乘秦非顏喙顏何縣亶牧皮樂正克萬章周敦頤程顥邵雍西廡三十九位遽瑗澹臺滅明宓不齊公冶長公皙哀高柴樊須商澤巫馬施顏辛曹卹公孫龍秦商顏高壤駟赤石作蜀公夏首后處奚容蒧顏祖句井疆秦祖縣成公祖句茲燕伋樂

文水縣志

卷之六

典禮

四

欵狄黑孔忠公西蒧顏之僕施之常申棖左邱明秦冉公明儀公都子公孫丑張載程頤稱先賢某子之位春秋以來諸儒左邱明公羊高穀梁赤高堂生毛萇伏勝孔安國董仲舒后蒼王通杜子春韓愈胡瑗周敦頤程顥程頤邵雍張載司馬光歐陽修楊時朱熹呂祖謙胡安國張栻蔡沈真德秀陸九淵許衡稱先儒某子之位申黨卽申棖祀止存棖林放遽瑗鄭衆盧植鄭元服虔范甯七人各祀於其鄉黜公伯寮秦冉顏何荀况戴聖劉向賈逵馬融何休王肅王弼杜預吳澄十三人其后蒼王通歐陽修胡瑗陸九淵

皆增入者也凡籩豆樂舞之數亦更定焉天下府州縣學八籩八豆餘如舊樂舞止六佾祭期以春秋仲上丁日行禮惟邑不能備樂隆慶五年以薛瑄從祀萬曆十二年又以王守仁陳獻章胡居仁從祀

國朝康熙五十一年以朱子升列哲位五十四年以范仲淹從祀雍正二年復祀蘧瑗林放范甯顏何秦冉以縣直牧皮樂正克萬章公都子公孫丑陳淳何基趙復金履祥陳澹羅欽順陸隴其諸葛亮尹焞黃幹魏了翁王伯許謙蔡清從祀乾隆二年復祀吳澄道光二年以湯斌劉宗周從祀五年以黃道周從祀六年

文水縣志

卷之六

典禮

五

以陸贄呂坤從祀八年以孫奇逢從祀二十三年以文天祥從祀二十九年以謝良佐從祀咸豐元年以李綱從祀二年以韓琦從祀三年以公明儀從祀七年以公孫僑從祀九年以陸秀夫從祀十年以曹端從祀同治二年以呂柟方孝孺毛亨從祀七年以袁燮從祀光緒元年以陸世儀從祀二年以許慎從祀三年以劉德從祀四年以張伯行從祀五年以輔廣從祀

崇聖祠先是顏無繇曾點孔鯉皆從祀兩廡洪武四年國子司業宋濂上孔廟議言立學專以明倫今回參

設坐享堂上而其父列食廡間顛倒彝倫所當別議  
宏治元年少詹事程敏政復以爲言俱格不行嘉靖  
九年令兩京國子監并天下學校各建啟聖公祠祀  
孔子父叔梁紇以顏無繇曾點孔鯉孟孫氏配程珦  
朱松蔡元定從祀萬曆三十年以周敦頤之父周輔  
成從祀

國朝雍正元年加封啟聖公爲啟聖王改啟聖祠爲崇聖  
祠追封孔子五世祖木金父公爲肇聖王高祖祈父  
公爲裕聖王曾祖防叔公爲詒聖王祖伯夏公爲昌  
聖王奉祀崇聖祠二年以張廸從祀咸豐七年以孔

文水縣志

卷之六

典禮

六

孟皮配饗祭器用帛二豕一羊一各爵一釶一簋一  
籩一籩豆各八

舊志各四

名宦祠祀唐知縣戴謙元知縣楊致道明知縣張羽高  
安劉偉薛編陳棟郭宗賢八人

鄉賢祠祀郭雋韓子誕武甄武元衡武儒衡李希靖李  
澄武攸緒楊美盧政邢鑑牛拱辰鄭之僑胡誥胡全  
才祭上二祠在春秋上丁祭先師之後每祠用羊一  
豕一爵如其神之數

忠義孝弟祠在學宮東雍正八年知縣李世馨創修忠烈  
祀唐禮部尚書李澄明河間縣知縣贈按察司進士

陳三捷二人義士祀明郭世位鄭位

國朝嚴應祥曹天平四人孝子祀隋韓子誕明白祥張鳳翔李玟孟養氣胡浩郭拖七人

節孝祠在學宮東乾隆六十年知縣祝德全創修

關帝廟在城北街按建廟始祀蜀漢漢壽亭侯宋始封忠惠公加封武安王又加壯穆武安王又加英濟王元加封顯靈威勇武安英濟王明洪武中復侯原封萬曆間進爵爲帝廟曰英烈又勅封三界伏魔大帝神威遠鎮天尊關聖帝君又封夫人爲九靈懿德武肅英皇后子平爲竭忠王興爲顯忠王周倉爲威靈

文水縣志

卷之六

典禮

七

惠勇公賜以左丞相一員爲宋陸秀夫右丞相一員爲張世傑其道壇之三界馘魔元帥則以宋岳飛代其佛寺伽藍則以唐尉遲恭代繼又崇爲武廟與孔廟並祀

國朝加封忠義神武靈佑仁勇威顯護國保民關聖大帝咸豐三年升入中祀春秋祭用牛一羊一豕一帛一爵三行禮如制又封帝曾祖爲光照公祖爲昌裕公父爲成忠公崇祀後殿

文昌祠舊在學之西北隅後移東南巽地世傳文昌即梓童帝君唐宋屢封至英顯王元加號爲帝君前明

又以文昌額其宮

國朝崇祀與關帝廟同咸豐六年升入中祀春秋祭用牛一羊一豕一帛一爵三餘祭如制嘉慶六年崇祀三代

魁星閣創自明崇禎年間有碑記春秋上丁祭先師之後用羊一豕一帛一爵三餘祭如其制

社稷之祭壇在縣之北郊歲以二八月上戊日行禮繇壇北門入用木主左稷右社祭用帛二黑色羊二豕二爵各三各釂一盞四豆四簋二簋二行禮如制

風雲雷雨山川城隍之祭明洪武二十六年令天下府

文水縣志

卷之六

典禮

八

州縣皆祀其境內山川六年以風雲雷雨城隍合祭壇制與社稷同但壇由南門入用木主每祭以二八月上戊日行禮壇設三神位中爲風雲雷雨之神左爲境內山川之神右爲城隍之神其帛風雲雷雨四山川二城隍一俱白色羊三豕三爵各三釂一盞四豆四簋二簋二行禮如制壇設縣南關外

八蜡之祭在社稷壇東祭期隨之用帛一羊一豕一爵三簋二簋二盞四豆四

土地馬神之祭春秋仲月上巳日祭品牲醴庶羞

邑厲之祭每歲春清明日秋七月十五日冬十月初一

日祭無祀鬼神先期三日主祭官牒告城隍至日設城隍位於壇上用羊一豕一設無祀鬼神牌於壇下左右用羊二豕二以米三石給各坊都爲羹飯香燭酒紙隨用具祭文詞壇在縣北郊

里社鄉厲之祭舊制令每里都擇地立壇一所以祀土穀之神歲輪一戶潔淨壇場遇春秋二祀備辦祭物用羊一豕一及酒果香燭至日約聚祭祀祭畢會飲先令一人讀誓詞其詞曰凡我同里之人各遵守禮法毋恃力凌弱違者先共制之然後經官或貧無可贍周給其家三年不立不使與會其婚姻喪葬有乏

文水縣志

卷之六

典禮

九

隨力相助如不從衆及犯姦盜詐僞一切非爲之事並不許入會讀畢長幼依次就坐盡歡而退其祝文云維某年月日某府縣鄉里某人等致祭於五土之神五穀之神曰惟神參贊造化發育萬物凡我庶民悉賴生植時維仲春東作方興謹具牲醴恭伸祈告伏願雨暘時若五穀豐登官賦足供民食充裕神其鑒知尚饗秋歲事有成

鄉厲亦每里一百戶內立一壇祭無祀鬼神祈禱民庶康安六畜蕃盛每歲三祭祀酒隨俗置辦其輪流會首及會飲讀誓等儀與里社同其祭文與祭告城

隍之文與府縣大畧相同

列祠之祭城隍廟

在城

關帝廟

在城

于夏廟

在隱

泉山狐大

夫廟

在桑村

藥王廟

在徐

水母廟

在徐

南都

舊論曰國之大事在祀詩言僮僮祁祁禮言洞洞屬屬萃頤若之孚以薦其明禋之敬神之享於克誠也明矣第晚近異教繁興人多為禍福之說所誘於是

賓興

文水縣志

卷之六

典禮

十

生員應試縣官卜日備花紅路費禮宴公堂畢以旗鼓前導出郊仍具馬匹送省

舉人報捷是日縣官豎旗懸扁旋遣夫馬迎候比歸具傘蓋旗鼓結彩清道往迎於郊進謁孔廟仍請公堂禮宴一倣藩省鹿鳴盛設禮成如迎儀送歸第

舉人會試禮宴如生員應試儀差厚贈贐如例夫馬送至京師

進士儀禮倍隆

歲貢送迎餞贐如舉人儀畧殺

鄉儀



冠禮士夫子弟及諸生間有行者凡民罔敦焉

婚禮問名納幣親迎畧倣六禮之儀往多重財比年女家妝奩亦量力從厚風俗漸淳

喪禮士夫家或倣家禮舉行凡民則不免事陰陽信風水供佛飯僧以蹈弊俗

祭禮士夫家有祠堂者行如禮民間多設位便室祀之若俗傳歲時墓祭之類無士民一也

燕集鄉黨序齒惟親與遠賓與有爵者則別序若迎勞出餞特舉者又以專召爲上客獻酬一如常儀今多讓左

文水縣志

卷之六

典禮

十一

慶弔嘉禮則慶之有贈儀凶禮則弔之有賻儀貧者咸相助焉或遠不相及則再拜遣使以問之

送迎尊者遠行咸送迎之卑者幼者五里敵者三里親者十里祖道餞贐如常儀卑者以下俟其歸往省焉坊表

傳星曰先王神道設教所以牖民故於神有坊其於人也旌別淑慝表厥宅里樹之風聲故於賢士大夫貞婦烈女有坊其於道途也示往來便行旅昭古蹟故於界壤遞鋪有坊嗚呼深且遠矣

德配天地道貫古今坊

在文廟前左右光緒九年知縣楊恩溥重葺

鑒察司民坊

為城隍立在本廟巷口

城隍廟坊

在廟前

威震華夏坊

為關聖立在本廟巷口

護國庇民坊

為真武上帝立在北關本廟前

二聖坊

為關聖二郎立在南關北門內

大德廣生坊

為送子聖母立在本廟前

麻衣仙姑廟坊

在桑村本廟巷口

九江聖母坊

在鄭家莊本廟巷口

育賢坊

儒學前

激揚坊

安攘坊

二坊俱在察院前

雲路坊

為癸酉科舉人段輔立

進士坊

為王戊科進士馮憲立

紹蛻坊

為戊午科舉人解文立

高攀丹桂坊

為辛酉科舉人柳寨立

文鳴坊

為丙子科舉人張鳳翔立

徽省坊

為進士郭廷冕父郭瑞立

進士坊

為乙未科進士郭廷冕立

柱史坊

為御史郭廷冕立

騰霄坊

為參議高翥立

文水縣志

卷之六

典禮

三

繡衣坊

為御史成文立

京兆坊

為推官王益爵立

文魁坊

為舉人李喬立

四雋坊

為舉人王益爵孫榮先王榮嚴二省立

重光坊

為辛未科進士田疇父田彥文立

青瑣承恩坊

為都給事中田疇立

大諫議坊

為都給事中田疇立

總武坊

為參將郭曉立

奕世承恩坊

江南太倉衛守備成性立

世承天寵坊

為癸丑進士參政王在臺立

左都督坊

為甘肅提督成元震立

大廉使坊

為湖北按察使司成汝舟立

旌表坊

為霍文妻呂氏立

貞節坊

為郭澤妻索氏立

旌表坊

為李山妻常氏立

節孝坊

為監生王步元妻孔氏立

世科坊

為進士郭廷冕並子舉人郭衡又為孫舉人郭超宗立

文魁巷坊

為舉人嚴三省王益爵孫榮先進二王在臺舉人嚴國魁魁子舉人彭詢鼎立

春秋大陵舊城坊 在縣北二十里交界前知縣米世發創建


峪水環流坊 在縣北十里鋪前知縣米世發創建

唐堯平陶故都坊 在縣南二十五里交界前知縣米世發創建

西山聳翠坊 在縣南十里鋪前知縣米世發創建

聚奎坊 內題歷科進士外題歷年恩拔歲貢康熙年間知縣王家柱立在文廟前

大司馬坊 為癸未科進士湖廣總督諡勤毅胡全才立



文水縣志卷七

武備志

武曰備志豫也文逼近離石樓煩羊腸之區備不可不  
亟文四境無險可扼備更不可不亟顧備乎武則必實  
有其武之事有教場而武之習備有堡寨有墩堠而武  
之守且望備有器械有鋪舍而武之具武之警備武備  
矣而或往蹟湮或故事應猶弗備也吾茲有戒於後之  
實心爲政者志武備

教場

演武場在縣北二里許袤一百八十步廣四十步計地

文水縣志

卷之七

武備

三十畝繚以垣牆構演武廳三楹將臺一座明嘉靖  
四年知縣李朝典史李紀勗建今久廢

明

千長一人

百長四人

隊長四人

民壯一百四十九人操練守城後分爲三班更番

備邊

馬快十五人

步快十五人同民壯操備兼捕盜各項雜役

堡長守城四人每堡一人

提調守城十六人每堡多寡不一

正奇隊長守城一百一十四人各堡多寡不一

國朝

城守司外委一員

步兵十七名

民壯二十六名

堡寨

孝義堡

在本都城圍四里五十步高一丈八尺基濶一丈六尺上濶六尺嘉靖十九年知縣鄒以大建

開柵堡

在開東西都城圍四里高一丈八尺基濶一丈五尺上濶七尺為文峪河侵僅存半

文水縣志

卷之七 武備

二

岳青堡

在本都城圍四百四十步高二丈基濶二丈上濶六尺嘉靖十九年知縣鄒以大建

原東堡

在本都城圍五百八十步高二丈基濶一丈二尺上濶一丈嘉靖二十一年知縣王一民建

青泉堡

在本都城圍二百四十步高一丈二尺基濶一丈一尺上濶五尺嘉靖二十二年知縣王一民建

馬西寨

在本都隱泉山上因山設險堰石為城圍三里高三丈基濶一丈五尺上濶八尺嘉靖十九年知縣鄒以大建

文峪寨

在文峪村城圍二百步

東城堡

在本都城圍一里二分

保賢西堡

在本都城圍四百五十步

保賢東堡

在本都城圍二百步

待賢堡

在本都城圍四里

雲周東堡

在本都城圍一百八十步俱嘉靖二十一年知縣王一民建

雲周西堡

在本都城圍四百步

原西堡

在本都城圍五百步俱嘉靖二十一年署印檢校鄭航建

仁智堡

在本都城圍三百二十步

思賢堡

在本都城圍二百五十步

貫家堡

在本都城圍四百五十步俱嘉靖二十一年知縣王一民建

白安堡

在本都城圍四百二十步

韓武西堡

在本都城圍二里

獨家堡

在本都城圍八百八十步

文水縣志

卷之七 武備

上賢堡

在本都城圍三百七十步俱嘉靖二十一年知縣王一民建

仁義堡

在本都城圍三里七分嘉靖十九年知縣鄒以大建

右諸堡寨惟孝義岳青青泉馬西四處見存其餘俱廢備載之以俟興復

蘇子英曰國有堡寨猶家有藩籬所以捍禦外侮者在茲春秋書虎牢易豫取重門設險守國良有以也文水為太原巨邑邇來流寇犯境堡寨傾毀保障斯民者可不為之留心哉

墩墩

龍泉墩

縣北五里

徐村墩

縣北十里

開柵墩

縣北二十里達交城

青泉墩

縣南五里

下祠墩

縣南十里

孝義墩

縣南十五里

上賢墩

縣南二十里達汾陽

每墩一座周圍八丈高三丈上蓋小房一間下設小

墩六座以備烽燧之警

器械

明

文水縣志

卷之七

武備

四

盔三百九十六頂

甲四百一副

大將軍四位

三將軍一位

生鐵蓋口炮二十四位

熟鐵蓋口炮四十二位

湧珠炮三十九位

連珠炮三十八位

快鎗五百杆

雙佛郎機九杆

單佛郎機四十六杆

拐子炮一百五十杆

三股炮七箇

火鎗炮四十箇

虎尾炮一箇

鋼銃六箇

鐵銃二十九箇

天炮五十箇

炸炮二千三百箇

小炮二百四十箇



三眼鎗八十杆

竹塹桶二百箇

推刀二百口

推叉二百七十杆

三股叉八杆

鐵鎗一十四杆

鉞斧八把

斬馬刀五口

懸鎗五十杆

鐵飛鈎二十五杆

鐵叉五十杆

弩弓四十五張

神箭一根

大小鐵子六千四百箇

大鉛子七箇

小鉛子一萬三千五十箇

木馬一千四百箇

火藥匙四十張

火藥三千三百八十九斤  
火線四十七條

文水縣志

卷之七 武備

五

鉛四百斤

硫黃二百一十四斤

硝一千斤

守城夫器械

弓箭四十副

腰刀二百口

長鎗二百杆

鋼斧四十把

悶棍二百根

骨槩二百把

鐵叉二百杆

快鎗二千杆

火藥一千斤

鉛子一千斤

五色旗幟七百五十杆

懸簾木架一千八百五十箇

以上經明季暨

國初兵火之後僅存其目

國初舊志

神威炮六位

大將軍炮三十一位

二將軍炮八十三位

三將軍炮十四位

生鐵炮三十一位

大佛郎機二位

佛郎機炮四位

炸炮十位

小炸炮一十六位

小炮八位

三眼鎗五百二十二杆 獨眼鎗十杆

現存器械

矛子鎗四杆

順刀四把

文水縣志

卷之七

武備

六

烏鎗四杆

抬鎗四杆

大鐵炮三十五位

舊論曰器械不利以卒予敵吾文城守之具富矣顧器久不用則蠹果皆一一堅利足備緩急之用乎書曰鍛乃戈矛礪乃鋒刃易曰除戎器戒不虞誠能春秋操閱時一試習而易其朽敝乃可恃耳

鋪舍

總鋪

在北關

徐村鋪

在縣北十里鋪前 暨峪水環流坊

開柵鋪

在縣北二十里交界暨春秋大陵舊城坊北達交城縣

下祠鋪

在縣南十里鋪前  
監西山登翠坊

上賢鋪

在縣南  
二十里

文新鋪

在縣南二十五里交界監唐堯平陶故都坊南  
達汾陽縣 以上四坊知縣米世發創建

傳志曰鋪舍之設由來久矣有警則傳舉烽燧平時則傳遞文書文北鄰交邑南接汾陽固孔道也申令修飭常使斥堠相望庶幾羽檄無驚文移不困矣

范啟堃曰文邑東距汾西近山南北皆平原去省一百六十里無險可扼明季數遭兵燹復有山寇之患國初康熙年趙天羽給諫爲交城令平之文交兩邑居民始得安枕迄今爲樂土者殆二百餘年舊志武備所

文水縣志

卷之七

武備

七

載器械旣多且精今僅有存者蓋旗幟久則糜爛槍械諸器久則朽蠹刀矛火礮久則鏽澀斷折非盡田典守之不慎其理然也城守之兵又僅十餘名分汛且不足從前髮捻各逆擾及晉省幸未越韓侯嶺一步耳設聞風鶴未可云衆志成城制挺可撻也况衆山屏列於西其中徑路叢雜西北達靜樂東南接永甯北近交城亂山之中尤易藏奸一有饑饉或一二不逞之徒窟穴號召遂不免萑蒲之聚前車未遠尤可鑒也或者謂有器貴有人有人尤貴有用髮捻之亂幾遍天下所至之處若虛無人焉豈必兵之不多器

之不利歟雖然安不忘危古之訓也不備不虞不可  
以師傳之戒也巨逆狂寇誠非一旅所能當近年盜  
賊繁多到處乘機肆劫思患預防之策舍武備奚恃  
哉涓涓不塞流爲江河兩葉不去將用斧柯留心衛  
民者宜知所急已

文水縣志卷之八

選舉志 附寄籍

兩漢魏晉之間人材最盛唐設進士科遂使天下英雄盡入彀中然諸道節度得自置幕僚猶存薦辟遺制降而至於八股文字而科名愈重人材益微矣故說者謂帖括取士為千古人文之一陋非過激也文邑古名區山川之秀代有賢才自唐以下凡得科目若而人其不朽者無幾焉豈盡失其事實耶抑人各有能有不能精文學者不兼政事耶毋亦所謂文學者非耶錄而存之然後知科名不必重人人自求其不負科名可爾於是

文水縣志 卷之八 選舉

平志選舉

進士

唐

武甄 見列傳

武元衡 見列傳

李希靖 見列傳

李愷 見列傳

宋

牛拱辰 見列傳

郭天與

郭安仁

牛唐弼	鄭恬	田震	趙謙	武奉
牛天緯	李彥中	溫學	梁璋	張居仁
任介	申強	張之才	李激	郝天常
程嘉樂	劉繼祖	許天民	王仲錫	鄭煥

張餘良 張鵬 郝之純 王 武 貴  
史鐸 李敏 王祖禹 王舉 任舜枚  
王現 馬蔚 李發 武唐臣 武懷民  
張世舉 張天民 趙民國 張公義 武惠耀  
侯伯圭 王觀 武堯臣 張希古 王華國  
程宗道 賈安節 宋鯤 蘭牧孔 趙騰  
顏王 唐臣 程貫  
以上舊志存疑

元

李秀 李信

李遜 李讓

李禎 李光祖 皆同宗見龍泉墓碑記

梁錦陽 見列傳

張搏霄 宋元魯 胡師寅 趙克範 閻質  
孟子良 劉宗道 王明善 郝子暉 張之幹

文水縣志 卷之八 選舉

于子固 孟仕寬 曾仁吉 賀成 郝仁亨  
以上舊志存疑

明

王良 洪武年吏部 馮憲 宏治壬戌  
驗封司郎中 科見列傳

郭廷冕 嘉靖乙未 田疇 隆慶辛未  
科見列傳 科見列傳

鄭宗周 萬曆丁未 王在臺 癸丑科  
科見列傳 見列傳

陳接三 崇禎庚辰 胡全才 癸未科  
科見列傳 見列傳

國朝

郭鵬霄 順治丙戌科任北直慶雲縣  
知縣調湖廣長甯縣知縣

鄭崑璧 戊戌科 見列傳

程裕昌 辛丑科原籍福建福清人 繼嗣本縣王俊  
龍任北直甯津縣知縣奉旨復姓

郭鼎鉉 康熙甲辰科任江西南豐縣知縣

鄭崑璽 壬戌科直隸三河縣廣東普甯縣貴州安化縣知縣吏部郎中戶科掌印給事中

鄭崑璜 見列傳 鄭崑瑛 乙丑科見列傳

胡德浩 己丑科任湖南岳州府臨湘縣知縣居官清廉有政聲

嚴調鼎 辛未科 鄭為龍 癸未科見列傳

鄭錫爵 丙戌科見列傳

趙日瑛 戊戌科直隸武清縣知縣陞大理司評事

鄭廷楫 雍正癸丑科見列傳 鄭時慶 見列傳

郭偉人 乾隆己未科歷任四川太平長壽等縣知縣資州知州署潼川府知府改汾州府教授

高容 王績 壬戌科見列傳

文水縣志 卷之八 選舉

鄭鴻任 乙丑科見列傳

孟自強 戊辰科陝西韓城縣清澗縣知縣改澤州府教授

鄭岱鍾 壬申科見列傳 鄭嶽鍾 辛巳科福建崇安縣知縣

王鍾健 丙戌科見列傳

郭依山 庚子科雲南恩安縣知縣昭通府知府署迤東道

龐士冠 庚戌科翰林院檢討

王錫蒲 嘉慶戊辰科翰林院庶吉士庚午科江南鄉試同考官蘇州府總捕同知兼寶蘇局事陞

貴陽江甯府知府道光己亥科武備監試陞甘涼兵備道

鄭元鐸 甲戌科 賀嵩秀 庚辰科

蘇捷卿 道光壬午科河南知縣 武天彌 丙戌科改名新銘見列傳

武新亨 癸巳科原名天亨 王道立 甲辰科 見列傳  
 王履謙 丁未科福建 歸化縣知縣 武達材 光緒丙子科湖 南即用知縣  
 鄉舉

元

雷震 李昊 孟咨 李機 李桐  
 牛著明 馬庚 牛坤 龐驥 王佐村  
 任徵 武昱 張洪 許阜成 牛應瑞  
 岳宗甫 武顯忠 王琢 閻溥 賈冠  
 李木 王文廣 王庭憲 王秉鈞 任倬  
 張樞 孟與 王安勳 王彥輔 王允  
 蘇諤 韓師愈 李安仁 薛鈞 高公才  
 靡好古 韓友直 徐獻可 徐獻忠 徐礪  
 以上舊志存疑

明

文水縣志

卷之六

選舉

四

李揖 洪武甲子科山 李簡 永樂丁酉科山  
 王紀 庚子科陝西 馮讓 癸卯科鴻  
 孔哲 山東昌邑縣知縣 王成 禮部主事  
 米擴 宣德丙午科陝 孫煥 己酉  
 韓翀 正統辛酉科 溫厚 甲子  
 段輔 景泰癸酉科浙 劉鼎 癸酉  
 張璣 成化年 解文 宏治戊午科直隸  
 馮憲 見進士 柳寨 辛酉科山東  
 張鳳翔 正德丙子科 郭廷冕 己卯科  
 王益爵 嘉靖丁酉科延 孫榮先 北直寶坻



王榮 癸卯科山東歷城縣知州

嚴三省 己酉科見列傳

李喬 戊午科陝西藍田縣知縣

郭衡 隆慶丁卯科陝西興安知州

田疇 庚午科見進士

趙國士 萬曆丙子科屯留縣教諭

侯齊 己卯科

張書 河南武安縣知縣

鄭之僑 甲午科見列傳

王在臺 癸卯科見進士

鄭宗周 見進士

曹珏 天啟丁卯科見列傳

嚴國魁 崇禎庚午科見列傳

郭城

陳接三 癸酉科見進士

胡全才 丙子科見進士

王憲中 己卯科襄陵縣教諭天城鎮遠衛教授

翟永昌 壬午科

文水縣志

卷之八

選舉

國朝

郭鵬霄 順治乙酉科見進士

吳光姬 辛卯科臨晉縣教諭平遠衛教授

郭超宗 甲午科介休縣教諭

鄭崑璧 見進士

閻文燦

武繼周 丁酉科

郭鼎鉉 見進士

王楨

程裕昌 庚子科見進士

高聯 康熙癸卯科亞魁

王錫命 丙午科是科改制藝以策論中式

嚴調鼎 己酉科見進士

郭維垣

胡纘 乙卯科

鄭崑璜 見進士

鄭崑瑛 見進士

高華 戊午科

鄭崑璽 辛酉科經魁見進士

韓嗣奇

侯靖國 甲子科

侯文珽

趙大成 癸酉科

王 璵 丙子科

甯文昭 山東平陰縣知縣

鄭為龍 壬午科 見進士

張 政

鄭錫爵 乙酉科 見進士

李 瑄 吉州學正 潞安府教授

鄭永升 四川銅梁縣知縣

胡德浩 見進士

王定荆 甲戌科 四川井研縣知縣

張含美 丁酉科

王 楨 江西進賢縣知縣

鄭士奇 雍正癸卯科 江南宜興縣吳江縣知縣

鄭士俊 河東鹽庫大使 浙江桐廬縣憲 谿縣知縣 河南開封府經歷

鄭朝鼎 甲辰科

鄭元綬 江蘇六合縣知縣

文水縣志 卷之八 選舉

鄭廷楫 丙午科 見進士

鄭時慶 己酉科 見進士

張翹翰 壬子科 陽城縣教諭

郭偉人 乙卯科 解元 見進士

鄭昌齡

鄭鴻任 見進士

任卜傳 乾隆戊午科 翼城壽陽縣教諭

王 績 辛酉科 見進士

杜天培

鄭賜及 孟縣教諭

鄭雋逸

武 清 康熙丁卯科 直隸鹽山縣滄州知州

李文蔚 甲子科 雲南永善縣知縣 署陸源州知州

成邦彥 丁卯科 貴州安順府郎岱同知

孟自強 見進士

鄭嶽鍾 庚午科 見進士

鄭岱鍾 見進士 嘉慶庚午科 重慶鹿鳴

成邦直 安邑教諭 汾州府教授 直隸刑臺縣知縣 刑部員外郎 山東主事

王紳 壬申科

楊同奇 鼻城縣教諭

李彭年 丙子科河津縣訓導

李一德 己卯科山東歷城縣知縣

鄭樞 庚辰科江西德安豐城縣知縣  
郭鳴元 壬午科亞魁長子縣教諭

李光翰 乙酉科翼城縣教諭  
李天寵 戊子科五臺縣教諭

鄭石渠 霍州訓導  
楊殿錫 臨晉縣教諭

張舒翼 辛卯科  
甯紹俞 江西奉新縣知縣

武廷選 貴州普安州知州江蘇泰興縣知縣蘇州分府見列傳

王其重 己亥科  
閻廷榕 庚子科見列傳

蘇善繼 癸卯科  
閻長庚 丙午科

文水縣志 卷之八 選舉

七

龐士冠 戊申科見進士  
閻晉鏗 解元汾陽縣訓導

鄭作謀 己酉科  
鄭增榮 壬子科陽高縣教諭朔平府教授

鄭敏質 河南孟津盧氏新鄭洛陽縣知縣  
蘇鈞 甲寅科

李芳園 平定州訓導

鄭文 嘉慶戊午科汾西縣馬邑鄉教諭介休縣訓導

武公德 庚申科崞縣教諭  
武錫齡 甯武府訓導

張中魁 辛酉科  
馬一魁 辛酉科

趙濬 壬戌科國子監學正  
鄭元鐸 甲子科見進士

張西銘 渾源州學正  
王錫浦 丁卯科見進士

武振風 戊辰科陝西試用知縣

劉光畢

郭温

蘇捷卿

庚午科解元見進士

王道坦

正黃旗覺羅館教習安徽懷遠縣知縣雲南陸涼州知州

李秀章

温如玉

殿元陽城縣教諭

賀嵩秀

癸酉科見進士

孟質敏

大挑知縣改授平陸縣訓導

劉光魁

萬泉縣教諭

冀攀桂

戊寅科黎城縣教諭

武天弼

己卯科順天鄉榜見進士

武依鎬

靈石縣訓導

王鍾健

庚辰科見進士

成錫珽

道光辛巳科馬邑鄉訓導

王都洛

壬午科

喬大魁

乙酉科臨縣訓導絳州學正

麻國珍

戊子科經魁

程恬

文水縣志

卷之八

選舉

八

武新亨

辛卯科順天鄉榜見進士延選次子

吳兆南

閻兆捷

壬辰科

武僑

乙未科見列傳

王如衡

王履謙

丁酉科見進士

王道立

見進士

張鳳池

己亥科

劉汝楫

吉州學正

喬占魁

癸卯科

武錫璜

己酉科

成長齡

咸豐乙卯科曲沃縣教諭

李毅

辛酉科湖北即補知縣

張采翼

同治壬戌科見列傳

霍天相

丁卯科署高平縣教諭

劉敦華

福建即補知縣

王德修

光緒乙亥科

張慶良

武達材

聯捷進士湖南即用知縣陝西即用知縣

副榜

明

王祥 宏治年廣甯縣教諭

鄭庭周 天啟丁卯科

國朝

馬調貞 順治甲午科 平陸縣訓導

任大任 康熙乙卯科

鄭完璧 大同縣訓導

侯應天

王珣 甲子科

鄭崑琛

閻文炳 丙子科

鄭錫勇 乙酉科

郭愚

王玉節 戊子科

鄭朝鼎 雍正癸卯科 見舉人

張涓 己酉科

文水縣志 卷之八 選舉 九

侯德讓 乙卯科

楊瀚 乾隆丁卯科

蘇釗 壬申科

成垣 癸酉科 恩賜

王袞 乙亥科 嶧縣教諭

姜葆光 庚寅科

潘士廉 己亥科

成履咸 庚子科 浙江孝豐縣知縣

鄭兆捷 己酉科 湖南道州靖州判署安仁縣知縣

鄭康 嘉慶戊午科 武鄉縣教諭

韓贊元 庚申科 趙城縣訓導

趙濟 辛酉科

武敬勝 見列傳

孟時敏 丁卯科 趙城縣教諭

蘇必健 庚午科

王鴻儒 戊寅科

王廷珍 己卯科

成疇 道光壬午科

李鍾英 咸豐乙卯科

拔貢

明

李若桐 萬曆癸巳科

張自新 天啟辛酉科

郭鵬霄 崇禎年見進士

孟冲厚 萬曆丁酉科

國朝

孫志夔 順治年慈利知縣

王亥

郭文雄 府學任崑山知縣有惠政祀名宦 胡裕才 博學能文考授通判

楊應芳 考選通判改授陝西按察司經歷清廉有才名

甯宏舒 河南原武縣知縣才幹精敏居官八載終養致仕

王錫命 見舉人 胡應麟 工部虞衡司郎中

文水縣志 卷之八 選舉

孫才 康熙年

鄭昆璋 王子科芮城教諭潞安府教授江南婁縣知縣

馬白強 丙寅科 王廷祚 癸酉科分發河南卽用知縣

王星燦 丁酉科 王傳甲 戊戌科

鄭廷楫 雍正癸卯科見進士 胡爲筠 己酉科江南新安縣知縣

閻錦 乙卯科 韓錫嘏

王埴 乾隆年 鄭鳳翼 辛酉科

蔚時泰 癸酉科 王鍾文 乙酉科覺羅館教習福建將樂縣知縣

劉衡詔 丁酉科靈石縣教諭 王圖德 己酉科甘肅階州州判

王錫蒲 嘉慶辛酉科見進士 郭夢熊 癸酉科考取成親王府教習

畢王訓 道光乙酉科

劉汝楫 丁酉科 見舉人

李如蘭 己酉科

武達材 咸豐辛酉科 見進士

張聯翼 同治癸酉科

優貢

國朝

王鍾彥 乾隆己酉科 絳州學正

張步騫 嘉慶戊午科 任奉天黎樹城照磨

麻國寶 丁酉科

歲貢 附 恩貢

明

洪武年

文水縣志

卷之八

選舉

十一

韓達 宿遷知縣

韓福 懷慶府通判

劉原

永樂年

高翥 知州 歷湖廣布政司參議 操守剛正 人不敢干 以私居官二十餘年 子孫無餘產

宣德年

趙宣 經歷

張儀 岳崇

王統年

段振 定興縣丞 張俊 河南周府引禮 尹昌 會稽知縣

李春 合肥知縣 閻閔 宋恭

楊泰

景泰年

段郁 杭州府檢校 高舉 秦州同知 李泰

天順年

王鑑 隆慶吏員 武疇 武清主簿 王昭 欒州判官

王輔 李申 馬厚

杜智 樂亭縣丞

成化年

王堂 李欽 同鄉主簿 裴文 白水縣丞

李弼 檢校 孫祿 同官縣丞 王晉 合水訓導

武壽 臨洮縣推官 侯渤 涿州衛經歷 吳智 平度州知州

文水縣志 卷之八 選舉

宏治年

李貫 南京戶部照磨 米增 大名府通判 李舉 樂安縣丞

王臣 四川新甯主簿抵任會流賊作亂城守無虞為當道所沮憤悶卒

正德年

張授 蔚州衛經歷 傅鸞 甯夏經歷 張麒 三河縣訓導

李哲 清豐主簿 馮鼎 河州訓導 高斐 岑溪知縣

柳澤 訓導 張舉 宜府衛經歷 吳騰 潘府教授

李瑤 光州判官 武旻 安肅府同知

嘉靖年

高基 阜城縣丞 陳良才 環縣知縣 郭嘉猷 河澗教諭



張文翥

王官

涇縣主簿

張廷璧

涇陽知縣

李儀

沔縣主簿

張學

肥鄉縣教諭

劉芳

海州判官 鄆州同知

孫榮先

見舉人

胡世卿

判官

張廷儀

清澗縣丞

趙彥文

文安縣丞

馮榮祖

白越

涇陽訓導

岳璠

河州學正

趙致和

完縣教諭

郭廷寵

高子榮

武翰

懷安衛訓導

杜世卿

裴廷輝

鹽山教諭

王汝礪

萊州府教諭

王宗訓

富平訓導 甯衛教諭

李許

米登

米脂縣丞

王訓

廣甯縣訓導

隆慶年

李朝問

壽光縣丞

孫榮宗

藍田主簿

侯三封

文水縣志

卷之八

選舉

三

萬曆年

王振武

壺關訓導窮經力學啟誘多士西人有西河夫子之稱

吳來鵬

三元縣主簿

李化

葭州州判為人清廉州人樹去思碑

武備

壺關訓導

韓繼道

潞安府教授

齊鳴謙

高科

李登高

武科

李相

王朝宦

趙騎鯤

渾源州學正

趙承光

內黃縣訓導

陳一本

山海關訓導陞趙城教諭博極羣書時稱大儒

張翼

平陸訓導 太康教諭

蘇應聘

見列傳

馬載圖

壺關訓導陞漢州學正以孝友稱

孔煥

臨洮府教授

李虞龍

范貞吉

洪洞縣訓導

張熹

張士

劉登

王宗閔

杜之美

翼城訓導  
高平教諭

成希禹

稷山縣  
訓導

武祥龍

天啟年

嚴濟宏

霍州訓導  
朔州教諭

呂儉

芮城縣訓導  
陞蒲州學正

孟繼統

介休縣  
訓導

崇禎年

李化龍

武敬勝

趙檄

蘇民

趙清

楊若桐

性醇樸言  
而好禮

王仁浩

江山  
縣丞

趙景瑄

高明遇

慎言行有  
古君子風

文水縣志

卷之八

選舉

苗

郭庭

洛陽縣  
教諭

國朝

順治年

李憲中

性清潔  
有文名

楊德芳

孟國瑾

福建長樂  
縣知縣

麻光濟

靈邱訓導  
學問優瞻訓子課士各有條貫

趙之璧

荷氏縣  
訓導

王化中

蒲州  
學正

楊應元

沁源  
訓導

王毓秀

在臺子  
天性孝友臨  
縣訓導因疾未任

田生玉

高居謙

見列  
傳

王見龍

康熙年

侯世臣

府學

張天明

府學

蘇州彥

老年好學  
時稱風儒

武國球

張鯤化

武昌印

大同府教授

侯秉福

王毓文

郭若泰

張俊儒

鄭國相

閻直達

原武縣知縣

閻直達

翼城縣教諭

杜必昌

曹元盼

成四象

李孔

王履吉

田爾好

田爾穎

孟輔弼

孟光緒

梁 卣

曹元素

席上讓

張啟明

閻直垌

洪洞縣訓導

甯文蔚

山陰縣訓導

張鳳池

鄭復宏

韓來觀

席上錦

段廷璽

文水縣志

卷之八

選舉

五

任賓王

吳 和

鄭復崇

張爾典

楊辰樞

王傳甲

成維屏

閻德琬

王賜履

岳 岱

郭金珪

張廷枚

太平縣訓導

張廷柱

張大猷

武天申

遼州學正

雍正年

楊振德

潘淵洙

鄭維翰

汾陽縣訓導

王 輿

甯鄉縣訓導

席上銘

張亮綏

張友參

張鑑倫

成維翰

王鵬遠

大理寺左丞

乾隆年

李珖

鄭履益

郭臨泌

平陸縣訓導

張軻

張名達

張大勇

郭源浩

鄭裕質

劉昭

李中直

張素裕

神池縣訓導

姜振基

虞鄉縣訓導

李璜

蘇治世

胡為簡

蘇敦化

王國光

石樓縣訓導

高瓊

王侯度

繁峙縣訓導

鄭鴻緒

虞鄉縣訓導

王綬

趙文翰

文治雍

孝義縣訓導

鄭昌祚

段錫元

胡栗

張鳳翼

文水縣志

卷之八

選舉

六

邢宗孔

王繼威

王升吉

王謙吉

張文瀛

介休縣訓導

李時潛

陳七政

張燦斗

陳策

高睿夫

陳七襄

白袁燦

武琮

陳從直

永甯州訓導

高若岬

垣曲縣訓導

呂元凱

忻州訓導

陳五雲

陳六卿

寇維藩

嘉慶年

孟元霖

王會同

盧世琛

張鵬

劉元登

張仁宇

鄭肇邵

劉希孟

成錫璠

順天府督糧通判

劉希召

岳陽縣訓導

劉文蔚

王宜猷

張翼如

成錫珩

道光年

龐浩源

劉 鎧

安百里

馬列駿

郝全真

賀鵬冲

楊聯捷

郭嘉賓

楊 魯

見列傳

石傳書

王懋德

馬通志

張聖寬

咸豐年

文水縣志

卷之八

選舉

七

韓廷璧

孟恒昌

馬 鑑

武開封

龐宗彝

孟德慶

和執中

成洪疇

同治年

成洪恩

王大中

張豫章

張慎儀

浮山縣教諭

王德新

李 瀛

光緒年

李 申

任和泰

張重光

韓汝似

賈維明

癸未就職候銓復設教諭

廩賁

田永年

鄭立德

考職州同

鄭永迪

侯錫嘏

李一元

鄭崑瑄

直隸平鄉縣知縣

閻應白

韓淑元

劉大裕

武謙

大同曲沃趙城武鄉壽陽訓導

鄭銘

李慶元

署大同府教授大同樓山訓導

閻和厚

張慎誦

署潞安府甯武府和順縣訓導趙城教諭

武達人

鄭中興

梁祚昌

趙柄

高作霖

溫鶴年

翟允卿

平定州訓導

閻爾梅

潘伯璠

署朔州學正

劉瑞藻

侯銓教諭

段起瑞

張鶴鳴

汾州府學訓導

文水縣志

卷之八

選舉

六

孝廉方正科

張慎謀

光緒元年公舉

例監

明

郭彥旻

任安陽縣知縣

郭敏

縣丞

郭琦

廣德州州判

李鍾

定興縣丞

胡冕

常熟縣丞

胡鑑

宛子乾州同知

郭璠

河州吏員

郭聰

洵陽簿

馬文貴

慶府奉祀

孟文楫

浦縣丞

王舉

獲嘉主簿

李鉉

盤屋

胡琮

經歷

郭珣

霑化丞

張達

洵縣簿

馬宗

泗州

王睿

舞陽

郭壽

郭寅 由廩生援例入監任三河知縣邑多內臣承地  
公以法繩之不少假大中丞王越以通變之才  
薦陞綏德州知州催利不擾 王敦 曲州  
縣丞

武功 段紀 郭玫 豐泉  
丞

孟思齊 良鄉  
縣簿 王君佐 成安  
簿 郭廷傑

郭廷輅 衛輝  
通判 郭廷蘭 狄道  
丞 王禮 甘肅皋蘭  
縣主簿

張光 李愛 永平府  
經歷 郭田

賈琦 馬登 郭咸元

王君鄰 賈冲仕 吳文

郭煥 和致祥 賈朝夫

賈敦 賈春芳 賈春芝

文水縣志 卷之八 選舉 九

賈春蘭 成治 成道

賈冲大 郭應梧 賈冲夫

郭應檟 梁大隆 梁大壯

郭昀 翟尙珮 孫正心

高挺 成廷用 張嵩

梁棟 壽光  
簿 王珊 序班 孟宗洪

周廷斗 郭應昌 潘奮麟

潘奮蛟 潘奮鯤 張養賢

張養民 附學 周士英 武容

郭之屏 孟道昌 郭之泰

田豐年

王用中

光祿署丞少負辨才過目成誦以足疾廢業

文運隆

郭世爵

南陽府經歷

周

潤

附學

曹炳

梁自明

康憲祿

侯秉鈞

王宗先

直隸涿州吏目有異政

侯守晉

劉命新

蔚森

王俊龍

兵馬指揮使

周

詔充州府照磨

文運曙

附學

吳元士

增廣直隸元氏縣丞陞山東德州衛經歷

梁自新

附學

李維芳

附學由例監加納序班

侯萬方

田有年

增生

田稔年

附學生

田慶年

南陽府照磨

蔚澤

文嗣宗

附學

文象錦

文水縣志

卷之八

選舉

二十

李冲益

王化普

王殿邦

曹瑤

胡應虞

王先覺

王先知

閻之禎

武

紹磁州吏目

王三奇

賈柟

國朝

程光塘

附學

甯文昭

見舉人

郭蘭

吳士奇

吳士芳

胡

紹附學

上依舊志後不勝紀

武進士

明



郭 畹 萬曆甲戌科守備陞都司代州雁門參將

國朝

趙天愛 王辰科鎮撫陞平刑守備

郭應善 康熙年 武鍾乾

郭文正 丙戌科莊浪衛守備

鄭時泰 雍正丁未科陝西鎮海營守備署張義堡都司廣東廣州府城守營遊擊署參將

楊廷棟 乾隆甲戌科 李國魁 直隸紫荊關守備

王慶元 嘉慶壬戌科江南孟河營都司安徽潁州營遊擊江南淮安城守營參將歷任海州營參將署漕標營中軍副將

張培鈺 道光壬午科直隸紫荊關守備

文水縣志 卷之八 選舉 三

武舉

明

王洪喜 洪武年 馮 成 成化年

郭維善 萬曆年戊子甲午癸卯三科 閻雨霽 辛卯丁酉丙午三科

李樹華 丁酉庚子癸卯三科 張鴻達 庚午丙子兩科

王化新 庚子丁酉兩科 王維屏 庚午

安永光 丙子 胡賓興 己卯

郝國卿 乙酉 李如蘭 戊子

郭之幹 成天理 辛卯

武 揚 甲午 閻懷保

任登第 丙午科

武三仕 戊午科

閻士傑 辛酉科

楊時開

孟霑

成樑 本縣團練守備

康懋德

侯國靈

賀表

侯秉衡 壬午科

張一侯 精於星學

張登魁 天啟甲子科

國朝

王一德 順治乙酉科

王士升

蘇揚武

郭元斌

彭文燭

王一龍 江南太倉衛千總

文水縣志

卷之八 選舉

李節

陳應魁 時年七十三歲弓馬嫻熟尤善步射

孟國璟

武定國

高從謙

郭文正 見進士

孔克敵

張問行

馮榮

李大成

李好仁 戊子科

武國瑾

郭名瑜 惟善孫晚曾孫

閻鍾秀

郭雄峙

孔上

王一琦 辛卯科解元江南鷹揚衛千總

石粹芳

劉國英 山東濟南衛千總

劉輔邦

劉鴻儒

張大績

賀登藉

石士龍

賀成武

王名臺

任重

孫錦章

王國瑾

張瑞徵

安世奇

張英

甲午科解元  
鎮海衛千總

高彬

石世祥

楊為楫

高雲鵬

王干城

石世亨

王承舜

淮安大河  
衛千總

楊成楫

提塘  
守備

文水縣志

卷之八

選舉

麻呈慧

丁酉  
科

馬騰龍

庚子科解元  
候銓守備

李宗晟

孔繩祖

康熙癸  
卯科

侯允文

體貌魁偉  
善射能文

郭文元

丙午  
科

楊士奇

張顯武

郭四維

趙作棟

己酉  
科

張達

麻國琰

壬子  
科

王席珍

辛酉  
科

武維藩

廣東惠州府守備征教匪  
有功保授都司加參將銜

成性

己卯科江南  
太倉衛守備

郭可進

成元震

戊子科  
見列傳

鄭時泰

雍正丙午  
科見進士

鄭時斌 王子科

杜成龍 乾隆丙辰科山東高唐營千總陞守備

張翀 戊午科

王紹先

王觀光 辛酉科

蘭威武 甲子科

王仁溥 丁酉科

王武圖 庚午科

王德剛 癸酉科

武光文 鄉飲大賓

王國賓

王膺揚

楊廷棟 見進士

王元傑 庚寅科

田培蘭 甲午科

田泰 己亥科

孟爾桂

武鍾華

李虎臣 丙午科

武鍾隆

文水縣志 卷之八 選舉

王永清 戊申科

賀贊元 己酉科解元兵部差官

劉元魁 乙卯科

武鎮疆

王慶元 嘉慶庚申科見進士

賀春元

張耿光 辛酉科

韓丕顯

文體中 壬戌科

武鎮邦 甲子科蒲州府正司驛萬泉縣千總

郭城鍾 丁卯科廣西提標左營守備

武一匡 戊辰科和順縣把總

張肇魁 庚午科

張培鈺 癸酉科見進士

張樹德 丙子科

武侍御

趙有光 戊寅科平壤營把總

安鴻彥 己卯科

王鍾英

冀攀龍 道光辛巳科

胡大勇

賀鵬儀庚子科

魏國楨壬辰科

李懷德乙未科

賀兆麟丁酉科

武兆奎庚子科

賀兆魁癸卯科

胡攀桂丙午科

武錫符

張大綱己酉科

李璽山同治庚子科

賀鳳岐癸酉科

李應傑丙子科

李清魁光緒乙亥科

職官凡由科第出仕者即註科第題名之下不復列入職官

漢

衛綰見列傳

文水縣志

卷之八 選舉

三

唐

武士護

武儒衡

李彭

李源

李景讓上俱見列傳

宋

盧政見列傳

元

梁簡錦陽長子江西路提刑

梁蘭錦陽次子兵部尚書

梁璣錦陽三子山東左布政司

梁璇錦陽四子交城縣知縣

梁政遠錦陽孫巡按河南監察御史大夫

王雲雲周村人戶部尚書

武英順帝年待制官

明

武公冕

能通數國番語隆慶二年北兵犯境與講和鄰村賴以安堵者數千家上聞賜七品銜

郭命

省祭官

郭三聘

省祭官

成郟

縣丞

周應坤

褒城縣典史

李維城

富平縣主簿

成聯芳

山東魚臺縣典史

成良貴

山東青城縣典史

孟紹統

鳳翔府汧陽縣典史

孟維統

淮安府鹽城縣典史陞大河衛經歷

曹命

陝西涇陽縣縣丞陞西安府經歷

王化光

易州吏目

侯一經

縣丞

武班

主簿陞義勇衛經歷

賈克肖

典史

賈纘

典史

趙麒

縣丞

文水縣志

卷之八

選舉

三

王學顏

庫大使

成極

喜峰口大使

李大成

武強縣典史

李標

諸城縣典史

張天輝

商州吏目

張天允

張天永

鄉縣典史

文養性

單縣典史

王希鴻

見列傳

劉自新

扶溝典史

成權

宛平西王口巡檢

成安國

權子汲縣縣丞

蘇應聘

見列傳

國朝

郭循良

從勤毅胡公經略洪公効用委管八屯兵餉充裕洪公題薦才略明敏授永州府通判卒

於任其子廷扶承歸人成孝之門生

成樞

定興典史清文地畝續勒碑記

成虞國 樞子宜川 縣丞

成瑞 樞孫濟縣典史 新鎮巡檢有敏才

劉永孝 長清縣長城嶺 山二驛驛丞

成靖國 彰德府林縣典史 漢中府鳳縣巡檢

杜芝馨 福州府侯官縣典史

李敏昌 歸州州判

郭應鰲 湖南襄陽府推官

成汝舟 見列傳

郭洪程 直隸崑山縣知縣

王衷 見列傳

郭璋 直隸開州知州

武相進 代州常盈庫官奉命出關撫夷加七品銜

武亶 聖廟判官 崇文監丞

成履恒 見列傳

武憲臺 直隸東鹿縣知縣

成履泰 由知縣陞福建臺灣淡水同知

成履壯 江南震澤縣知縣

李一魁 廣西融縣巡檢

成履觀 浙江鄞縣知縣

武重周 陝西略陽縣典史

文水縣志 卷之八 選舉

李生榮 河南汝州同知

李大年 江西南昌縣縣丞

王如春 江南南岸縣主簿

潘沛然 陝西咸陽縣縣丞

王錫祚 山東兗州府經歷 嶧縣知縣

劉琴 典史

任廷梅 直隸武清縣典史

田潤 山東州同

劉瑞 祁州州判

武憲文 陝西撫院參謀

李時芳 附生任序班 歷詹事府錄事順天府武學教授

成錫瑜 見列傳

成錫璜 河南府經歷

成錫瓊 湖北黃岡縣巡檢

龐贊化 直隸保定府經歷

武鍵 直隸試用州歷任平鄉清河縣知縣 新亨次子

鄭士烈 直隸州判 借備湖鄭復 直隸張家灣巡檢 元氏縣典史

王其鼎 廣東河源縣典史

王君祿 陝西旬陽縣主簿

鄭啟新 直隸東關東安大興良鄉縣知縣

武恩培 廣西甯化建檢

龐世和 河南汝陽縣巡檢

楊依溥 江南如皋縣主簿

郭建鎬 福建吏日護理霞浦縣知縣

郭紹先 桂州州判

武德璋 河南河工候補主簿

武德潤 直隸布政司理問

王官 需縣主簿

潘天培 直隸平山縣巡檢

王道明 浙江江山縣典史曹娥司巡檢

武天爵 江蘇鹽大使廷選長子

王化光 直隸衛經歷

賀汝襄 四川叙州府經歷

張永坦 陝西興平縣典史

甯宏舒 河南原武縣知縣

王恒德 見列傳

文四敷 獻縣典史

文水縣志 卷之八 選舉

王廷治 陝西膚施縣典史代理知縣

趙日瑋 貴州永甯州陝西蘭州督捕廳

王彬 監生江南兩淮鹽運司知事

侯學龍 直隸安肅縣知縣

梁樹魁 附貢孝義垣曲縣教諭

王廷彪 廣西容縣大洞司巡檢

張慎思 附貢孟縣教諭沁源訓導

賀鵬展 夏縣訓導

潘振業 附貢平遙縣教諭

王知幹 附生江南清河縣知縣

康慶元 浙江鄞縣用東司巡檢

王其敬 河曲縣教諭

潘步中 應州學正

李 葵 貴州安化縣典史

李 洵 員外郎在京團練防局保舉知府加二品銜

成 浩 試用從九品

楊毓斌 廩生平陽府學訓導

鄭衍恒 直隸蘆溝橋巡檢懷遠縣知縣



武弁

宋

楊美

見列傳

明

李英

初襲大同左衛正千戶成化五年陞本衛署指揮僉事

孫寶

偏關參將

義敬

初充總甲成化六年陞大同左衛指揮僉事

郭綱

歷陞參將

王縉

河南提塘陞欽依守備

國朝

郭承業

廣東雷州府都司

田爾元

京都護城外委

文水縣志

卷之八

選舉

一五

李兆蘭

平定州外委

武烈

廣東肇慶府雙魚掌印守禦

張文廣

靜樂縣把總

張太平

江南徐州衛千總

成仁壽

本省撫標儘先補用守備加都司銜

誥敕

傅星曰唐宋最重誥敕掌其職者必極一時之選至明而中書科類皆監磨易曰渙汗書曰大哉王者風勵天下之權褒戒與舉錯並行一字之微嚴於袞鉞可勿慎歟吾志誥敕而慨然於制之不古若也

明

郭璠

以子中書舍人廷寃贈徵仕郎

田良

以係山東布政使司右參政時贈中大夫

田彥文 明倫彙編 職官典 給事中 以子山東布政使司右參政 贈中大夫

田疇 山東布政使司分守海右道右參政 授階中大夫

郭廷冕 山東按察司副使 以子衡 贈階中憲大夫

郭衡 陝西華昌府秦州禮縣知縣 授階中憲大夫

王振德 登仕郎 國子監學正 以子戶部雲南清吏司主事 在臺 贈承德郎

王在臺 以戶部雲南清吏司主事 授階承德郎

鄭位 直隸順天府通判 以子工部虞衡清吏司主事 之僑 贈承德郎

鄭之僑 工部虞衡清吏司主事 以子太僕寺少卿 宗周 贈中憲大夫

鄭宗周 太僕寺少卿 授階中憲大夫

國朝

文水縣志

卷之八

選舉

三

胡全才 湖廣總督 兵部右侍郎 兼都察院右副都御史 贈兵部尚書 以子應麟 贈資政大夫

甯俊 以子河南懷慶府原武縣知縣 宏舒 封文林郎

甯宏舒 河南懷慶府原武縣知縣 授文林郎

鄭立功 以子兵部職方清吏司員外郎 崑璧 封奉直大夫 以子崑璧 贈朝議大夫

鄭崑璧 兵部職方清吏司員外郎 授階奉直大夫 以孫時泰 贈明威將軍

胡應麟 刑部江西清吏司員外郎 特授階奉直大夫

王純 以孫翰 翰林院庶吉士 加一級 錫蒲封文林郎

王仁沛 以子翰 翰林院庶吉士 加一級 錫蒲封文林郎

王作楫 以孫慶元 贈文林郎

鄭崑瑛 翰林院編修 授文林郎

鄭立德 以子禮部司祭清吏司郎中

鄭昆瑣 加一級封授朝議大夫

鄭立達 以子直隸順德府平鄉縣知縣

鄭崑瑄 直隸順德府平鄉縣知縣授文林郎

鄭崑靈 吏部文選司郎中加一級特授階朝議大夫

鄭崑璋 以子南松江府婁縣知縣授文林郎

鄭廷楫 工部都水司額外主事授承德郎

鄭時慶 貴州貴陽府龍里縣知縣特授文林郎

鄭立達 以孫巡視西城湖廣道監察御史加一級延楫封朝議大夫

鄭崑璠 以子巡視西城湖廣道監察御史加一級延楫封朝議大夫

文水縣志 卷之八 選舉 三

鄭崑璋 以孫江南鳳陽府宿州知州鴻任地贈奉直大夫

鄭錫爵 以子江南鳳陽府宿州知州鴻任贈奉直大夫

鄭岱鐘 翰林院檢討加二級授文林郎

鄭樞 江南南昌府豐城縣知縣授文林郎

鄭鴻任 泉縣知縣特授奉直大夫

鄭廷楫 原任刑科掌印給事中以子岱鐘晉封奉政大夫

鄭克昌 以子大同府陽高縣教諭銜管訓導事增榮贈修職郎

李富璧 以孫河南汝州州潘先稷以子振業地

李生榮 以子河南汝州州潘振基以子伯璠地

潘龍麟 以子天培地 賀治平 以子鳴

潘永康

以子沛然地封修職郎

賀階平

以子鵬展地封修職郎

李桂芳

以子瑄地贈修職郎

李瑄

路安府教授以子文蔚贈文林郎

李文蔚

雲南昭通府永善縣知縣授文林郎

李述孟

以子長榮地贈登仕佐郎

李長樂

以子潭地贈武德佐騎尉

李長安

以子温地封登仕佐郎

李潭

以子家楨封武德佐騎尉

李泉

以弟洵地封朝議大夫

李芬

選貴州安化縣典史以姪洵地封朝議大夫

趙履益

以孫有光地贈武信騎尉

趙必晟

以子有光封武信騎尉

趙榮光

以弟有光地贈武信騎尉

武宏功

以孫江西分府廷選地封奉直大夫

王玉節

以子河南汝州寶豐縣知縣績地贈文林郎

文水縣志

卷之八

選舉

三

武際盛

以子江蘇分府廷選地封奉直大夫

以孫雲衢地封中憲大夫

武廷選

江蘇分府貴州普安知州以子道銜山東青州府知府

以孫鑣地封奉政大夫

武際榮

以子從九品廷彥地封登仕郎以孫知州銜山東甯陽商河知縣

武廷彥

從九品敕封登仕郎以子知州銜山東甯陽商河知縣

以孫建材地贈文林郎

武雲衢

道銜山東青州府知府

以子知州鑣地封奉政大夫

武新銘

知州銜山東甯陽商河知縣

以子建材陝西白水縣知縣贈文林郎

武鑣

知州直隸平鄉清河縣知縣

武德潤

直隸布政司理問

武維藩

廣東都司晉封遊擊

李際泰

以係守禦所千總銜

李長琳

以子守禦所千總銜

李 沛

鄧以子未入流家楠

李

溥以子未入流家傑

梁有緒

議叙八品以子孝義縣教諭樹魁馳封修職郎

李 洵

由分部行走員外郎加六級於同治七年在京兆城團防局保舉分發知府賞戴花翎三品封典

武玠玉

以孫和順縣把總名賢馳贈武略騎尉

武章吉

以子廣西南甯府宣化縣潭落墟巡檢恩培馳封登仕郎

武必果

以子州同銜綬爾封為儒林郎

任子超

生員以子卜傳壽陽教諭馳贈修職郎

郭城翰

以孫雲南恩安縣知縣依山地贈文林郎

郭建鎬

以子雲南恩安縣知縣依山地贈文林郎

孟光緒

以孫陝西韓城縣知縣自強馳贈文林郎

孟可魁

以子陝西韓城縣知縣自強馳贈文林郎

文水縣志

卷之八

選舉

三

成 性

江南太倉衛掌印守備誥授明威將軍

成元震

甘肅提督誥授榮祿大夫

成汝舟

湖北按察司誥授通議大夫

成履恒

安徽徽州府知府誥授中憲大夫

成錫璠

順天府督糧通判誥授奉直大夫

成錫瑜

廣西左州知州誥授奉直大夫

成 浩

登仕郎馳封生母王太孺人

賈錫嘏

以孫永圖都司加一級馳贈武翼都尉

賈懷寶

以子永圖都司加一級馳贈武翼都尉

賀萬福

以子州同銜鴻讓封儒林郎

賀鴻吉

以弟州同銜鴻讓封儒林郎

劉天錫

以子乾隆丁酉選拔靈石縣教諭銜詔封修職郎

武達材

陝西白水縣知縣勅授文林郎

劉得仁

以子州同銜加一級馳贈武翼都尉

武弁 補遺

劉履泰 都司加一級

賈永圖 贈武翼都尉

胡芳齡 都尉

劉敦榮 武生候選營千總以弟敦華  
福建卽補知縣封同知銜

文水縣志

卷之八 選舉

文水縣志卷九

人物志

人物有傳列女有傳史例也舊志但標賢才附以篤行仕績節孝諸目舛矣今以人物爲綱而次序其行事孝弟忠義人生大節則首孝友次忠烈匹夫爲善足勵薄俗而挽澆風百世下聞之猶興起焉故次以義行爲上治民功德貴傳不朽則次以仕績文章華國聲價等於連城又次以文學蟬蛻塵埃膏盲泉石肥遯不可及也遂次以隱逸笠屐所留山川生色因次以寓賢至於二氏之學儒者弗道而清淨無爲超然自得亦非中人以

文水縣志

卷之九

人物

下所可幾則以方外附焉志人物

孝友

隋

韓子誕親歿負土築墳居喪盡禮朝廷旌嘉及卒視其脊骨皆毀大業末表其門閭唐貞觀中蠲其賦役

郭世雋字宏文家門雍睦七葉共居犬豕同乳烏鵲同巢時人以爲義感之應州縣上其事上遣平昌公宇文弼詣其家勞問之治書御史柳彧巡省河北表其門閭漢王諒爲并州總管聞而嘉嘆賜兄弟二十餘人衣各一襲

唐

武宏度士護兄子補相州司兵參軍永徽中父卒自徐州被髮徒跣趨喪所負土築塋晨夕號日一溢米素芝產廬前狸擾其旁高宗下詔褒美旌其門

李源八歲家覆俘爲奴轉側民間及史朝義敗故吏識源於洛陽者贖出之歸其宗屬代宗聞授河南府參軍遷司農主簿以父愷死賊手常悲憤不仕不娶絕酒暈惠林佛祠者愷舊墅也源依祠居闔戶日一食祠殿其先寢也每過必趨未始踐階自營墓爲終制時時偃臥堦中長慶初年八十矣御史中丞李德裕表

文水縣志

卷之九 人物

二

薦源曰賈誼稱守圉扞敵之臣死城郭封疆天寶時士罕仗節逆羯始興委符組棄城郭者不爲恥而愷約義同列守位自如抵刃就終臣節之光由愷始而源天與至孝絕心祿仕五十餘年常守沈默理契深要一辭開析百慮洗然抱此真節棄於清世臣竊爲陛下惜之穆宗下詔曰昔盜起幽陵振蕩河洛贈太尉愷處難居首正色就死兩河聞風再固危壁殊節卓焉到今稱之源有曾參之行巢父之操泊然無營汔此高年夫褒忠所以勸臣節也旌孝所以激人倫也鎮澆浮莫如尙義厚風俗莫如尊老舉是四者大



傲於時其以源守諫議大夫賜緋魚袋河南尹遣使  
敦諭上道帝自遣使者持詔書袍笏即賜絹二百疋  
源頓首受詔謂使者伏疾年耄不堪趨拜即附表謝  
辭吐哀慙一無所受尋卒敬宗時擢愷孫爲河南兵  
曹參軍

明

白祥李端東都人父賁永樂間任長山知縣時有犯者  
連坐當刑祥願代之臨刑神色不變上嘉其孝父子  
俱免大赦天下感其恩者繪像祀之

張鳳翔賢馬都舉人天性純孝父嚴厲每承顏順志庭

文水縣志

卷之九 人物

三

訓樂受及卒號泣不已蔬食三年

李致忠孝坊人王府典膳父早亡事母惟謹及卒廬墓  
三年羣盜有夜過其側者感其孝輒不敢驚御史陳  
九德樹扁其門

孟養氣庠生事繼母孝母嚴迫處之怡怡友愛諸弟庭  
無間言人稱真孝子

郭拖字子福貴信坊人性至孝其父廷詩篤於善拖承  
其志卹貧賑困孜孜不怠侍親側婉辭愉容親或寢  
疾輒夜不敢眠禱於神願以身代親歿廬墓號泣其  
叔廷許弟載俱無嗣而終拖破產殯之年晚無子一

夕夢神語曰爾孝德格天當錫爾嗣後生子應熬應  
泰孫鉉悉以文行並著巡撫旌之曰孝德可風郡守  
旌之曰一方善士邑令旌之曰孝無間言

鄭位之僑父庠生南安都人性仁厚孝友事繼母終身  
無忤色撫諸弟成立或奪牛以去怡怡自如歲試汾  
州於旅館得遺金俟其人至悉還之性不喜飲鄉鄰  
有違言則備卮酒爲解不解不已家僅自給親知貧  
不能舉火者輒分予之雖頻數不厭也與人謙和久  
而益恭蓋無不稱爲長者云

王在庭號肅所三世爲士邑之平陶都人也貧賤自守

文水縣志

卷之九 人物

四

設科爲業中年喪父哀毀幾至滅性事母李氏如嚴  
父焉母年大耋微中陰陽之患卽與婦張露禱願以  
身代母食少加卽喜鄉人有爭直言剖決數十年訟  
獄不起有陳太卯王彥方遺風三黨不能舉火者區  
處必周常拾遺服道上招其人還之本里河沙爲厲  
出沒不常爲西築堤歷北鑿澆渠旱則洒田爲沛澤  
水潦洩之晚年力行愈篤年七十有六卒侍讀朱之  
後爲立傳

胡誥字命之號舜宇石東都人力學嗜古髫年爲邑增  
生事父母以孝聞親卒廬墓三年不見笑容又篤友  
愛遇兄弟有禍難領貴拯之無忤色且急於奉公稅

課不敢後值聖節嘗公服朝拜曰吾儕無以盡忠惟  
禮拜貢賦稍明在三之節嘗獨居書室夜拒奔婦次  
日即移居性好施予年八旬壯健如少年教子讀書  
以古聖賢相勗每見州縣官貪黷不法者即舉以爲  
戒子二仲子裕才以貢生爲別駕窮經篤學有父風  
伯子全才另有傳

參議牛應徵爲立傳

王振德字惟惠號東泉父朝卿以功曹入司京庠生子  
三德居仲初偕孟季學會父卒家中落從業爲賈以  
薄貲往來河汾間父歿於官千里匍匐獨身扶櫬歸  
諸昆季食貧苦讀不給以心計所得緩急之無間終

文水縣志

卷之九 人物

五

始人稱孝友業旣起尤好施予鄉里窮交萃殮收恤  
之惟恐後閭黨詬諄微言解紛傭人死買棺善瘞之  
生三子委季弟課業長在沼次在圍並邑諸生季在

臺別傳

明大學士葉向高爲立傳見藝文

國朝

武紹衣馬村人國學生幼喪母十三歲時繼母以薄待  
紹衣故觸父怒父欲出母泣諫乃止父歿棄舉子業  
事繼母尤謹後母老病不能轉側紹衣年逾甲矣煎  
藥奉膳暨一切穢瑣事必躬親不令家人代三載如  
一日鄉族稱之

嚴應祥字清澹與兄同爨五十載未嘗分居子國魁孫調鼎皆魁於鄉邑人以爲厚德之報云

曹天平分產俱讓諸弟弟以賈歿於外營柩歸葬諸姪幼俱爲之成立婚娶輸助學田屍骸無主者掩埋之年八十四歲卒鄉里義而思之

王侯度歲貢生弟侯慶不壽遺孤鍾文十四歲鍾健九歲侯度撫愛無間飲食教誨比於己子二十年無倦色一以拔貢官知縣一以進士官科道可謂敦手足之誼者

張釗張鉞武度村人異母兄弟也篤於友恭至老不衰

文水縣志

卷之九

人物

六

里人欽之共匾其廬曰金友玉昆後鉞以病卒釗哭之慟數月亦卒釗子翼如有學行

忠烈

唐

李愷或言其先出興聖皇帝譜系疏晦不復傳父希倩神龍初右臺監察御史愷少秀敏舉明經高第授成安尉張說罷宰相爲相州刺史坐有善相者說徧問官屬後孰當貴工指愷及臨河尉鄭巖說以女妻巖而歸其甥陰於愷會母喪免自武功尉以政尤異遷主簿說在并州引愷置幕府及執政爲長安尉宇文

融括天下田高選官屬多致賢以重其柄表假愷監  
察御史分道檢覈以課真拜御史坐小累下除晉陽  
令三遷給事中力於治有任事稱明簿最下無敢給  
失李林甫意出爲河南少尹蕭炅內倚權翫法植私  
愷裁抑其謬吏下賴之道士孫甌生以左道幸託祠  
事往來嵩少間干請亂吏治愷不爲應故挾炅譖諸  
朝天寶初除清河太守舉美政遷廣陵長史民爲立  
祠賽祝歲時不絕以捕賊負徙彭城太守封酒泉縣  
侯連徙襄陽河東並兼採訪處置使入爲京兆尹楊  
國忠惡之改光祿卿東京留守安祿山反元宗遣封

文水縣志

卷之九

人物

七

常清募兵東京愷與留臺御史中丞盧奕河南尹達  
奚珣繕城壘綏勵士卒將遏賊西鋒帝聞擢禮部尙  
書祿山渡河號令嚴密候訶不能知己陷陳留滎陽  
殺張介然崔無詖不數日薄城下常清兵皆白徒戰  
不勝輒北愷收殘卒數百哀斷弦折矢堅守人不堪  
鬪愷約奔吾曹荷國重寄雖力不敵當死官部校皆  
夜縋去愷坐留守府奔守臺城陷祿山鼓而入殺數  
千人矢著闕門執愷奔及官屬蔣清害之有詔贈司  
徒謚曰忠懿河洛平再贈太尉拜一子五品官愷通  
左氏春秋生十餘子江涵瀕瀛等同遇害惟源彭脫

大中初詔求李峴王珪等三十七人畫像圖凌煙閣  
愷與焉

明

陳三接字康侯歲進士一本孫也性孝友嗜學崇禎癸酉舉於鄉庚辰成進士辛巳授河間令歲大饑人相食公甫下車雨大降旋令民種晚田復設法賑濟存活甚多有疑獄數年不決者一朝立辨闔郡頌爲神君河間途通九省衝甚民疲於奔應公獨守正絕郊迎凡不便於民者悉釐剔之不數月頌聲達都門壬午冬大清兵入關人心洶洶公忠貞自矢或曰眷屬

文水縣志

卷之九

人物

八

百口宜送還公曰國而忘家人臣大義豈可計此以重負朝廷耶居止城上者數十日守禦備具與士卒同甘苦人樂爲用無何東面城破有報公者公厲聲曰賊衆者斬以示兵已至或且扶公出奔公更罵曰典守旣失焉用生爲竟斃於萬鋒之下妻武氏自縊死兵退公幼子四友甫十歲哀號走闕下遍告當事報聞朝廷贈山東按察司僉事廕一子入監讀書明史具載其事四德四象有才名食隴邑庠

郭應泰字養春孝子郭拖之子也廩監貌魁梧有膽畧明季任湖廣鄖陽府照磨時流寇大起府中乏糧路

多阻無敢往者秦毅然直抵西安護餉二萬以歸監  
司大悅遂委署竹溪縣闖賊行牌數次秦俱火之未  
幾賊至破竹溪秦手格數賊投城死楚人憐其忠立  
塚以祀其姪郭 著有忠烈小傳傳於世

鄭從周之僑仲子字伯恂號仲葵性和易處鄉黨恂恂  
與物無忤荒年造屋代賑活人無算事親能養志闖  
賊蹂躪三晉所至拷掠縉紳巨族索金帛有欲甘心  
者以其名昇賊偽縣令任還元遂拘從周毒以非刑  
從周慷慨罵賊不屈備極諸慘見者不忍視數日竟  
歿時甲申二月二十八日也子六孫十四曾孫十二

文水縣志

卷之九

人物

九

東海鞠珣  
為立傳

王希鴻字后槐下曲鎮人給事鍾健六世祖也由吏員  
選福建閩縣主簿署福清知縣多有政聲民勒石紀  
之致仕歸值明季亂土寇蜂起圍其居以兵劫之希  
鴻罵賊不絕墜樓死之

張翼明為闖賊所劫不屈死之

國朝

郭孕秀 生員

武懋德 武舉

李敦原

武仲英

李 紬

王化民 生員

以上六人俱以山寇攻城奮身拒敵陣亡

義行

元

王才德行高峻年九十餘至正十五年旌爲王氏耆年之門

姚相捐田二頃有奇爲學田平生仗義好善類如此

明

王鸞字騰霄武度都人性樸實崇禮義鄉閭向化御史陳九德表其門

李伯現忠孝坊人間里化其德御史王公憲旌爲善人

高階善治坊人德量寬厚有長者風鄉人之強暴者悉

文水縣志

卷之九

人物

十

化御史王公憲旌爲善人

蔚三德庠生善治坊武良村人尚義樂善萬曆十四年歲大荒捐粟三百餘石以救飢民賊劫其財八百餘金爲捕役所獲悉釋放之生平行誼類如此

國朝

陳所志明陽都人讀書勤苦早入邑庠仗義輕財每逢節誕集諸子於階下戒曰爲子必孝爲臣必忠乃不愧聖賢不辱祖宗爾輩其勿忘予訓後次子三接登進士捐軀報國皆義方之教也年八十有九卒

張法祖孝義都人曾拾遺金還本人有司給扁以旌其



義

高居謙號心如幼而岐嶷嗜古篤學其天性也事親極孝愉色婉容無少忤一言一行不敢苟其自奉也常儉其燕享也必豐與人交情恕理遺無少長賢愚咸敬慕之太子寺迤西路塞行人多迂途買地畝餘通之父應桐遺逋券數千金居謙悉焚之肆力鉛槧業冬不爐暑不扇每試輒居最然數奇偃蹇場屋者三十載順治戊戌年以歲進士貢入成均康熙二年冬疾作彌留之際召諸子命之曰我家力農至我始事詩書志未護酬顯親揚名爾曹善爲之卒年五十有

文水縣志

卷之九

人物

士

八長子翀補博士弟子員次子聯癸卯亞魁三子彬甲午武魁元配陳孺人早逝遺子翀聯彬替繼配任

孺人生子銓喆鵬張

邑令劉乃桂傳

王澤長平舊都人社師也父居設立義學四方就業者衆迄澤長恪遵父業訓蒙不倦執贄來者分毫不受人稱長者

田大業字位中邑增生好義勇爲一介不苟取康熙二十六年於孝義鎮北門道上拾遺襖一揣之纍纍知爲黃白物急索遺主弗得歸家置秘處詢訪益力久之聞汾陽縣商王象賢者方以遺金故主人謂其乾

沒控縣責償大受控辱急詣象賢詢遺金狀言悉符  
乃攜金往呈諸縣封誌依然官召象賢詰之絲毫弗  
爽訟者亦感愧願分半以酬大業固卻弗受官大異  
之與邑宰范公書棹楔以表其閭壽七十有九卒子  
二長永年廩貢次萃年貢生

田寬字粟臣監生大業四世孫好善樂施有祖風世居  
邑之鄭家莊乾隆十九年夏汾文兩河交溢入村民  
居淹沒殆盡惟寬宅巽方地高垣固又極宏厰遂大  
招村人避患其家食之以粟粟盡出衣物浮筏易米  
以濟凡四閱月水患始息被災之戶無以爲家又竭

文水縣志

卷之九

人物

三

力賑之全活千計家本小康因是中落後至其孫貢  
生振世善居積家道復昌迄今數世方興未艾咸謂  
積善之報

趙福基南張家莊人少嗜學爲貧故去而業商家漸裕  
事繼母以孝聞母壽八旬餘艱步履基亦五十餘矣  
恒負母出入或謂盍遣子代曰恐未能如我盡心耳  
性慷慨好施樂村某貸基米未償而病亟謂其妻曰  
能償此款我死瞑矣妻識之將鬻女以償基聞急踵  
門告曰我米爾夫已償勿復云某妻以夫命告曰此  
亂命也復厚周之家遺逋券數百千臨終出示其子

曰我生平不作守錢虜而家資反勝於舊是知理財  
貴勤不貴貪貴儉不貴吝也爾等果能自立何憂來  
餒留此徒啓爭端耳盡付之火後有詣門來償者悉  
以無券卻之

陰海龍議敘營千總原籍交城縣陰家溝自其祖遷居  
於邑之溫雲村善居積好施予嘉慶十六年大荒煮  
粥於廟以飯餓者全活數千人

唐德中邑增生事母以孝篤於宗族其次房伯某子不  
肖中奉養二十年無倦色又長房伯後遺一曾孫甫  
三歲中撫育成立得延其嗣後出己資葬其曾祖以  
文水縣志

卷之九

人物

三

下十八觀不以累羣從其敬宗合族之誼亦人所難  
也

王萬洪武度村人父汝明早卒母賀氏遺腹生萬洪事母  
以孝喜周貧乏里黨重之

仕績

漢

衛綰以戲車爲郎

能左右超乘也櫟機轉之類

按今亦有弄車之戲是也

事文帝

功次遷中郎將孝景爲太子時召上左右飲而綰稱

病不行

恐文帝謂豫有二心以事太子

文帝且崩時屬孝景曰綰長

者善遇之景帝立歲餘不噍呵綰

噍呵音誰何猶借訪也

者言不噴也縮曰謹力景帝幸上林詔中郎將參乘還  
責衛縮也縮曰謹力景帝幸上林詔中郎將參乘還  
而問曰君知所以得參乘乎縮曰臣從車士幸得以  
功次遷爲中郎將不自知也上問曰吾爲太子時召  
君君不肯來何也對曰死罪竇病上賜之劍縮曰先  
帝賜臣劍凡六劍不敢奉詔上曰劍人之所施易獨  
至今乎施讀曰移言劍者人之所好故多數移易質換之也縮曰具在上使取  
六劍劍尚盛未嘗服也郎官有譴常蒙其有不與他  
將爭有功常讓他將上以爲廉忠實無他腸心腸之內無他  
也乃拜縮爲河間王太傅吳楚反詔縮爲將將河間  
兵擊吳楚有功拜爲中尉以軍功六年中封爲建陵

文水縣志

卷之九

人物

古

侯其明年上廢太子誅栗卿之屬

栗太子舅也栗氏親屬也卿其名也

上以縮爲長者不忍乃賜縮告歸而使郅都治捕栗  
氏旣已上立膠東王爲太子召縮拜爲太子太傅久  
之遷爲御史大夫五歲代桃侯舍爲丞相奏事如職  
天子以爲敦厚可相少主尊寵之賞賜甚多爲丞相  
三歲景帝崩武帝立建元中薨謚曰哀侯子信代坐  
酎金失侯

唐

武士護字信世殖貫喜交結高祖嘗領屯汾晉休其家  
因破顧接後留守太原引爲行軍司鎧參軍募兵

集以劉宏基長孫順德統之王威高君雅私謂士彥  
欲劾繫宏基等士彥曰此皆唐公客若爾必有大嫌  
故威等疑不發司兵參軍田德平欲勸威劾募人狀  
士彥亦止之兵起從平京師爲光祿大夫累遷工部  
尚書封應國公歷利荆二州都督卒贈禮部尚書諡  
曰定兄士稜士逸

武士稜字彥威少柔愿力田官司農少卿宣城縣公卒  
贈潭州都督陪葬獻陵

武士逸字述有戰功爲齊王府戶曹參軍六安縣公從  
王守太原爲劉武周所執嘗遣間人陳破賊計賊平

文水縣志

卷之九

人物

五

擢授益州行臺左丞數言當世得失高祖嘉納之終  
韶州刺史

武攸歸士彥從弟士讓孫也歷司屬少卿齊州刺史事  
母孝姊亡甚不嘗五辛語輒流涕

武平一名甄以字行潁川郡王載德子也博學通春秋  
工文辭武后時隱嵩山屢詔不應中宗復位平一居  
母喪迫召爲起居舍人丐終制不見聽景龍二年兼  
修文館直學士時天子暗柔不君韋后烝亂外戚盛  
平一重斥詔即自請抑母黨以全親親帝慰勉不許  
遷考功員外郎於時太平安樂公主各立黨相抵毀

親貴離間帝患之欲令敦和以訪平一因上書諫帝  
美其忠切卒不用初崔日用自言明左氏春秋諸侯  
官族它日學士大集日用折平一曰君文章固耐久  
若言經則敗績矣時崔湜張說素知平一該習勸令  
酬詰平一乃請所疑日用曰魯三桓鄭七穆奈何答  
曰慶父叔牙季友桓三子也孟孫至彘凡九世叔孫  
舒季孫肥凡八世鄭穆公十一子子然及二子子孔  
三族亡子羽不爲卿故稱七穆子罕子駟子良子國  
子游子卬子豐也一坐驚服平一問日用曰公言齊  
桓公楚莊王時諸侯屬齊若楚凡幾平公靈王時諸  
侯屬晉楚凡幾晉六卿齊楚執政幾何人日用謝曰  
吾不知君能知乎平一條舉始末無留語日用曰吾  
請北面闔坐大笑後宴兩儀殿帝命后兄光祿少卿  
嬰監酒嬰滑稽敏給詔學士謝之嬰能抗數人酒酣  
胡人襪子何懿等唱合生歌言淺穢因倨肆欲奪司  
農少卿宋廷瑜賜魚平一上書諫不納元宗立貶蘇  
州司戶參軍徙金壇令平一見寵中宗時雖宴豫嘗  
因詩頌規誠然不能卓然自引去故被謫既謫而名  
不衰開元末卒孫元衡儒衡別傳

李希靖明經積學言動恆以禮自檢神龍初以進士拜

監察御史正色立朝直言敢諫當時咸畏其風采雖  
諸武擅權亦不屈也性嚴厲教子義方蚤成大儒子  
愷見忠烈

武元衡字伯蒼平一孫舉進士累爲華原令畿輔鎮軍  
督將皆驕橫撓政元衡移疾去德宗欽其才召拜比  
部員外郎歲內三遷至右司郎中以詳整任職擢爲  
御史中丞嘗對延英帝日送之曰是真宰相器順宗  
立王叔文使人誘以爲黨拒不納俄爲山陵儀仗使  
監察御史劉禹錫求爲判官元衡不與叔文滋不悅  
數日改太子右庶子會冊皇太子元衡贊相太子識

文水縣志

卷之九

人物

七

之及卽位是爲憲宗復拜中丞進戶部侍郎元和二  
年拜門下侍郎同中書門下平章事兼判戶部事帝  
知元衡堅正有守故倦禮信任異它相浙西李錡求  
入覲旣又稱疾欲賒其期帝問宰相鄭絪細細請聽之  
元衡曰不可錡自請入朝旣許之而復不至是可否  
在錡陛下新卽位天下屬耳目若奸臣得遂其私則  
威令去矣帝然之遽追錡而錡計窮果反是時蜀新  
定高崇文爲節度不知吏治帝難其代詔元衡檢校  
吏部尚書兼門下侍郎同平章事爲劍南西川節度  
使繇蕭縣伯封臨淮郡公帝御安福門慰遣之崇文

去成都盡以金帛帑幕伎樂工巧行踞幾爲空元衡  
至綏靖約束儉已寬民比三年上下完實蠻酋懷歸  
雅性莊重雖淡於接物而開府極一時選八年召還  
秉政李吉甫李絳數爭事帝前不叶元衡獨持正無  
所違附帝稱其長者吉甫卒淮蔡用兵帝悉以機政  
委之王承宗上疏請赦吳元濟使人白事中書悖慢  
不恭元衡叱去承宗怨數上章誣詆未幾入朝出靖  
安里第夜漏未盡賊乘暗呼曰滅燭射元衡中肩復  
擊其左股徒御格鬪不勝皆駭走遂害元衡批顛骨  
持去邏司傳諫盜殺宰相連十餘里達朝堂百官恟

文水縣志

卷之九

人物

六

懼未知主名少選馬逸還第中外乃審知是日仗入  
紫宸門有司以聞帝震驚罷朝坐延英見宰相哀慟  
爲再不食贈司徒諡曰忠愍詔金吾府縣大索或傳  
言曰無撻賊賊窮必亂又投書於道曰毋急我我先  
殺汝故吏卒不窮捕兵部侍郎許孟容言於帝曰國  
相橫尸路隅而盜不獲爲朝廷辱帝乃下詔能得賊  
者賞錢千萬授五品官與賊謀及舍賊能自言者亦  
賞有不如詔族之積錢東西市以募告者於是左神  
策將軍王士則左威衛將軍王士平以賊聞捕得張  
晏等十八人言爲承宗所遣皆斬之逾月東都防禦



使臣元膺執淄青留邸賊門察警嘉珍自言始謀殺元衡者會宴先發故藉之以告師道而竊其賞帝密誅之初京師大恐城門加兵誰何其偉狀異服燕趙言者皆驗訊乃遣公卿朝以家奴持兵呵衛宰相則金吾設騎導翼每過里門搜索喧嘩因詔寅漏上二刻乃傳點云從父弟儒衡

武儒衡字延碩姿狀秀偉不妄言與人交終始一節宰相鄭餘慶不事華潔門下客多垢衣敗服獨儒衡上謁未嘗有所易以莊詞正色見重於餘慶元衡沒帝待之益厚累遷戶部郎中知諫議大夫事俄兼知制

文水縣志

卷之九

人物

九

誥皇甫鎛以宰相領度支剝下以媚天子儒衡疏其狀鎛自訴於帝帝曰乃欲報怨邪鎛不敢對儒衡論議勁正有風節且將大用宰相令狐楚忌之會以狄兼謨爲拾遺楚自草制引武后革命事盛推仁傑功以指切儒衡且沮止之儒衡泣見上曰臣祖平一當天后時避仕終老不涉於累帝慰勉之自是薄楚爲人也遷中書舍人時元禎倚宦官知制誥儒衡鄙厭之會食瓜蠅集其上儒衡揮以扇曰適從何處來遠集於此一坐皆失色然以疾惡太分明終不至大任以兵部侍郎卒年五十六贈工部尚書

李彭擢明經第天寶中選名臣子可用者自咸寧丞遷  
右補闕從天子入蜀後愷數年卒子孫皆至顯官盛  
甲一鄉

李景讓字後已贈太尉愷孫也性方毅有守寶曆初遷  
右拾遺淮南節度使王播以錢十萬市朝廷權求領  
鹽鐵景讓請延英亟論不可遂知名沈傳師觀察江  
西表以自副歷中書舍人禮部侍郎商華號三州刺  
史母鄭治家嚴景讓家行修治閨門唯謹入爲尚書  
左丞拜天平節度使徙山南東道封酒泉縣男大中  
中進御史大夫甫視事劾免侍御史孫玉汝監察御

文水縣志

卷之九

人物

十

史盧祐威肅當朝爲大夫三月蔣仲輔政景讓名素  
出伸右而宣宗擇宰相盡書羣臣當選者以名內器  
中禱憲宗神御前射取之而景讓名不得世謂除大  
夫百日有他官相者謂之辱臺景讓愧艱不能平見  
宰相自陳考深當代卽拜西川節度使以病丐致仕  
或諫公廉潔亡素儲不爲諸子謀邪景讓笑曰兒曹  
詎餓死乎書聞輒還東都以太子少保分司卒年七  
十二贈太子太保謚曰孝性獎士類拔孤仄如李蔚  
楊知退皆所推引始爲左丞蔣仲坐宴所酌酒語客  
曰有孝於家忠於國者飲此客肅然景讓起卒爵伸

曰無宜於公所善蘇滌裴夷直皆爲李宗閔楊嗣後  
所擢故景讓在會昌時抑厭不遷宣宗銜穆宗舊怨  
景讓建請遷敬文武三主以猶子行爲嫌請還代宗  
以下主復入廟正昭穆事下百官議不然乃罷德望  
稍衰矣然清素寡欲門無雜賓李琢罷浙西以同里  
訪之避不見及去命斲其騙石焉元和後大臣有德  
望者以居里顯景讓宅東都樂和里世稱清德者號  
樂和李公云弟景溫字德己歷諫議大夫福建觀察  
使徙華州刺史以美政聞累遷尙書右丞盧攜當國  
弟隱繇博士遷水部員外郎材下資淺人疾其冒無  
敢繩景溫不許赴省時故事久廢景溫旣舉職人皆  
矐其正弟景莊亦至顯官

宋

牛拱辰天聖進士歷倅岢嵐定襄遷駕部員外調普慈  
賜三品服進虞部郎中知房陵所至去苛細而寬約  
束清心潔己未嘗爲子孫業

楊美本名光美避太宗舊名改爲美壯貌雄偉武力絕  
人以豪俠自任漢乾祐中周祖征三叛美杖策詣軍  
門求見周祖召與語壯之留帳下廣順初累遷禁軍  
大較從世宗征淮南以功擢鐵騎都指揮使領白州

刺史太祖與美有舊即位以爲內殿直都知建隆三年升青州北海縣爲軍以美爲軍使爲政尙簡易民皆德之乾德二年召還北海民數百詣闕乞留詔諭之不去答爲首者始罷遷馬步軍都頭會討蜀以美爲歸州路戰擢左右廂都指揮使蜀平遷內外馬步軍副都軍頭領忠州團練使開寶二年改領端州防禦使六年加都軍頭領宣州觀察使俄授虎捷左右廂都指揮使領河西軍節度會遣黨進潘美征太原命美爲行營馬軍都虞侯太平興國二年冬出爲保靜軍節度三年夏以疾求解官歸京師尋醫藥詔遣

文水縣志

卷之九

人物

三

內侍與道士馬志視之未幾卒年四十八贈侍中命  
中使護葬美爲人任氣好施凡得予賜及奉祿盡調  
給親戚故舊死之日家無餘財人多歎息之

盧政以神衛都頭從劉平與夏人戰延州敵薄西南隅  
兵不得成列政引數騎挑戰發伏弩二百射卻之日  
且暮政說平曰今處山間又逼污澤宜速退保後山  
須明決鬪不然彼夜出乘高蹙我何以禦之平不聽  
遂敗政脫身歸黃德和誣平降賊仁宗引政問狀政  
言平被執非降也因自陳失主將當死帝義其言赦  
之以爲供奉官德州兵馬監押預討貝州率勇敢數

百人飛環絙堞而登守者莫能充大軍乘之以入選  
內殿承制南征儂智高亦有功歷秦鳳高陽關都鈐  
轄治平熙甯中爲捧日天武四廂都指揮使三衛都  
虞侯副都指揮使涇原定州并代州定四路副都總  
管累轉邠州團練昌州防禦黔州觀察使拜武泰軍  
節度使政時年七十三氣貌不衰侍立殿下雖久無  
惰容能上馬踊躍觀者壯之早朝暴卒贈開府儀同  
三司

元

梁錦陽字世榮少岐嶷便弓馬中統癸亥成進士從順

文水縣志

卷之九

人物

三

天道左副元帥賈同文參贊軍務右丞相伯顏薦爲  
千夫長從圍襄樊荆宿郢等州旣下以爲左副帥師  
至建業宋兩淮制置使李庭芝寓書錦陽願終和議  
停兵半載朝命南征錦陽表言違盟不可詔切責之  
持議不屈世祖時以爲江淮南北等路招諭使佩國  
信賜金虎符進左丞相萬戶上將軍鎮守吳江盜息  
民安遠近賴之元滅宋擢統轄順天東甯太原京兆  
延安五路都元帥屢著戰功大德乙卯致仕歸里至  
治三年卒年七十有八諡文憲封奧達魯花王

碑見  
藝文

明

張璣成化年舉人知陝西洛南縣廉恕公勤愛民如子  
秩滿百姓赴京保留加六品俸仍知縣事聲名甲於  
關西後貧不能歸即邑居焉見陝西通志  
馮憲字遵古號文瀾諸生時英慧出人博洽群書雅以  
氣節自負舉宏治戊午鄉試登壬戌進士授河南沁  
陽知縣立政嚴明鋤強抑暴豪勢斂手以避百姓方  
仰新政以見忤貴要旋罷沁人繪像歌謠思之

郭廷寬字季文號文麓嘉靖乙未進士初授中書舍人  
擢陝西道監察御史巡視北城風采凜然中貴不敢  
干以私奉命督長蘆鹽課清釐弊源嚴禁窩鬻歲增

文水縣志

卷之九

人物

五

餘鹽萬計商不困而國賦足稱兩便焉再按南畿淮  
鳳諸郡力振風紀雖偏僻下邑必按行咨諏屬吏以  
非禮奉者嚴禁之綜核有體尤以培養元氣爲務威  
惠並行所在肅然擢知常州郡毗陵爲南東巨鎮民  
性矯飾競以華靡相尚廷寬敦行節儉爲百姓先捐  
不急之務以省民力常人頌而德之晉山東按察司  
副使整飭徐淮兵備啓行之日行李無餘抵徐數月  
疾作卒於官常徐士民間之有流涕者子衡有才名  
隆慶丁卯舉人歷陝西興安州知州

田疇字汝治號易吾隆慶庚午鄉試辛未進士初授行

人司行人性篤孝值母病癱瘓於腋醫多方不效乃自吮之輒愈人以爲孝感云拜給事中首陳七策上加納多所施行許駙馬從誠馬毀柞亡無敢問者特疏糾彈蒙詔切責於是都人士咸相戒曰是且不難法帝婿何可犯也乙酉主試關中稱得士擢掌戶垣屬椒房母死乞恩逾制疇以帑竭力爭不可竟從減等其彊項敢言類如此戊子擢山東參政萊郡大旱齋誠禱神大雨隨注凡所爲振救安集者不遺餘力歲不爲害丁倭寇朝鮮震鄰岌岌晉按察使顛控海防念齊實京師肘腋迺按行要害增濬塹壘儲粟繕

文水縣志

卷之九

人物

五

兵爲綢繆計守帥有沮之者弗聽竟築之謀知有備遂寢內訂謀衆始服其蚤計焉丙申遷長東藩益申令有司杜苞苴平出納疵政不便於民者悉爲爬梳而釐剔之帑有羨鏹若干金故事惟官所用卻之一毫無染曰奈何以吾身爲壑乎徵光祿寺卿丁酉擢順天府尹剛方有執輦下肅清而權貴有銜之者言官希旨誣摭抗疏自陳不報遂投劾歸里居卻埽手玩周易津津然蓋潛有契也卒年六十有七

鄭之僑字良卿號東里其先世居秦中洪武三年遷於邑之南安里萬曆甲午領鄉薦乙卯冬就銓除直隸

文安縣令時三輔大祲溝中骨枕多方賙卹甦活者以萬計邑地窪河衝歲每爲害乃緣舊蹟築長堤百二十里以捍民得平土而居稅璫高家負罪逸自內禁人率囁喧不敢逼僑直搗其穴執之豪強屏跡邑有屯牧營淀等地瀉鹵無收民苦重賦二百餘年迺援別郡例減徵獲除賠累政成民和課績最聞庚申擢順天府通判天啟二年壬戌遷工部虞衡司主事旋督臺基厥務會遼變征徂廷議葺都城濬隍以修備獨冒蒸暑宵旰拮据竣役省金錢數百餘鏹用佐國計終默不以語人且退而私憂曰天子守在四裔

文水縣志

卷之九

人物

美

不思決勝千里而郢是城徒示弱耳時董工積勞竟亦瘁病旣而有易州餉軍之命憊不克起猶促僕齎金赴郡視回牒報部而疾加劇尋卒京邸年五十八贈承德郎子五人長宗周別傳季子庭周選貢生平嗜欲澹如儉於自奉遺衣一襲示宗周輩曰吾藏此易年矣惜不忍漫服夫人故有不嗇用而能廉取者乎居家居官止此矣至與人清而不絕於俗和而不淆於時居實處厚尤恥皎皎矜名性雅喜讀史能詩古文辭成一家言著有東臯醉語詩文若干卷

嚴三省賢馬都人父經樂善好施人尤稱之三省嚴志



正性履仁守義一嘖一笑未嘗輕假己酉登賢書仕  
秦隴治行稱第一其子濟溫慷慨好施濟宏嗜古如  
飴孫應龍應祥祥子國魁庚午舉人孫調鼎己酉舉  
人編修周  
傳畧

王在臺字爾基號肇區平陶里人溫恭馴雅孝友自其  
天性從少好學不倦萬曆癸卯登賢書癸丑成進士  
授山東滕縣令事繁俗悍公隨方輒應歲比不登賑  
活者以萬餘計時議福藩贍田內史眈眈昭陽湖地  
此地盈涸不常一受其成階厲無己公具文申免邑  
人祠公湖上後振鐸北雍辛酉遷戶部主事監督通

文水縣志

卷之九

人物

七

倉積羨晉秩再督延儲因魏璫禍作請告里居者四  
載起補戶郎轉漢中太守陝西通志云政先教化一  
遵文翁之治時瑞藩監尉多奪民田公爲禁除又勦  
滅常板子等賊後陞任去攀轅者以萬計由興元參  
政兵備擢鄖陽巡撫以病歸優游自適口不言有無  
置義田以贍合族迨疾亟囑諸子勿厚葬因舉田李  
爲例年七十有四丈夫子三長用中光祿署丞次毓  
秀貢生授臨縣廣文弗仕季毓文廩生秘書院侍讀  
汾陽朱之後

傳畧

鄭宗周字伯忱號意葵生而英敏稍長力學如不及當

父東皇公捷書至日亦不輟俄暑時人異之嗣隨父  
與師王公在臺者同下帷於西山甘泉寺學日進戊  
戌出就童子試學使陳公所學號冰鑑首甄公以式  
多士自後試輒冠軍中丞魏公廣微會藩臬檄取主  
書院靡敢齒易者萬厯癸卯與王公同膺鄉薦計偕  
偶蹶益刻勵忘食飲常午夜不解衣丁未遂捷南宮  
公初筮令鉅鹿繼調繁唐山兩邦懷恩並祀名宦先  
後巡方交薦考選擢西臺時東里公之尹文安也係  
權闖盧受梓里因入覲受以父母見且云令嗣肯一  
面巡方可得也東里公鄙之及與公燕居道及公聞

文水縣志

卷之九

人物

天

之髮指義不往見受憾之會神宗靜攝受與相方從  
哲朋比旨中閣者八稔公到部首抗疏參冢輔方相  
臚列奸欵天下快之值光宗促祚公復累疏請正李  
可灼崔文昇等表裡方相妄投毒劑之逆謀傳揭諸  
公羣章交訐論者謂公與楊璉左光斗諸君同一忠  
義而公之卓識先見尤過之辛酉奉差巡閩履境首  
祀李忠定公雍貪墨者數人及監察棘闈內外肅清  
差竣復命適太封公晉虞衡於京染沈疴公百方救  
治竟不起一慟幾絕勺水不入口者七日於時權闖  
薰灼先編公入紅丸案將伺讀禮竟而即中之值懷

宗正位羣奸正法以原職起公掌河南道不兩月擢  
同卿贈父母如制在罔籌發計樞二部之匿清剔蘄  
遂諸鎮之夙弊前後四十餘疏上繼陞太僕正卿括  
隱羨萬餘金報於朝時遠餉缺乏大司徒畢公白嚴  
奏借寺銀四十萬公抗疏不從奉密旨暫借銀四十  
萬後不爲例上深廉之詔以右司馬兼中丞撫天津  
等處公降乘進將吏而告誡之集父老子弟而煦濡  
之旋三韓失利難民載塗公爲請命加意安輯生全  
者數萬計已太夫人計聞跣奔返里哀毀如喪虞衡  
公時既終制遂絕念仕進時課圃村落攜酒深山偕

文水縣志

卷之九

人物

元

胡公全才輩逍遙自娛公貌清癯若不勝衣而言動  
不苟方公侍虞衡公疾專心岐黃書遂手刪著本草  
一集備極其精拓建先祠一區五越歲而落成康熙

癸卯歲卒

朱之  
俊傳

國朝

胡全才字體舜一字韜穎別號聖水石東都人始祖諱  
冕常熟縣丞有惠政祖諱賓率庠生父諱誥增廣生  
另有傳公長身方頰目有電光聲若洪鐘性豪邁讀  
書恥作章句儒髫年補邑庠生每試輒列前茅嘗宵  
返書舍方雨溜胸墨忽有燭籠前導又一夕竟送至

卧榻前叱之有聲而退有至親病魅公將往候其魅  
曰如今有大貴人至吾當避去丙子舉於鄉癸未科  
成進士時秦督敗績闖逆李自成犯西安公以觀政  
進士疏陳機宜乞許在晉諸藩所在各招健兒使人  
自爲戰如漢委梁以捍七國故事屯蒲中以扼渡口  
保河東以壯右臂俟事平議撤疏入而晉省已陷都  
人大震亟召見授兵部職方司主事贊畫李閣部軍  
前公抵真定勸塞井陘口不聽自請鐵騎以往亦不  
聽惟率所隨百餘人遍插疑幟保固關闔逆乃從居  
庸關入犯京師公慟哭歸招集里中子弟起義旅欲

文水縣志

卷之九

人物

三

襲殺僞帥恢復太原不果順治元年甲申九月大師  
至太原公引兵投誠隨固山業清大學士巴公收復  
平汾等府陞見賜貂裘鞍馬授兵部車駕司郎中陞  
陝西漢羌道右參議公入漢中當賀珍倡亂尤總鎮  
逃歸省會巡按失印道府州縣被陷赤地二千餘里  
公獨守漢中土寇魏景龍乘亂聚衆架木扒城景龍  
先登公立城頭矢石間手斬景龍懸首城上遣歐世  
暹劉鳳招其弟化龍頭目張守業等數十人來歸餘  
黨乃散川逆張定國駐保甯謀犯漢中公密令參將  
嚴自明馳擊保甯定國遁去三年四月賀珍又犯漢

中公堅壁死守值肅親王烏金王與內大學士巴公等兵過漢中圍始解公措辦糗糧四萬八千有奇大師賴以濟犒入川兵部題敘陞都察院右僉都御史巡撫甯夏公聞報後奉肅親王令同總兵任珍勦蕎麥山砦賊首孫首法等殺賊一萬四千餘人四年三月乃赴任正當馬德殺害焦撫之後巨寇李彩相繼作亂公親率將士直入甯夏乘勢捕勦戰於預望城馬德走再戰河兒坪擒斬馬德李彩就縛甯夏平後以追劄刑斃穆遠事削職十年三月起補江西饒南道左參議經畧輔臣洪公疏薦隨征湖南請復原官

文水縣志

卷之九

人物

三

巡撫鄖陽僉都御史如故時郝劉高塔李諸賊合犯鄖陽公履任馳赴穀城白虎山南漳蜈蚣寨南極湘湖北控關洛楚蜀咽喉之地水陸聲援勢難守禦利在戰攻於是遣副將文德陣於曾河灣都督于大海副將苗時化攻廟灘副將張德俊王嘉會戰白土關各帥四五千騎分兵奮擊擒其僞帥張進孝李企晟等五十餘員黃鳳昇任虎等百餘員皆其僞將軍都督盡解甲款首轅門請降公推誠納之復慮均州臨漢水中有滄浪洲連郢達鄢賊時出沒乃修復城郭添設水師使能將守之賊始不敢潛渡十二年七月

痰疾陡作猶擐甲視事不異平昔十月陞總督湖廣十一月前疾復作遂不起享年五十有二經畧洪公疏奏

上聞之悼惻贈兵部尚書諡勤毅廕其子應麟入監

賜祭三壇給全葬發修墳銀三百兩仍遣山西布政司堂上官彭有義代祭於公之墳墓前

御祭文曰鞠躬盡瘁者臣子之芳踪卹死報勤者國家之盛典爾性行端方才猷敏練克襄王事著有勤勞方冀遐齡忽爾長逝特頒祭葬用表悼懷爾如有知尙其歆此又曰惟爾居官敬慎賦性真誠夙著保障之勞新膺總督之職方期効力忽爾奄終憫惻殊深再頒祭典爾靈不昧尙克欽承

文水縣志

卷之九

人物

三

御賜葬文曰惟爾名高節鉅功著撫綏方期宣力於巖疆忽焉息身於邱隴爰頒祭葬用表哀悰永奠佳城靈其來格公幾歷任所凡建立修葺不可悉舉所刊有黃石公素書忠武侯心書太上感應了凡先生立命二篇合刊所著有撫治疏議述古自警貞勝子銘淨信庵詩妻賀氏誥封夫人生子三長應勳廩生次應虞太學生俱先公卒次應麟工部虞衡司郎中娶嚴氏誥封安人生子三長曰紹以生員爲國子生次日

纘少曰繩爲邑庠生俱擅文譽時有文陽三鳳之稱  
大學士成克  
鞏爲立傳

鄭崑璧字崑輝從周孫順治戊戌進士除陝西富平知  
縣縣南漆沮金定溫泉四水皆可灌田崑璧相高下  
疏支渠地成沃壤至今賴之居官絕覬遺請託不行  
修學宮立保甲士民交頌以最陞兵部職方司主事  
權揚州鈔關行旅不擾歷陞本部員外郎戶部陝西  
司郎中奉

命校士荆南以振拔孤寒爲己任其時滇黔變起人情惶  
駭歷試至鄖陽襄鄧諸郡崎嶇險阻逼近賊巢當事

文水縣志

卷之九 人物

三

者危之崑璧不顧按試以還所至咸稱得人以積勞  
卒乾隆四十一年祀鄉賢弟崑璽見選舉從弟崑璜  
崑瑛

鄭崑璜字黃玉以康熙壬戌進士出知直隸南宮縣事  
甫下車卽詢民病苦凡不便於民者卽罷之未期年  
報最陞戶部廣東司主事綜覈錢穀絲毫弗苟陞河  
南司員外郎禮部祠祭司郎中凡遇典禮考核得宜  
宗伯倚爲左右手特擢湖南常德府知府掃除各屬  
供億所讞決以情衷三尺而行其他善政難枚舉後  
引疾歸人皆以未竟其用惜之

鄭崑瑛字英玉崑璜弟幼穎悟絕倫讀書數行下所爲  
文以先秦兩漢爲法下筆數千言立就康熙乙丑翰  
林辛未會試分校易經得士九人浙中陳汝咸關中  
張慶曾皆一時知名士

聖祖親考上書房公文稱旨傳諭獎藉有書法得衛夫人  
筆意之論隨賞給

御製詩耕織圖端硯緞疋等物由庶常授編修日講官起  
居注人咸榮之後以疾致仕歸邑令李公延修邑乘  
至今稱爲名構生平著作甚多惜未能梓行偶散佚  
朋好者珍之如吉光片羽

文水縣志

卷之九

人物

五

鄭錫爵字公言康熙丙戌進士初任直隸甯晉令草修  
考棚府署年終建新春夏二季平面子牙河椿木府  
城河稅銀州縣口外運米幫貼軍需折出騾馬僱役  
諸弊政二十二條陞涿州知州三月陞貴州鳳陽府  
知府引

見賜香燭貂裘以旌之因親老不能迎養

特恩調授直隸廣平府知府丁母憂服闋改授刑部員外  
郎復丁父憂卒

鄭爲龍字令侯癸未翰林簡山東膠州牧兼攝安邱事  
興利除弊易瘠土爲沃壤薦陞杭州知府以母病請



假改調漢中府丁母艱服闋補江南蘇州知府尋調直隸真定郡

世宗皇帝召至偏殿垂問山西官吏民情甚悉賜

御製詩章端硯貂裘並克食茶菓等品物且諭有要事卽行摺奏甫匝月陞湖南糧儲道尋調直隸通永河道所在政績丕著年八十有三卒

成元震字東權號長公先世居蜀之成都明初始遷邑城東街考諱性康熙己卯武舉江南太倉衛守備公生而英異戊子武魁會試後効力兵部期滿考列一等選授江南徐州協標中軍守備徐人爲立遺愛碑

文水縣志

卷之九

人物

三

無溢辭雍正七年署理河標右營遊擊駐劄宿遷之白祥河是歲霖雨四十日水大至運堤不沒者數寸公督率夫役設法捍護賴以無虞水賊乘間攘攫擒其魁寘諸法羣賊屏息民始安尋隨兵部侍郎馬公爾泰辦淮揚賑務公籌畫合宜民沾實惠題授常州營遊擊常之黠民假錢於營兵而重其息陰賂弁日於給餉日扣除子錢積數十年子過母數倍而責終不償逃亡日多營伍凋敝公得其情立追債主諭以利害僉願焚券且重懲貪弁嚴禁稱貸而常營乃得復振常之宜荆二邑逼臨太湖素稱盜藪公每夜乘

小舟督諸哨船分巡各港議戒勿張燈勿作欸乃聲  
遇有賊則鳴角集衆共擒之舟行始得無恐又條陳  
練兵弭盜十餘則總督趙公宏恩稱善檄行全省按  
照辦理乾隆元年陞江南提標中軍參將江南提標  
十二營出納兵米歲十萬石公親督收放不假胥役  
手行鹽五營向係委員售賣高下其值竟成利藪參  
將亦不無染指公嚴行察禁弊絕風清軍民感服二  
年陞江甯城守副將時有以蜚語誣南昌總兵者總  
督楊公將劾奏請以公代公曰蜚語未可據也某不  
敢貪功名而幸人之禍當爲公廉訪之後果非實事

文水縣志

卷之九 人物

三六

遂寢六年署壽春總兵廬鳳一帶地瘠民貧叢生盜  
賊公卽照條陳諸議率屬行之未半年盜息民安七  
年入

覲上顧左右大臣曰此誠實能辦大事人也亟予記名授  
山東兗州鎮總兵兗鎮有催漕之責向帶左右營馬  
五六十匹往來兩月餘飼養遺兵累公第令沿途營  
汛遞送至督催所則資彼處馬聽用以息煩擾舊例  
營員缺出盡調所屬兵弁赴考其迹似公實滋往返  
公分爲四班循次而授然後各營免缺望而征調亦  
簡八年冬赴京

陸見賜鹿二隻疊賜克食及鞍馬一具補江西南贛總兵  
次日  
召見備詢家事垂念親老改授河南南陽鎮總兵適甘肅  
河州有回民叩閭之案奉

旨移鎮其地公推誠以蒞不數月漢夸帖然當王師之討  
金酋也檄調河州兵公簡選精壯諭以大義兵行後  
弔死問疾廉俸之入悉周其困乏軍中聞之益矢銜  
結臨敵陷陣莫不以一當百是年其子邦彥銓陝西  
朝邑令公札賜聯云莫受半文忘父訓每思一飯是  
君恩亦可想見其訓子持身之大概矣十四年晉甘

文水縣志

卷之九

人物

七

肅提督甘省營馬孳生有定額其溢額者舊多入私  
公悉以歸公又有積年收駝所省芻豆銀二萬餘向  
係提督自行辦公動招物議公奏明交藩庫適馬逸  
爲長子王屬下所竊王差員馳送且械致竊馬者公  
以王恭順厚犒其使且諭以

天朝威德獎勵再三王喜叩轅謝過時準夷與內地交易  
聞之亦相誠無干公令十六年降調廣東潮州總兵  
陸見上日聞汝年老今乃精力如常改授山東兗州鎮是  
夏河湖漲溢高家堰堤決公率兵弁日夜露處運夫  
過每十里爲備糗糧慰勞之夫役踴躍工成不日尋

調江西南昌鎮二十二年

皇上南巡召見

賜宴並內緞荷包數事二十六年冬感患痰疾明年病轉劇奏懇回籍調理二十八年春卒享年七十有八公狀貌魁梧雙眸炯炯博涉羣書尤工詩復鎮兗州時同僚以公能計欲絀之適宴會在坐皆文章鉅匠議依金谷酒數各賦一詩以見志公以武職未習辭不獲立成一絕云一別蒙山數十秋幾番得意幾番愁君恩復命來東魯山色依然我白頭闔座爲之擱筆三典武闈屬下偏裨官至總鎮者五人幸際昇平終身未

文水縣志

卷之九

人物

三

臨大敵時以爲熙朝福將云子三長邦彥見選舉次

汝舟次邦直別傳

山西巡撫和其哀傳

鄭廷楫字濟川雍正癸丑進士由工部主事轉監察御

史陞刑科掌印給事中多所建白如疏通舉班禁止州縣私罰銀外省用嚴刑及捐納虛銜暨貢監生員濫用旗牌諸摺俱奉

旨允行子二長嶽鍾次岱鍾俱見選舉

鄭時慶字華臣雍正癸丑進士歷任貴州龍里貴筑江

南清河金匱長洲等縣知縣政績循聲洋溢於大江南北陞山東曹州府水利同知辦河務報最陞江南

安慶府知府調鎮江府決事無停機論者比之于定國張釋之云陞山東運河兵備道年六十三卒

王績里洪村人性英敏好學不倦篤於天倫十六歲爲武庠生旣而悔之曰

國家昇平今百餘年矣惡用是趑趑者爲乃棄去復事舉子業是歲入府庠越二年於乾隆辛酉壬戌聯捷成進士初任四川南部縣後改河南寶豐儀封等縣卓著循聲居嘗訓子弟曰若曹母以趨時爲能惟敦大節務實行於根本處著力斯爲不辱先人

鄭鴻任字子重錫爵子乾隆乙丑進士由安徽休甯令

文水縣志

卷之九

人物

三

陞宿州牧丁母艱服闋兩江制臺尹公繼善奏請來南屢辦大差補黔之麻哈州牧苗懷其德民安堵有獨山州人韋學文妖術惑衆結匪黨陰謀不軌以布爲照蓋刻朱天子賜四字上寫御封某官職姓名有苗生者感公之仁首其照時漏已二下公飛報上憲隨選幹役數十名尾苗生後入其穴得韋學文按籍而捕之無一脫者及上憲委武弁來助賊已就擒黔撫方公奏聞引

見未及起行以病卒年六十有六

鄭岱鍾字東侯給諫廷楫子乾隆庚午科與兄嶽鍾同

舉於鄉先後成進士嶽鍾官福建崇安縣知縣岱鍾官翰林院檢討性豁達舉動率任天真不設城府居鄉尤恂謹絕請託嘉慶庚午科重宴鹿鳴

賜國子監司業銜卒年八十有四

王鍾健字仲乾號靜亭九歲失怙其伯父侯度撫如己子嚴加訓課有棗香書院授讀圖多名人題跋今無存以乾隆丙戌翰林歷官江西道監察御史禮科掌印給事中性嚴厲直言敢諫權勢無所屈同朝咸敬憚之

成汝舟字用濟號虛齋幼讀書能通大義尋入國子監

文水縣志

卷之九 人物

甲

赴鄉闈薦而未售父元震欲嫻以政體乃令輟舉子業匡輔戎樞一切文案摺稿瞭如指掌以縣丞赴陝試用正值軍務旁午挽芻輦粟相望於道陝甘交接處爭論斛面深淺汝舟持鐵斗以平之爭乃息補江南南匯令匯濱海民好訟素稱難治汝舟至恩威並用不數月而民心帖然葺文廟建書院暨養濟院捐廉增兵口糧乾隆四十二年夏蝗憂之至廢寢食默禱於天願減年以蘇民困是夜海壘漁戶網重不能舉詰旦視之皆斃蝗也人以為至誠感格云尤經心水利如運漕河白蓮涇新場河護塘港閘港等處塞

者通之淺者濬之農田百萬輸漑均資邑人曾刻石以紀事越二年推海門同知因

天子有事於南巡狩留辦差工陞常州府知府歷鎮江江甯等府護鹽巡道又稽查龍江西新關鈔革胥吏苛歛之弊商民皆便之又督辦江甯災賑事捐廉合糶米芝蔴紅棗爲丸日食餓者殆徧大荒後能免於疫嗣以淮徐道調任淮揚防禦洪澤黃河運河海口尤加密凡石堰草壩之高下宣泄滯瀦之早晚莫不區處合宜五十二年高寶湖溢塌烏魚塘壩故下遊田廬不爲災戊申李河督赴京

文水縣志

卷之九

人物

里

陞見上曰成汝舟在河工辦事如何又曰朕知其爲人結實有乃父風其世受

主知如此五十四年十二月抵湖北按察使任數月斷結新舊積案一千四百餘件稱明允焉年七十有二卒子履恒別傳

成履恒字立方號魯齋幼醇謹篤孝友遵川運例捐主事補戶部江南司陞江西司員外郎福建司郎中在部年久請練胥吏罔敢欺俸滿推陞山東萊州知府循例以迎養辭丁父艱服闋大農祿公案交正公知爲熟手奏留本部得請補廣東司郎中以繁缺知府

保送授安徽徽州知府徽郡山多土曠每有外來無  
藉貧民葺棚私墾間有逸犯藏匿大憲屢申禁約不  
悛委令會營搜捕驅逐恒日愚民踞耕久驅之迫恐  
抗拒成巨案留兵祁門縣城並捐廉千金以資兵餉  
己自單騎隨一僕人山曉諭民皆感泣縛犯以獻尙  
有居人重遷者恐其藏姦滋事乃諭以利害使各歸  
鄉里是役也不煩一兵全活甚衆嘗攝安慶首都上  
游倚重輿論翕然未幾客民張良璧採生案發以過  
慎被嚴議歸里後於祖塋家祠義學義塚次第俱舉  
戚黨中有困乏者慨然酌贈不責其償年七十有八

文水縣志

卷之九

人物

聖

卒子六長錫璠次錫瑜別傳三錫璜見選舉四錫璐  
邑庠生五錫瑄府經歷六錫瑞從九品

成錫瑜字蘊山號璞完幼穎異性豪爽五歲失恃哀毀  
如成人年十七入直隸大名學庠侍父官京師才愈  
諳練癸酉選貴州經歷歷長寨同知獨山州同都江  
通判荔波知縣所在著政聲長寨人王赫偶出不反  
妻訟於官訶察數月無音耗乃默禱於神而潛迹焉  
遇樵者李姓詢知爲某所戕已焚尸滅跡矣捕獲寘  
諸法黔地多苗素稱難格蒞荔波時有苗民訴婦隨  
人逃匿比到官察苗貧甚婦又倔強不欲歸乃自捐



金予苗勸其別娶而重懲誘逃者民感泣事乃結道  
光丁亥引

見授廣西萬承州同又理養利州事萬養皆邊地風氣刁  
悍好鬪有持械戕人者忤作受賄驗無傷瑜不避穢  
自以酒洗尸細檢至牙根知傷在下部冤乃雪他不  
法皆嚴繩之咸帖然無敢犯庚寅陞左州知州引疾  
旋里囊無餘貲儉約自奉逾於農家至戚黨貧乏竭  
力周之無少忤咸豐三年粵匪陷平陽警日至邑城  
圯一角瑜典衣物首捐錢五百千修之聞賊近親率  
諸子姪日夜巡邏露處城頭者廿餘日生平見義勇  
文水縣志

卷之九 人物

三

爲任事不避勞怨非公事未嘗一謁有司其嚴正如  
此年八十一卒子濬附貢生

王衷字于一由廣東通判題陞廣州澳門同知歷署保  
昌南海新會縣事陞高州府知府署高廉兵備道調  
潮州湖南岳州長沙府知府署湖南糧儲道賞戴藍  
翎所在卓著政聲至今人猶稱道勿衰惜墓志無存  
未能詳紀

武新銘邑之馬村人榜名天弼字夢巖幼聰慧寄籍順  
天通州居古寺勵志弱冠入州學庠嘉慶己卯捷於  
鄉道光丙戌成進士授山東甯陽知縣邑患盜新銘

始至單車匹馬徧歷村堡諭以相助相恤義戒備嚴  
明出已資僱役巡緝民得安堵嗣喚人內犯調充鎮  
兵三千南下所至苦供億路出甯陽新銘令社置一  
車以資迎送飲食供給取諸官民無毫髮累二十四  
年蝗起親詣田間躬率農人驅而埋之歲得有秋尤  
重民命遇案必反覆親驗民無冤獄孝友廉潔作官  
數十年家無恒產工制舉業一題數十藝援筆立就  
充丙午科山東鄉試同考官闈墨前刊擬作八藝人  
傳誦之著有卽仙館龔邱官舍遺文莞爾堂詩集乙  
巳會試首題廿一藝待刊調商河未逾年卒於官年  
貢生四達材進士五達昌廩生

文水縣志

卷之九

人物

四

五十二子五長達成次達璋諸生俱早逝三達人廩  
武新亨字芸渠新銘從兄道光辛卯舉人癸巳科庶吉  
士散館授編修易名雲衢丁酉科江西副主考官御  
史授山東青州府知府府有駐防滿兵歲需兵米各  
屬苦賠累悉爲裁減除陋規禁餽遺官困以蘇屬縣  
感之嘉惠士林體恤寒峻捐廉籌款量加書院膏火  
獎賞文教賴以增盛至今咸頌美焉

武僑武午村人由道光乙未科舉人大挑知縣分福建  
補永福知縣敏捷多智數恒決疑獄上官倚之同僚

咸推服焉

王恒德字用占下曲鎮人先世皆以科名顯恒德獨由實錄館議敘選正定府經歷陞平泉州判署涑水知縣補密雲嘗以功名不由科第爲恨銓官後廉謹自持不妄受一錢所至以清著咸呼爲王青天其宰密雲也城濱河某歲山水大漲將破堤吏民驚走相告恒德泣然曰某在官有隱慝譴及一家可也願勿傷百姓卽具香楮泣禱堤上水驟落民皆破涕慶更生比歿宦橐蕭然幾無以殮上官廉其貧爲集資歸櫬子道立

文水縣志

卷之九

人物

五

王道立字子修少慧父恒德以己不由科目訓之嚴道立體父志亦精進不少懈舉道光丁酉鄉試甲辰成進士以知縣分發陝西始至卽委讞局決疑案數十兩造帖服無冤者厯署同官西鄉蒲城蒲有奸民姦人婦而殺其夫瘞諸幽室婦不知也歲餘其家控諸官事無佐證道立齋宿城隍廟禱於神是夕奸民欲逃甫出門彷彿覩捕者懼而止再出復然竟夜不得遁乃緝詰辰婦狂詣縣堂作其夫鬼語語被殺事甚悉依語按驗獲尸寃白繼補懷遠調大荔未幾卒於官道立承家學廉介不苟所至愛民重士以振興文

教爲已任嘗自製楹聯有愛一文一文不值語戒諸子以勤儉衣履如寒素爲官二十餘年積逋纍纍而不可干以私每去任士民遮道攀留不聽遽去蒲民尤德之父老今存者猶謂四十年來無此好官也子三長延治次廷藩三三官以貧故不能歸道立喪猶寄葬於陝省之西郭

### 文學

明

蘇應聘字紹岡體貌奇古有大才少貧且耕且讀下筆數百言立就諸生時卽負盛名時學使者按臨汾州

### 文水縣志

#### 卷之九

人物

異

應聘出場八邑生童聞名聚觀圍遶幾不能去顧數奇六試不售然由其門入鬻序者不下數十人且多知名士繼爲運城導陞長青諭青令王遠宜慕其博洽凡遇試卽封卷送閱皆稱得人無何致仕歸好學不倦復開帳授生徒一時入鬻序者復數人如陳三接巖國魁郭城翟永昌曹珏相繼登甲乙榜應聘武度都人舊制本村去官路十餘里有行夫守鋪之累二百餘年莫可控訴及歸林下適舊青令王公亦擢中丞巡隴晉中應聘謁之具言路遠行夫之苦王公握手道故盡權而別立批呈有永不行夫守鋪之語

勒之石土人立祠祀之

門人曹珏傳畧

嚴國魁字啟皇賢馬都人天性孝友篤學力行誕之父  
父夢鳳入抱生而穎異好讀書過目即成誦素有大  
志不屑事家人業少失恃事繼母楊氏如所生洎入  
泮文名赫甚而手不停披口不絕吟其爲文也以先  
秦兩漢爲法庚午魁於鄉中選後閉戶以圖史自娛  
邑中舊例僉報庫吏應役者往往破家又有協濟鄰  
境馬頭一項最爲偏苦國魁率諸縉紳具辭控於當  
道一則革其弊一則均其役至今邑人感之時屬多  
事改革相仍國魁不焚不濡得以自全有勸之仕者

文水縣志

卷之九

人物

七

曰吾有田可耕有子可教若向鄉里小兒折腰殊令  
五柳先生笑人晚歲優游三徑耽心經義竿牘不入  
公門者幾三十年而邑中之執經問業者常滿戶外  
若郭超宗郭鼎鉉王錫命皆其立雪士云後疾草嘗  
囑諸子云吾生平無不可對人言者立身揚名汝曹  
善自爲之無貽吾憂也子五長早逝仲子調鼎己酉  
選拔三巒徽四綉徽五紋徽俱庠生

編修周傳畧

國朝

曹珏明天啟年舉人舊志載蘇應聘傳及志序一首皆  
簡潔有法傳畧亦不傳

武廷選字晉侯乾隆辛卯科舉人性豪爽博學能文  
工書法以大挑一等歷仕貴州晉安州江蘇泰興新  
陽縣蘇州府分府著有蘭圃詩草行世子天爵新亭孫  
鍵俱見仕績

武敬勝武午村人嘉慶辛酉科副榜生有至性居家以  
孝友聞篤學嗜古自成一家言文境直接秦漢甫弱  
冠遂爲三晉知名士屢躋棘闈終不屑揣摩時尚歷  
任臨晉定襄大同洪洞教諭甯鄉訓導所在以作育  
人材爲己任年老家貧授徒爲生計所得脩金儉約  
自奉外悉散親族之貧者與及門講求經義兼以行  
誼相勸一時文士盡出其門惜生平著作無多得之  
者輒襲爲枕秘子僑見仕績

文水縣志

卷之九

人物

吳

蘇捷卿字月三嘉慶庚午解元道光壬午進士掣河南  
卽用知縣以親老家家居授徒鴻才博學名溢三晉從  
遊者歲不下五六十人所許可者率皆得意以去生  
平歌咏甚多惜未梓行而一時鈔傳幾合洛陽紙貴  
至今猶膾炙人口云

楊魯方圓村人廩貢生胸羅墳典學有根柢屢躋場屋  
無愠色家貧授徒不較束脩平生砥礪名節以安命  
惜福爲第一享壽九十

陸惠字廷吉廩生明陽村人接三後裔持身嚴正言笑不苟年八旬與人危坐終日無稍跛倚極淹博尤深於秦漢諸書註釋詩文集甚多有裨後進惜家貧無力付梓

閻廷榕北張家莊人乾隆庚子科舉人博學能文尤工書法得鍾王筆意

張采翼字苞九世居南莊村幼慧好讀書潛心經史中同治壬戌科舉人務爲博世之學不屑屑於章句惜天不假年四十六歲卒著有禹貢臆參禹貢圖說並詩文集待刊

文水縣志

卷之九 人物

男

隱逸

唐

武攸緒則天皇后兄惟良子也恬淡寡欲好易莊周書少變姓名賣卜長安市得錢輒委去後更授太子通事舍人累遷揚州大都督府長史鴻臚少卿后革命封安平郡王從封中岳固辭官願隱居后疑其詐許之以觀所爲攸緒慮嚴下如素遁者后遣其兄攸宜敦諭卒不起后乃異之盤桓龍門少室間冬蔽茅椒夏居石室所賜金銀鐙鬲野服王公所遺鹿裘素幃瘦栝塵背流績不御也市田潁陽使家奴雜作自澁

於其晚年肌肉消青瞳有紫光晝能見星中宗初降封集國公遣國子司業杜慎盈齎書以安車召拜太子賓客苦祈還山詔可安樂公主出降又遣通事舍人李邈以璽書迎之將至帝勅有司即兩儀殿設位行問道禮詔見日山帔葛巾不名不拜攸緒至更冠帶仗入通事舍人贊位攸緒趨就常班再拜帝愕然禮不及行朝廷歎息賜予無所受親貴來謁道寒溫外默無所言及還中書門下學士朝官五品以上並祖城東俄而諸韋誅武氏連禍唯攸緒不及睿宗恐其不自安下詔慰諭復召拜太子賓客不就譙王重福之亂攸緒以誣被繫張說表置廬山中書令姚元崇奏攸緒在武后時未嘗輒出今州縣逼遣士爲驚嗟願詔賜嵩山舊居令州縣存問詔可開元十一年卒

宋

邢鑑字叔明少而篤學有經世濟物之心從晉豁任先生遊講習十年行修經明時方以詞賦取士而公潛心經術因見詘西北用兵邊儲未裕公痛肉食者鄙臚長策遠謀上書執政竟莫能用於是謀道山林不復以仕進爲意嘗與參政歐陽公修范公仲淹學士



石公介爲知交而超然遠引蟬蛻塵囂蓋所謂幽人之貞與卒年六十有七

明

張圖南字拙庵開柵鎮人以字行器宇簡澹侷儻不羣厭習舉子業髫年卽謝去縫掖衣優游泉石間好讀異書過日成誦更工詩善書人有以厚餽求者卽片詞隻字不可得興會所至常累幅不倦晉直指使高其操親詣之聚談於陋室敝席之間出蔬食菜羹直指使飽之而去晚年家益貧行益高四壁蕭然不事家人業每遇佳山水處往往留題而僧房道觀時寄

文水縣志

卷之九 人物

至

跡焉人有勸之仕者笑而應之云廟中之犧漆園吏且不爲而謂吾爲之乎逍遙自適而終

國朝

郭連城章多村人高才博學工書善詩不樂仕進優游泉石間自號白雲隱士家甚貧遇書籍輒傾篋購之尤究心性命之理學者咸推尊焉與太原傅青主平定白居易實爲方外遊年未三十而卒忻州知州魏一鰲賦詩以弔旌爲隱士之墓

樊從簡曰野無遺賢萬邦作乂以賢人而樂於仕本治世之常事也雖然人各有志不可強奪故光武遂

子陵之高真宗成魏野之節而易嘉肥遜詩美涉樂  
正謂此耳今觀文邑數隱君子或避亂以潔身或樂  
道以淑後清風高節真可以激頑而起懦其視負絲  
攀附知進而不知退者烏可以同日語哉

寓賢

周

卜商字子夏衛人孔子弟子退老西河爲魏文侯師嘗  
憇本縣隱泉山後人號其山曰卜山又曰子夏山云  
明

趙秉忠益都人父禧任本縣丞生忠宦邸登萬曆戊戌

文水縣志

卷之九 人物

至

科進士狀元及第禮部尙書

郭佳鎮邯鄲人邑宰宗賢之子從遊宦邸後登進士任  
遼東兵憲

方外

道士康成渝清源鄉成子村人住胡家堡元天觀修持  
有年康熙十四載正月夜有髯翁來廟挽鹿車載木  
匣一外刻黃籙琅函四字內裝神像四十軸筆致奇  
古以贈成渝因止宿焉及旦人與車俱渺社首王萬  
奇重爲裝演藏置廟內每歲三月三日懸挂殿中建  
醮虔祀名黃籙社至今猶存成渝自是每露奇跡嘗

與生員王慎幾圍棋假寐片刻忽欠伸言河南麥已熟袖出二穗示之時邑麥尙未秀也今遺像猶持麥  
二穗五十四年二月十七日辰時於廟前建大照壁  
一東建茶房五間言主村中市集興盛後果如言卒  
於雍正八年壽八十有四時村人王姓者商於蘇州  
偶步店外見成瑜牽驢過邀請少憩辭不入徐解項  
上念珠囑王攜歸交弟子武守性善爲收藏語訖竟  
去迨王隔月旋里詣廟詢之計遇瑜之日卽示寂日  
也念珠乃其棺殮物衆始悟其仙去矣

文水縣志卷十

列女志

舊志無列女但標貞烈而統於賢才且僅二十八人知遺漏者多矣茲另編爲一卷首后妃示尊也次賢媛表德也終貞烈與節孝著節也然自康熙十二年傅公重修後迄今又二百餘年苦節幽芳保無有湮沒不彰者乎閨幽顯微吾輩事也是尤望於將來者志列女

后妃

唐高宗則天順聖皇后武氏父士護自有傳文德皇后崩久之太宗聞士護女美召爲才人方十四母楊慟泣

文水縣志

卷之十 列女

一

與訣后獨自如日見天子庸知非福何兒女悲乎既見帝賜號武媚高宗嗣位立爲后上元元年進號天后建言十二事一勸農桑薄賦徭二給復三輔地三息兵以道德化天下四南北中尙緊浮巧五省功費力役六廣言路七杜讒口八王公以降皆習老子九父在爲母服齊衰三年十上元前勳官已給告身者無追覈十一京官八品以上益廩入十二百官任事久材高位下者得進階申滯帝皆下詔施行永昌元年享萬象神宮改服袞冕擢大圭執鎮圭班九條訓百官大饗羣臣作樂元塞囷口困鳳思虞鳳華垂十

有二文太后自名嬰改詔書爲制書改唐號周自稱  
聖神皇帝旂幟尙赤神龍元年宰相張柬之等建策  
請中宗以兵入桓彥範進請傳位徙太后上陽宅是  
歲崩年八十一餘見唐紀

元宗貞順皇后武氏恒安王攸止女幼入宮帝卽位寢  
得幸時王皇后廢故進册惠妃其秩禮比皇后封所  
生母楊鄭國夫人弟忠國子祭酒位秘書監將遂立  
爲后御史潘好禮上疏諫遂不果立生壽王薨年四  
十餘贈皇后及諡葬敬陵

按唐書后妃傳武后并州文水人舊志無之殆惡其

文水縣志

卷之十

列女

二

穢亂乎見何隘也考后行事雖不足道而機謀權數  
籠絡羣才幾合曹孟德司馬仲達爲一人且爲人臣  
而竊其國如宋齊陳隋諸君何嘗不尊爲太祖卽得  
國之正如趙宋猶不免欺人寡婦孤兒之誚獨於后  
何責焉后亦千古奇女子哉夫勸善懲惡不隱之筆  
也遺臭流芳不朽之名也春秋旣載文姜國風亦存  
桑濮褒貶分別昭示來茲不必皆宋伯姬衛共姜也  
況乎其人已往其骨已塵何足爲邑乘累今遵通志  
列入之彰美乎哉垂戒云爾

賢媛

鄭氏李景讓母治家嚴身勤諸子始貧乏時治牆得積錢僮婢奔告鄭曰士不勤而祿猶蓄其身况无妄而得我何取急使閉坎景讓曰右散騎常侍出爲浙西觀察使母問行日景讓率然對有日鄭曰如是吾方有事未及行蓋怒其不嘗告也且曰已貴何用母行景讓重請罪乃赦故雖老猶加箠勅已起欣欣如初景讓嘗怒一牙將杖殺之軍且謀變鄭欲息衆謹召景讓廷責曰爾填撫方面而輕用刑一夫不安豈特上負天子亦使百歲母銜羞地下何面目見先大夫乎將鞭其背吏大將再拜請不許皆泣謝乃罷一

文水縣志

卷之十

列女

三

軍遂定

宋 無考

元 無考

明 無考

國朝

朱氏浙桐鄉諸生鴻勛女邑人按察使成汝舟繼室幼工吟咏博覽經籍年十九歸汝舟時汝舟爲南匯令多所匡贊夫歿吞金以殉救之得蘇比自夫任所歸出簪珥匱資置田二頃餘簿稽所入爲子孫孳蓄讀書久遠計族人有貧困不能婚嫁者悉取給焉

居蔬食布衣自甘淡泊家法秩然號爲賢母嘉慶元年卒壽六十有八歿後兩侍婢咸矢志不嫁禮佛終身亦各年六十餘卒

貞烈

明以前無考

明

武氏河間守陳三接配也素賢淑河間之變烽火甚急陳語之曰我爲國守城義莫辭爾其歸養氏正色曰夫死忠婦死節理固然也勿復言城陷遂自縊

國朝

文氏舉人郭超宗之妻流寇破城氏投井全節邑令

文水縣志

卷之十

列女

四

劉公申請 旌表曰清泉烈節

牛氏潘來泰妻道光元年夫故無翁姑子女氏年三十六歲方夫之疾也氏湯藥親嘗衣不解帶者兩載餘夫疾革乃舉田產衣物之屬盡鬻之於飾終之具必求完美至是年十一月初一日夫歿氏從容殮之畢謝族人曰吾事畢矣掩戶吞金以殉

烈女

武氏幼字任汝舟爲室院鄰某涎女美窺其父母出入室挑之不從強逼女力拒大呼某遁去父母歸女涕泣訴知遂仰藥死舟父控於官捕某訊伏置之法

歸女喪於任氏道光六年題請 旌表曰節義性成  
霍氏 東庄村霍建盛女有傳

節婦

明

呂氏 霍文聚妻年二十五歲夫故守節四十餘年

常氏 李山妻夫故守節終身不變

韓氏 李儉妻年二十一歲守節撫孤終身不易

張氏 王信妻年二十一歲夫故遺子以文甫四歲誓  
守節伯叔欲奪之不得以紡織自給撫子成立  
任甯夏經歷

郭氏 李堅妻年二十歲守節撫幼子終身不改七十  
六卒

文水縣志

卷之十 列女

五

李氏 孟進妻年十九夫卒遺子甫一歲家貧甚親隣  
議再適氏不從苦節沒身

武氏 李廷妻年二十夫亡遺二子勤苦撫養六十餘  
卒

武氏 李美妻年二十四夫故遺子應春甫一歲氏欲  
死節其父立勸乃止訓子讀書充邑庠生

李氏 蘇統妻少寡親老子甫二歲氏奉舅姑撫子成  
立

索氏 郭澤妻夫故觸棺痛哭誓以身殉家人防之得  
不死生遺子希振後亦故遺一孫氏撫養之凡  
五十五年壽七十九歲

王氏 郭樂妻舉人王一爵女幼年嗜讀女孝經長而  
頗通字義二十歲守節撫孤事翁姑八十而終

邑令馬申請 旌表匾曰冰霜苦節

馬氏 庠生閻艾妻夫亡氏年二十四遺孤希于孟年六歲  
訓養成立壽八十二歲萬曆丙午申請 旌表

王氏 張翼明妻明為闖賊所劫罵賊被殺氏年二十  
七歲矢志守節撫訓二子聖統聖繼俱為諸生



賀氏 席賢列妻年十九歲夫故矢志守節撫孤成立

孟氏 侯晏妻二十歲孀居六十餘年始終如一

王氏 任權妻權入學早卒氏十九歲事姑撫子鄉里稱之

張氏 光祿署丞王用中妻用中早逝遺孤岱甫四歲父母勸其再適氏剪髮毀容自誓守志撫子朝夕課讀不怠卒以文名

侯氏 武續妻續早逝氏年十八遺孤甫八月家貧苦守壽九十始卒

楊氏 武懋德妻德禦賊陣亡氏時年二十二歲誓不改適

楊氏 李樓妻二十一歲守節撫未歲之孤復亡始終苦守年八十餘卒

權氏 蔚三命妻二十五歲守節壽七十七卒

文水縣志

卷之十 列女

孟氏 生員王經世之母幼年守節蒙 旌建坊

郭氏 恩貢楊應芳妻以賢孝著聞夫官秦中時每以清廉勸勵之

馬氏 歲貢閻文炳妻生員馬上繡女溫良孝敬以乏嗣勸夫娶妾後生二子

成氏 張銘妻二十歲守節教子及孫俱成立為邑庠生

成氏 監生曹昭妻昭少亡矢志守節事親撫孤始終無異

侯氏 郭夢周妻十七歲夫故遺孤未週歲誓死守志撫育成立

王氏 從九品張山峻妻年二十一夫故撫姪慎思為嗣節操甚堅慎思任孟縣教諭沁源訓導

楊氏 陳廷柱妻年二十八夫故時翁姑衰邁持家勤苦教子成立

權氏 趙崑琛妻二十九歲守節

武氏 成龍飛妻年二十八歲夫故孝姑撫子終身不變

郭氏

王學聖妻二十五歲夫亡事衰撫幼備嘗艱苦

岳氏

高城妻年二十一歲夫亡遺子甫二歲後子亦亡焚燬無依節操獨堅

畢氏

武祥妻年二十四夫亡事病姑撫遺子終身不變

王氏

蔚本善妻年二十四夫歿子甫二歲氏持家撫子勤苦彌堅

趙氏

杜世宏妻年二十九夫故守節癯瘠不繼矢志不渝

畢氏

高映奎妻年二十八夫亡撫子成立

喬氏

武喜生妻年二十一夫故翁姑在堂以姪為嗣事親撫幼終身不改

李氏

成乃武妻年二十八夫亡事衰撫幼節操彌堅

張氏

翟肇基妻年二十九夫亡撫訓二子成立

王氏

傅文妻年二十八夫亡守節終身不改

文水縣志

卷之十 列女

七

張氏

庠生成學顯妻年二十三夫故翁姑衰老孝敬無虧

郭氏

劉元傑妻年二十九夫故遺二子俱幼人有利其產者逼令改節氏諭以大義弗聽因出刃以示曰頭可斷志不可奪某懼不復敢言氏窺其意未回常懷刃自衛衣不解帶者十餘年勤儉治家紡織自給撫二子成立長敦榮武生議叙千總次敦華舉人大挑知縣分發福建人以爲苦節之報

李氏

王權妻年十九夫故以姪爲嗣撫育恩勤視如己出事翁姑以孝聞

成氏

李讓側室二十八歲而寡持家訓子守節終身

姚氏

武來麟妻年二十三夫故翁姑在堂遺子一歲氏事親撫幼備極辛勤

張氏

韓懷功妻二十八歲夫故子幼勤儉持家撫子成立門戶賴以不墜

王氏

韓經妻年二十七夫故子幼零丁孤苦教子成立

李氏

武調純妻年二十九夫故以姪爲嗣事婦姑撫幼子勤苦備嘗

安氏

武統周妻年二十三夫故事姑孝教子嚴勤儉持家不辭艱苦

王氏

李尚榕妻年十九夫故無子奉養翁姑人稱孝焉

章氏

張增祿妻年二十四夫故有姑在堂遺子甫一歲氏事孀姑撫幼子賢稱閭里

任氏

胡權妻年二十三夫故無子以翁姑在堂矢志柏舟終養餘年事葬盡禮

姚氏

武調融妻年二十九夫故事姑撫幼各盡其道

段氏

王立本妻十九歲夫故翁年已衰遺腹子闕三月而生事姑撫子艱苦備嘗

龐氏

邢漢載妻年二十八夫故事孀姑撫幼子艱苦自矢

郭氏

戴三光妻年二十八夫故翁姑俱存生事死葬克盡其禮

劉氏

樊厚側室二十五歲而寡勤儉持家義方訓子

任氏

李世泰妻年二十七夫故撫遺腹子育養成立

文水縣志

卷之十

列女

八

陳氏

劉明妻年二十八夫故孝養翁姑能得歡心

弓氏

武兆盛妻年二十三夫故遺子甫一歲紡績度日節守彌堅

陳氏

張旌妻二十九歲夫故三子皆幼苦節自矢持家有法

汪氏

王肇修妻二十八歲夫故家計艱難節操不改

張氏

王世明妻二十三歲夫故子幼教以義方撫子成立

王氏

趙魁晉妻年二十七歲夫故子幼撫養成成立

李氏

賀汝明妻二十二歲夫故矢志守節終身不移

張氏

閻晰妻二十一歲夫故養事翁姑克盡婦道

梁氏

李錫五妻二十六歲夫故守節教子成立

張氏

李虎臣妻二十九歲夫故紡績撫孤至於成立

孟氏

王伯齡妻二十四歲夫故茹苦甘貧至老不變

張氏

李翰輝妻二十九歲夫故貞節自矢歷久益堅

劉氏

王邦璽妻二十八歲夫故養親撫孤守節不變

高氏

李冲和妻二十八歲夫故孝事翁姑克敦婦道

張氏

李勇德妻二十八歲夫故家貧姑老孝養不懈

楊氏

孟廷英妻二十八歲夫故事姑撫子矢志靡他

溫氏

賈璞繼室二十一歲夫故孝養翁姑深得歡心

馬氏

張爾珍妻二十三歲夫故茹苦含辛撫子成立

武氏

董建基妻二十九歲夫故紡績食力矢志柏舟

要氏

姚永慶妻十九歲夫故孝事翁姑始終無怠

文水縣志

卷之十

列女

九

張氏

武祥璧妻二十四歲夫故家貧子幼勤儉度日

柯氏

段培蘭妻二十三歲夫故恪執婦道人無閒言

章氏

張中魁之側室學使杜請旌

崔氏

韓鳳儀之妻守節三十二年

段氏

王時瀾之妻

賀氏

王汝明之妻

康氏

李九叙之妻

王氏

宋紹殷之妻

白氏

麻名揚之妻

郭氏

王廷弼之妻

王氏 張健之妻

田氏 生員喬國棟之妻

和氏 翟連城之妻十九歲夫亡守節八十五歲卒

張氏 劉永興之妻

林氏 皆淡水同知成履泰之側室雙節請旌

劉氏 張鉅之妻

武氏 江西泰和縣典史甯佩蓮之妻

張氏 張玉榮之妻

劉氏 武夢齡之妻

段氏 李兆蘭之妻

文水縣志

卷之十

列女

十

孟氏 生員王經世之母

李氏 生員郭基隆之妻

呂氏 生員李九齡之妻

白氏 副貢生侯德讓之妻

武氏 范尊光之妻

白氏 王屏之妻

郭氏 生員孟鏞之妻

杜氏 郭崇之妻

陳氏 監生賀祥章之妻

馮氏 武俊列之妻

劉氏 監生武瑁玉之妻

武氏 權家駿之妻

麻氏 監生張泰恒之妻道光十四年 旌

文氏 武生潘步蟾妻二十五歲守節七十五歲卒

韓氏 梁允中之妻二十二歲守節

姜氏 郭煒如之妻二十歲夫故遺子甫三歲家貧紡績度日無子成立孀居六十餘年

李氏 武景望妻二十八歲夫故遺三子翁老且病轉側須人氏矢志愈堅上侍翁病有逾孝子衣服

被褥稍沾污穢必親澣濯飲食器具必潔始進十二年如一日族里皆稱道之撫三子教以耕讀皆成立長宏源次宏功三宏毅宏功宏毅之後多科甲氏享年八十餘歲人皆以為節孝之報云乾隆十五年 旌表建坊馬村

文水縣志

卷之十

列女

成氏 武生張太極側室二十九歲夫故守節義方教子至於成立

武氏 監生王慶隆妻二十八歲夫故遺子尚在襁褓氏撫子持家劬苦備至

穆氏 邢海明妻二十七歲夫故矢志撫幼至於成立

于氏 傅作霖妻二十一歲夫故奉事衰姑無虧孝養持家必儉教子維嚴

郭氏 趙常妻二十三歲夫故孀姑在堂遺孤在抱困苦辛勤不易其志

劉氏 文德綱妻二十七歲夫故遺三子俱幼撫養成立苦節終身

孟氏 趙承統妻二十三歲夫故事姑至孝教子有方

鄭氏 胡坤妻二十九歲夫故艱難拮据祭葬盡禮男女婚嫁俱不失時

馬氏 武可法妻二十九歲夫故持家教子得延宗緒

霍氏 武天順妻二十五歲夫故遺子三月翁姑繼亡喪葬盡禮

王氏 王玉梁妻二十九歲夫故守節

王氏 馬玉元妻三十歲夫故堅貞自矢守節五十九年

文氏 李毓林妻十八歲夫故無子姑命以姪為嗣紡績奉親姑歿不以貧苦廢禮

馬氏 樊德雲妻二十九歲夫故儉以持家嚴以教子

郭氏 侯鎮越妻二十六歲夫故奉孀姑得其歡心撫幼子至於成立

李氏 寶泰妻二十九歲夫故事孀姑育幼子克盡婦道

郭氏 庠生賈權妻二十九歲夫故事姑教子克盡婦道

武氏 閻崇基妻二十三歲夫故家貧無子紡績度日苦節不渝

武氏 成其麟妻三十歲夫故家貧守節堅貞自矢

韓氏 田敦妻二十六歲夫故親老子幼仰事俯育始終不二

文水縣志

卷之十

列女

三

王氏 安思昌妻二十二歲夫故事姑教子守節不渝

成氏 楊廣元妻二十七歲夫故子女俱幼貧乏異常茹苦含辛勤儉自矢家道克成

馬氏 武顯周妻三十歲夫故子幼紡績持家詩書教子

段氏 趙坦妻二十二歲夫故無子奉翁姑命以姪為嗣事老撫幼閭里稱賢

劉氏 郭光昌妻二十二歲夫故儉以持家嚴以教子子能成立家亦小康

潘氏 庠生武開封妻二十八歲夫故守節矢志靡他

賀氏 庠生張鳴珮妻二十六歲夫故無子翁姑繼逝以姪為嗣葬親以禮育子以慈

梁氏 成敬訓妻二十四歲夫故矢志柏舟苦節自勵

宋氏 馬凌霄妻二十三歲夫故持家勤儉淡泊自甘

孔氏 從九品王太和繼妻二十八歲夫故守節

郝氏 任德裕妻二十九歲夫故孝事孀姑喪葬以禮

馬氏 張義峯妻十九歲夫故教育子女家政肅然

張氏 岳信妻二十二歲夫故事翁姑撫孤子克盡婦道

張氏 蔚文元妻十九歲夫故姑老子幼事親以孝訓子有方賢聞閭里

秦氏 蘇元魁妻二十八歲夫故子幼教育有方賴以成立

李氏 潘允中妻十九歲夫故奉侍翁姑教育幼子守節終身

郭氏 潘鳳儀妻二十四歲夫故守節持家勤儉

高氏 王順妻二十九歲夫故家貧守節

韓氏 王文光妻二十九歲夫故教子以嚴至於成立

張氏 從九品邢之元側室二十八歲夫故無子繼姪為嗣深明大義

文水縣志 卷之十 列女

韓氏 邢昌妻二十八歲夫故持家勤儉撫孤成立

張氏 張必選妻二十九歲夫故守節

杜氏 韓自成妻二十歲夫故守節撫養幼子

左氏 王鋒妻二十一歲夫故勤儉持家教子成立

張氏 武維綬妻三十歲夫故衰姑在堂一子尚幼養親撫孤各盡其道

梁氏 王連樞妻二十七歲夫故侍奉病姑色養無虧撫育嗣子至於成立

姜氏 武懷琮妻十八歲夫故翁姑俱存奉養不衰

張氏 趙敏中妻二十七歲夫故守節

魏氏 張廷璜繼妻二十五歲夫故守節終身

李氏 閻為桓妻二十九歲夫故守節四十餘年



武氏

向忠妻二十九歲夫故家貧姑老子幼奉事撫育無虧婦道

郭氏

王林光妻十九歲夫故守節勤於紡績

趙氏

王銳妻二十一歲夫故遺孤撫養至於成立

戴氏

韓喜妻二十一歲夫故守節持家教子儉而能勤

王氏

李得雨妻二十歲夫故守節撫子成立

王氏

賀鷹揚妻二十一歲夫故紡績自食苦節維貞

武氏

侯養明妻二十八歲時夫疾革告曰葬雙親撫遺孤皆泣應之夫歿終身恪守遺言

李氏

侯安邦妻二十九歲夫故一子尚幼守節撫孤

李氏

石象城妻二十一歲夫故守節撫孤

康氏

趙進元妻二十八歲夫故守節撫孤

文水縣志

卷之十 列女

古

劉氏

監生郭旌來妻二十九歲夫故養親教子守節不回

李氏

張立成妻二十八歲夫故守節撫子

張氏

生員王銘妻二十八歲夫故孝以事親嚴以訓子

趙氏

米春和妻二十九歲夫故家貧苦守四十餘年

武氏

張光裕妻二十歲夫故子在襁褓撫孤成立

郭氏

高珍妻三十歲夫故守節

溫氏

嚴孟彪繼妻二十八歲夫故閉戶靜居節操自峻

武氏

舉人郭溫側室二十九歲夫故清白自守深明大義

王氏

蘇東晉妻三十歲夫故守節四十餘年

高氏

王成名妻二十五歲夫故守節撫孤

宋氏

韓庶義妻二十九歲夫故守節四十年撫子成立家亦小康

武氏

趙日肅妻二十六歲夫故守節教子成立

梁氏

鄭國勳妻二十八歲夫故孝養翁姑

齊氏

郭宜民妻二十六歲夫故事姑克孝教子有方

麻氏

趙錫純妻二十八歲夫故克勤克儉始終如一

岳氏

程世泰妻二十八歲夫故守節四十年

田氏

李錦隆妻二十一歲夫故翁姑俱老持家勤儉

吳氏

閻國瑛妻二十二歲夫故守節

韓氏

安爾位妻二十九歲夫故家貧守節

閻氏

田餘九妻二十九歲夫故守節四十餘年子孫林立家亦小康

文水縣志

卷之

列女

十五

權氏

武良樹妻二十二歲夫故守節

梁氏

修職郎賀治平妻二十八歲夫故守節

武氏

楊光漢妻二十六歲夫故守節言笑不苟

武氏

介賓向善善世側室二十八歲夫故守節

李氏

岳元勇妻二十歲夫故守節撫孤

張氏

成復普妻二十二歲夫故事老撫幼守節終身

李氏

劉雄妻二十九歲夫故守節教子持家人樂道

梁氏

柳公智妻二十一歲夫故守節

向氏

周應密妻二十七歲夫故守節

賀氏

武九文妻十九歲夫故守節四十餘年

田氏

閻兆捷繼妻二十七歲夫故守節

武氏

貢生翟惺繼妻二十七歲夫故守節撫孤

李氏

成富周妻二十九歲夫故事親教子曲盡其道

何氏

邢侯晉妻二十六歲夫故守節

武氏

任登顯妻二十九歲夫故遺子二撫育成立

張氏

韓開德妻二十四歲夫故翁姑俱存生事葬祭皆能以禮撫孤成立

武氏

岳文琳繼妻三十歲夫故事衰姑撫幼子勤苦不辭

靳氏

趙錫嘏側室二十五歲夫故一子尚幼教養成立

孫氏

賀汝訓妻二十二歲夫故家貧子幼勤以持家嚴以教子

劉氏

張德如妻二十九歲夫故依姪為生守節四十餘年

文水縣志

卷之十

列女

共

運氏

張步辰妻二十歲夫故清潔自守以姪為嗣

張氏

孟承恩妻二十一歲夫故守節四十餘年

王氏

周應棟妻二十七歲夫故守節

孟氏

侯颺言妻二十六歲夫故守節奉侍翁姑能孝

梁氏

侯雲章妻三十歲夫故守節撫孤

霍氏

喬光清繼室二十三歲夫故家貧守節以子奪元未入流銜封儒人

文氏

傅生賀鴻達繼妻二十七歲守節事病姑克孝

王氏

蓋生賀永福繼室二十九歲夫故事孀姑以孝撫幼子以義

李氏

程大有妻二十六歲夫故事奉翁姑撫育幼子守節三十餘年

成氏

馬鳴山妻二十七歲夫故奉侍衰姑以孝撫育幼子成立

郭氏 劉天助妻二十八歲夫故守節

張氏 王廷杖妻二十八歲夫故家貧子幼守節不易

孟氏 武生王用中妻二十九歲夫故事親撫子孝慈  
兼盡

汪氏 王汝楫妻二十一歲夫故事姑撫子堅貞自矢

姜氏 康運鎬妻二十四歲夫故守節六十餘年

劉氏 張國智妻二十三歲夫故事姑撫幼克孝克慈

吳氏 太學生武繼先妻三十歲夫故撫子守節

武氏 監生孟士毅妻二十九歲夫故家貧紡績自守

唐氏 梁起鵬妻二十六歲夫故事親教子明於大義

孔氏 王錦治妻二十七歲夫故守節

文水縣志 卷之十 列女

張氏 李元善妻十九歲夫故家貧紡績自守

周氏 王正瑾妻二十六歲夫故子甫三歲撫子自守

李氏 趙廷相妻三十歲守節

田氏 郭永讓妻二十八歲夫故守節四十餘年

張氏 武啟吉繼妻二十八歲守節撫孤成立

李氏 張永貞之妻

武氏 趙履琳之妻

楊氏 李御遴之妻

韓氏 生員李宜春之妻

岳氏 郭鴻翔之妻

李氏 李仁舒之妻

孔氏 王步元之妻

弓氏 潘沉之妻

趙氏 王琇璫之妻

文氏 侯占魁之妻

以上皆係已旌

唐氏 郭全印妻二十八歲夫故守節二十七年卒

郝氏 李長安妻二十四歲夫故守節三十三年卒

何氏 李作楨妻十九歲夫故守節四十年卒

賀氏 潘學灝妻十九歲夫故現守節四十五年

文水縣志

卷之十 列女

六

程氏 韓丕德妻二十九歲夫故現守節三十二年

王氏 陳來登妻二十七歲夫故現守節四十七年

段氏 武開周妻二十四歲夫故現守節四十年

李氏 胡守虞妻二十九歲夫故當夫病時嘗祈禱神明願以身代夫歿絕水米數日現守節三十九年

李氏 韓澤宏妻二十歲夫故現守節三十九年

田氏 任安人妻二十六歲夫故守節三十二年卒

侯氏 武照元妻二十五歲夫故現守節三十五年

劉氏 馮玉程妻二十四歲夫故現守節三十九年

趙氏 王九如繼妻二十九歲夫故現守節三十一年

侯氏 梁增蘭妻二十六歲夫故

李氏 許成妻二十七歲夫故現守節五十五年

曹氏 韓錫勇妻二十六歲夫故現守節四十六年

王氏 趙元貴妻二十一歲夫故現守節四十四年

袁氏 王宸繼妻二十歲夫故現守節四十一年

岳氏 郭宗德妻二十三歲夫故守節四十年卒

程氏 成玉璽妻二十九歲夫故現守節三十二年

成氏 李懷珍妻二十八歲夫故守節三十二年卒

孔氏 郭永泰繼妻二十四歲夫故現守節三十三年

吳氏 梁大恒妻二十八歲夫故守節四十五年卒

權氏 胡懋積妻二十九歲夫故現守節四十三年

文水縣志

卷之十 列女

七

郭氏 胡三正繼妻二十九歲夫故現守節三十二年

丁氏 胡茂仁妻二十八歲夫故現守節四十八年

陳氏 胡珮琬妻二十六歲夫故守節五十年卒

霍氏 從九李琅妻二十九歲夫故守節二十三年卒

郝氏 武解元賀鵬儀妻二十九歲夫故現守節三十五年

胡氏 武生賀兆龍妻二十八歲夫故現守節三十三年

孔氏 馬爾光妻二十五歲夫故子全陞甫周歲夫即死

於外紡績度日教養成立後全陞又死於外媳乃

丁氏 張秉謙妻二十七歲夫故守節四十七年卒

劉氏 王方來妻二十九歲夫故守節四十八年卒

王氏 馮凝道妻二十七歲夫故現守節三十三年

韓氏 馮可仕側室二十歲夫故守節三十年卒

王氏 馬介英妻二十九歲夫故守節二十年卒

李氏 馬躍溪妻二十八歲夫故現守節三十四年

王氏 張占鰲妻二十一歲夫故現守節三十一年

李氏 張耀先妻二十六歲夫故現守節三十四年

郭氏 李昌泰妻二十七歲夫故守節五十二年卒

席氏 任光輝妻二十二歲夫故現守節三十二年

趙氏 從九劉汝臨妻二十九歲夫故現守節四十一年

翟氏 監生劉履祥妻二十七歲夫故現守節三十五年

文水縣志

卷之十 列女

三

吳氏 閻占魁妻二十二歲夫故現守節四十三年

趙氏 閻國恒妻二十三歲夫故現守節五十五年

蔚氏 趙聞泰妻二十七歲夫故守節四十六年卒

任氏 康萬清妻二十九歲夫故守節二十九年卒

韓氏 閻壽陶妻二十歲夫故現守節三十年

趙氏 李明元妻二十歲夫故撫孤子甫半歲氏撒其環

趙氏 鈿憑績紡以養衰翁守節二十八年而卒

周氏 張發祿妻二十七歲夫故現守節三十五年

王氏 李成章妻一十八歲夫故現守節三十四年

麻氏 劉鑑妻年二十歲夫故事舅姑暨祖姑前後三十

年竭情奉養最能得祖母歡心故氏祖姑年踰耄

耄無疾而終僉謂賴孫媳之奉養云

康氏 賀德慶妻二十一歲夫故現守節五十三年

阮氏 賀思明妻二十七歲夫故現守節四十七年

李氏 賀地平側室二十六歲夫故現守節四十三年

任氏 賀道中側室二十三歲夫故現守節四十年

解氏 楊九治妻二十六歲夫故現守節四十三年

王氏 賀鵬翮妻二十五歲夫故六十七歲卒

閻氏 賀鵬飛妻二十八歲夫故現守節四十二年

孔氏 楊克明妻二十二歲夫故六十七歲卒

郭氏 楊作楫妻二十八歲夫故七十八卒

文水縣志

卷之十

列女

三

張氏 楊春暢妻二十一歲夫故六十七歲卒

宋氏 貢生賀鵬翀妻二十九歲夫故六十六歲卒

梁氏 賀鵬達妻二十六歲夫故六十四歲卒

張氏 賀福壽妻一十九歲夫故子女無出守節四十二年

解氏 馬萬全妻二十九歲夫故現守節五十三年

高氏 馬思麟妻二十五歲夫故六十一歲卒

賀氏 吳爾光妻二十七歲夫故六十四歲卒

仲氏 吳增喜妻二十四歲夫故六十二歲卒

郭氏 李光春妻二十八歲夫故現守節二十二年

段氏 王富春妻一十七歲夫故子女無出勤苦度日現守節三十一年



王氏 自聚奎妻二十三歲夫故現守節三十二年

胡氏 王世凝妻二十二歲夫故七十三歲卒

張氏 王有成妻一十九歲夫故子映中甫三歲氏教養成立娶婦段氏映中又死姑息俱寡七十八歲卒  
段氏 王映中妻二十九歲夫故孀姑張氏在堂氏勵志水霜得步前嶽兩寡相依毫無間言人稱為一門雙節現守節三十二年

閻氏 段昌蘭妻二十八歲夫故現守節三十五年

賈氏 王廷琅妻二十一歲夫故子女無出撫姪為嗣五十六歲卒

郭氏 王士良妻二十七歲夫故現守節三十七年

文氏 白鴻吉妻二十八歲夫故現守節四十五年

武氏 侯正明妻二十九歲夫故現守節四十五年

文水縣志 卷之十 列女 三

胡氏 李際虞妻二十八歲夫故現守節三十二年

董氏 蔚秉倫妻二十四歲夫故五十四歲卒

梁氏 千總王樽妻二十五歲夫故現守節三十八年

高氏 武清元妻二十五歲夫故七十四歲卒

趙氏 范統正妻二十八歲夫故現守節五十年

李氏 任中光側室二十七歲夫故現守節三十六年

孟氏 梁守仁妻二十五歲夫故現守節三十六年

王氏 武德容妻二十歲夫故現守節六十三年

任氏 監生張爾燦妻三十歲夫故子女無出撫姪斐洪為嗣六十一歲卒

武氏 張鶴烈妻二十八歲夫故現守節五十四年

楊氏 武泰來妻二十八歲夫故六十三歲卒

章氏 張建綱妻二十六歲夫故現守節三十五年

趙氏 任泰側室二十八歲夫故現守節四十八年

章氏 張安坦妻一十八歲夫故子開鉉甫彌月氏勵志守節撫子成立六十九歲卒

曹氏 武達璋妻夫有瘋症喜怒不時氏極力事奉嘗得夫歡心相處二十餘年卒無怨言夫先氏卒氏五十二歲卒

王氏 張世吉妻二十歲夫故七十七歲卒

田氏 王永安妻二十一歲夫故家貧姑老鄉里有憐其苦而餽送者且卻之不受惟憑鍼指度日而已七十三歲卒

張氏 朱趙英妻二十八歲夫故現守節三十六年

文水縣志

卷之十

列女

三

原氏 侯樹茂妻二十歲夫故現守節三十八年

郭氏 賀文成妻二十五歲夫故現守節三十七年

武氏 賀桐封妻三十歲夫故現守節三十四年

章氏 張安成妻二十四歲夫故七十一歲卒

張氏 石士傑妻二十五歲夫故七十歲卒

李氏 郭琇妻二十三歲夫故七十九歲卒

鄭氏 吳其樂妻二十九歲夫故七十二歲卒

杜氏 霍清遠妻二十五歲夫故七十五歲卒

閻氏 王鳳岐妻二十五歲夫故六十五歲卒

原氏 王全有妻三十歲夫故現守節五十二年

張氏

韓震妻二十歲夫故現守節五十三年

趙氏

武亮妻二十九歲夫故現年八十七歲

周氏

李保成妻二十五歲夫故六十一歲卒

梁氏

舉人孟質敏妻二十九歲夫故現年九十五歲

王氏

生員孟儒敏妻二十五歲夫故現守節二十八年

孫氏

王珍妻二十九歲守節六十七歲卒

孫氏

蘇士漢妻二十八歲守節家貧無子備歷艱辛現年七十八歲上二氏皆係克儉之女

孫氏

梁載高妻二十八歲守節四十四歲卒

劉氏

張開鉅妻二十二歲夫故守節四十九年卒

以上俱係待旌

文水縣志

卷之十 列女

四

孝婦

趙氏

原東都趙金裕之女十七歲適原西都霍永年為妻永年隨父生理他鄉其母善病夙患盲動靜須

人氏事之惟謹曲盡婦道一切飲饌櫛盥以及便溺瑣穢之事必以躬親不令家人代母嘗語永年曰新婦孝無我虞也後母目未愈又患疽轉側呻嘶痛不可忍氏為吮潰敷藥勢減而痛轉增乃於夜半呼天泣訴引剪刀自刺其股冀分姑痛僮僕見之者無不涕下母享壽七旬有三統計前後在牀蓐者二十餘年氏事之如一日焉氏現年六十五歲子二俱成立

1662.169  
39  
3935

文水縣志

卷十一 官政志

歷代 官職

卷十二 藝文志上

文水縣志卷之十一

官政志

國家分職惟親民之官責最重官之賢否民之休戚係焉毀譽亦係焉一政得數世傳之而不已一政失亦數世傳之而不已口碑載道述美也然獨述美乎哉志官政

歷宦

知縣

唐

戴謙

見宦蹟

文水縣志

卷之十一

官政

宋

薛昌

元符間任肇建城池

盛价

金

耶律忠

呂孝揚

建學署

劉元傑

建學宮重塑孔子聖像

蒲機

開常稔渠有碑誌

元

楊致道

見宦蹟

俄國育

興縣人延祐二年在

劉世傑

修學

賈從義

許繼成

至正十四年在修學

段與交

李榮

修學造祭器成園圍築官舍

明

洪武年

楊仲安

見宦蹟

陳棟

見宦蹟

于鵬益

建治廨學舍

羅璣

吳橋人有善政

張羽

見宦蹟

陸厚

正統年

董茂

宣德年

王盤

楊春

汶上人監生以循良著

景泰年

文水縣志

卷之五

官政

二

范宣

見宦蹟

鞠誠

海甯州人

成化年

高安

帥監

賈錠

見宦蹟

馮貞

劉偉

見宦蹟

孫英

宏治年

邢懋

見宦蹟

劉銳

山東濟甯州人

王綰

鄆陵舉人法嚴而任未久丁憂去

正德年

王階

應天府舉人才有餘而守不足

張廣居

大興人舉人

李景和 中山人舉人

王相 黃縣人舉人

嘉靖年

包得仁 見宦蹟

李潮 見宦蹟

杜錡 鄆州人監生性實政平守亦未建

薛嫻 見宦蹟

李承恩 見宦蹟

胡頤 龍門人監生勤真旋以丁憂去

周麟 西華人監生款守以告發去官

鄒以大 歷城人舉人政事疏畧以考察去

王一民 見宦蹟

楊時禮 朝邑人舉人

張源澄 見宦蹟

樊從簡 見宦蹟

張誦 鄧州人陞河澗府通判

鄒臣 安陽人舉人

畢秦 井陘人

徐之蒙 濱州人建文昌祠

文水縣志 卷之十一 官政

李秀 澤縣人監生

隆慶年

李學詩 延安府人舉人陞保德州知州

于司任 濬縣人舉人

張河圖 延安府人舉人

萬曆年

郭宗賢 見宦蹟

姜一鳴 見宦蹟

王昂 廣平人舉人行取

施應祿 昌平州人恩貢

文養浩 見宦蹟

趙鍾岷 富順人進士

程憲 伊陽人選貢為政平易近民

馮志 華州人舉人

郝名宦 見宦蹟

陳九職 祥符人舉人

張東魯 沂水人舉人

馬斯和 項城人進士

賈守正 易州人舉人

天啟年

趙應祝 膚施人舉人

米世發 見官蹟

陳所問 文安人舉人陞平度州知州

崇禎年

武清周 見官蹟

白澤 綏德州人舉人陞太平府同知

胡宣 永平人舉人陞臨洮縣同知

屠肇芳 秀水人舉人

何遜 見官蹟

國朝

文水縣志

卷之十一 官政

四

順治年

曹思訥 山東人貢生

任世選 見官蹟

李鼎年 富平人選貢

曹之賢 見官蹟

劉天演 滿洲人貢生

李逢時 滿洲人貢生

王廷弼 滿洲人貢生

王承裘 晉江人進士

劉乃桂 見官蹟

夏長泰 見官蹟

王家柱 見官蹟

康熙年

傅星 見官蹟

范時著

毛文銑 奉天廣寧人監生十八年任

盛世廉 四十四年任



蔡夢奇 進士

成世原 虞川人

雍正年

梁機

李世馨 高陽人

乾隆年

蘇璟 元年任

沈榮昌 進士 三年任

高宮璽

趙由忠 十八年任

顧學海 二十六年任

賈彭年

舒毓楓 仁和人 舉人

祝德全

王發榮 三十一年任

黃珪 進士 寶山人 三十四年任

婁文鑒 四十四年任

蔡齊明 四十九年任

文水縣志

卷之十一 官政

嘉慶年

德全

陳廷珪 修縣署

劉祖煥 進士 衡陽人

郭長齡 十七年任

道光年

李慎德 二年任

文壽華 翰林院庶吉士 廣東人 三年任

艾超宗

周之彥 舉人 八年任

李恩綸

陸廷蔡

湯若泌

高紹曾

李如春

陳崑玉

劉祖煥 十七年復任

周詒纓 進士

吳楚謙

李崇蟠 山東歷城人

李挺芳 進士二十四年任

金祐

沈林 二十七年任

孔廣泉 進士

馮新 舉人福建人三十年任

咸豐年

保楨

丁樹勳 舉人浙江人

劉演

高松年 舉人順天人四年任

曾文炯 舉人

王夢松 直隸人

趙輔堂

黃宜之 附生安徽人九年任

同治年

文水縣志 卷之十 官政

六

丁樹勳 二年復任

袁敬

邵正寅 舉人遷安人四年任

林本象 拔貢

吳超 壬辰舉人十年任

光緒年

魏惠洽 拔貢

楊恩溥 戊午舉人大名三年任

范啟堃 舉人順天人

吳會榮 辛酉拔貢霸州人九年任

王煒 辛酉拔貢陝西人十年任

縣丞

金

李穆 修學

元

劉仲山

伯顏

張玘

明

洪武年

賈維銘 陳州人 有善政

永樂年

文水縣志

卷之十一 官政

七

孫永甯

成化年

徐世安

張文

屈璿

正德年

蔣鏞 遼東人

張鉉

嘉靖年

馬卿 陝西人

郝榮 榮縣人

曾魏 通州人 練達事體

何森 西和人

陳忠 洛川人 歷

高騰 益都人

孟志 涇陽人

李温 神木人

張雲從 秦州人監生 陞代州判官

王綱 撫甯人 史員

荀璠 商州人

趙文運 高陵人

王賓 隆慶人

包祿 涇陽人

隆慶年

趙禧 見宦 蹟

李遂東 唐邑人

葉元吉 永康人

萬曆年

葉懋誼 慈谿人

韓登 見宦 蹟

劉大章 樂亭人

周誥 壽章人

文水縣志 卷之十一 官政

張廷憲 霍丘人

孟信國 富平人

高鷺 山陰人

張貫 壽光人

汪應龍 甯國府人

姚世業 同官人 歲貢

安仁 密雲衛人 陞經歷

管國屏 永豐人 以 清潔稱

徐克謙 楊州府通州人 例監陞經歷

天啟年

羅民俊 華州人

陳緒武 涇州人 監生

胡守訓 孤山人 英勇善弓馬 流賊入 境單騎馳擊却之 居民獲安

黃克堯 山東人 陞經歷

武振 陝西人 陞知縣

周至中

國朝順治年

馮旭日

蘭宏福

康熙年

莊雲牖

福甯州人貢生

劉建新

錢達

浙江人陸確山縣知縣

陸可教

淮安貢生

文水縣志

卷之十一

官政

九

主簿

宋

李昭

韓謙亨

張成象

俱至和年在

金

陶林

尤魯灌

元

李遂良

劉文簡

郝安童

俱延祐年任

龐禮

佛家奴

朱玉

俱至正年任

孫奉先

韓嗣暉

劉作周

荅荅兒

安童

王公弼

高彥芳

梁德祿

李公讓

王鳳

明永樂年

劉達

宣德年

郭昶

正德年

文水縣志

卷之十一 官政

周道

金州人  
監生

楊輔

汧陽人

馬世偉

秦州人

劉萬鍾

定州人

嘉靖年

于隆

翟鼎

宜陽人

胡鑑

鹿壽

孟鳳

岐山人  
有才智  
陞孟縣知縣

劉經

鄜州人

李昂

安陽人

高景

山丹人  
衛人

趙鶚

武城人

張廷耀

會甯人

呂時霖

興平人

陳遂

單縣人

王存禮

順義人

趙儒

靈寶人

隆慶年

王邦 陝西人

劉鑄 遼海衛人

萬曆年

趙希陽 宜川人

陳簪 直隸保定府人

姜玕 萊陽人

陰需 深州人

齊米召 昌黎人

南柄 商州人

甯邦才 章邱人

王構 涇州人

邢克讓 鳳陽人

王雲龍 唐縣人 選貢 陞大甯知縣

李新柯 湖廣歸州人 陞經歷

馬士緒 武邑人 陞經歷

天啟年

文水縣志

卷之十 官政

上

張汝闇 棲霞人

巨兆芳 上海人 三年任 五年三月奉文裁

典史

金

閻驥

元

王欽

劉居敬

明永樂年

翟順

宣德年

徐春

成化年

文水縣志

卷之十一 官政

三

鞏政

毛倫

嘉靖年

符達

涇陽人

侯勛

胡繼宗

洛陽人

王璋

南樂人

魏福

沈宣

館陶人

丁珉

朝邑人

李紀

長清人建教場舖舍

鄭龍

雄縣人

吳楫

棗強人

王沂

齊東人在任八年陞尚嵐吏目

陳文道

撫甯人

張世貞

歷城人

趙相

霸州人

趙鏜

渭南人

趙世英

陵縣人



劉指 清州人

隆慶年

陰惟清 內江縣人

萬曆年

李天爵 德州人

丁自東 山東人

武士傑 涇陽人

陳祐 富平人

高朝卿 磁州人

劉嘉謨 鞏昌府人

文水縣志 卷之十一 官政

支景陽 崑山人

天啟年

吳自邠

趙希壯 流寇犯境率兵壯往偵卒與賊遇力戰被害

鄧常春 南直人

王登第

國朝順治年

馮宗清 浙江人

康熙年

孟長春 順天人

雍正年 無考

方焜 直隸人

王天祐 涇陽人

廖美中 高安人

鄭尙志 歷城人

朱世顯 懷安人

周應詩 朝邑人

十三

孟昌 武昌縣人

李光先

李永春 順天人

陳明廷 大興人

乾隆年

王志

葛大業上虞人

嘉慶年

李文治

陳子筠

王權之

道光年

須英

王國杰

咸豐年

全國祥

王覃

李鳳翥

孫友恭

文水縣志

卷之十 官政

古

同治年

程炳章

王寶森

張鴻鈞

光緒年

黃世芝

陸開景

米廣泰

教諭

元

楊惟忠

龐時中

武成功

張儼進士

田立本

明永樂年

徐澤

嘉靖年

曾唯

葛森

于昭卽墨人

文水縣志

卷之十

官政

五

蔺益

長安人舉人學識宏深條教肅然登丁丑進士

邊經藁城人

許志憲

孫述先

泰安人舉人以嚴慎規士士風興起陞國子監助教歷太原府通判

洪裕遼陽人

陳隆盩厔人教士以嚴整稱

張元傑中部人

劉恩開州人

王時美

牛養民

郭體道徽州人

蘇子英蒙陰人

隆慶年

張三省

賈世舟

萬曆年

李夢元 浙江人

程宗義

郭日珍

李翰

崔巖

徐斯翰 河間人

陳良模 見定蹟

張永祿 蔚州人陞商州學正

董獻策 見定蹟

馮立敬 蒲城人

蘇愛民 順天人

李一桂

亢孟祥 平陽府人

王自貴 鞏縣人

天啟年

錢國用 平陽人

董名儒 定陶人

趙應徵 三原人

馮思睿 潞州人

文水縣志 卷之十 官政

支嗣孝 蔚州人

栗志 魏縣舉人英傑有為生童造就者甚眾

崇禎年

宗鴻議 靖邊舉人陞潞城縣知縣

秦懷古 曲沃舉人陞孟縣知縣

韓廷鑰 蒲州人貢生

賈道潛 蒲州人貢生

國朝順治年

閔子奇 遼東人

甯紹先 韓城人舉人

康熙年

樊貺 臨汾人貢生

吳國儒 夏縣人舉人

王景賢 見定蹟

郭梓橋 沁源人貢生

楊時昇 聞喜舉人

雍正年

王三鑑 岳陽人貢生

趙璋 聞喜舉人陞運司教授

乾隆年

張聯星 垣曲舉人

馬若熊 丙子舉人

柏朝陽 六十年重修文昌祠

嘉慶年

馮開年

道光年

劉梓材 舉人

劉邦弼

文水縣志 卷之十一 官政

七

李敬人 舉人

咸豐年

祁世齡

曹升俊 舉人

劉充和

同治年

宮步月

趙廷偉

光緒年

羅邦達

王友蔡

陳桂柯

訓導

明永樂年

劉頂

徐寄生

宣德年

吳戴

戴義

成化年

劉宜

萬曆年

李文彬  
新安人

趙鼎  
晉州人

郭守德  
掖縣人

吳義  
陳州人陸州教諭

文水縣志

卷之十一 官政

六

段禮  
華縣人

劉恩  
鄂縣人

王震  
肅甯人

盛朝  
高密人

李言  
雞澤人

楊甯  
任縣人

尹廷  
肥鄉人

田畊  
陽曲人

楊廷玉  
平涼人

白宗經  
清澗人

江南  
霸州人

韓儀  
獲鹿人

馬銳  
廣平人

魏瑀  
威縣人

任暘  
盧氏人

安敬

王修  
絳州人

蘇民困  
大同人

王鳳  
陵川人

王賓  
河津人

韓應第 澄城人

雷本且 藍山人

田應元 新泰人

侯旬 安邑人

李聞道 萬泉人

王三聘 大同人

侯盈 臨縣人

李崇正 榆社人

郝從孔 遼州人

劉大受 湖廣人

計用奇 朔州人

天啟年

黃希舜 清澗人

劉以智 湖廣人

賈應魁 蔚州人

趙可進 襄垣人

王大吉 吉州人

馬子驊 遼州人

文水縣志 卷之十一 官政

崇正年

郁之馨 貴州人貢生有品有為

嚴一誠 大同人貢生

張問明 汾陽人貢生

任國礎 河津縣人貢生

國朝順治年

楊瓚 永甯州人貢生

高愈謙 臨縣人貢生

康熙年

衛運霽 臨晉人貢生

高鳳儀 甯鄉人貢生

李上品 蒲縣人貢生

王光治 太平人貢生

雍正年 無考

乾隆年

卞爾玫

龐月峯 乙酉拔貢

嘉慶年 無考

道光年

馬 塈

杜鳳崗

續錫蕃

咸豐年

郭大德

劉金鑑

宋竹川

薛榮椿

同治年

文水縣志

卷之十一

官政

二十

段玉瑞

任秉虔

任謙豫

光緒年

李養靜



宦蹟

唐

戴謙開元初爲文水令於縣東北鑿甘泉蕩沙靈長千畝四渠引文谷水溉田數千頃民以富饒至今戶祝之

元

楊致道清苑人天□二年由西河主簿陞文水縣令蒞任五載清潔善撫字爲諸縣最秩滿代去邑人刻石頌德

明

楊仲安揚州人建治廩學署舍滿考調山東萊蕪縣民情其去

文水縣志

卷之十一

宦蹟

十一

陳棟儀封人崇尚文學以禮導民祀名宦

張羽陝西武功舉人建治廩學署邑有十虎三彪一太歲者悉按法徙之時以爲能

范宣隆慶州人監生建城四門四角樓櫓在任九年有惠政民思不忘

高安河南睢州進士修縣廨開渠利里甲不擾百姓悅服擢浙江道御史

賈錠河南安陽進士百姓畏愛擢監察御史歷都御史劉偉陝西朝邑舉人積穀萬餘石以備荒歉修縣廨新學宮建養濟院百姓懷思擢御史歷東昌知府

邢懋山東濱州舉人果斷有爲法度嚴肅修建學倉陞  
陝州知州

包得仁蒙陰舉人剛介嚴明一時豪勢斂跡惜義有餘  
而少仁愛云

李潮定州舉人明敏有爲修縣堂學舍庫樓教場

薛編魏縣舉人政尙簡易綜理詳密完逋賦均徭役庭  
無誣訟言吏治者謂得大體陞南京戶部主事歷石  
阡知府

李承恩新樂舉人法度嚴明恩情周悉任雖未久雅有  
惠政

文水縣志

卷之十一

宦蹟

三

王一民東明舉人清節自持政平不擾請託不行修築  
城垣肇建各村堡若干座百姓方倚爲保障乃以誣  
劾掛冠去人皆惜之

張源澄陝西朝邑舉人嘉靖二十三年任政尙嚴明修  
城池學宮廢墜悉舉在任五年陞解州知州

樊從簡詳符舉人纂修縣志百廢俱舉文獻之徵自公  
始之其功不可沒也

郭宗賢直隸邯鄲舉人愛民禮士一出至誠萬曆丁卯  
北兵入境經營城守城垣樓堞悉易甃石士民至今  
誦焉擢南京道御史歷陞苑馬寺卿

姜一鳴陝西蒲城舉人布衣蔬食清丈田土執法不撓  
邑有窩賊及豪強者悉按治之公務下鄉常以蔬米  
自隨偶夜宿野寺僧以稻粥進卻不食入覲賜宴爲  
天下清廉第二人後陞河南府通判

文養浩陝西耀州舉人萬曆十八年任錢糧一任里戶  
收解嚴禁多科聽訟不直者量罰穀存倉勾攝不差  
皂役製本皂付原告同地方拘審薦調嵐縣歷雲南  
知府邑人建祠柏茆山巔祀之

郝名宦陝西清澗人已丑進士以兵部主事謫和順典  
史萬曆二十九年署文水縣有疑獄片言立折加意

文水縣志

卷之十一

宦蹟

三

學校攝篆三月逋賦爭輸賭博風息見忤稅璫歸里  
士民泣送者絡繹於道

米世發陝西蒲城舉人由交城調繁文水故事庫吏三  
月一代新舊各納禮百金公盡革之令半年一易修  
飭文廟城垣馬道開永賴渠一道後

武清周華陰舉人崇禎元年任性剛正胥吏懼服值丙  
璫過邑公取以大體不少屈調繁汾陽縣

何遜興濟舉人崇禎十六年任悉剔蠹政加意城守鑪  
造大炮若干位所著有四書主意等書

國朝

任世選聊城貢生順治二年任禁革火耗好文學未幾以忤上掛計典去行裝蕭然士民惜之

曹之賢遼東人官生順治四年任少年精敏剖決如流吏民畏服姜賊攻城竭力捍禦以死自誓城陷遇害劉乃桂直隸唐縣貢生順治十一年任寬和愛民簿書暇卽與士人講論文藝解任之日以耗庫金見羈士民共輸六千金乃得歸里

夏長泰江南華亭進士順治十三年任丁酉分校省試稱得人尋超擢入都囊橐蕭然在道幾不自給

王家柱湖廣鍾祥貢生順治十六年任申銷歷來逋賦

文水縣志

卷之十一

宦蹟

三

修城垣新學宮日召諸生課文藝進士程裕昌丙午高聯王錫命己酉嚴調鼎出其門下

傅星遼陽蔭生康熙十二年重修縣志時姜逆亂後壹是無徵公具著作才考求精審今得因以成書者實維公力

高松年順天道光丙午舉人由景山宮教習咸豐四年任行止端嚴性情慈易學道愛人有古君子風其時書院苦無經費公捐廉俸爲束脩膏火之資歲請名儒主講一時文學士多出其門後陞知甯武縣事猶以未克振興書院爲憾

黃宜之字義門安徽舒城縣人咸豐九年七月任適值  
旱荒盜賊蜂起民心洶懼公下車伊始卽嚴行保甲  
設法捕治並飭各村莊巡夜稽察姦宄准其指名密  
報不時詣泐親查匪類聞而斂跡四境安堵夜不閉  
戶又因書院有名無實集紳會議首捐廉俸爲倡並  
勸諸富戶共捐錢若干發商生息爲束脩膏火之費  
嚴定課規敦請名師主講有碑記

林本象字愛庭四川人道光己酉選拔庚戌朝考一  
等諳練政治省刑恤民蒞任甫匝月清積案數百人  
稱明允以勸暴安良興利除弊爲己責凡便民者行  
之惟恐後捐廉增書院膏火獎賞肄業者舍不能容  
至今士林頌德不衰

明

趙禧山東益都人歲貢隆慶元年爲文水丞北兵入境集土兵聯什五登陴固守邑以無虞其不及收保見殺者徧行吊問掩埋之

韓登北直贊黃人歲貢萬曆四年任爲文水丞遇事能任時邊患未甯公佐尹郭公修築城垣寬嚴並濟朝夕督率閱三載告成

陳良模吳江舉人萬曆二十二年署文水儒學諭治書經聯社課菽開誠指授從學者雲集中丞魏公學憲杜公檄詣鎮城書院訓多士甲午秋就聘分校關中

文水縣志

卷之十一

宦蹟

三

稱得人出門下者若鄭之僑王在臺鄭宗周等皆歷顯宦有政聲

董獻策河南陝州選貢萬曆三十三年陞文水儒學諭端方尙氣節訓誨諸士一以名義不肅而嚴值大計攝縣數月士民咸愛而敬之陞漢陽府通判


王景賢聞喜舉人順治年間任儒學諭篤學嗜古手不釋卷汲引後學不問餽贄

程炳章字藻如直隸順天人原籍浙江篤孝友撫姪如子治家嚴肅任最久以捕盜爲己責案無鉅細靡不緝獲四方賴以安堵敬紳耆睦僚友日延文學之士

訪地方利弊凡職分所能爲者罔不竭力捕署多年  
塌毀幾無下榻所公捐廉俸增修數載宦囊悉罄於  
此光緒丁丑冬歿於官歿之日署無隔宿糧邑人憐  
之慨助者甚衆迄今輿論翕然

傅星曰文水立縣治隋開皇自唐至今千有餘年吏  
茲土者可謂衆矣然其政蹟可傳者不過二十餘人  
何其寡也自漢以後史氏失職凡列傳褒貶類皆失  
實獨邑志修述常在易世其稱述皆出於人心之公  
其賢者必有某政某政可據不可得而泯也其否者  
實無某政某政可據卽欲強從而賢之亦不可得也

任職不過一時而是非且垂百世覽官政可無厲歟





文水縣志卷十二

藝文志

自班史志藝文後之志乘率倣其體而創修官廨神祠碑記與夫學士大夫之歌咏亦與焉蓋邑乘與國史不同風土人物固足備輶軒之採文章詩賦亦足揚政教之休非摛華也以紀實也且將藉以觀化焉志藝文

唐

武平一請抑母黨疏

去歲熒惑入羽林太白再經天太陽虧月犯大角臣聞災不妄生上見下應信如景響詩曰惟此文王小心翼翼昭

文水縣志

卷之十二

藝文

事上帝聿懷多福陛下天性孝愛戚屬外家恩洽澤濡臣一宗階三等家數侯朱輪華轂過許史梁鄧遠甚恩崇者議積位厚者釁速故月滿必虧日中則移時不再來榮難久籍昔永淳之後王室多難先聖從權故家臣以宗子竊祿䟽封今上聖復辟宜退守園廬乃再假光寵爵封如初高班厚位遂超涯極故陰氣僭陽河洛汎溢昔王族驕盈梅福上書竇氏專縱丁鴻進諫且后妃之家恩過寵深一朝覆沒遂無噍類願思抑損之宜長遠之策推遠時權以全親親

又敦和親貴疏

病之在四體者跡分而易遂居心腹者候遽而難治刑政  
乖舛四支疾也親權猜間心腹患也書曰克明俊德以親  
九族九族既睦平章百姓詩曰洽比其鄰婚姻孔云是知  
親族以輯睦爲義也自頃權貴猜防外和內離怨結姻婭  
疑生骨肉邀榮之徒詭獻忠款膏唇之伍苟輪讒計脅肩  
耶第之中噤願媪宦之側故過從絕猜嫌構親愛乖黨與  
生積霜成冰禍不可既願悉召近親貴人會宴內殿告以  
輯睦申以恩勤斥姦人塞讒路若猶未已則捨近圖遠抑  
慈示嚴惟陛下之命

又請罷遣胡樂疏

文水縣志

卷之三

藝文

二

樂天之和禮地之序禮配地樂應天故音動於心聲形於  
物因心哀樂感物應變樂正則風化正樂邪則政教邪先  
王所以達廢興也伏見胡樂施於聲律本備四彝之數比  
來日益流宕異曲新聲哀思淫溺始自王公稍及閭巷妖  
妓胡人街童市子或言妃主情貌或列王公名質詠歌蹈  
舞號曰合生昔齊衰有行伴侶陳滅有玉樹後庭花趨數  
驚僻皆亡國之音夫禮慊而不進卽銷樂流而不反則放  
臣願屏流僻崇肅雍凡胡樂備四彝外一皆罷遣况兩儀  
承慶殿者陛下受朝聽訟之所比大饗羣臣不容以倡優  
媠狎虧汙邦典若聽政之暇苟玩耳目自當奏之後庭可

也

宋

惠照禪師塔銘

夫真妄同源凡聖不二而智達萬法畢竟皆空真迷者執四大以爲實覩參羅而爲有憂河潰地而奔露戒山極天而峻拔貪着取捨作爲黑業生死往返周流六趨悠悠大夢不見其覺於是有天人師出現于世界啟惠日而昏闇開朗灑甘露而煩惱清涼浩浩迷萬導之覺路其密傳心印者唯頭陀大迦業西國相傳總二十八祖至達摩多羅來化東土傳法六祖能之入室懷讓禪師居於衡山觀音

文水縣志

卷之三

藝文

三

臺世號觀音和尙觀音傳於惠珂惠珂傳於惠照貫自許何人也初母誕生之夕異光滿室及至成童不爲兒戲行必宜視坐卽跏趺商之緇徒見皆歎曰此無上法器速令出家紹隆三寶後聞桃花洞惠珂禪門之上首特詣瞻禮惠珂一見異之笑而言曰巍巍佛堂其中無佛惠照於是五體投地跪而啟曰至如三乘文字粗家其旨常聞禪門卽心是佛實未能了伏願能說爲我開示惠珂曰只汝所不了心卽是更無別物不了時卽是迷若了卽是悟迷卽是衆生悟卽是佛道不離衆生別更有佛亦猶手作拳拳作手也惠照言下豁然大悟涕淚悲泣白惠珂言本將爲

佛道長遠勤苦曠劫方始得成今日始知法身實相本自具足一切萬法存心化生但有名字無有實者惠珂曰如是如是一切心性不生不滅諸法本自空寂是故經云諸法說本來常自寂滅相畢竟空寂舍又云諸法空爲座此卽諸佛如來住無所住處義如是知卽是住空寂舍坐法空坐舉足下足不離導場言下便了更無漸次所謂不動足而登涅槃山者也惠煦旣傳心印卽凡登聖知造石所不栖化城佛法現前餘念頓斷旣而南詣惠溪禮祖塔信愛啟父母依止于五臺竹林寺志本禪師虔授以金剛法華經尋及匡廬天台及諸名山遍尋聖蹟漸行至於文陽

文水縣志

卷之十一

藝文

四

崇勝禪院安住僧衆精舍惠煦請住謂其弟子曰吾自至於此不復有遊方之意豈吾緣在此耶於是撞鐘告衆作獅子吼天雨法雨垂二十年并汾之人悉皆嚮化中夜惠煦喟然歎曰告弟子惠愔行勤虔縱曰汝等見聞知覺之性與太虛同等不生不滅一切境界本自空寂無一法可得迷者不了卽爲覽或爲境或流轉不家汝等蒙知心性本自有之非因造作彼如金剛不可破壞一切諸法如應如響無有實是故經云有一本常實餘二卽非真常了一切法空元一物情是諸佛同用心處汝等勤而行之言訖跏趺奄然歸寂嗚呼可謂了生死得自本者也俗齡六十

一僧臘四十二道俗號慕如喪考妣乃具香花幢幡遷法  
身於城西蘭若積香薪而行乃有慶雲白雲五色祥雲宜  
異香西來馥郁氛氲合境士庶咸皆聞知薪盡火滅其利  
羅燦若珠玉弟子惠愔行勤虔縱我幽朋素元庾宏泰等  
泣而收之殮以金棺今有火師苗宗廣進諸方邑眾乃前  
郢匠修木爲塔以天聖三年十月日安葬於蘭若之庭予  
爲惠煦火師僊化之歲勒于貞石乃爲銘曰

三界大夢 十纏長夜 先覺惻哀 降虛興化 文字  
之外 心五別口 如人易夜 猶蟬脫殼 色身不留  
獨全知覺 惟此知覺 實爲法身 曰自迦葉 迄乎

文木縣志

卷之十三

藝文

五

惠能 爰及大師 世傳心燈 明明不絕 傳之後學  
法力皆空 色身如雲 寂寂空淨 皎然甚真 厥真  
伊何 永永不泯 康定元年五月初七日立

善治坊西街文廟碑記

唐吳道子畫孔子爲魯司寇時像二本乘車而羣弟子從  
者謂之圖立而顏淵侍者謂之小影司門郎中王伯瑜傳  
小影于仙源孔氏蓋孔子四十七代孫襲封衍聖公家之  
所藏也傳於樣州摹石於學中世人畫宣聖往往訛謬不  
足考信此小影與今朝廷詔其家獻秘閣者乃此本也是  
知無妄矣其石後有東武趙挺之所題聖人旣不得而親

見之矣今誦其書考其行事而又刻其衣冠與夫儼然盛德之容日夜想像而潛心焉時承乏高平邑人興建學校患無真容以爲憂棧州教授袁百之偶以此寄上下悅合之若符然乃示工者法以像之別摹于石以安廟壁庶傳無窮也元祐三年九月二十五日奉議郎權知澤州高平縣事兼兵馬都監飛騎尉賜緋魚袋張特記書并立石

據石所誌此孔顏真容也儀惡乎得此像哉貢生杜之美爲高平論儀以厥壻隨任忽見廟壁有遺像焉撫然思之聖賢往矣今得此真容不宛如覲面乎因而命匠墨刊施里鑄石於文陽學中以俟同志者之

文水縣志

卷之三

藝文

六

瞻仰云崇禎七年正月上旬儒學訓導嚴一誠誌

金

石爲楷文水龍堂記

文陽之邑古號平陵在春秋則本祁氏之田當炎漢則廼大陵之縣至隋開皇更爲文水蓋西谷之水其水多文因以爲名焉地貫七鄉民踰萬戶土膏氣秀財豐俗敦西山橫列而壯其形勢東汾環流而爲之襟帶風物繁華英豪間出製此美錦無非匠才是以朝廷命耶律公宰之豈意驕陽肆虐甘澤不霑歷禱名祠弗獲靈應公曰文谷之河出於名山豈無神龍主之吾將禱焉廼率寮屬吏民至河

之濱陳牲酬酒而祭之曰今旱既太甚人不聊生如縣令  
泣事不法臨官不職神降之咎無辭焉且邦民何辜耶况  
鬼依人而行禱於神而神不聽其將疇依請三日爲期如  
能霈澤當時設像以答神休其或不然是神無靈於人矣  
不三日雲蒸於文谷之源微風扇而條不鳴輕雷動而雨  
迺作若遠若近既霑既足重生草木之華立見豐登之慶  
於是百姓懽忻一辭播美因建廟貌用報靈恩卜地於文  
谷之口開基於西山之阿芟茅啟土偶見舊址長廣縱橫  
默符所料獲金渡古錢數十形模差大篆文不一異哉徵  
應有如是焉將以爲垣患乎闕塹忽雷震崖崩石皆碎裂  
文水縣志

卷之三

藝文

七

楞角方正如出範模墉壁既完靡有餘者其神力所助昭  
然可知矣弗聲磬鼓不日告成廟宇一新繪塑克就儼如  
在之貌嚴可畏之威厥後百里四方有所祈求靡不獲應  
嗚呼非公精誠致祭何以動神之靈德耶非神應期錫雨  
何以表公之善政耶宜乎福蔭生民血食萬世不絕矣爲  
楷旅食隣封竊聽輿議輒紀其實垂之將來俾後賢知至  
誠感神不誣矣

元

揭傒斯梁丞相神道碑

公諱錦陽字世榮夫人周氏太原宦族四子伯江西道肅

政廉訪司口憲奉議大夫簡仲兵部大司馬將軍尙書資善大夫蘭叔山東道左藩輔中奉大夫璣季知交城縣知縣璇孫河南道監察御史大夫政遠備述公生平歷任國事忠君愛下顯親揚名數大節求墨於余誠懇爲託弗獲辭於是發揮明德表著姓世以光于後粵稽梁嬴姓伯益之後裔其後更嬴以梁山爲姓以迄漢唐及宋代有名賢梁公先世河西渭南人後遷居太原之麓台鄉公之祖俊在金芸儒不仕愛拔窮苦□□爲鄉所重其長子義生公幼而岐嶷精敏異常志宏而動靜有節爲學而時習日新希周孔以肄業師顏孟而立行脩文武之姿有經濟之才

文水縣志

卷之十二 藝文

八

性情經史學優韜畧度量恢廓智力絕倫能弓馬治飭武事機謀變化而人不可測中統癸亥聯甲第從順天道左副元師賈公同文參贊軍機屢著奇勳諸侯聞風而飭使書幣欲屬爲賓友者甚衆公概拜絕右丞相伯顏知公越衆薦公爲千夫長從張萬戶扈從車駕渡江上以公爲左副使管領舟楫事統兵大圍襄樊江心起萬人台以禦師制撒星椿一字橋截救圍城於是呂文煥襄陽拱獻范天順死節樊城襄樊旣下大兵渡江右丞相伯顏用公前向給舡萬艘以候大軍公每遇江湖險阻速構橋梁平治道塗渡無留難師涉大江望風順降納印荆宿郢等州旣下



以公爲左副帥師至建業宋人毀橋以拒我師公攢重造  
以便軍馬往來是時宋相賈似道表覲請和守江邊將李  
璫輒潛侵宋兩淮制置使李庭芝寓書於公永終和議公  
依議彌兵通好對其使言璫一旦違詔失律將無所逃罪  
公覆書宋主並達其執政兩國和戰利弊甚悉停兵半載  
朝命大舉南征公上表言違盟不可上命切責公持議不  
屈論察屬云宋無隙可伐盡其在我以待天時豈可毀盟  
敗信□□□辱中州士大夫乎但上怒不測倘不幸而死  
諸公須觀變以待揆之天時人事宋祚不遠矣衆將服其  
言皆自勵也後世祖南巡公面見所言十餘事皆援據古

文水縣志

卷之十二 藝文

九

義勵切時病上納之及踐祚更化用公之言居多其伐宋  
事議上欲速公謂彼無釁可乘用兵未見其利惟修德以  
順天心法制以慰人望簡賢以尊將相惇族以培基址撫  
殊俗制列鎮防窺竊廣毓英才以儲元氣藏□于國候時  
而動宋可圖天下平矣帝聞公論以爲江淮南北等路文  
英武飭招諭使佩國信賜金虎符公受命卽上表言新附  
之民叛服不常如上海陶口洞庭山東數作亂請以次剪  
平上以公爲左丞相萬戶上將軍鎮守吳江軍人貧乏以  
已千石賑之時江湖軍務事煩官兵往來必乘船官舡不  
敷所用每不便公以已俸造戰船百餘艘恒爲守禦盜息

民安遠近咸賴奈時相王文統忌公重望私通蜀邊不軌之臣故違節制作亂希以此害公值口宋權臣賈似道欲竊劫爲功畏公洩伊巧盟幸免之際以璫爲口實遂主毀盟舉國知其非未幾而時相伏誅似道貶死上命公取遼東所過秋毫無犯拔城日民安不驚其制師紀律概如此繼而一統歸元論功懋賞擢公統轄五路順天東甯太原延安京兆等處都元帥至元癸未虜犯雲中大破設伏侵賊萬餘夜敗而遁至元戊子虜犯密雲公奉命討敗之追至古北口班師覆命時至元庚寅公春秋四十有五辭官不允賜衣帶勅修墳大德壬寅虜犯河西公大破之於神

文水縣志

卷之十一

藝文

十

木等地殺賊萬餘獲輜重馬匹器械無數由是聲名大震中外倚重至乙卯公年七十移表告老辭官歸里立庄起第優游數載於至治三年癸亥壬寅日公薨年七十有八九月朝廷以公位不滿其德謚文憲公左丞相勅封奧達魯花王奉旨立碑神道銘曰

河滌於右 山拱於東 四塞之地 三晉之中 篤生公輔 際會雲龍 令聞令望 立德立功 官銘以著 臣節以終 用表於碣 爲奕禩風

郝忠恕重修廟學碑記

至正十四年春三月文水縣尹許君重修

宜聖廟學成主簿王鳳典史劉居敬教諭田立本等同抵卦陽請紀其績將刻諸石以爲修廟學記予惟文教之重不敢固辭欣然諾之主簿等重以書來督備陳所以繕修之由曰文水縣宮自延祐四年丁巳之修建今蓋三十有八年矣壁穿瓦解風雨歸然新令尹以十三年冬十二月始至則慨然捐俸倡爲興修鳳等暨尉諸史莫敢不協力贊畫邑之士民莫不闔惓經營勸相奔走承事毋再望而功畢自殿而廊廡階庭自堂而齋序井竈通門外屏星明戟幽神位像設冕服有章作繪闕嚴馮負致美規制聿新越軼舊貫蓋勞於創造而大於興繼也於是選生徒就學

文水縣志

卷之十三

藝文

十一

以復其家常不征月給筆札於貧者朔望則率諸吏告祝進諸生於冠集堂以肄講焉此尹之首政學校之大端也至於獎農均賦理民務方設施而行之邑之士民礪石以待志猶是也於念茲敢請予卽受言載之於篇而復命曰凡爲治者曷嘗不急文化而敢後乎文教哉由伏羲氏造書契以降列聖相承至孔子然後所以垂世立教之具粲然始備其論道之大寶原於天命之性而行之父子兄弟夫婦朋友之間其文則易書詩禮春秋之籍也學者必讀其書窮其理考其世由其道然後知有所至而力行之庶幾自士而進之聖賢之域用則兼善以及人不用則淑諸

身而止此聖人之澤也聖朝有天下由京師達於羣縣皆崇嚴廟貌而尊崇祀之制度禮樂一出於儒術每詔下必及農桑學校者蓋將衣食斯民使之不饑不寒而遜於五品也今諸君之所以見命者豈惟將記繕修之工役而已蓋亦將講明設教爲學之方耳請爲諸君言教言學古之教法始於家閭左右之師曰熟習熟之也其上則有序有序則又加詳焉由是而進於學故曰國有學學大人之學也蘇軾氏曰古之爲學者四其大者取士論政其小者絃誦也取士論政必於學有學而不取士論政猶無學也必欲復古學斯豈有司之所得爲哉幸而邑有賢尹能承宣

文水縣志

卷之十一

藝文

十三

德意俾士之肄德業無違親去家而失其爲學之本况尹之治美屬耳乃能知所先務急修學以敦本爲已任信乎爲可書也子游子賤無多事功可考而皆以絃歌著稱邑豈可無賢尹之澤哉學者亦盍觀夫此繕修之事而自勵自修之乎夫明德新民止於至善者聖人示人爲學之大經大法也宮室可修而新至於美矣獨明德新民不可修而至於至善矣乎今之棟宇異乎昔之棟宇矣傾者正之圯者起之弊者易之缺者補之煥焉以新非所以修之力耶吾之爲學亦嘗如是蓋人受天地之中以生萬善咸稱其私欲之汨邪說之誣不學則日趨於愚闇猶昔之棟宇

也苟能一日自克一念知悔欲去而理明善彰而惡泯猶  
今之棟宇也至於忠信以進德修辭以居業亦猶壁牖立  
而塗暨茨樸斲陳而丹雘飭也蓋繕修之事而爲學之理  
具焉孰知此非賢尹之所望於諸君子之與士民者乎以  
是爲政其於化民也何有尹名繼誠字仲實西河縣人也  
達魯花木拜主簿王鳳字雲翼縣尉張圮字叔瞻典史劉  
居敬字行簡教諭田立本字道源其諸史及邑之士民名  
氏悉載之碑陰

明

張願重修儒學記

文水縣志

卷之十一

藝文

三

文水縣乃太原府屬邑也成化二十一年夏劉侯偉來知  
縣事以故事謁廟見大成殿傾圮兩廡并齋堂館舍亦弊  
且規模狹隘淺陋不足以妥安神靈棲息士子乃慨然曰  
學校者風化之原也今廢墜若此非朝廷興學養賢之意  
遂與同寅謀用羨財庀工徒斥舊基而擴之撤腐材而新  
之創大成殿若干楹東西兩廡若干楹庖湑庫廩亦皆創  
建金碧輝煥壯偉宏麗復創櫺星門戟門明倫堂東西齋  
室并肄業之所門外復創牌坊三間皆繪以五彩飭以金  
膏丹漆黝聖煥然一新墻之四角甃以磚石旣堅且久於  
是文水之學遂隱然爲一邑偉觀其鄉人士子舉欣欣然

有喜色以爲衣冠之盛事巡按山西監察御史岐山米公德見而美之命伐石以記其事始於宏治三年三月工方就於四年九月而侯以德政之美徵入中臺爲監察御史宏治六年冬邢侯懋來知是縣見劉侯之舉旣成而惕然有感於衷曰美哉劉侯之績奈何後之人無石以記其事遂謀於教諭于昭及諸士子恐劉侯之德久而湮沒而邑人無以致後來之思也乃以書幣介按察司僉事西蜀伍公性求余記之余惟自有元失馭海內鼎沸學校蓋嘗廢矣我太祖高皇帝興學開科之詔一下萬方之士如春旱而得甘霖皆昂首奮翼而起以爲國家用列聖相承惓惓

文水縣志

卷之十一

藝文

十四

以興學育材爲心至今百三十年故賢才之出日新月盛三代而下莫斯爲盛諸生生逢休明之時又得賢令祇承德意以振作學校爲第一事諸生可不誦詩讀書履仁蹈義蓄於內則四端存發於外則五倫著其出而躋臚仕也大則極彌綸參贊之化肩伊傅而侶周召小則任旬宣化導之責踵卓魯而伍龔黃其作爲文章推明聖賢之道足以筌鏞治化粉飾皇猷百世之下人目之曰此皇明養育之效也此賢令振作之功也此文水所產之英賢也如此則上下無負不然豈予所敢知也哉劉侯字文奎陝西朝邑人邢侯字德懋山東濱州人俱以舉人來知是縣俱能

於學校廢墜之時而以興學爲事一則克慎其始一則克成厥終可謂知所先務矣是皆宜書至於有勞於是役者皆載名姓於碑陰以爲將來勸宏治十年歲舍丁巳二月二十一日

無名氏平舊都廣濟渠碑記

竊謂興利莫先舉廢通變迺以宜民自國朝先輩縣侯戴公謙者鑿泉引水溉田數千頃誌有明徵厥後漂沫湮沒無存嘉靖七年王公子雄目擊往事慨荒歉之無備思成憲之當遵於是糾合邑民挑洗廣濟古渠起水上至文峪河退水下至汾河輪流灌田週而復始卽豪強者無得

文水縣志

卷之十二

藝文

十五

專其利良弱者不得靳其恩內有南武成公汝金舊縣趙公鼎二都亦各有分上水俱讓西平使焉贈迄至今王公諱賢等亦思先代流傳良法可守仍集合都之民大興開渠之利且又疏通紅橋渠一道本都二村溉田約十五頃賢等上分使水焉允若此則豐凶有賴亢旱有資西平眞爲文邑之利藪矣斯民之迪德而善長者肇自此哉勒文於碑以爲千百禩法繩之不朽云正德十一年歲次丙子六月十有九日遺留

無名氏重修河南廟記

文水縣治迤南五里鄉名樂村卽古西河地也乃隱泉之

所經泉流至是而澄清可濯故名曰清泉此地有茂林修竹三賢行樂之區臨流之上有河東公廟在焉考之碑誌自元延祐中鄉官知宿遷縣事韓達輩重修者迄今二十餘年廟爲風雨所壞幾毀神位鄉人韓克禮志欲新之大懼不任乃議諸鄉耆老郭己倉武真等僉曰此爲盛舉咸懼趨之卽日計諸工料之費各出百緡旬日間財物之入川委雲集度可舉事遂召工儻功於正德癸酉五月興工不期年而廟成正殿五楹巍然雄峙東西廊各五楹壯麗可觀與夫覆角亭閣樂樓門屋煥然一新四壁垣墉儼若虹貫環連臺榭丹墀甃以磚石像貌輝煌金光耀目盛舉

文水縣志

卷之十三

藝文

六

落成不可無誌以詔來者克禮輩相與請記僕謝不敢當請愈堅乃歛衽復曰卜公商衛人也以篤實之資爲生知之亞從遊聖門卒承其緒道分一體名登四科自陳蔡睽違道喪文弊公不樂仕進志在山水退隱於西河之上此其地也見其猷水泌水還逶於左雙峯陶嶽雄峙於右秀爽殊盛遂結廬於陶山之麓不踰歲民去其陋石窟之虎渡河而北盤紆之泉澆灌民田三十餘墮西河之民大蒙其德文侯師事公公告以大中之道魏稱大治當泰山頽梁木萎宣尼殂落公心喪終制及至河津公亦遂逝當侍行輩感公之賢卜窆于新豐之墟而大葬焉西



河之民感之深而思之切議爲公宅以爲祠歲時報告但以鄉社禮儀迨漢永平中以大牢幸闕里祭七十二賢封公號公得河東公之謚名收祀典西河之來此各卽其地而廟之而清泉居其一焉歷漢唐晉宋代將三千年來廟食於此歲時祭享不減於初凡水旱疾疫有禱必應公之靈在天者如水在地中無時而不在焉公之盛德大勲書之不盡言圖不盡意相與俯仰道通萬世是爲記

正德二十二年季冬十二日立

康海重修廟學記

文水廟學古昔與邑建於東河之上宋元符間邑人避水

文水縣志

卷之十二

藝文

七

患而并遷於西山之下更歷金元迄今不易其地我朝列聖迭興命官分治其間賢令體上意重修粉飾者固有其人然基址狹隘規模淺陋兼年遠而垣宇傾圯棟梁榱桷撓敗摧折不足以安棲神靈養育士子成化二十一年夏陝西朝邑劉公諱文奎者來知是縣謁廟之後喟然曰學校者風化之原賢才之所出也今頽弛若是而科目頓困我有司不無憊也於是計其木工金石之費徵積期年而後備越宏治元年秋始經營之廣其舊基宏其前規創建大成殿五楹巍峩嚴整兩廡三十四楹栢麗方繞戟門三楹開闔閎深櫺星門三楹雄偉壯觀四圍垣墉磚石甃備

皆飾以金漆丹堊繪以五綵文藻儼然辟雍泮宮之制度也其聖賢之像損壞者煇其貌壁圖者造其形巍然足起後之景仰又建明倫堂五楹東西齋各五楹庖庫廩庖各三楹及講肄之位師儒之室亦皆整飾完美厥功既成科目斯振其中鄉試登黃甲若解汶馮憲柳寨者相聯而第將來才俊衮衮輩出皆公興學作養之力也四年公以德政擢中臺御史肅清百僚赫然而聲超遷兗州府太守其學師生感公之績恐後而湮晦立石以記之俾傳於永遠患其無力十五年秋濟寧劉侯銳來知是縣與謀其事侯輒允諾遂命教諭邊涇執幣於京求文以載其功予謂公文水縣志

卷之十一

藝文

六

之績雖在於廟學之重新公之心則在於士子得養以爲國家用也養之以詩易書春秋禮記之文隆之以道德仁義忠信之教去其偏而歸於正革其習而化於中又在於教者學者之裁制自省也况文陽土俗風氣敦厚剛勁士之生於其地者皆英才之翹楚苟得其養則強毅奮發以道德自立以功名自建濟濟乎爲皇朝之美士若養之無其節自養恃其道昧夫所造或染於氣習而壞其美質或流於剛惡而越乎禮義者未必皆無也此劉公體朝廷修學之盛意深有望於教養之得人焉

許讚重修魏公卜子夏廟記

文水古魏地子夏衛人相傳居文水所謂退老西河者此歟今遺蹟有商山有隱唐洞山左舊有子夏廟先吏於邑者弗飭典禮鄉士民或罔究古遂有后土福神二祠夾廟左右每歲成居人結社刲羔豚享祀三廟羅拜虛傷競奏俗樂蓋有子夏所謂及優侏儻雜子女者矣正德己卯憲副林慮馬君卿督學過見而嘆之謂大壞禮制欲撤左右祠像以祀田子方段干木及增其門觀垣廡以示崇尚具言於巡撫大都憲平谷張公禴巡按大侍御莆田周公宣鈞陽任公洛咸是之巡按大侍御西蜀張公鵬合肥沈公俊金臺張公英相繼至共速其成廼命知縣包得仁教

文水縣志

卷之十一

藝文

五

諭孫述先李言輩撤舊增新去淫祀崇正祀悉如初議高其周垣理其棟宇歲餘工訖廟南向各三間左右廡及門各五間明煥宏敞頓加於前每春秋仲縣長吏率師生式陳明祀讀祝飲福悉遵禮度鄉人或觀於廟貌曰是何尊敬嚴肅無猥褻也或觀於禮儀曰是何寂輯整齊無聚譁也學之士又曰吾輩觀於廟之未改久矣何相遂其非以至於今乎既而遠近感悅後讚繼督學得仁以記請夫記以紀往示後子夏孔門高弟四科見稱請演文學義以記廟碑夫堯典肇文說命明學道具於人心文以暢之學以致之上古之文見於事爲中古之文由內以達外始顯於

著作後世之文逐外以忘內獨騁於聲句子貢篤信謹守而乃以文學名先儒又謂其言將使人廢學不無疑焉夫親賢遠色忠孝以信性分內事亦具備矣未至者不可不學已至者卽此是學子夏之言何弊之有且文謂之章言有章末也行有章本也學謂之覺知有餘偏也行有餘全也三十之徒孰非文學士乎獨稱子夏者以其近裏篤實得爲學之本末而孔子猶以小人爲儒戒之後世道義未聞行檢多戾者徒記魏以爲博立異以爲高騁研以爲奇書尺寸之簡謂之文工口耳之習謂之學其去道遠矣於此益可以知子夏哉若田子方段干木皆得子夏學其行

文水縣志

卷之十一

藝文

二十

雖未盡合中道至於潔身守己亦不可少并字而血食茲土情文允愜矣夫晉魏自三賢後學如楊雄王通守如周黨郭林宗者不一而足皆可謂聞先哲而自奮者學者欲至聖人之中道又豈可以文學爲末務而自畫乎又豈可負今日崇尚作興之意乎自古聖賢立言講學作事建功黜邪崇正乃其大槩今日之舉其得四者之槩乎讚以是質於方伯胡君鏗楊君惟康憲使孫君修大叅劉君澤李君元憲副秦君偉袁君賓馬君應祥少叅王君承祥許君雲鵬僉憲尹君京金君鯉谷君高張君文魁喬君岱僉曰允若是遂書以記之

郭廷冕重修縣治記

前嘉靖二年夏五月中山李公奉命來知文水時邑堂第  
傾頽不蔽風雨越二歲九月中山公集工聚財構堂五楹  
左有廳邑幕長清李公營之右有廳邑判簿岐山孟公營  
之厥後曰藏府厥前曰社倉皆中山公改創也邑丞通州  
曾公嘗以公委不在且專力城工故不及是時維五年例  
應朝覲中山公以績最南遷復得鄜州杜公宰邑政通人  
和上下相得嘗嘉三公之舉欲底厥成以六年十月之暇  
興事繼工內營六曹吏房十有八楹外申明亭旌善亭各  
成三楹迄今年三月厥工告就數十年廢墜一時成偉觀

文水縣志

卷之十一

藝文

三

矣事既竣邑士民咸請勒石公遜弗居適牧民忠告碑者  
立於成化十有一年前人之述甚備於是年四月夜爲烈  
風摧折義當復立公因請命余爲記嗚呼碑之立也不仆  
於邑治傾廢之時而仆於土木落成之旣雖物數使然意  
者天鑒有在不欲沒羣公之績而使彰其忠牧也耶夫忠  
盡已之謂也專於尊主牧惠愛之義也主於庇民忠非一  
端凡補於上皆忠也牧非一事凡益於下皆牧也今觀我  
邑勝舉工之營度分於四公時之先後僅及五歲或修廢  
補墜仍厥舊規或革故鼎新宏厥制作勤勤營止懇懇協  
心其視爲家計者不及國玩日月以苟延者不侔矣非忠

也夫然其舉也或設法區處無損於民或藉材斲用不傷其財佚以使民與民宜之均以分功民自趨之其視假公事以剝下使民視爲陷阱者不侔矣又何失爲牧焉此一事之舉有二善之集以之附於牧民忠告允乎宜矣使因是成益勵忠牧之政則後世之下斯民德斯政也目若舉也安知不有甘棠之遺詠耶余忝治下樂於仰成謹陳顛末記碑於左且爲繼膺忠牧者勸云

張鳳翔創修教場記

古者寓兵於農居則爲比閭族黨之民行則爲五兩卒旅之衆三時務農一時講武將無詘兵之患民無饋兵之擾

文水縣志

卷之十一 藝文

三

我朝民壯之設其昉諸此乎余邑有民兵三百居常訓練以備不虞第自有民兵以來而無講武之地蓋闕務也前此職操練者每卽民間地比藝較射往來馳騁甚至蹂踐禾稼居民苦之迨嘉靖四年秋九月典史長清李公紀贊政之暇董理民兵喟然曰兵以養而足以練而精今演武而非其地匪直無以練兵抑亦有厲於民且萬一有警緩急不能時其操備殆非爲兵民長久計也遂白於知縣李潮因請於當道乃卜於城北一里許募民田之願賣者增值償之共置地三十畝南北一百八十步東西四十步周圍築以垣牆牆下植柳二百八十餘株北構演武亭三楹

南建門房三楹廳左崇臺以樹旗門外豎牌以標額其地價銀若干兩磚瓦木石若干兩皆公設法措置上不動支官藏下不取諸民需不三月而厥工告成由是大加簡閱而可以卽戎矣又於邑庠明倫堂後東西各建號房九楹公俾士子講習有地而絃誦不輟矣縣治東建幕廳三楹公廨樓一間開柵舖舍一十四間木石工價亦皆區處板築之勞民樂趨事群工旣落本學訓導田公嘒尹公卿生員王天爵等以爲斯舉也不可泯沒請勒諸石以垂不朽徵余爲記以爲有文事者必有武備公之修學校而文治興立教場而武事備公廨舖舍煥然聿新非有爲者能若是

文水縣志

卷之十二

藝文

三

耶惜乎仕小不足以稱其才祿薄不足以酬其勞而涖任之未久也使公久於其任則興治補敝幹濟豈可量哉俾嗣是職者因而葺之薪木毋爲人所毀傷樹木毋爲人所折伐則今日之創造永爲演武之地將與吾邑而並隆矣斯記也一則爲李公嘉一則爲後來者勸今將地主四至勒諸碑陰毋使爲豪強者所侵奪云

樊從簡文水縣志叙

文水縣志八篇提綱分目著叙綴贊而評各以類見焉倡率之者縣令樊從簡也佐成之者師儒蘇君子英魏君瑀任君暘也鄉舉王君益爵孫君榮先王君榮嚴君三省也

庠士米生登吳生來鵬王生振武也僉以志旣成宜有言以弁簡端簡以首其事義弗獲已乃僭言之竊惟地理之有志尚矣其昉於古之史乎夏之禹貢周之職方天下之史也晉之乘楚之檮杌魯之春秋列國之史也今之一統志其天下史之餘乎郡邑志其列國史之餘乎然史撮其要志舉其詳皆所以公萬世是非之權衡以昭萬世是非之永鑑信非有良史之才者弗敢肆筆於志也志豈可以易言哉惟文古唐虞甸服之地今太原之望邑也其山川之興廢人物之盛衰風俗之美惡政治之得失事應之常異道術之正邪匪志曷徵焉是志也者夫固不容於已矣

文水縣志

卷之十一

藝文

十四

於不可已者而已之君子於此能無文獻不足之嘆乎簡自庚戌奉命來宰是邑夙夜皇皇惟吏治弗飭是懼迄今三閱寒暑矣語及邑志見其久闕乃喟嘆曰昔朱仲晦守南康下車之初首以郡志爲問論者謂其知務今余歷三載始見邑志之闕非惟不知務而典章弗修又何以道于過乎然愧非史才且無識也抑將如志何於是謀諸博雅如前諸君者相與稽山川於輿圖究人物於書史訪風俗於耆舊察政治於往蹟著異常於感召辨邪正於毫芒是非務協於公論辨必求諸道夫然後彙集而編次之建國者必分疆故首之以地理守土者必盡制故次之以建置



制度定而養不可闕也故次之以食貨養道備而教不容緩也故次之以典禮禮樂待人而行故次之以官政爲政以人才爲先故次之以選舉選舉以得人爲貴故次之以人物治忽相尋而變異生焉故終之以雜述是則其綱領然也乃復詳之以條目自沿革而寺觀評之以臆見隨諸目而附錄而斯邑之志亦庶乎其有成矣至若筆削之嚴立法之善固不敢僭擬於春秋要之紀載時事以備採擇以昭鑑戒者得非櫛杌與乘之遺意者乎後有作者取徵於是不可創一邑之典章矣乎况繇此而上之集郡邑而重修一統亦未必無小補也雖然華而誣詭而鄙吾懼

文水縣志

卷之十一

藝文

五

爲志之蠹矣果可以傳世乎哉庸以俟正於君子不知君子以爲何如也謹書以識之

蘇子英文水志後序

志者記也史外記事之書也文水無志舊矣中州樊侯右川來尹是邦庶政聿新顧茲闕典喟曰古者外史掌四方之志故九州之志謂之九功備觀省也文水爲太原巨邑可弗志乎遂銳意厥猷鳴琴暇卽博採群書咨諏士人仰稽吐曜俯察含章以圖厥成凡天地之所生風氣之所宜有關是邑者蒐輯爲書名曰文水縣志其篇目有八正其經也凡例五十有六別其緯也引以啟其端贊以竟其說

斷以發其蘊公是公非錯綜斟酌咸中肯綮猶不自滿假復進庠僚靜軒魏君瑀東明任君暘經元汾澳孫君榮先文川王君益爵復軒王君榮約齋嚴君三省廩員米生登吳生來鵬王生振武英亦與焉相參互而考訂之侯之意大抵以政教爲主本勸懲爲節要事繁而義約文直而事核允稱實錄矣吁侯以博雅之學創茲曠典刊而布之誠光前而垂後也於治豈小補耶自今以繼吏茲土觀斯志者地里可以究本源建置可以觀制度食貨可以明國計典禮可以敦道化官政可以定紀綱選舉可以礪節志人物可以覺德行雜記可以覘世道其愛國卹民之衷剛大

文水縣志

卷之十一

藝文

五

正直之氣見於言表者又將感人於無窮也猗歟休哉是志也文水事賢侯心也子英妄序諸末云

許維新新建文新鋪記

文水負晉陽百里而踰耳冠蓋往來宜有中道授餐之所舊餐於西南十里永安聚聚汾境也候人至而假鋪卽十里如假他鄉器具水薪之費倍而餐不稱也卽無論飾厨傳稱過使客以取名譽直令過使客枵腹飲恨往而文水候人已倍費矣且自邑至永安無他聚禾稼萑葦彌望也其中多嘯聚偷賈者先是大中丞檄郡縣多爲鄉亭以弭盜便行人卒莫有先應者今令文君治文水縣之三年力

振諸廢乃略地於此而卜築焉地易諸民某爲畝若干市諸僧某爲畝若干值取諸餘錢爲數若干宿舍三楹東厨西吏舍稱之廳事三楹東西厨役舍稱之門兩掖以肅出入周以繚垣凡室與垣其壯如家自爲巽隅斗室則邑員侯貴使止焉門前列室十一楹以貯遞卒典掃除諸器具不移諸邑而備額著之卽薪米無不預設凡賓使卽偶夜至遞卒啟戶如歸也材木工費總若干皆緩餘或以罰小罪操作無泛費亦不干諸帑以三旬竣東隣梵宇諸僧足遊檄西以餘地假民自爲室不取其值以興來者來者已種種幾成聚由是餐者省倍費而懼過客盜道塞矣許維

文水縣志

卷之十一

藝文

七

新日余觀單襄公之論陳也則館餐要矣乎漢置亭長爲盜計詳矣顧今之吏不易作事也下咸以工役收不肖之利而上亦以興作持下而入細人之說則中人因而阻焉過使亦以他道取說不至面斥辱盜賊以衰止相蒙不至失其橐中裝則姑苟且且莫去孰肯冒不韙而爲後世計利也餘不奉中丞檄平瀆澤之費亦多矣厭然在苟且之列莫能先發余以秩滿來此愧文君之三年矣然文君此爲館客而陰制盜耳卒不以聞中丞收應命之利也方余來時美西河之士問其北秀而峭者子夏山也徘徊不能去頃之則雨至而河出諸康衢余與僕夫漂而幾死也昏

投諸館中飽而高枕雨水益至迴思非文君之賜則雖欲  
至永安逃諸亂流何繇哉由此言之枵腹與竊貲尚未足  
言也此山此水與此道始終也文君之計遠矣爰感而記  
李喬文公祠堂說

昔者余遊藥王廟參揖衆神已而過南廊簷下見一像面  
貌冠服恂恂然與衆神不類余怪而問其旁曰此爲誰曰  
先任縣尹文父母之像也孰與塑之曰士民有德之人某  
某爲之也曰行德政而致是事且得與諸神侍乎曰涖任  
清謹崇尚包容不計人之細過馭下以寬米菜衣物捐俸  
自易拘召毋擾鄉曲裁革幫馬毡氈申置公署器皿以甦

文水縣志

卷之十一

藝文

五

里甲創建文新舖舍以便迎接講聖諭以彰風教有功人  
役給予冠帶累年積粟速與完銷冬則舍皮裘以恤貧寒  
夏則禱雨澤而濟荒旱以至嚴保甲防盜賊招流亡修葺  
廟宇之類難以悉舉於今增秩府倅調任嵐縣去之後民  
思之故爲建祠塑像蓋曰見其像如見其人然余聞之大  
悅昔鄧攸牽舟興歌羊祐峴山墮淚竊嘗疑於是今以文  
公觀之世果有此事嗚呼豈非所謂民心至愚而神可以  
德感者乎故爲之說以諭夫後之爲民父母者俾知所勗  
焉公諱養浩字希孟號充字陝西耀州人也

馬斯和南武都增修子夏廟碑記

余憶昔宰大陵之明年閱邑志知子夏故廬在城之西南山下遺址雖蕪猶有廟祀余往謁之見其湫隘無足以儲香燭而展瞻禮每謂邑人曰邑之淫祀不爲少矣而先賢之祀顧簡陋不足觀何也居無何有省祭官成聯輝於南武都子夏廟率衆廓舊制而新之余亦捐俸助之再閱葺而廟成余已去各索予爲記予夙宰邑者也有化民之責焉甯忍以其去而忘之夫化民者導其趨猶治水者導其下也大陵之風好凌競而嗜鬪乃篤信先賢而崇祀之母亦趨善之機乎遂進邑人而語之曰爾以子夏居文學之科將母謂其柔桂而無以自立乎昔衛靈公使人召勇士

文水縣志

卷之十一 藝文

五

公孫悄悄杖劍疾呼衆咸畏之子夏三挫之曰子蓋凌轢無罪之民而成威於閭巷之間者也君子之所惡也靈公避席而謝夫子夏之在孔門不嘗序詩傳易乎稽古志禮乎孔子不嘗屬其傳春秋乎是遠遼文學之選匪虛也而其勇若是然則士不揉其血氣亦何以剛強凌競爲乎今而後試思西河之民其搃搃而居者今猶古也先賢之流風餘韻所爲模範當年而式垂來禩者依依如在也入其廟焉而欽禮之還顧之景行之毋徒爲杖劍疾呼之習所染而化也夫是之謂崇祀者之本意也不然而徒貌崇之心去之則雖牲帛在陳俎豆在列鐘鼓在懸祝史陳信神

有吐之耳矣大陵之境土木偶而焚且供者固不乏也亦何以祀子夏爲哉余與大陵之民有提誘之責爲是不揣疏愚而就其所趨者以導之蓋有厚望焉而非徒以祀歲月已也廟經始於甲寅之春落成於丙辰之夏正殿三楹翼室六楹獻殿三楹鐘鼓樂舞樓各一座牌坊一座蓋較昔大備矣

馬斯和邑侯郭公永思碑記

公去文陽垂四十年矣而何以思惟思以四十年而後其思永而後其情真而後知不朽之精尚沁乎未泯之臆深心之感尤信於覲面之炙也蓋予已酉冬曾夢歸然城郭

文水縣志

卷之十一 藝文

三

有若始翬而修髯君子與相揖讓焉及至文陽東園徘徊城郭依依夢中景甚訝也且徐思古君子有功德於民報以血食志思也繫何人設此金湯永固吾圉而不聞尸而祝社而稷乎問之父老愀然曰有請焉而當事不俞也又問之鄉紳士羣然曰屢轉請焉而當事不俞且疑也問何以不俞曰力不能使之俞也問其人則曰此吾侯郭公之所爲築問何以築則俛首泣下曰曩穆廟初三關失守北人擁數萬衆乘虛搗入焚蕩我廬舍蹂躪我人民由三關而南抵石臨掠西河折而北至文陽是時也燹煙彌空殍骨彌野文以蕞爾邑覆土之壘民無固志幸彼以深入饜

飽之餘歸心方切無意環攻而偶免於屠慘然岌岌乎危矣侯至慨然曰城盛也敗壞之危不容勺水奈何以蓬蓬短垣跛羊遊之而億萬生齒相恃爲命大陵去邊幾百里可幸長無事哉於是據土壘而甕之糾工經費不數月而落成官不煩里不擾所堞凡若干雉若干焉夫事憚勞先功難慮始而獨力爲決俾千載頽敝頓成保障非仁人之有長慮誰甘任驚民之怨而不幸且夕罔虞得代去爲快哉蓋公之爲邑者善政也息訟弭盜迺士和民種種俾益指不勝屈擢爲名御史首抑權貴朝紳咋舌於批鱗而曰兼名實嚴公私酌用舍審進退累數千言猶爲狹茲訂謨

文水縣志

卷之十一 藝文

三

其在關中洮河之役以單騎拒敵奮不顧身敵竟沮潰至滇南又修河壩空海田理冤獄出輕繫平反甚衆全活甚多令嗣伯均蚤成進士方樹駿流鴻咸以爲善人報施之應云斯和曰智者有作愚者享焉賢者有剋不肖者因焉微先生設天險以重藩籬桴鼓不鳴烽火未耀恐吾寢之不宴枕也夢寐之感垂四十年而動神乎人乎勲業之所肇造精意之所往來不忘乎予豈忘文民哉予獨怪父老縉紳士之所謂力不能使俞也夫力不能使之俞力使之則俞矣公義不以人心而以力謂吾民何吾有所感且有所憤也故爲之作記亦以抒人心之永思而已矣予何力

之有焉公諱宗賢字宏甫別號養虛直隸邯鄲人由鄉進士至太僕寺少卿

### 葉向高王東泉傳

公諱振德字惟惠其里東皇有泉游而樂之援以自號父朝卿以功曹入司京庾生子三公居仲初偕孟季學恂恂一儒者會父卒家中落從業爲賈以薄貲往來河汾間乃公托于賈而非賈人也籌盈量虛往往以儒術變通之所至猶手卷帙不釋當公父歿于官公千里匍匐獨身扶襯不以艱遺其兄弟人以是服公孝兄弟食貧苦讀不給公以心計所得緩急之無間終始人以是服公友業既起所

文水縣志

卷之十一

藝文

三

居亦輒得奇贏乃身自服粗食淡操作不休惟鄉里窮交草薶收恤之惟恐後閭黨詬諄微言解紛傭人死買棺善瘞之所蓄驢斃亦爲堊埋殆謂君子富好行其惠者也公三子委季弟課業彬彬起名矣而孝友忠信時時勤勅戒旣倦游息影東臯詩酒高會非名理不談非聖賢書不蓄用成其子咸有令望逮將歿燒所負券示子孫以守財無益後二十年季子貴累贈承德郎戶部雲南司主事積善餘慶不於身而於後豈不信哉余觀古廢居善蓄挾奇贏而甲州傾邑者其人每趨利如鶩爭上權而錮下業彼隄墉豪暴如曲叔稽發之徒勿論卽以陶朱之哲也能全其



身而不能善其子丙氏之儉也能殖其家而遂使其國俗去文學夫孰有混迹市廛積德行義不失素業而光前緒啟後裔如公者乎余故曰公託於賈人也親睦仁讓其猶感陶唐之流風興起者也享年六十有六配孔安人爲文谷孔先生之兒子孔公具人倫鑒少器公因妻之子三人長在沼次在圓竝邑諸生季在臺癸丑進士今官戶部郎中爲余門下士余雖不習公然觀戶部君當官奉職潔廉視躬知公之教宏遠矣故論次之庶後之徵卓行者有所攷焉

曹珏蘇廣文傳

文水縣志

卷之十一

藝文

三

先生諱應聘字紹岡文水人體貌奇古有大才少貧且耕且讀下筆數百言立就諸生時卽負盛名時學使者按臨汾州先生出場八邑生童聞名聚觀圍遶幾不能去顧數奇六試不售然由先生門入黌序者不下數十人且多知名士繼爲鄆城導陞長青論青令王公遠宜慕先生博洽凡遇試卽封卷送閱皆稱得人無何致仕歸好學不倦復開帳授生徒一時入黌序者復數人如陳君三接嚴君國魁郭君城翟君永昌與不才珏相繼登甲乙榜先生武度都人舊制本村去官路十餘里有行夫守舖之累二百餘年莫可控訴先生歸林下適舊青令王公亦擢中丞巡鹺晉

中先生謁之具言路遠行夫之苦王公握手道故盡懽而別立批呈有永不行夫守舖之語勒之石土人立祠祀之是則先生雖未登廊廟而澤之及人者多矣先生何媿哉先生何歉哉

### 牛應徵胡命之傳

胡公諱誥字命之號舜宇行二世爲文水石東都人力學嗜古髫年爲邑增廣生員事父母以孝聞飲食非親奉不陳藥餌非先嘗不進親卒廬墓三年不見笑容又篤友愛遇兄弟有禍難傾貲拯之無怙色且急于奉公稅課不敢後值聖節嘗公服朝拜曰吾儕無以盡忠惟禮拜貢賦稍

文水縣志

卷之十一

藝文

三

明在三之節曾獨居書室有婆婦夤夜求薦枕席公嚴絕之次日卽移居性更好施予窮迫者周濟之無告者埋葬之中年無嗣每過神廟輒拜禱一夕夢入西嶽廟求子帝君云大病後生貴子萬曆甲辰病幾不起乙巳春齋宿寺中書院夢西嶽神來拜起而自驚及返舍而伯子勤毅公托體矣丁未生仲子後皆入庠有才名公教以體用之學每云讀書當以古聖賢爲法孔孟周程以來近代則薛文清王文成可師若時文科第譬如朝露皆不可久時當流寇殘破秦豫論伯子曰天下自此多故矣汝當精心武備待朝廷之用乃取兵法七篇孔明心書以授之每見州縣

官貪醜不法者卽戒二子以爲若輩上負朝廷下負民生辱先累後汝曹後如蹈此卽及黃泉無相見也故伯子後歷顯官以清正著名其皆秉庭訓有素歟門下士問五經大旨何在公獨闡精義多漢宋諸儒所未發又有問延壽之道者公曰無遲起無勞形無使機無多飲無少食無損精無耗氣如斯而已年八旬壯健如少年一日沐浴冠帶呼二子隨行城隍廟行四拜禮伯子問故云予今當終矣汝曹能立身揚名予死且不朽未及月餘遂終於正寢易簀之夕伯子問身後事曰時方不靖汝有大才必當大用勉之勉之厥後伯子鄉會試洎討賊守城公時時入夢蓋

文水縣志

卷之十二 藝文

三

其忠君愛子之誠雖死不忘矣生子二仲子裕才以貢生爲別駕窮經篤學有父風伯子全才爲兵部尚書勤毅公另有傳茲不具悉伯子之子應麟以任子爲今工部虞衡郎應麟之子長曰紹以生員爲國子生次曰纘少曰繩爲邑庠生俱擅文譽時有文陽三鳳之名贊曰忠孝者人生之大節也公事親孝於昆季能篤友于誼忠君愛國之心無一日去於懷乃竟以繼掖終然積厚者流光迨伯子以事功文章爲一代偉人而子孫輩或稱宿儒或佩簪紱噫天之報施令德豈偶然哉

劉宏化縣丞趙公遺愛碑記

嘗讀史而至何武之去思宋璟之請禁立遺愛碑也蓋兩  
重之乃今世之去思碑亦何屬鼻相望哉倘亦有尊官貴  
人之思乎至於一邑之貳易世之後而去德彌永思德彌  
深如文陽丞趙公者是真可勒諸石也文陽故巖邑丞又  
秩卑冗無所見短長卽居恆按故事拱手受成猶不能妄  
生得失焉况乎卒當敵也公又起明經非如嘔茵小史素  
諳赤白囊者宜不習兵乃敵殘石州奄忽至境上而公獨  
以身當之而又非有一成之旅數日之糧武庫之兵足爲  
因仍蹈藉也使市人以持兵因假貸以供餉執朽鈍以當  
鋒而善用所短斯已奇矣甚至增竈徙薪皆應繩墨而後

文水縣志

卷之十一

藝文

三六

客兵無遏志我徒有固心合力禦之敵不敢薄城下已又  
爲之弔死扶傷掩骼埋斃子遺之弱息待而舉火者幾何  
人鈞金束矢之人其可振鹵掠之家者又幾何也卒又爲  
之城郭之厚薄溝壑之淺深問宜修而不宜修者故何視  
徵其受政者躬秩其不勉者而後不滿歲而告成功無不  
可以益地守也迄今生齒完聚環雉堞而有甯宇者誰非  
公之精神所再造哉且計曩歲之呱呱恃饘糜爲乳哺者  
今且白首老矣上其先人邱壠亦旣墓木拱而識其處矣  
其謳吟歌頌公四十五年如一日也固也豈惟四十五年  
雖千百世不忘可知也若夫槐蔭婆娑其後之人已有應

臚唱之卿雲者公所自有余不敢以佞舌代文陽人之樸衷且亦非今馬侯所以從民望而勒石意也公名禧以明經薦爲山東之益都人 頌曰在昔武興封豕窺之莫敢嚮邇公于是時慷慨戎行實執鞭弭拊循還定士至如歸民忘其燬休養迄今生齒且蕃以趙名字不朽之思勒諸貞珉永勿諉矣

王在臺永賴渠碑記

永賴渠者米公初濬文峪河水而引之入城也夫今日何動爲大以開渠渠開於二十里之遙不知費幾許周折亦惡在其永賴爲按文峪河出峽澹迴其勢騰湧莫禦其流

文水縣志

卷之十一 藝文

三

遷徙靡常春夏可資灌溉而秋水澎湃滄沒恒多蓋利害參焉者公蚤已悉其情形矣重以旱魃爲災比歲不登公目擊心恫思浚一渠爲拯荒計會直指使興除之檄下於是相形度勢鑿石構虹起峪口而歷龍泉并西山以漸北郭躬督荷鍤之民刻日省工人旣可以勝天山自得與澤平所過峻嶺孤峰沛若建瓴而下北郊近渠者灌田得若干頃而日引日長經城達洋環內外成活潑潑地形家曰文運自此興矣夫地無肥瘠得水則腴斯文興廢機由人轉士若民歡呼忭舞謂此舉議且百年矐矐縮縮微公不克就相與走白上台以彰其盛事諸上台鞅然命勒石毋

亦爲人情易玩法人必弊今渠工竣矣保無沙積之壅淤  
乎渠利普矣保無毫強之侵漁乎上怵慮彌殷公憂心轉  
切問誰繼疏濬有申明憲冊在問誰戢豪奸有分派印籍  
在更於固堤之處多其植仍於受挑之地蠲其租而拮据  
不遺餘力有是哉公之苦心挾水之潤以成利即分水之  
勢以遠害姑不問風氣頓改人文於焉蔚起羣而食地德  
飽天和歌河伯之躍靈者誦公之義不衰斯渠之所爲永  
賴乎是役也經始於朱明四月落城於暮收九月上不動  
官帑下不損民財大約出公之設處者什九而士紳微佐  
不及時余涵濡田疇之植瞻依衆人之母覩逝者之如斯  
文水縣志

卷之十一 藝文

三

羨澤長之文水故記之以告後之樂樂利利者知功之有  
所歸耳

鄭宗周郝崔文昇疏畧

往歲張差之變操椎禁門幾釀不測之禍祇以皇上優容  
未盡厥罪故文昇尤而效之臣請寸斬文昇以謝九廟臣  
非謂誅一文昇遂足以伸國憲而消逆萌第恐張差之後  
因有文昇今文昇復置不問奸人得志何所憚而不爲也

胡全才新建關聖廟碑記

我晉狡虜外訐逆流內猖是里逼處西山寶羅其禍於時  
黔首逃亡廬舍焚毀慘哉亦厄運也闔里之衆迺謀古人

禦大患除大害者尸而祝之以圖擁護僉尊帝君廟旣告竣屬予爲文以記之予維國家今日之勢無以異于炎漢靈獻之勢也民窮盜起比比皆是顧在昔魚散鳥驚時起而時滅於今狼奔豕突愈竄而愈繁在昔謀雲將雨數十載蕩平而奏績於今師老財匱十餘年驅除而罔功遂使雍冀豫揚之間靡非盜藪陵園都鄙之地不啻震鄰慨時者以爲運際之方屯予謂人謀之不臧也試思帝君之往行以觀今日之執事子女玉帛賊爲外府有能如色不染二擲金不盼者乎勦撫戰禦坐失機宜有能如斬寇立功破敵安亂者乎君父身家罔念重輕有能如許一諾而如

文水縣志

卷之十一

藝文

三

米世發重修文水邑乘引

余始至文而四睇美哉山河有巖邑之快也及式子夏之廬幾幸西河教化猶有存者已入而視政簿書漫漶莫得

要領亟索舊志攷之而更缺遺甚也爾時司農大夫王公奉命督餉延川適侍御鄭公讀禮家居余朝夕造請以發吾覆然後洞矚一邑利弊若以上池之水飲長桑君藥盡而見病者五臟癥結也三載以來得無負功令爰及考成余實大幸而私念啟迪之力及於一時記載之功詔於奕世復造請侍御公重修縣志而余捐俸餘鐫之侍御公許諾廼啟二酉之藏出九疑之辨總裁英聞博物之士而論定之余受而卒業而竊歎侍御公之大有造於文也夫記載之道與經濟之猷其益家國一也然非饒經濟之猷者必不能任記載之事侍御公起家鉅鹿再移唐山旋奉命

文水縣志

卷之三

藝文

四

代狩七閩鳴琴攬轡所至厝注批卻導窾遊刃有餘而以其維縣寓恢帝紘者諦按茲土宜其爲桑梓垂久遠者至詳核而切要也此何論斟酌今昔籌畫裨補足增山河之勝而裒譏取義提醒人心卽于夏文學將庶幾彬彬興焉余聆侍御公之教而受賜無窮也傳侍御公之志而邑若令亦愈世受其賜也梓成並附數語以引其端

王在臺重修文水縣志叙

乙丑秋余奉旨歸攝會米侯世發號桂源重新縣志稿脫而屬余叙余寡昧安能鋪張故實竟迫於長者命弗獲辭彊勉唯唯索閱其所爲編輯者卷凡十目從其類大約多



士翻檢一稟侯指授而刪繁收佚斷章取義則鄭柱史意  
葵公獨匠也意翁扞天聰之明識加以嚴核不爽故其辭  
瞻不傷體文不掩質如廣谷大川異形民生俗尚異趨田  
賦丁徭異數忠孝廉節異稟上下數百年文獻宛然在目  
展哉一邑之春秋矣夫文負晉陽百里望而知爲巖邑邇  
所該載舊有志自樊侯諱從簡修飭以後歲久漸遺雖規  
模大畧不盡泯而滄桑遞更星物非故能無勢重欲返窮  
極思變乎負擔適千里者尚必稽程故轍事不師古而嘗  
試其聰明猶之望溟適越耳此侯悵悵乎思一斗南也於  
是有輯志之役解者曰志記也其義從志從心不失其心

文水縣志

卷之十一

藝文

聖

乃爲志志蓋難言之矣吾文礪山帶河鍾靈特異而景行  
先哲卜子夏之逸蹟在焉當年雅重敦倫則惟是事父母  
竭力也事君致身也賢賢信友也夫此敦倫一心從不學  
不慮來卽不失其赤子之心心自不失則氣靜心共無失  
則情平氣靜情平山環水繞文脈原自旁皇藉表章而益  
烈夫且恍然於侯之嘉惠無已也方今時事孔艱議餉議  
兵時靡聖明宵旰而悉索敝賦吾文竭蹶以奉功令侯謂  
足國要在足民足民莫若因民日費幾許心力引文峪水  
以進城隈郊坳之內斥鹵變爲膏腴君子聽輿人之誦則  
封洫之著勞可思昔晉文公雄長諸姬富厚甲中原猶不

忘田賦乘馬管大夫作內政寄軍令齊國遂以沃壤成霸業夫孰謂侯之導水利植田疇非富民之足術而軍國之攸需耶余戶員也前此之酌濟無方繼此之生殖寡策故樂觀水政見文之流澤長而更以本心不失者仰止西河之文學聞風蒸起凡民可爲豪傑比屋成可封之俗士人多君子之行文之發源不旣深乎侯茲公政及矣不知其政視其志富强禮樂千古之勛猷爛焉而始信王道之易易也豈獨光昭史冊已哉若曰猶是志而已幅員布列如故文物迴環如故卽賦役煩興民風凋敝稍稍不如古初而培植化導侯之德意藹鄭柱史之程量森如所稱周禮

文水縣志

卷之十一

藝文

三

方氏之英謀司馬長卿之椽筆不多讓何侯余之喋喋爲鄭宗周重修文水縣志跋

文水古大陵之地易以今名蓋自隋開皇始說者曰河自管涔龍門而下至於峪口其水灤波多文因以命之亶其然乎癸亥秋蒲城桂源米侯世發初令文城不期月大治旋奉命借恂文邑以水旱之頻仍歲比不登愀然曰天下利害莫大於水與其氾濫以魚吾民孰若因而導之以爲利乎於是隨山鑿石濬澮漑田被美利者業浸濡於山高水清之澤矣越明年乙丑夏侯且徵討故實毅然以興起斯文爲已任謂邑志久湮如涉滄溟而亡指迷之車何以

資理爰延廣文趙君應徵庠彥孟生恕李生之芬馬生時  
行述蒐博採參以往帙其加意編輯則介請學博少川孔  
君煥修之仍屬余亦載筆從其後余以讀禮方闕病不敏  
辟辭者再四不獲命會司農大夫余業師肇區王君督餉  
延川予告還里竊幸得奉郢政因與諸庠友榘扉殫精刪  
煩補闕屬草具一一請之余師而總以折衷於侯之鑑裁  
蓋五閱月而脫稿首輿地以訖於雜記爲卷凡十爲目凡  
十有六舉山川之險易風俗之醜漓政治之得失人物之  
盛衰戶口則壤之數禮教武備之修靡不犁然臚列文獻  
庶其足徵哉余碌碌黜闇殊媿無能爲役梓且成侯復屬

文水縣志

卷之十一 藝文

三

余以一言綴末簡誼何敢辭嘗讀周禮外史掌邦國之志  
古者列國各有史史亡然後志乘作志固史之遺也文爲  
晉陽壯邑其君子悅於詩書其小人力於稼穡蓋有先民  
之遺風焉顧向也樸而今也巧向也固而今也侈民隱士  
風日新月異憂世者不無江河之慮賈生謂移風易俗類  
非俗吏所能而臨政思治不若尚友論世則文之所以爲  
文者可徵也夫日月出而天光煥時雨降而化澤溥自洙  
泗濬源以來得文學之精者莫子夏若試稽其序詩定禮  
講德西河肅然慕德而化者非吾文也與哉迄今仰止商  
巖百世之下恍然若親炙之猶未也嘗馮弔千古邈文明

之所自始則有陶唐氏之故封在緬維如天在宥饑曰我  
饑寒曰我寒有罪曰我陷耕鑿嬉遊會不足以慰其猶病  
之念天下稱至仁焉迺帝典不曰欽明文思則曰浚水傲  
予陶唐氏之心法固脈脈至今在也夫志者言乎心之所  
之也侯若曰人造於道而魚造於水殖田疇誨子弟無甯  
斬與茲土再覲於變之盛文學文思庶幾旦暮遇之而後  
可以上不負天子下不負寸心耳推此志也傳之則爲信  
史垂之則爲成憲彰往詔來方策具在侯之明德遠矣其  
所以大有造於文者豈有旣哉余學膚而識渺卑之無甚  
高論在文言文敬以聞之余師者聊以識侯之意云爾

文水縣志

卷之十一

藝文

四

國朝

郭超宗龍王山龍王廟增修碑記

文邑距城七里許四山疊出恍列翠屏山之腰有古龍王  
廟俯臨深谷叢栢環羅風雨之晨煙霏霧凝如有神靈出  
沒其間少折而西蜿蜒十武有泉一泓由石罅流出冽而  
甘雖秀麗不及雁蕩曲折弗比武夷然而西來爽氣豁人  
眉宇時值隆平恒有隱君子寄傲焉若夫中天令節重九  
登高不減龍山落帽時歲丙申明府劉公諱乃桂治文之  
明年祝融肆毒自春正月不雨至於夏五月殯首之歌遍  
野十干之望空懸公迺惻然撤蓋棄輿禱諸神祠已至龍

王廟齋沐竭誠禱未幾而甘澍被畝桑林自責響應不過如斯蓋公之蒞余邑也修城垣也而保障屹立葺學宮也而膠庠鼎新且子衿蒙棫樸之化百姓興孔爾之歌琴鶴之風不謂再見於今日也觀里人之謠曰通神明曰祝長生其與古輿人之誦同出一轍是以精誠上格蒼穹如師曠三奏而風雨驟集鄒衍吹律而陽和協應噫公之績茂矣澤溥矣迺明府不有而歸之龍神行且捐俸增創樂樓臺閣用事神明鄉人感茲義舉輸捨若流落成日問記於余余曰樂樓之制其事近戲若之何爲此也雖然亦有說順天地之體成萬物之性者莫善乎樂鈞天廣奏太清作

文水縣志

卷之十三

藝文

五

矣又况崇祀有歌祝頌有詩三百篇甚離離也哉樓亦古禮之遺乎至廟之東徧蹬道峻嶒拾級而上有亭翼然懸崖千尺雄風入座懍懍乎其不可留也手摘星辰殆謂是歟吾由是而重有感焉士人方布衣蔬食恒藉口以天地民物爲已任及一旦釋褐牧民又易其平時之守草菅民命魚肉生靈不知身居人上一念之公私恒與鬼神之禍福相隨而百姓視此爲休戚爲民父母蓋若斯之重且難也可弗慎與後之人登斯山也覩斯記也知鬼神非人實親惟德是輔凡龍神之霖雨降康皆我明府之濡潤攸渥也且將與蔽芾之棠歌咏德澤於不衰

曹珏卜子夏贊

於維先賢東魯嫡傳教衍西河洙泗源淵文學之科賢賢之誨億萬千年斯文未墜

又

於維先賢卓哉懿躅哲人已萎願言私淑七十維羣十哲維侶億萬千年高山仰止

田子方贊

於維子方先賢之亞藐視王侯景彼聲價子方何損子擊何益納履而去安往不得

段干木贊

於維干木踰垣斯奇脫然塵表文侯軾廬尊德自重樂義自足高臥原上秦兵不入

王响田子方論

昔田子方遇魏太子擊於道擊下車伏謁子方不爲之禮擊遂有富貴貧賤驕人之問識何淺也而子方謂士安往而不得貧賤遂以爲貧賤宜驕人也昔人已非之矣嗚呼子方豈真謂貧賤宜驕人哉彼誠見夫戰國之士嫌貧賤而趨富貴者朝叩關暮抵壁彈鋏於門曳裾於庭所在多有欲以驕之一字爲當世下針砭耳子方豈真謂貧賤宜驕人哉不然敬其父者不必兼其子楚太子恭之言子方

能述之於侍坐不起之日而反不能諭之於伏謁不禮之際也子方豈真謂貧賤宜驕人哉

### 段干木論

士君子之立身不視乎前之所爲而惟視乎後之所就苟後之能自進於善卽前之所爲近於卑屑而有所不必較如魏文侯式段干木之廬致敬盡禮洵以光乎地不若光乎德也富乎財不若富乎義也乃原其初干木固駟僮人也駟僮行至賤干木自恥其行卒折節受業於子夏故學日正則德日進德日進則名日隆設使干木自甘其所爲而不揆於道又何能使魏文侯過其廬而式之哉至於高文水縣志

### 卷之十一

藝文

罷

臥原上秦兵不入人多艷稱之夫燕兵不入王蠋之邑黃巾弗擾袁閔之間凡賢者皆所優爲是安得以盡干木耶吾於此不多干木之能解秦兵而多于木之能改行滌慮以自進於道也駟僮烏足以累人歟

### 陳明廷重修弔橋碑記

僕至文邑已數載凡舉動苟合於時苟便於民則無不欲爲雖才不能卽爲力不能優爲必期黽勉從事豈好爲是興工動役之舉哉勞於暫而逸於久無非與民休息之至意也本邑南門外弔橋傾頽已久時雨至輒流爲渠卽水涸而地勢不平行路之艱莫此爲甚竊欲修整之但念工

程浩大卽捐徵俸豈堪勝任爰請之正堂傅捐貲以給而紳衿商賈慨然樂助焉於以共襄厥事庶功成之後興作往來非敢曰每人而悅之也聊以期其合於時便於民爲後之樂樂利利者與爲謀始云耳

朱彝尊先賢卜子祠堂記

孔氏之徒身通六藝者七十子子貢以夫子之言性與天道不可得而聞曾子以魯得之至論文學必曰子游子夏孔子旣沒曾子之學羣弟子或未之篤信獨以有若爲似聖人而子夏居西河西河之人亦疑之於孔子若二子者將不得爲具體者與徐防之言曰詩書禮樂定自孔子發

文水縣志

卷之十三 藝文

四

明章句始於子夏蓋自六經刪述之後詩易俱傳自子夏夫子又稱其可與言詩儀禮則有喪服傳一篇又嘗與魏文侯言樂鄭康成謂論語爲仲弓子夏所撰特春秋之作不贊一辭夫子則以春秋屬子夏爲言其後公羊穀梁皆子夏之門人蓋文章可得聞者子夏無不傳之文章傳性道亦傳也是則子夏之功大矣而戴氏禮載曾子之言以於夫子罪子夏夫曰有子之言似夫子曾子聞之子游未之怪也其不從羣弟子疆者特以事之不可耳後世拘儒疑其說於廟庭之祀黜有若而進子張又或謂西河不當專事子夏由其過信曾子之言而未之繹也抑何其刺謬



與文水固當日西河之境也隱泉山之麓舊有先賢卜  
子祠丙午秋八月獲拜祠下縱觀昔人碑記往往僅志土  
木廢興及歷代封秩而已至其發明章句傳孔氏之學爲  
西河文教所自始顧不及焉私心竊以爲憾夫山水亭臺  
之勝卉木之華其有歷久不廢者遊人過之尙或覽物賦  
詩或題名鑱石其處况夫瞻先賢之祠宇卒無一言暢  
其旨其何以祛世儒之惑爰綴舊聞爲記亦以見戴記所  
載殆非曾子之言而六經之傳子夏之功尤多報祀之義  
蓋非獨西河之人宜然矣

祝德全修築孝義鎮獲河堤堰碑記

文水縣志

卷之十二

藝文

七

嘗思國以民爲本民以食爲生故耕耘不勤無以興其利  
而修築不齊無以除其害防河之事所由與勸農並重也  
本年沿河村庄大被水災本縣親臨查閱汾文兩邑二十  
餘村均受其害其源在縣屬孝義村東見有獲河堤迹詢  
問士民原係乾隆四十七年間值今現任撫憲蔣大人  
前守汾郡時查知此情會同汾文兩邑稟明上憲給賞  
官銀築成一帶堤堰以防河溢民被其澤今復被災由堤  
多年損壞但堤堰原貴不時修築方可禦水合行曉諭沿  
河士民知悉嗣後如爾馬村武度以及汾邑所屬百金堡  
冀鎮仁岩等村務照舊築堤堰加高倍厚及時修補庶乎

民安則官安不負 蔣大人當年之美舉本縣稟公曉諭  
興工之日不得有人攔阻倘有奸人阻撓並沿河種瓜菜  
人致堤損壞一經察出定行重究不貸茲立碑記以昭永  
遠遵之凜之

郭依山重修白衣大士閣碑記

文邑南關正西雉樓白衣大士像不知創自何代里之人  
春秋禱祀以求螽斯麟趾之祥重似續也先是鹽山令聖  
巖武公解組家居感其靈募衆修葺而令公之孫肖先尚  
志等以其祠宇傾頽而神像之漫患不鮮也謀諸里人又

更新之因以餘力重建其關門之障壁是役也無廢無侈

文水縣志

卷之十一

藝文

五

蓋距鹽山公之舉六十年於茲矣工既竣伐石以謀永久  
而徵言於余余以謂白衣大士蓋出於浮屠之說祀典不

載然上古有郊禘之祀昔者姜嫄簡狄嘗禋祀其處以弗  
無子生民元鳥之詩歌之以爲周人之所自始而商之所  
以發祥夫稷契聖人也履武吞卵之說前儒猶或疑之而  
謂聖人之生郊禘實誕降焉嗚呼其信然耶顧吾觀古神  
道之興義取諸萃立爲祀以萃萬物之誠恍兮惚兮若或  
憑焉用能凝其精氣而呵護其子孫則今 大士赫聲濯  
靈而使斯里之人凡或弗生與生而弗育皆皇皇焉奔走  
請命於其下亦固其所矧武君之爲是舉也承乃祖之志

孝也爲里人圖利其後嗣慈也事僉謀於衆而里之人莫不相與有成義也是皆可書也爰勒諸石使後之覽者有以繼焉

王鍾健大象村重修孔子廟碑記

余嘗遊覽四方每至其地必詢其風土人情與其祠宇臨觀之盛而其間棟桷崔巍金碧輝煌者往往爲奉佛之地自通都大邑以至荒村僻巷皆然異哉何奉佛之謹也夫古今忠臣孝子神聖賢人其有功於民者何限而祀享闕如豈佛教之感人有加聖賢耶抑人之奉聖賢反不如其奉佛耶吾邑大象村舊有先師孔子廟歷年旣久漸就傾

文水縣志

卷之十二

藝文

五

圯今歲庚寅里人起而新之將勒石以垂永久欲予一言以爲記余考漢高以太牢祀孔子嗣後歷代帝王隆禮備臻久而益盛至我朝重道尊師自太學至各府州縣其學宮之煒燠祀典之尊嚴已詳且至前歲己丑二月太學又廟告成天子親臨釋奠余小臣備員詞館叨陪祀事覩宮牆俎豆之盛禮儀法物之美慨然思至聖之休光與盛朝之禮數有相繼而益彰者然則我孔子祀典之盛又豈在區區鄉里間耶大象村卽廟祀孔子又豈必靈之果陟降耶雖然余嘗觀蘇子記韓公廟碑云公之神在天下者如水之在地中無所往而不在也文公且

然况 孔子乎大象人苟能竭誠致敬慍乎與如在之思則安見 至聖之靈不鑒其誠而臨耶况當世所謂棟桷崔巍金碧輝煌者不過爲奉佛地而大象之人獨知立孔子廟而祀之其識見之高下又何如也余故嘉其意而爲之記

王鍾健重修麻衣仙姑廟碑記

南華經云藐姑射之山有神人居焉肌膚若冰雪綽約若處子不食五谷吸風飲露乘雲氣御飛龍而遊乎四海之外其神凝使物不疵癘而年谷熟閱其言若河漢之無極也既而思之神人無功而其爲功也滋大又何疑焉余邑

文水縣志

卷之十一 藝文

五

桑村素有麻衣仙姑廟不知創建所自始父老所傳聞生於汾邑洪哲里隱於石室靈泉洞麻衣草履修煉成仙嗣後凡遠近居民有求必禱無禱不應感通之妙不可思議歲旱祈雨甘霖應禱而施更屢著靈顯記日有功德於民者則祀之茲之所建諒非淫祀可知第厯年既久上雨旁風不無剝落其何以妥我仙靈里人公議於壬辰年重加修葺閏乙未年丁亥月告竣金碧輝煌廟貌巍峩落成之日而請記於余余不敢以不文辭嘗考神仙傳王方平降蔡經家遣召麻姑既至舉家皆見之乃十七八好女子於頂上作髻餘髮散垂至腰手爪如鳥謂方平曰自接待以

來東海三爲桑田向至蓬萊水淺於往昔過半行將復爲陵陸矣方平謂經曰姑神人也又秦時麻姑爲始皇監築長城性嚴酷督人夫必雞鳴始息其女憫之假爲雞鳴羣雞鳴民得少息後仙去人亦稱麻姑云今之所祀者其卽昔之所傳與抑別有其人與是未可知也要之仙佛菩薩皆以慈悲爲心今邑人祇奉仙姑極其誠敬如此吾知仙姑之靈必歡喜踴躍被髮大荒以呵護於此也而今而後老者壽康幼孤遂長五谷登而百物昌凡我桑梓敢忘多福之貽哉爰是爲記

神仙之事本涉虛無文亦空靈曾題第以麻秋爲始皇

文水縣志

卷之十一 藝文

五

時人誤矣

郭温重修真武廟碑記

真武者元武也其謂之元武者何元武之名見於曲禮而位於北者也考之天官虛危二星如龜而騰蛇在虛危度之下北方地陰而龜蛇皆陰物也故象之其色元神有鱗甲見武象焉故謂之元武也宋真宗避祖諱改元爲真謂之真武真武者實北方元冥水神也而世之傳真武者則盛稱其出家修行之事彼五花聚頂萬劫不磨謂之得道究亦道其所道非聖賢之所謂道也桑村西舊有真武廟嘉慶五年邑人重修之其廟小其工省其費約囑記於余

而余才又拙是安得有宏章鉅製哉第謬參辨議而真武之所以爲真者庶以見廬山真面焉

舒毓楓葺安軒跋

官之視衙署如傳舍然苟安而已昔叔孫穆子所居一日必葺郭有道雖逆旅必灑掃而去無他無所苟也君子之於民亦無所苟而已矣文邑治事廳後有陶穴三敗溼不可居余蒞任後卽捐俸改構高屋五楹翼之以廡四層臺小榭軒然爽塏所以成安非以求安也葺而後安於民事何獨不然顏之曰葺安志所以治斯邑者亦不敢苟焉已耳

文水縣志卷末

志餘

志各以類何爲乎餘曰今志以沒世之名爲定惟節孝年六十者不在此例其他嘉言懿行現存者皆不得書杜請託也雖然人非有大功德照耀耳目迨至風微人往文獻無徵亦忘之耳如續志人物初無幾人二百年來必多湮沒不傳者矣茲特附於卷末以待後之論定且以嘉旣往而勵將來設也名敗於已成行隳於末路公是公非難掩衆口今日登之他年削之亦其人之自致於志者何尤焉他如事涉吾邑或其人雖往猶存一

文水縣志

卷之末

志餘

二軼事者亦著於篇

劉偉陝西朝邑人明正德間爲邑令有政績祀名宦後擢監察御史尋轉兗州知府得仙術尸解後隱平定山中爲人推命多奇中平定人甄給事成德歸德知府李念與弟鳳陽知府愈爲諸生時皆從之遊至省陳中丞琳曾與同臺偉卒究時琳巡按其地親弔之後識於市令家僮呼與俱來笑迎之曰人謂公仙去今果然能飲否應曰能能燒酒否笑曰君疑爲鬼物以燒酒相苦耶出一甌飲之輒盡後寓韓總兵家省臺聞而造之內有韓玉泉者偉甥也呼爲舅偉拂以手曰錯認方據牀繩麻

以手指某公某公皆若素識後不知所往此亦樂巴王喬之傳也

邑人王道立道光甲辰進士官陝西大荔知縣方病革時大荔鄉人有夜行者途遇儀衛騶從甚盛問所往曰澄城縣城隍赴任者懼伏道旁少頃肩輿過竊窺之則道立端坐其中歸以語人咸笑其妄異日聞縣官卒於署卽所遇時也道立歷任蒲城等處皆有惠政歿而爲神理或然歟

生員李廷楫武良村人孝友忠厚鄰族稱之嘉慶十六年閏三月其村新莊街爲塞東流水道與張某成訟邑侯

文水縣志

卷之末

志餘

二

郭公詢於廷楫對曰沿舊例隋道取土俾水東流入池積潦得有所歸並無害於張舍塞本不應訟亦多事郭侯親詣勘驗如李言案遂定里人以一鄉善士匾表其門噫今有唆人爭訟好刀筆務欺誑者以視廷楫詎非覩然人面哉

王體文武度村人萬洪子慷慨好義有父風均賦役釋爭訟里黨咸奉其教性尤急公家非鉅富凡捐輸七次無吝色皆黽勉從事

武大啟南街人由監生捐州同九歲失恃年二十父復歿哀毀骨立事繼母撫幼弟以孝友聞凡邑中修理城工



書院等役咸推大啟主其事經畫井然一絲不苟平日非公不至勸捐四次以直道行之前撫院恒公福旌以功同濟饑四字現年七十四歲子顯文任事亦不避勞怨

附貢生成濬知州錫瑜子數歲父歿生母王氏明大義撫以成立訓誡維嚴入泮後遂不復試家居奉母束脩自好勸捐辦賑人無間言未嘗恃其家世與人爭訟亦不干謁有司恂恂如也子桂森年未弱冠已列邑庠誦讀精勤後起之秀

李沛杜村人慷慨好義賈於都門光緒三年旱南齊村築

文水縣志

卷之末 志餘

三

堰引汾水灌地村人亦欲以工代賑而苦乏資沛獨貸數百金以成其事至秋獲豐收全活甚衆又由都中各同鄉勸捐銀數百兩歸賑本村里黨義之

劉德義下曲鎮人父士敏母李氏皆有痼疾奉事維謹妻郝氏能代子職德義經商於外氏事舅姑尤力年洎五旬始生一子且慧人謂夫婦孝感所致

閻和厚廩貢生張家莊人敦品苦學耄而不倦家世寒素安貧自守未嘗一涉訟事先是邑書院久廢每遇新官至和厚必稟請興復凡三十年具稟二十餘次人笑其煩弗顧也前邑侯丁公黃公今邑侯楊公陸續建房舍

籌經費、延山長給膏火捐獎賞一一舉興亦和厚有以  
啟之今年八十有四矣肄業諸生僉謂其苦心不可沒云  
范啟堃記劉觀珩事

劉觀珩小字竈狗兒父北海北齊村人咸豐九年代人買  
茶於湖北時茶商富金錢揮霍自如海家已有妻復娶  
襄陽榜人任大貴女爲室相得甚歡次歲正月父病甚  
得家信促令速歸是時任女已孕相對泣涕乃分藏玉  
條脫各一枚堅訂後期而別抵家父已卒主人又因其  
折閱辭去之頃之妻王亦死遺一女繼娶李氏北海旣  
失業家計日蹙不復與任通音問同治八年兄福海歿

文水縣志

卷之末

志餘

四

同鄉之客楚者訛傳北海死任爲設位成服無復他望  
光緒三年夏大旱二麥無收北海病且饑一妻一女行  
偕填溝壑偶赴村外拾薪遇少年自遠至操南音問是  
某村否曰然有劉某者家何在曰問之何爲曰是吾父  
也海愕然轉詢所據出條脫及任氏書驗之而信乃曰  
我卽北海也少年泣拜相將俱歸悲喜交集顧竈突不  
黔僅餘敗屋少年出金購粟海與妻女始得一飽先是  
任氏留襄旣於七月生兒六歲母爲定嫻鄒氏八歲入  
塾從漢口吳秀才讀命名觀珩旣得北海凶問旋知其  
悞任屢寄夫書皆不得達觀珩頓悟十四歲能爲文師

異之常藉以策羣兒羣兒嫉且誚之曰汝無父雖讀何益歸詢於母具告之卽欲爲尋父計母不可請於師亦以幼阻之勸待少長及是聞晉饑亟請於母母欲其畢媼始行觀珩固不從隻身遠來竟得相遇年甫十八也未幾攜金罄乃爲人傭耕掘野菜和糜以食父至五年正月謂父曰是不可長兒且歸楚貨贖產來此以圖久聚遂辭去咸疑其必不復來矣觀珩二月至襄三月母爲娶婦倉猝間產不得售會婦又有身至六年四月始奉母挈妻子來晉以所攜金置薄田家以小康今北海五十一觀珩二十二已生兩子噫若觀珩者可謂孝矣

文水縣志

卷之末

志餘

五

范啟堃曰劉北海一薄倖不才人耳旣娶任若忘家有妻在又娶李復忘楚有任在且以遊蕩失業爲人所棄設其子至稍遲爲餓殍而已幸觀珩天性肫摯千里尋父非特得免於饑且易貧乏爲小康擁兩婦得一子二孫焉天之報施固不可知而觀珩之孝思弗可及已曩聞是事深切表揚適楊君蔗民召而獎之見其恂恂儒雅不類闖闖中人問昔所業曾讀四書及詩書易禮習八股爲半篇文今已棄而賈矣或且惜之予謂不然昔賢卜子以事父母能竭其力謂之已學今之學者不過博科第爲仕宦計耳使觀珩充其愛親之心以爲善異

日者恤親鄰和鄉黨好義輕利排難解紛力所能爲有以及物皆事業也何必讀書且好官不過多得錢又何嫌於賈仕宦而貧無以養無功德及人甚且不賢有不  
如賈人者矣文邑近西河獨不聞段干木始爲何如人哉觀珩勉之俾他年續志者樂秉筆而爲之屢書不一書是楊君與余嘉許之心也

楊恩溥霍烈女傳

烈女霍氏邑東莊村民霍建盛女幼字南城都人李長齡比長長齡貧情不才建盛悔之將以女別字女旣不可亦未有間也會光緒三年秋大饑長齡益困建盛召之至諷文水縣志

卷之末

志餘

六

令退婚且啖以利長齡欣然書券持金去建盛喜以券示女曰李氏子貧而不才一身不自保已退婚矣當爲汝擇佳耦女愕然曰壻貧不才天也兒字李氏有年人誰不知安能事二姓兒又無罪李氏子何得絕我自是恒涕泣不樂女固有姿問名者麇至富家子某禮幣豐厚衣飾爛如建盛大悅受其聘並以示女冀移其志女畧不顧瞻猶謂絕婚非壻意潛怨鄰人約長齡面詰之囑早完娶則辭以貧女曰此何時尙論貧富耶但以車來誰云不可又以無資辭女出平日十指所積錢數千授之曰持此以往可速圖之得至君家餓死不悔異日君力田我佐以針黹亦可生

活保不以衣食相累也忍死以待稍遲不得爲李氏婦矣  
涕泣與訂期揮之速去長齡僞諾歸逾期不至而某姓迎  
娶日近女復挽鄰召其壻且責失期長齡無意得婦寄語  
與訣謂贈錢已罄行填溝壑善事他人無作癡想女大慟  
知事不可挽乃仰藥建盛百計營救不肯服大怒譙訶  
之女曰生爲李氏人死爲李氏鬼復何言瀕死叩頭謂父  
曰願歸骨於李氏語訖而絕時年十八建盛大志置弗顧  
鄰某憐之爲具薄槨葬之李氏之坐以遂其志長齡卒流  
蕩餓死嗚呼如霍女者可謂節烈性生者矣女之所天者  
夫也不得於父猶可忍也夫也不良則望絕矣而女不以

文水縣志

卷之末

志餘

七

貧富易其心雖烈丈夫何以加焉當饑饉時婦女流離不  
可數計其上者乃淪爲婢妾下此自非玉碎罕不失所女  
獨委曲求全迨至事不可爲從容就死不爲悻悻對親之  
舉尤可嘉哉倘得遂爲李氏婦卽飢餓迫切亦必不肯覩  
顏苟活可知何則其志素定也謂非節烈性生者歟生員  
郭儒與霍同里舉以告司訓李君養靜李君述於余余曰  
是可爲邑乘光矣因次其語而爲之傳且繫以贊曰麝雖  
糜香愈烈女雖死名不滅貧能安富弗屑父旣貧夫則劣  
蘭摧玉折獨全節一朝仰藥真決絕與爲生離甘死別生  
不同衾死同穴吁嗟烈女心如鐵

楊恩溥攀龍臺攷

往蹟之顯晦詎不係乎其人哉如舊志載攀龍臺者何湮  
沒而不彰也考新唐書武后紀載士護始娶相里氏又娶  
楊氏楊於咸亨元年卒追封魯國以王禮葬咸陽永昌元  
年號士護周忠孝太皇楊忠孝太后以文水墓爲章德陵  
咸陽墓爲順義陵既革命詔文水縣爲武興以始祖家爲  
德陵睿祖爲喬陵嚴祖爲節陵肅禮爲簡陵烈祖爲靖陵  
顯祖爲永陵章德陵爲昊陵後改署昊陵爲攀龍臺又攷  
士護傳后於東都立武氏七廟先天中詔削士護僞號仍  
爲太原王廟遂廢云云既明言以文水墓爲章德陵爲昊

文水縣志

卷之末

志餘

八

陵爲攀龍臺是士護與其祖墓俱在文水無可疑者今則  
久迷其處惟縣北有武陵村以名揣之似諸武之墓皆相  
距不遠而莽莽平原初無斷碣殘基可以蹤跡豈地近文  
河久淪巨浸中歟抑先天毀廟之時並其墓夷之歟皆未  
可知然昔賢子夏設教西河去文尙遠今則邑之西南卜  
山存焉其爲誦讀之地杖履所經亦未可必而人且爭之  
以爲快從可知不朽之名非陵谷可變遷而蹟之顯晦必  
以人傳也士護往矣其賢否何足論吾獨惜李嶠之片石  
亦與偕亡耳倘使古蹟巍然餘文可讀方且剔蘚剝苔摩  
挲捶拓上滌夫歐虞褚薛之遺豈非搜采金石者一快事

哉

范啟堃記弓孝子事

弓天吉者邑北張家莊人家貧業庖其事親也必恭心謹  
婉容愉色見者意怡母歿事父益力父偶患癰閉醫藥弗  
效宛轉牀席脹欲死天吉泣涕乏策詢諸人有給以爲親  
吮疽事者歸請於父不可再三言父不得已勉從之竟愈  
此二十年前事今其父八十三弓亦五十有九孝養如曩  
時人嘖嘖樂道之適修邑乘貢生閻君爾梅膺采訪任舉  
以告如此且曰梅非有私於弓也弓業賤士夫弗與伍事  
又不經顯俗日媮矣願志之以勵衆余曰是可以愧世之

文水縣志

卷之末

志餘

九

薄待其親者矣遂志之或曰是不典而行甚愚盍去諸余  
曰否孝庸行也而其事每至奇往籍所傳有割股割肝者  
滌穢嘗糞者糞至污也孝子竟忘其不潔何哉彼其心祇  
知有親耳天吉素不讀書一聞人言效之弗顧其心亦惟  
是求愈父疾耳初不知是卽所以爲孝又遑稽其典與不  
典哉彼夫吮癰舐痔之流犬吠雞鳴之行趙文華刻名虎  
子郭宏霸染指厠踰虧體辱親醜然爲之而不恤以視天  
吉賢不肖更何如也又其愚之不可及也抑又聞之啜菽  
飲水盡其歡斯之謂孝天吉一庖人刀匕是供傭值有限  
而其父乃耄健如斯意其平居名養必有以甚娛其親者

愈疾一事特其彰彰者耳是爲記

### 陰步霞燈山寺記

周家山村距邑西北二十里與熊耳山隣其東建燈山寺不知所始故老傳聞昔有優婆塞元貞者汾陽仁岩里人也因賞熊耳牡丹之盛經此止宿夜漏將半忽覩村東大山中萬木森繞佛火晶熒爰有琳宮玉宇之麗與梵唄讚佛之聲恍兮惚兮若近若遠而不可終窮焉且詢村人曰是山也南倚疊嶂北枕層巒蒼松綺望列柏飾巖石壁峭立且乎其間時見燈火通夕熒然懵不知其所以僉名之爲燈山元貞曰嘻是爲佛火神之所依若建道場靈其妥

文水縣志

卷之末

志餘

十

之襄茲善舉是所望於諸檀施矣僉應曰諾元貞於是發勇猛心誓堅定力諏吉興工欲鑿石壁爲三洞堅拒鎚鑿乃伏地膜拜以祝石落如腐青然中開露法象三莊嚴妙好出自天工萬衆和南稽首稱異遂於其地造寺一區名以燈山復立勝會今不知幾何年矣寺經屢葺完好如昔每值會期與風清月白之夕猶時見佛火上下山谷間通宵朗燭焉

### 憫荒吟

乙卯 李鍾英 邑人 副榜

荒旱連年草不生枉拋心力盼秋成眼看赤地真千里蠲賑頌施感 聖明



此番饑饉莫言貧高屋肥田亦等倫典賣無人承手去死時還是綺羅身以下富室

圖書名蹟盡前賢祖父搜羅費萬錢盡被收荒收拾去換將一飽也欣然

農民屢次苦無年羅掘難將歲月延戚友鄉隣無可告家家同病不相憐以下貧農

連日家家爨火寒米珠騰貴糶來難親生兒女甘拋棄祇爲多分一口餐

道上生人似餓鴟手中奪食急奔馳可憐依舊填溝壑縱飽飢腸到幾時

文水縣志

卷之末

志餘

十一

到得饕餮不繼時學生个个盡流離寒氈獨坐蕭齋裏滿腹文章餓不支士

囊金裘馬走通關欲顧家鄉水復山祇惜人來遲半月有錢難寄鬼門關商

竟日傭工數十錢那堪斗米值三千情勤一樣無生路祇有前途是九泉工

飄飄弱絮忽沈淪片片飛花落錦茵餓死從來說事小更多玉骨委輕塵婦女

孤孀相伴走郊原匍匐荒田掘草根凍餓嬰兒啼不住斜陽平野暗聲吞孀孤

年年璋瓦賀新生何事今年少降庚凍餒迫時人待斃閨  
房兒女也無情

年終剩得幾家存免賀新春各閉門柏葉桃符無瑞彩滿  
街塵土一荒村

四郊殫瘁花含淚千里人稀月自明獨伴孤燈村寂寂通  
宵雞犬不聞聲

幸蒙 大憲撫人民乞糴分金遍省隣疏奏

九重頒惠典萬民千里慶回春

丁丑戊寅之荒爲二百餘年所未有誠有目擊心傷  
不得已於悲歌者茲於二十首中選刊十五首以備

文水縣志

卷之末

志餘

七

采風之選語語紀實不失竹枝遺意至晉民素鮮蓋  
藏不知積粟如憫富諸作喚醒不少後之覽者庶知  
稼穡維寶乎

補遺

劉體仁字敬亭增廣生安仁都人自幼失怙家貧以教讀  
餬口後因母老多病家居奉事男耕讀女紡織爲養親  
計依依膝下數十年如一日外祖母無子體仁承母志  
養生送死始終無間言又創修宗祠置祭田春秋率族  
人祀先以昭親睦子四孫八曾孫十二元孫五同治年  
間里爲立五世同堂匾今裔益蕃衍僉謂孝行之報